






13

6 . F . 6





IACOBI SADOLE
TI EPISCOPI CAR
PENTORACTIS IN PAV.
LI EPISTOLAM AD ROMA
NOS COMMENTARIO
RVM LIBRI
TRES.



AD LECTOREM.

Exeunt iterum à nobis, Lector, Iacobi Sadoleti Commentarij, multa diligentia ab autore nunc demum recogniti, & locis quàm plurimis ab eodem tum aucti, tum immutati. Tu uiri tam integri, & religiosi tam sanctis religiosisq; lucubrationibus fructe, & nostram tibi deditam operam atq; laborem ama.



VIRTUTE DVCE,



COMITE FORTVNA.

SEBASTIANVS GRYPHVS
GERMANVS EXCVDE
BAT LVGDVNI,
ANNO
M. D. XXXVI.

Ex Legato Illustriss. Forim.



AD FRANCISCVM

GALLIAE REGEM CHRISTIANIS,

SIMVM IACOBI SADOLETI EPISCOPI

Carpentoracis de dedicatione commentariorum
in Paulum epistola.



QVOD uirorum bonorum semper esse du-
xi, eorumq; qui Dei ueri colentes, & Chris-
tianæ religionis studiosi essent, ut cum eam
ipsam religionem nostra hac ætate nouis
quotidie seditionibus agitaram, & multitu-
dine oppugnantium uehementer laboran-
tem cernerent, pro sua parte quisque ad
ferendam opem concurrerent: Idem ego
quoque Rex omnium maxime ac Christia-
nissime FRANCISCE pro mea facultate
iamdudum facere meditatus, sæpe ea de
cogitatione uarijs rationibus depulsus sum. Nam nunc me ingenij mei par-
uitas, interdum tanta ista temporum perturbatio dehortata est; nonnum-
quam etiam ille metus, illaq; suspicio animum meum retardauit, quòd in-
telligebam, id quod uideram iam accidisse permultis, quodcunque ego scri-
pissim, quamuis id pie ac religiose scriptum esset, non eos solum, qui pa-
lām sunt aduersarij, nam hi quidem minus pertimescendi sunt, sed socios
etiam mecum eiusdem & uoluntatis & sententiæ maleuolos aliquos inter-
pretes meis scriptis non defuturos, quo non leuiter uitio nostra ætas inse-
cta est. Postremo in tanto numero eorum, qui aut scripserunt antiquitus,
aut quotidie scribunt, partim sanctissimorum hominum ac doctissimorum,
partim calliditate magis, & uersutia quadam, quàm pietate uera Christiana
scripta tractantium (nam qui apertam impietatem præferunt, eos in do-
ctorum numero non duco) existimaui meum nomen neque adepturum au-
thoritatem inter tot egregios, neque habiturum pondus ad reprimendum
insolentes. Quòd primum illud insignem quandam, & omni florentem
orationis copia doctrinam postulat, quam ego in me esse non agnosco. Pos-
terius autem sine priore nullius omnino ad coercendum & comprimē-
dum momenti est. Sed etsi tot causis, & tanquam obicibus à scribendo sæ-
pe iam deterritus: tamen reputans identidem ipse mecum omnia à nobis
prorsus debere Deo, cuius celestibus diuinis que beneficijs non solum
cum humano genere communiter, uerum priuatim ego etiam, & proprie
multis magnis que sæpius affectus sum, nihil sum ratus ualere apud ani-
mum meum oportere, quod me ab exercendæ pietatis studio retraheret.
Etenim si ingenium præcipuè à nobis Deus requireret, petere id uideretur,

A 1 quod

quod nō est nostrum: quicquid enim ualemus ingenio nostrum unusquisq; ab Deo totum obtinemus, nullāq; nostrā in ea re quidem existunt partes. Verū ille à nobis non tam ingenium, quā uoluntatem bonam poscitur, quæ aliqua ex parte est etiam nostra: hac enim & pietatem sanctitatemque sponte colimus, & per hanc ad Deum, ipsius iuuante gratia, proxime nos adiungimus: cuius nostræ Deo uoluntatis oblatio cum libera nobis sit, cum aliàs semper, tum hoc tempore potissimum in honorem illa & cultum eiusdem Dei à nobis adhibenda est: temporum autem perturbatio ea ipsa est, quæ hoc maxime exigit, ut in hanc curam, & studium iuuandæ religionis totos nos dedamus. Moueri porro obtestationibus maleuolorum, infirmioris animi est, quā ut uideatur uirtus Christiana, & erga proximum charitas id posse concedere. Quod uero tam multi ipsidem de rebus & scripserint olim, & quotidie scribant, detertere nos non debet. Siquidem neque ij, qui ante nos exiuerunt, fuisse ipsi deterriti. Quapropter cum iustiores multo, & grauiores causæ sint agendi mihi aliquid quā cessandi, non dubitauī ad extremum ea, quæ intra domesticos parietes multis diurnis, nocturnisq; lucubracionibus, multa cura, uigiliisq; elaborata mihi essent, quæ quidem ad aperiendum fidei CHRISTI mysterium, & ad doctrinam beatæ uitæ pertinerent, in uulgus publicè proferre, tua præsertim secundum Deum præstantissime Rex uirtute, sapientia, autoritateq; consiliis. Ex enim tu cum eis maioribus sis ortus, qui omnia sibi pro fidei ac religionis tutela, ac propugnacione, & facienda temper, & subeunda esse duxerunt, ad hanc illorum præclarissimam mentem, cum cæteris ipse rebus quamplurimis, tum occasionibus temporum superior accessisti: fuerint licet graues sæpe antea motus, & multorum dissensionibus infesta tempora, uirtusq; maiorum tuorum in illis tum temporibus spectata atque eminens: nunquam tamen neque tantum exiit in Christiana fide dissidium, quantum hodie extat, nec tanta uirtute animiq; magnitudine obuiatum est, quanta tu maximarum nunc nationum, quæ tubditione tua sunt, & pericula eiusmodi propulsas, & mederis incommodis. Nec uero solum autoritate, & imperio, & magnitudine potestatis Christianæ fidei consulis & religioni: sed comitate etiam & hortationibus tuis facis, ut nos qui leniorem illam uiam docendi scribendiq; sequimur, tua libentius causa ad hæc studia nosmet conuertamus. Meministi enim profecto, & quo tempore primum fratris mei filium officij ad te causa salutatum misi, & postea cum bis, Lugduni primò, mox Auenione eodem egomet munere apud te functus sum, mihi omnia mea studia tibi deferenti, te fuisse autorem, ut in his potissimum insisterem argumentis & literis, quæ Christianæ rei possent esse utiles: meq; opus, quod in Pauli epistolam ad Romanos in manibus tūc habebam, ocys ut absoluerem, etiam hortatum esse. Quod feci sane accurate quoad potui, consecutumq; librum & absolutum tuo nomini Rex fortissime inscripsi, ac dicaui: non id quidem spectans, ut ex illo quidquam in tuam laudem redundet, siquidem neq; ex flammulis quæ è

lychnis

Ichnis præluccunt, Solis lumen fit clarius : sed ut mea scripta, quod suis opibus ipsa non queunt, tui nominis gloria opinionibus legentium melius commendentur, sintq; ad conferendas in mentibus hominum pias & sanctas rationes efficaciora. Nam quo illa splendidiore titulo, aut qua grauiore ornari autoritate possunt, quàm eius Regis, in quo amplitudo maximæ potestatis magnitudini animi nequit esse par: qui altitudinem fortunæ suæ, humanitatis & liberalitatis laude superauit? cui tot & tanta adfunt à Deo bona? & quæ præterea ipso eodem adiuuante Deo sibi comparauit, plurimarum artium rerumq; scientia, multarum etiam usus in maximis rebus & sciendi & administrandi animus, consilium, comitas, eloquentia. Quæ insuper omnia cunctarum domina uirtutum pietate erga Deum religio necq; exornantur : quam nos in te diuinam imprimis eximiamq; uirtutem FRANCISCE Rex spectantes ac uenerantes, cum hæc tibi nunc damus, quæ adhuc nobis effecta sunt, tum alia quoq; si uita suppeditauerit, sumus daturi, ad hunc eundem religionis honorem & defensionem Christianæ ueritatis pertinentia. Quandoquidem necq; mihi quicquam magis conandum

& contendendum est, necq; tibi præstandum, atq; efficiendum, quàm ut incolumis cultus præpotentis Dei, & quæ line eo cultu consistare rite non potest, iustitia, continentia, pietas, hominum mentibus & studijs iam propè dimissa restituantur. Quod Dei primum ope, tuaq; deinceps de Christianissime Rex uirtute alioquando factum tri sperare iure omnes & possumus, & debemus.



IA SADOLETI EPI⁷

SCOPI CARPENTORACTIS IN

PAVLI EPISTOLAM AD ROMA

NOS COMMENTARIORVM

LIBER PRIMVS.



AEPE mihi cogitanti de Christianae fidei primordijs, & ipso ortu religionis nostrae quae à cruce, & morte, & ab eis denique initijs profecta, quae maxime contraria, plurimumque repugnantia humanis studijs, & opinionibus sunt, in eam nihilominus crevit amplitudinem, ut cunctum ferme terrarum orbem quodam tempore ad cultum sui, venerationemque converterit: cum uis ipsa coelestis numinis & bonitas praepotētis Dei uersatur ante oculos, quae hoc maxime mirabili, imprimisque insolito genere se ostendendi parere uoluit: tum uero duas reperio uirtutes, humilitatem animi uidelicet, alteramque charitatem, quarum neutrius uim cognouit antiquitas, huius praecleari operis & institutrices initio fuisse, & ad hoc tempus esse conseruatrices. Atque harum quidem, quas dicimus uirtutum, & quibus laudem, ac decus & constituitur, & auctae Christianae religionis ascribimus, hoc & ignorata apud ueteres, & nobis, qui ad ueram Dei cognitionem accessimus, facili, & prompta fuit indagatio, quod illi ea, quae gerebant, quaeque meditabantur, omnia ad opes sibi comparandas, ad cupiditatem, ad dignitatem, ad potentiam suam reuocabant, studiumque omne suum in eis cogitationibus ponebant, per quas & ualere opibus praeter ceteros, & excellere industria prudētiaque existimarentur. Nos uero Doctoris nostri CHRISTI exemplo, monitisque edocti, in humilitate animi magnitudinem nostram, & in procuracione aliorum utilitatis posthabita nostra omnem spem adipiscendae felicitatis posuimus. Ac nequis sacrarum imperitus rerum forte mietur, qui stent ista simul, possintque in unum cohaerere, magnificari in humilitate uidelicet, & in neglectu propriorum commodorum beatum esse, cum haec pugnare potius, & inter se esse aduersaria uideantur, is conuertat animum ad ea intenda, quae in Christo IESU domino nostro incredibili modo facta sunt: desinet mirari profectio hanc congruere in membris discrepantiam, cum in capite ipso tantam rerum omnium maxime contrariarum concordiam inter se, consensum nemque aspexerit. Etenim si quod maxime diuersum, & remotum sit in oppositione attendimus, quid est à terra, quam coelum disiunctius: & quam ab homine Deus: si quod infestum inter se & inimicum, qui potest esse mortem cum uita conuenire, gloriam cum dedecore, infirmitatem cum potentia: Quae tamen in illo sic omnia coeuerunt, ut ad ea bona, quae is & summa, & immortalia est adeptus, ab his extremis, & contrarijs malis fuerit gradus, uel potius ex istis illa extiterunt. Neque ipse in se tantum haec, quae suapte natura sunt disparata, coniunxit: sed eadem quoque in nobis uoluit coniungi, ut cum ipsius ingressi uestigijs instituissemus eadem adepti bona, nouique ciues, & incolae coeli effecti, terram in medio astrorum collocaremus. Sed quoniam de his aliud ad dicendum dabitur tempus, satis de eis sit in praesentia dictum. Ad illas deinceps ueniamus uirtutes, quarum modo à nobis facta mentio est. Esti enim hoc tempore non ad nostrum scribimus arbitrium, sed in aliorum diuinitus scripta commentamur: tamē de eis aliqua praefari uirtutibus, quae praerunt nobis, & magistres sunt ad beatam uitam non cognitione solum, atque scientia, uerum etiam usu, & fructu comprehendendam, nonnihil ad id quidem, quod institulimus, pertinet. Ac humilitatis quidem hoc

dem hoc primum & præcipuum donum est quoddam diuinarum notitiarum rerum absque ea habere non possumus. Credere enim est necesse cum, qui ad eas uelit intelligentiam penetrare. At nemo id facile agit, qui sit sibi ipse confidens. Porro ceteræ artes & scientiæ illud ipsum possulant, ut qui ad eas ingressurus sit, callido is sit ingenio, atque magno, nullique rei facile assentiatur, sed certam rationem in omnibus, argumentationemque requirat. Nostra uero hæc, quæ sola ueram in se continet sapientiæ facultatem, sacrarum rerum, literarumque cognitio, tametsi ea summis, atque altissimis diuinorum consiliorum mysterijs referta est, nullis tamen ingenijs, nisi credulis, atque simplicibus percipiendam se præbet, generique nouo instituendi, & docendi prius per suasos uult esse sectatores sui, quam aliquid illis ipsa persuadeat: prius ut credant, quam doceatur: prius ut ament, quam nouerint planè, quid illud sit, quod ante omnia illis est amandum. Eadem quoque elatos animos, & appetentes gloriæ imprimis aspernatur, & repellit. Astutiam, audaciam, confidentiam ne inueniat quidem. Simplicitatem amat, huic sese dat: hanc benignissime complectitur. Humilitatem ipsam, & puros, credulosque bonarum mentium cogitatus adhibet libenter ad secreta sapientiæ suæ, omnesque illis thesauros suos ostendit, atque offert. Ad quos qui illo fidei, & humilitatis aditu intrare meruerunt, o semper illam quidem eximiam ac præstantem, sed nunc in hac ratione benigne faciendi singularem profectio, & inaudita Dei beneuolentiam erga nos, ac uere in omni genere infinitam bonitatem, quantum illic celestium diuitiarum, atque opum: quantum ad explendos animos lætitiæ, summæque iucunditatis abundat, & affluit: ut cetera tunc omnia pro nihilo sunt: ut quæ ad humanam pertinent sapientiam, leuia cuncta, inanitate ducuntur: læcent tum reliquæ artes omnes, ac scientiæ, atque hæc una in pretio sola est: una contentos animos facit, compotesque summi gaudij, & omnium bonorum copia redundantes: quam tamen, ut diximus, assequi nemo potest, qui non per fidei ianuam ab ipsa humilitate animi fuerit intromissus. Recte enim Propheta: Nisi credideritis, non intelligetis, inquit. Et dominus I E S U S fidem ubique, & ante omnia exposcens, regnum cœli, illi imprimis propoluit, & potestatem rerum mirabilium datam esse prædicabat. Atque hanc fidem, simplicitatemque mentium optimarum Christiani propriam nominis, quæ ab humilitate animi, tanquam à semine, radicibusque profecta, in arborem amplam cœlestis sapientiæ adolefcit, atque uberes demum fructus beatæ uitæ fert, Charitas est, quæ præcipue continet: Charitas fidem alit, eademque spem auget, & cum hoc mortali corpore dimisso ad alteram illam uitam cœlestem & immortalem nobis est transcendendum: hæc una fidelis semper nobis est, & perpetua comes: deductrix nostri in hac uita, confort, & congratulatrix in altera. Cuius contra omnem ueterum seculorum sententiam proprium hoc munus, atque officium est, ut de aliorum salute, commodisque sollicita, nihil de se sanè magnopere commoueat. Fraternali enim ea habet cum omnibus fidelibus constitutam necessitudinem. Quandoquidem cuncti ex eodem Deo patre profecti, ab eodem domino I E S U Christo è seruitute redempti, spiritus sancti eiusdem halitus regimur, ac sustinemur. Ex quo corpus unum totius ecclesiæ cō pactum, conflatumque est, uno patre, uno capite, spiritu quoque uno, sed pluribus tanquam membris distinctum, atque ornatum. Quo qui in corpore uolunt coniuncti esse, eos demum uni cum cæteris C H R I S T I spiritu uiuere, habeant illi charitatem, atque exerceant, necesse est: omneisque curas suas foras tendant, nihil omnino ad sese, sed ad proximum omnia, & ad Deum referentes. Hoc enim uinculum est, hæc firma conexio Christianæ societatis, in qua uniuersa tanquam in corpore suo Dei habitat spiritus, easque in nobis procreat uirtutes, quæ maxime præclaræ, imprimisque admirabiles, ut in genus, & nomen summi Dei adoptemur, efficiunt. Quæ cum ita sint, cum tantus sit fidei, atque humilitati apud Deum honor, tanta fraternæ cum omnibus consuetudinis uis, ut omnis beatæ uitæ & cognoscendæ ratio, & adipiscendæ spes nobis potissimum in his posita, & constituta sit, quid est de hoc nouo hæreticorum genere nobis dicendum? qui subito exorti non unam partem aliquam, sed corpus totum ecclesiæ suis dissensionibus lacerare nituntur: qui à maledicta primo, & odio quorundam hominum ad inimicitias progressi, in eis sese sinibus tenere non poterunt,

longi

longiusq; impetu iracundiæ prouecti, cum leges multas salutariter lasas, moresq; optime ab ecclesia constitutos, tum uero non pauca fidei CHRISTI firmamenta conuellere penitus, & dissipare sunt conati. Quorum utinam cordibus Christianæ spiritum humilitatis aliquando inmittat Deus, ut reminiscantur, & intelligant, non se hac ratione fraternæ charitatî consulere, neq; hoc ex Deo esse, ut pax atq; concordia in ecclesia perturbetur, unitasq; scindatur: Sed illud uere diuinum, & uere Christianum existeret, amare proximum, tueri consensionem, morem maiorum, tot præsertim seculis inueteratam in ecclesia, sanctum & salutarem ducere, eumq; cum fide, & cum humilitate custodire. Nam quod isti, & ab eis qui sunt, cum maxime omnia misceant, atq; confundant, libertatem sese Christianam alunt repetere, quæ sit hominum traditionibus (sic enim appellant) plurimisq; impositis oneribus oppressa, atq; eripra, perspicuum est cognitu, non hoc esse, dare operam, ut spiritus liber sit, sed ut peccato seruiat: Caro autem in omnem licentiam sit soluta, & libera. Neq; adeo illi sic se obsecrare gerunt, ut coniecturam eorû animi & uoluntatis difficilem habeamus. Qui (omitto enim in præsentia, quæ faciunt, & fecerunt) hanc certe palam introducere sententiam, beatam uitam non operationibus bonis, sed sola fide erga deum expectendam esse, perinde ac fidem in se uelit Deus non integritatis, omnisq; uirtutis, sed in temperantiæ, & uictorum esse conciliatricem. Quod si isti aut excellentem doctrinam, aut nouo aliquo dubitandi genere prauas opiniones in Dei populo intulissent, esset nobis quoq; accuratius fortasse aduersus illos disputandum, ipsiq; & monendi, & rogandi, ut dimissa contentione pugnandi, parcerent Christianæ unitati, ne ut suam primum, deinde aliorum etiam salutem perditum ire contenderent. Cum uero nihil attulerint de suo, sed præteritorum temporum erroribus accuati, atq; collectis uersos repente in ecclesia Dei renouauerint, quid attinet monere uelle non ignorantes ista omnia conuicta iandiu, & dampnata esse? Atq; utinam tamen moneri se patereantur, piamq; humilitatem ad audiendum, & æquitatem animi afferrent ad cognoscendum: neq; rationibus rectis, & exemplis, auctoritatibusq; sanctissimorum hominum tam pertinaces animos suos opponerent. Qui si aut iram aliquam suam exartare, aut studio certandi obniti concupierunt, tot postea concitatis in populo Dei seditionibus, tot cladibus illatis, tot detrimentis inuectis, pateat eos tandem aliquando expletos esse, remittant aliquid pertinaciæ, ad Deum interdum respiciant, illamq; eius admirabilem cogitent charitatē, qua adductus ipse cum filium suum in morem propter salutem hostium, & inimicorum suorum tradiderit, non decet nos profectio illius sanctam fidem nomenq; professus, fratres, & proximos nostros in hostium numero ducere. Sed de his uideat, illisq; consulat, & provideat misericors Deus. Nobis quidem quod in illis pro Christiana charitate grauiter dolendum est, in his Galliæ populis, & nationibus, in quibus me quoq; Deus, tale nihil merentē, in numero tamen episcoporum uoluit esse, uehementer etiam atq; etiam est letandum, quod ipsorum quidem hominum probitate etiam & religione, sed Christianissimi regis nostri Francisci imprimis uirtute, & uigilantiâ ne parua quidem contagio illius tanti erroris in his regionibus potuit adhærescere. Cui quidem regi nil causæ est profectio, quin debicum laudis testimonium præbeamus. Esti enim ab illo longissime disiuncti, ad autem curas, atq; negotia ne aspiramus quidem, illius tamen ad nos quoq; beneficia perueniunt, quæ hoc mihi maiora & chariora sunt, quod non peculiaria mihi ipsi, sed omnibus Galliæ populis mecum sunt communia. Pacem enim ab eo & ocium, & legum obseruantiam, & æquitatem iuris obtinemus, quodq; cæterorû omnium summum est, integrum, atq; inuolatâ in CHRISTI fide religionem. Ad reliquas enim ipse animi uirtutes, quæ in illo plurimæ sunt, & præstantissimæ, hanc quoq; cætera longe principem uirtutum tanquam fastigium appositam esse uoluit, ut perpetuam sibi propugnationem susciperet pro CHRITI honore, & nomine, aduersus homines eos, qui omnia sancta & recta peruertere nituntur. Ac bellicos quidē illius labores, grauesq; pugnas, in quibus uaria interdum fortuna, semper autem inuicta animi illius uirtus extitit, laudabunt alij, qui ista magis extollunt, & admirantur. Nos ne in his quidem commemorandis insistemus, quæ præclara in eo, & uerere

gia inesse cernimus, ut bonitatem illius, ut iustitiam, ut liberalitatem, ut magnitudinem animi pluribus uerbis prosequamur. Illa mihi & prædicanda de eo, & in cœlum ferenda essent, quæ ad Dei omnipotentis in illo cultum, & ad honorem religionis pertinent, si par nostra maximi Regis laudibus esse posset oratio. Attamen ne aut summi Dei beneficium non agnouisse, qui talem nobis præposuit regem, aut regis ipsius merita, & laudes silentio obtexisse, & propterea in utrunque ingrati esse uideamur, utque animus regis sua sponte in Deum, & in religionem propensus, nostra etiam prædicatione ad pietatis studium magis accendatur: Dicimus illius studio, & pietate, & sapientia esse factum, ut in tanto, & tam diffuso regno, tot populus, tot prouincijs, tanta hominum celebritate frequentibus, nusquam aut hæreticæ impietatis labes existeret, aut subito exorta, & conspecta uindicaretur. Fuit hoc toti Galliæ salutare, Deo imprimis gratum, Regi ipsi gloriosum. Quid? in maxima nuper fame, cum sterilitate, & inopia frugum cuncta laboraret Gallia, nec inuenirent homines, pauperesque præferunt, quibus uitæ suæ subsidij optularentur, non ne patefecit pernitens Rex omnis fontes bonitatis & liberalitatis super pietatem erga Deum, & in pauperes misericordia adductus permulta hominum milia compluribus mensibus aluit: cura, & providentia non absistens, quoad nouis frugibus uberior annus, copiam passim frumenti cepit suppeditare. Nam quod ipse & artium optimarum eximius amator est, filiosque ad eadē studia præclarissima erudit tali patre dignissimos, & tanto regno: quodque doctores earum ipsarum artium, & sacrarum præcipue literarum conquirunt undique, magnisque propositis premijs erudiendi iuuentuti in amplissimis regni sui urbibus præcæpit, quibus nam ista quæso laudibus, qua uerborum uis, aut orationis copia digne possunt extolli: Nempe hæc magna sunt, hæc immortalia, hæc diuina, quæ omnem laudem uincunt, quæ regem ipsum faciunt eminentius etiā in uirtute, quam in fortuna esse magnum: ut cuncti iure, ac merito gloriemur, quod in potestate, & in imperio maximo, maiorem tamen regem ipso regno habeamus. Verum ut conuerterat ad Germaniæ principes, si qui sunt (sunt autem nonnulli, qui huic perniciosæ, & pestilentissimæ sectæ aut aperte faueant, aut occultius animos subministrant, tantamque Germanico nomini ac nationi fortissimè & nobilissimè, quod in ipsis est, insurant maculâ) cur hi quæso talibus exemplis, cur ueterum doctorum sanctissimorum hominum uita atque doctrina? cur Imperatoris sui CAROLI optime de Deo, & de fide catholica sentientis autoritate, perpetuo quoque ritu consentientis ecclesiæ non mouentur: ut reflectant animos ad cōsiderationem sui, pristinaque suæ, & maiorum suorum religionis, quæ una recta, puraque est, uelint esse memores. An hoc sibi & laudi, & salutis magis fore existimant, si pro Christianis Lutherani appellentur? Quæquam his nos quidem, cuiuscumodi illi sunt, & quoquo modo de re Christiana meriti, placatum tamen Deum, & propitium precamur, atque ut ipse eis reuocatis ad intuendum lumen ueritatis suæ, sanguinem, & mortem filij sui, quæ pro cunctis suscepta est, ualere ipsis etiā uelut ad expiationem peccatorum. De qua CHRISTI morte, totoque illo redemptionis humanæ, & diuini consilij ad salutem nostram mysterio, etiam fides landi, certaque persuasio in Christiano nomine suscepta est, tamen quoniam eius fructum isti nunc labefactare cōtendunt, & sanctissimis antiquissimisque doctoribus, qui de hæc re lucidius, copiosiusque scripserunt, nimis certe insolenter & superbe repudiatis, ad illos se recipiunt, qui propter altitudinem sententiarum, arcanaque Dei consiliorum præclusi, & diffiditissimi sunt locuti, quo ipsi in illis latebrarum perfugia sibi querere, illorumque uerba ad suos sensus contorquere possint, uisum nobis fuit faciendū, ut beati Pauli apostoli epistolam ad Romanos, cuius isti in abstrusis abditisque sensibus suæ imprimis maxime latibula constitunt, quantum nobis à Deo fuerit datum, accurate exponeremus, quæ tota omnibus diuinitatis cognitionibus ita resecta est, ut uix ad eam intelligendam mentibus humanis aditus esse uideatur. Ita ad ostendendum crucis mysterium efficax, ut quicumque eam recte perceperit, amplius, ut nobis uidetur, de fide catholica non possit dubitare. Verum hæc nostra expositio nō noua commentatio, sed ueteris sermonis commemoratio recens fuerit, quem habuimus inter nos, cū Romæ etiam tum essem, ego & Iulius Sadoletus frater, qui Græcè, Latineque doctissimus, atque

in omni

in omni artum optimarum, præfertimq; philosophiæ cognitione nō aequalibus suis solum, sed etiam maioribus natu longe præstans, multa quoq; de sacris literis cōferre sæpenumero mecum, & uel percontari de me, uel etiam discurrere ipse subtilius solebat. Dabimus hoc charissimū, atq; optimi fratris nomini, ac memoriæ, ut Christianæ pietatis mysteria, quibus ille maxime semper deditus fuit, & summi doctoris cunctarum gentium scripta, atq; doctrinæ, quarum altissima est explicatio, cum eo communi nemus. Nec, si dialogorum morem fuerimus imitati, idcirco minus omnes sententias, uerbaq; persequemur. Quin aptius hoc quoq; & commodius uideri poterit, si al ternis, diuinitq; personis suo quidq; loco & interrogabitur opportune, ubi erit alit quid dubitandum, & respōdebitur. Sed ut ad rem, & ad propositum ueniamus; Cum olim Romę diebus festis Pentecostes in hortis meis essem, quos in Quirinali colle, ad altam semitam, satis amoenos, uberesq; habebam, cumq; iam diu, & temporis calor increbrefecer, consedi fortē sub umbra quadam, uolumen Pauli epistolarū Græcum in manibus habens, et amq; in eo legendo sanctq; attentus, cum inopinatō accessit ad me Iulius frater, & continuo salute data acceptaq; NON TV, inquit, mi frater unquam ne ociosis quidem, festisq; diebus in ocio esse potes; etsi hoc tibi puto optatum & suauē esse ocium, siquid legas, aut scribas, quādo te ferē omne tempus principis & curiæ negotijs tribuere necesse est, in quo uideo sæpe quā sis maximis occupationibus distractus. Sed nunc quidem quem hunc authorē in manibus habes, nūli moles sum esse scire sanē aueo. Facile id quidem, inquam est, Pauli enim legebā epistolas, & nosti tu quidem iam pridem animum meum, quāto per eaq; cupiam me ex ijs ipsis, quas narras, occupationibus exoluere, in ociumq; referre, ut in literis assiduus sum, & Deo aliquādo, cui maxime debeo, soli seruiam. Sed hanc meam cupiditatem sic huius doctoris sanctissimi scripta incendunt, ut nulla alia te iam acquiescere animus meus possit. Cæue enim mi frater putes hac lectione quicquā fieri posse diuinius. Assentior, inquit, neq; id mirum duco. quippe nō humana ista huius maximi Apostoli, sed diuinitus inspirata, atq; infusa est sapientia, quā ego quoq; cepti degustare, uerostq; in ea intelligere beatæ uitæ repositos esse fructus, etli meum studium aliquantū scriptorū difficultas & interpretum nonnunquā turba retardat. Atqui mi frater, quōd hæc degustes, inquam, uel quōd in omni genere potius literarum summo studio uersere, planē mihi exploratum est: uideo enim maciem, damnumq; tui corporis. Itaq; in metum interdum adducor, ne minus accurate ualitudini tuæ consulas, quā satis opus sit, & quā ego uelim; quod sanē facere debes mi optime frater, & saluum te nobis diutius conseruare, quando nostra omnis, totiusq; familiæ nostræ spes, in te uno præcipue, & in tua expectatissima uirtute, ac dignitate posita est. Tum ille, Mortis nostræ, & uitæ, inquit, unus est dominus & moderator præpotēs Deus, cuius ego uoluntati totum me addixi. Neq; uero uideo quid tantum intersit inter uiuere, & mori, dum utrunq; recte fiat. Interea quidem dum in his locis dego, uitā illam conabor imitari, quæ in cælo uere plena, & uere perfecta est, ut exercitatione mētis potius, quā sensibus oblectandis uiuam, quando & immortalitatem illam spero consequi, quā Deus fidelibus suis proposuit, nec id tamen meritum meorū fiducia, sed Dei ipsius clementia & bonitate adductus. Hic ego animo non parum cōmorus; Macie uirtute, inquam, mi frater, pietatem enim istā tuā excoles, atq; ita sentire uehementē gaudeo: sed tamen fieri utrunq; meo iudicio commode potest, ut & Dei totus sis, & ut te nostrū quoq; interdū, qui te tantū amamus, subeat cogitatio. Et ille: iam uero mittamus ista, inquit, & potius istud, modō quod legebas, communica mecum: siquidem hoc fraternum imprimis, & tuum est, uelle quæcūq; habeas, ea tibi mecum cōmunia esse. Epistolam legebā ad Romanos illā ipsā, inquam, quæ tota maxime scaturit cœlestibus, abstrusisq; mysterijs. Per opportune uero hoc, ille inquit, collecta enim iam habebam ex illa aliquot loca, de quibus sententiam tuam percontarer: at quando ocium nobis nūc quidem est, festisq; dies, & nihil aliud potius, quod agamus, gratissimum feceris mihi, inquit, si epistolam mecum unā percurreris, & totā illam fueris interpretatus. Cupio enim maiore in modum mihi de illa quid Apostolus sentiat, penitus liquere. Etli enim plurimorum doctissimorum, eorundemq; sanctissimorum

rum hominum scriptis, ac monumentis ex culla caesep, & petra statuta est, quædam tamen remanet etiam nunc in mentibus nostris hæsitatio, ut nescio quid magnum ac diuinum in illa uideatur delitescere, quod nondum satis comprehendimus. Faciam equidem mi frater, inquam, id quod tu uis, neq; quicquam optimo illud tuo abnuet uoluntas mea: sed tamen hoc ipso in negotio non me confido plus profecturum ad dubitationes tuas ex animo tollendas, quam fecerint illi, quorum tu lectione nondum plane es pacatus: nisi siquid forte scriptis, & commentationibus illorum adiutus, ac tanquam manibus in sublimem elatus, procul magis conspexero: de quo non mihi, sed illis habenda erit gratia, quorum laboribus, & uigilijs est effectum, ut alijs quærum iam huius epistolæ partium, nobis cognitio, & explanatio sit facilior. Non enim illi neq; in doctrina, neq; in pietate, neq; in spiritus sancti munere, ac uirtute posteriores alio quopiam tulerunt partes: sed ita uoluit Deus sua arcana consilia ad cognitionem hominum dispensari, ut aliquid semper nouum scrutantibus appareret, nullaq; unquam posset ætas, nulla decerpentium nec haurientium multitudo diuitias consumere infinitæ sapientiæ suæ. Sed si me epistolam totam interpretari uis, id ne etiam censes, ut proleat codex, & Apostoli uerba omnia recitentur? quod mihi uidetur quidem fore necessarium.

Prorsus, inquit, & cum hoc uolo, ut illud imprimis abs te postulo, ut latine omnia atq; ut inter ingenue eruditos maxime decet. Nam hos qui genere dicendi inaccurato, & incondito res theologicas scribere aggreuntur, ego sane non probo. Nullum enim inest in ijs scriptis ueræ pietatis specimen, non ad inflammandos in amorem Dei animos ulla appolita oratio. Sed tu qui latine lingue cognitionem hoc tibi chariorem sepe esse dixisti, quod ea cum sacris literis coniuncta, Christianæ pietatis uis ad permonendos animos & fortior fieret, & ornatio: age quæro hoc mihi da, ut quoad quidem potest, cum pietate Christiana iuncta sit latinitas. Rem honestam postulas mi frater, inquam, neq; enim decet ea, quæ præclara, & admirabilia sunt, oratione fordida coinquinare, quod in prima illa Ecclesiæ apostolis & Paulo nostro imprimis, necesse minime fuit. Tunc enim signis & miraculis longe efficacius, q̃ uilla possit oratione, uirtus Crucis comprobabatur. Nunc uero frigefcente seculo, & ardoribus illis humanorum cordium pene iam relictis, cum miracula quoque iam pridem propter diminutionem fidei magna ex parte fieri desita sint, aliquid utrius, & caloris afferat oportet ad concitandos animos oratio. Quod nos tamen in hoc quoque munere parum apti, tamen ut poterimus experiemur, conabimurq; in eo morem tibi gerere mi humanissime frater, nisi licubi iubeat ista materis aliquam exiger à nobis magis suam, & propriam, quam latinitati conuenientem loquendi rationem. Multa enim erunt uocabula à nobis ad communem nunc usum loquentium desectenda, quod te in optimam partem accepturum puto.

Quidni accipiam, inquit, cum si possit quidem utrunq; præstari, hoc est, quod potissimum expectam: sin minus, uincat religionis causa potius, quam Latinitas. Hic ego, Librarius cum latino codice accersamus, inquam, qui recitet nobis uerba Pauli, quibus ab illo prolatis, tum nos ad illa exponenda, & declaranda id quod uidetur, nisi tibi aliud uideatur melius. Tum ille, imò optime, inquit, uocatoq; librario & allato libro, nos quidem ambo confedimus: ille stans in hunc modum exorsus est.

Paulus seruus IESV Christi uocatus apostolus.

TVM EGO: Multa hic quidem, inquam, præponenda essent, mi frater de nomi ne gemitio Pauli: is enim & Saulus: de genere, de tribu, de harum epistolarum ordine, de modo & uarietate adscribendæ in illis salutis: & cur hæc ad Romanos cæteris antelata est, quæ tamen scripta non fuerit prior. Vita quoq; Apostoli, & mores, & assidue perægrinatio: res quoq; gestæ, & prædicationis ipsius magnitudo, atq; utilitas. Sed nos neq; historiam in præsentia scribere aggredimur, & hæc tamen à plerisq; interpretum egregie tractata, atque elaborata sunt, unde ea sumi possunt. Nos statim temporum duntaxat, & habitus animorum, qui quidem in his erant, ad quos scripta est hæc epistola, breuiter exponemus, ut ex ijs argumentis, sententijsq; scribentis cognitio sit facilior. Nam cum euangelij nomen in toto orbe terrarum iam increbresce-

re coe

re coepisset, & diuina in eo maxime appareret uis, quod nō humanis progressibus, n̄ enim tardiores, & impeditiores esse solent: sed inaudito, & admirabili cuius, tanquam fulguris de celo splendor, uox euangelica ueritatem, & salutem, & uitam æternam annuncians, per omnes iam prouincias, & regna cucurrit, Romæ etiam, in qua ciuitate domicilium erat imperij orbis terrarum, celebre factum erat nomen C H R I S T I, multisq; ex iudeis, & ex ciuibus, incolisq; cæteris in ea urbe uerbū Dei acceperant, & Christianam fidem profitebantur. Cum Sathanas is cui ista res, & noua mundi ad Deum uerum conuersio moerorem, & luctum imprimis afferebat: Siquidem ipse regnum, quod tot seculis sine molestia aut controuersia aliqua possederat, adueniente Deo relinquere, & sese in angulum contrudere cogebatur, omnibus artibus obuiam ire constituit, duabusq; astute comparatis fraudibus, altera, turbare eos, qui iam ad fidem uenerant: altera, cæteros ne uenirēt, instituit deterere. Ac primum Simonem quandam e Samaria nactus, hominem magicis artibus deditum, & natusq; eius infamem, cōiunxit cum cum apoliolis C H R I S T I in ipso pene primordio exorientis ecclesiæ, falsaq; usurpatione fidei, & baptismatis in Christianum nomen illum insinuauit. Qua adiunctione quidem & societate scelestissimi uiri, cum item ipse, licet cæteri, qui fide optima erant, Christiana appellatione ueretur, sacrificijs autem occultis, atq; infamibus, cuiusmodi magica illa sunt iacta, nomen C H R I S T I uulgō in uituperationem adduceret, tanta sanctissimum Christianæ religionis nomen in illa patientia miraculorum, magicarum præstigiarum calumnia cōlecta est, ut anceps diu poltea, assiduūq; certamen cum falsitate habuerit ueritas: & hi qui extrā eissent, proculq; tantum aspicerent, nec interius cognoscere curarent quid in re esset, & in ueritate, illo rumore infamiae adducti Christianum imprimis nomen auerfarentur. Sed hunc obicem ad auertendos hominum animos ab obtutu & cognitione ueritatis, diabolica fraude oppositum, atq; munitum ipse perfrigit, & summouit longe Deus, ueritateq; per martyrum mortes, palmasq; patefacta, lata ad salutem fidemq; uenientibus complanata est uia, in quam omnes poltea prope gentes nationesq; inundauere. Alterum fuit Sathanæ commentum, quo iam qui fidem C H R I S T I rite acceperant, ea quæ fidei sunt, minus attendentes, operantesq; proposito, & spe sua celestis consequendi præmij frustrarentur. Nam cum & Dei amor, & proximi, & uoluntatum cōmunio inter fratres, ac charitas præcipuè postuletur, ipse pro his omnibus discordias, & dissensiones animorum, iurgiacq; litium, & contentionum conatus est introducere: idq; in principe terrarum præcipuè urbe, spe non dubia fretus, si sibi turbare res arbitrio suo potuisset, & contentionem fidelium diuellere, cœtusq; dissidere, reliquas orbis terræ ciuitates, atq; prouincias exemplum urbis domine locutus ras, Huic nunc periculo succurrere uult Paulus, legatus quidem à Deo, & domino I E S U Christo, ad ueritatem Euangelij gentibus annuntiandam. Sed & ipse ita studiosus, & audius omnium salutis, ut non illum terræ, non mariæ, non labores, non ærumnæ, non minæ, non terrores, non uerba, non tempestatum casus, & naufragiorum, non mortis timor, non corporis dolor unquam uel minimum retardare potuerint, quin ad eos qui ignorabant docendos, ad eos qui periclitabantur seruandos accederet, accurret, aduolare et non uitæ suæ usum, nō salutis parcens, dummodo cæterorum tegetet, uereturq; salutem. Porro autem hic est uis electum à domino, in quo tanta abundauit diuinae benignitatis gratia, primum ut penè inuictus, & relictus ad fidem C H R I S T I compulsus sit: deinde tot celestibus bonis relictus, ac cumulatus, ut quæ duo inter se diuersa sunt, & neq; ea simul haberi, neq; in alterutro separatum ab homine excelli posse uideatur, ipse egregie utraq; fuerit complexus, summam uidelicet rerum diuinarū scientiam, & summam in rebus gerendis alacritatem animi, & in toto actionum genere diligentiam, industriam, ac nauitatem. Etenim si scripta eius, & doctrinam accuratius intueare, nō illa in terris inuenta, sed è coelo descripta penitus intelligatur, in quo semper mente, & cogitatione habitauit Paulus. Sin autem sollicitudines, & ærumnas, & peragrata ab eo orbis terrarū spatia, & morandi, obsecrandi, pacificandiq; labores, uitam deniq; omnem plenam agitationum, & periculorum consideranda tibi proponas, admirare profecto, quo pacto tanta coe-

lestis sapientiae in eo, cui otij nihil unquam fuit, excreuerit magnitudo. Sed nimirum aliud est, quod hominis labor, aliud quod Dei uirtus & potentia facit. Ille amore Dei ardens, & charitate erga proximum inflammatus, & sine labore, ac tempore altissima Dei consilia illo aperiente cognoscebat, & in iuuando seruandoq; proximo laborem sibi omnem iucundum esse ducebat: qua eadem charitate incitatus, cum audisset Romae inter fratres dissensiones esse, & ipse ad eos tota mente properaret, praemisit hanc epistolam, ut quoad ipse ueniret, haberent illi interea monumentum hoc, & uelut testimonium literis consignatum suae & de Deo, fideiq; CHRISTI sententiae, & erga eos uoluntatis. Dissentiebant porro illi ob has causas. Cum unam in fidem CHRISTI ciues Ro. complures conuenissent, & ex Iudaeis permulti, quippe per quos CHRISTI cognitio Romam ex Iudaea fuisset deportata, eueniebat ut inter probos, integrosq; multos aliqui fallaces, & uersuti existerent, qui in noua religione non tam gloriam Deo, quam sibi honorem, & quæstum aucuparentur. Atq; ij ex Iudæis, qui antea praefecti in lege habiti peritiores, auctoritate legis & ciborū obseruantias, aliarumq; caeremoniarum plurimum ualere cupiebant, quo ipsorum etiam grauior haberetur auctoritas. Hi ut genus utrumq; in potestate haberent, esse apostolos etiam CHRISTI, & ab eo missos ad praedicandum Dei tegnum gentibus affirmarent, primum suis Iudæis persuadebant ne à lege deficerent, & ea cuncta obseruarent, quæ in lege erant praescripta, quasi sine illis salus esse non posset. Idq; etiam eos admonebant, ut gentium pollutos ritus abominarentur, ne uel familiari usu cum illis sese iungerent, tantummodo in nomine IESU baptizarentur, & hanc lauacri sanctissimi mundiciam ad cæteras legis purgationes adijcerent, quo fierent ipsi puriores. Deinde ad gentes conuersi, inutile illis CHRISTI nomen sine legis obseruantia, & circuncisionis sacramento esse dicebant: hortabanturq; ut ad Iudæos se conferrent, & illorū ritibus caerimonijsq; imbuti, sic demum ad CHRISTVM peruenire contenderent. His uocibus erat factum, ut hæsitatio primum inter fratres, deinde obteccationes occultæ, post aperta dissensio existeret, quæ eruptura uidebatur aperta ad seditionem, & ad defectionem à fide ueri Dei, nisi diuina curante prouidentia Pauli uirtus, & diligentia in tempore subuenisset. Nam cum gentes infuisset seruicuti fidem quidem CHRISTI libenter acciperent, detrectarent autem fugam legis, & propterea Iudæi illas aspernarentur, nec putarent dignas, quæ Deo essent cordi, quod pollutas esse dicerent, & in peccatis totas inuolutas, ipsi autem ex lege pios se, & mundos esse ducerent, cocebantur è contrario, qui è gentibus erant, præcipue Romani his contumelijs permoti obijcere Iudæis ignobilitatem nationis, & quod Romanorum serui iure belli effecti iniquè, atq; iniuric dominos suos auerfarentur, cum etiam quatenus ageretur de CHRISTO, illi indigni essent, qui ab eo diligerentur, quem cruci affigendum curassent: ipsi uero dignissimi qui cum simulacris cognouissent, statim amare, uenerariq; & filium Dei confiteri cepissent. Hic erat ita: tunc iam Romæ coalescentis Ecclesiæ, hæc inter illos querimonia, animorumq; dissidia, ambitione & malitia nonnullorum instigante Sathana cõcitata. Quibus Paulus in præsentia mederi intendit, & prout unaquæq; postulat res, errantibus, atq; infirmis mentibus opitulari. Nam & Iudæos à causa quidem Dei profectos, sed suæ peruersiõis aberrantes castigat, & corripit, reuocatq; in rectam uiam, ostendens legem præstantiore adueniente gratia inanem factam esse, solamq; fidem CHRISTI ad salutem uiam habere. Reiiquos uero ad fidem quidem simpliciter accedentes, sed in Romanæ urbis magnitudine, & gloria, ex qua oriundi erant, nobilitatem constituentes, & propterea aspernantes nationem Iudæorum, admonet, & docet nõ eam esse ueram nobilitatem, quæ armis, & opibus, & mundanis imperijs, sed quæ ex honore, & iudicio omnipotentis Dei acquiritur, qui cum honos generi Iudæorum ab ipso Deo tributus sit, ideo nõ eos contemni debere, sed in pretio haberi. Ita in utriusq; & quod per superbiam in ipsis intumuerat, coercens, & deprimens: & quod per alternas concumelias subsederat in æquum excitans, corpus unum efficere conatur Ecclesiæ, sibi ipsum æquatam, & concors, & in omnibus rebus ad mutuam charitatē consentiens: quod spiritu CHRISTI totum possit uiuificari, tanta uel copia spiritus sancti,

tanta

tanta cognitione consiliorum summi Dei rationes suas confirmans, ut non uideat re-
petere id quod ante dixi. Quicumque ad sensum & doctrinam maximam Apostoli dili-
gentius inuendamus, & perspicendam accesserit, neque is animū ad contradicendum pas-
satum, sed æquum, & permittentem se ueritati attulerit, nunquam de fide CHRIS-
TI, nec de crucis mysterio aliquid dubitaturum. Hic Iulius: Magna sunt, inquit,
frater quæ polliceris, & mihi quidem uehementer expectata. Et si enim ad animi mei
confirmationem, quod quidem ad fidem CHRISTI pertinet, nullius autoritate,
nec rationibus indigeo, magno tamen cōmodo, & adiumento futurū arbitror fidelis-
simis omnibus aduersus eos, qui religionē Christianam oppugnare conantur, præstare
timē ludæos, si ea, quæ polliceris, potueris præstare. Res ipsa indicabit, inquit, tan-
tum animus æquus sit, & ueritati consulto non repugnans. Sed antequam ad expo-
nenda Apostoli uerba mihi frater ueniamus, id quod imprimis in hac causa est necessa-
rium, supplices omnipotentem Deum obsecremus, ut nobis de spiritu sapientiæ suæ
suppedicare dignetur, sine quo nil præclarum, & arduum ne cogitare quidem idonei
sumus: illuminetque mentes nostras, & donet eloquia casta, ut ea effari, & pronuntiare
ualeamus, quæ ipsi quidem accepta, & grata, cæteris salutaria esse possint. Quæcumque
enim ab Deo, & ab eius sancto spiritu non proficiscitur oratio, ea nec uim ad imprimē-
dam in cordibus cognitionem eius ipsius Dei habere potest, nec ad bonos mores
formandos autoritatem. IVS & æquum postulas, inquit, siquæ faciamus.

PAVLVS seruus IESV Christi uocatus Apostolus, separatus in
Euangelium Dei.

QUOD nomen suum Apostolus in epistolis præponat, est id more usitatum;
quod non eodem modo in omnibus, sed uarie id efficiat; huius quoque dissimilitudinis
ratio in personis eorum, ad quos scribit, & in temporibus est sita. In una tantum ad
Hebræos epistola id prætermisum est, quod ratione factum & consilio. Quoniam
enim Paulo uelut legem impugnanti ludæi erant offensiores, noluit eos à saluberrima
suis epistolæ lectione, primo statim aspectu ex sui nominis inuidia dimouere.

SERVVS autem IESV Christi, ut status sui humilitatem, & se alij laborare
non sibi, quæquæ ipse obtineat, ab alio se habere, hoc est à Deo, non à se ipso ostendat; &
hoc, ut tacite coarguat falsos apostolos, qui nō Deo, sed sibi seruiēbant, euangeliumque
CHRISTI quæritui habebant, uel ad ambitionem suam referebant. Et illi quidem
tales ex ludæorum erant numero, legem, euangeliumque miscētes, quatenus eis for-
ret commodum; contra quos item intentū est, quod sequitur: VOCATVS APO-
STOLVS, ab eodem Deo uocatus apostolus uidelicet: nam illi semetipsos aposto-
los uocauerant; non decet autem sanctos, & probos ingerere se, sed uocari eos à Deo
oportet, tanquam Aaron. Itaque hoc more loquendi sæpe utitur Paulus: Vocaris,
inquit, IESV Christi, & uocatis sanctis. quali nihil in nobis ueræ uirtutis inesse
possit, nisi omne à Deo fuerit datum, & tributum. Atque illi quidem falsi apostoli, ut
diximus, non Deo, sed cupiditatibus suis seruiēbant. Paulus autem omni genere ser-
uitutis Deo erat obstrictus, nā & eo modo seruebat, quo opus opifici, & omnia con-
dita cōditori suo, quo sensu in scriptura dicitur: Omnia seruiunt tibi. Et uelut à Deo
minore pretio sanguinis emptus, & è seruo peccati, seruus effectus fuit, quem ad-
modum ait ille. Vt liberati à peccato, iustitiæ seruiamus. Illa quoque ratione seruus,
quod ministerium suum in Euangelio præbebat Domino: neque ipse, sed potius in
eius CHRISTVS, sua inter gentes beneficia diffundebat. Cuius simile de Moyse
Deus: Moyse famulus meus mortuus est. Dominus enim per Moysem populum
suum docebat, & gubernabat. Item sicut qui in bello capti sunt, uictoris serui effici-
untur, sic Paulus hostis primo IESV Christi, postea diuina illius uirtute captus, &
superatus, eius ipsius præda, & mancipium factus est. Et de seipso loquens: Ego Pau-
lus uinctus IESV Christi, SEGREGATVS in Euangelium Dei, hoc est ab
alijs curis omnibus, negotijsque semotus, & huic uni operæ prædicandi Euangelij to-
tus addictus, ut ipsemet infra: Cui seruo in spiritu meo, in Euangelio filij eius. Mul-
tis quo

tis quoq; alijs in locis necessitatem sibi ait prædicandi Euangelij, Quæ sibi, si non prædiceret: & suum unum esse hoc munus, suum negotium testatur, à Deo sibi commissum, in quod solum incumbat. Nam & ad Corinthios scribens, non se ad baptizandum, sed ad Euangelizandum missum esse confirmat. In actibus quoq; Apostolorum eodem modo loquendi spiritus sanctus: Segregate mihi Barnabam, & Paulum, inquit, in opus ad quod uocaui eos, quod est, liberos & uacuos ab alijs negotijs reddite. Quamquam fuit etiã Paulus seorsum à cæteris Apostolis uocatus, & in hoc munus missus. Nam cæteri Apostoli item ad apostolatum uocati erant, & prædicandi Euangelij etiam inter gentes munus cõmissum à CHRISTO sibi habebant sed uno tempore, & coniunctim uniuersi, quæadmodum in Mattheo præcipue licet eos gnoscere. Paulus autem & separatim, & alio tempore ad illud idem officium legatus à domino Deo est. Vocatus ergo Apostolus, separatus in Euangelium Dei: Apostolus in Euangelium, quod est missus: separatus, quod aliquanto post quam cæteri, apostolatam, & prædicationem suscepit Euangelij, quam maxime ipse quidem inter gentes exercuit, & in hoc unum opus fuit destinatus. Veruntamen ut auctoritatem, & fidem suis discipulis astruat, apud eos, qui hanc epistolam erant accepturi, & doctiores eos faciat, instituatq; facilius, de se quidem modice, de eo autem, qui eum misit, & de Euangelio, ad quod prædicandum erat missus, loquitur magnificentiis: Nunc prædicationes, & promissiones summi Dei, illiusq; benignitatem, potentiam, iustitiam, in tota epistola, nunc uirtutem, utilitatemq; Euangelij annuntians. Et sane cum Euangelium latine bonus nuntius sit, latitudinem, spem, euentumq; rerum meliorum nuntians, nihil unquam lætius, neque opatius humano generi poruit accideret, quam intelligere se in gratiam uenisse cum Deo, illiusq; benignitatemq; illius, & in omni genere beneficentiam, quæ prius seculis omnibus sibi fuisset abscondita, tunc primum expositam, & patefactam esse: bonaq; omnia, quæ ex illo tanto autore manare in nos congreuam fuit, effusæ, & largiter nobis ab eo data, atque donata, cognitionem ueri Dei uidelicet, amoremq; erga illum, nostrum, & illius mutuam erga nos: qui quidem & prior ab Deo declaratus nostrum postea in Deum prouocauit amorem. Sic enim Ioannes: Caritas Dei erga nos extat, Non quod nos dilexerimus Deum, sed quod ipse dilexit nos. Virtutum quoq; omnium earum, quæ huic diuino amoris perpetuæ sunt comites, præstabilem quandam insolitamq; magnitudinem idem nobis Euangelium attulit: nec non & pacem animis, cum ipsis secum, tum cum eodem Deo, adoptionis & filiorum Dei nomen, regnum coeli, uitam æternam, hanc tantam ubertatē, & penè profluentiam omnium maximorum, uerisq; minorumq; bonorum, quam Euangelium uocamus, promisit quidē nobis, & prænuntiavit iam diu pater noster Deus, sed ad nos pertulit Dei filius. Segregatus itaq; in Euangelium Dei.

Separatus in Euangelium Dei, quod ante promiserat per prophetas suos in scripturis sanctis de filio suo,

Q. V. O D Euangelium, inquit, Deus promiserat per prophetas suos multis quidē in scripturæ locis, & multipliciter de filio suo, ut cum ad Abraham dixit: In semine tuo benedicetur omnes tribus terræ. Et cum per os Iacobi: Donec ueniat, qui mittens duos est. Et Dauid: Mitte Domine legislatorem, ut sciant gentes, quoniam homines sunt. Idem quoq; Dauid: O Domine bene prosperare, benedictus qui uenit in nomine Domini. Et: Speciosus forma præ filiis hominum. Et: Dominus dixit ad me, filius meus es tu: ego hodie genui te. Et Esaias: Egredietur uirga de radice. Et paulopost: In die illa radix Iesse, quæ stat in signum populorum, ipsam gentes deprecabuntur, & erit sepulchrum eius gloriosum. Et propheta alter: Hic est, inquit, Deus noster. Et paulo infra: Posthæc in terris uisus, & cum hominibus uersatus est. Quamquam non multa magis in scriptura testimonia, quam tota scriptura de filio Dei est testis. Qui quidem Dei filius & annuntiator, datorq; est Euangelij diu ante promissi, & ipsemet Euangelium, Euangelium enim Dei, inquit, quod promiserat de filio suo, Etenim uita nobis & ueritas, & summum ipse IESVS Christus est bonum. Ac nunc quidem

quidem iustus hoc Euangelium, quàm antea in lege ueteri, nominatur. Primum, quia olim in una tantum natione inclusum, & in ea paucis patefactum: nunc passim omnibus hominibus prædicatum, & annuntiatum est. Deinde quia tunc in longum tempus differebatur eius expectatio, quæ modo omnibus hominibus est res præsentata. De his uero, qui postea prædicauerunt Euangelium, qui illud per orbem terrarum, circum gentes, & populos annuntiauerunt, non siluit etiam scriptura. Dauid: Dominus dabit uerbum euangelizantibus uirtute multa. Et Esaias: Quàm speciosi pedes euangelizantium pacem! Quoniam autem filius Dei idem est, & filius hominis, ne fortè in animis legentium nascatur hæsitatio, occurrit Paulus de filio suo inquiring:

Genito ex semine Dauid secundum carnem: diffinito filio Dei, in potentia secundum spiritum sanctitatis ex resurrectione à mortuis IESU Christo Domino nostro.

LICET enim Christus filius sit Dauid secundum carnem, tamen minimum in eo, atque infimum caro est: unius autem cuiusque rei ratio atque essentia non ex ignobiliori, sed ex optima in eo parte iudicanda est. Vt enim hominem non ex sensu, neque ex uita, sed ex ratione, quæ in eo pars potissima est, æstimamus, sic CHRISTVM ex his magis cognoscimus, quæ in eo longe præstantiora sunt. Habuit is carnem & rationem tanquam homo, quæ se etiam prima oculis nostris obtulit: sed habuit uim, & uirtutem, quæ supra omnem naturam esset, tanquam Deus. Ex hac igitur parte diuiniore potius censendus est: nam illud Græce *ἰσχυρός*, si prædestinati conuertas, nihil alienius: Si declarati, accedas iam ad ueriores sensum: Si diffinitus, aut determinatus & iudicatus, tota uim uerbi exprimas. Nam qui talia potuit, & ualuit CHRISTVS, etsi homo is quoque, & in carne hominis fuit, tamè ex diuinitatis uirtute à nobis iudicandus est Deus. Huic etiam rationi Ioannes euangelista consensit: Vidimus enim, inquit, gloriam eius, gloriam ut unigeniti à patre. Quem enim prius hominem existimaueramus, hunc postea ex uirtute, & mirabilibus factis iudicauimus esse deum. Virtute autem non humana, non corporea, non ex imperio, & potestate inter homines: sed uirtute ea, & potentia quæ est secundum spiritum sanctum. Est enim in scripturis iste loquendi modus, ut cum quid quale sit, uolunt indicare, abstractæ in eo qualitatis nomen ponant: ut odorem suauitatis, suauit: filium charitatis, charum: ac de Paulo ipso CHRISTVS, uas electionis, id est, electus: Sic in hoc loco spiritum sanctitatis, spiritum sanctum. Validus ergo, & potens CHRISTVS per spiritum sanctum, atque in eo cuncta operans, diuina, mirabilis potentia, qua & resurgere ipse ualuit à mortuis, & cæteris fuit ad infringendam tyrannidem mortis princeps & author. Mortis, inquam, non tam communis huius, & corporeæ, quamquam & ista quoque è nostro mortali corpore CHRISTI dono efficienda est, immortalitasque induenda: Sed illius spiritualis & perpetuæ, qua genus hominum uniuersum, nisi dei in filio benignitas nobis subuenisset, deo ipsi, & coelesti uite æternæque prorsus fuisset mortuum: de qua huiusmodi resurrectione in toto fidei CHRISTI & Euangelij mysterio præcipue semper agitur. Ac Christus quidem ipse quoad uixit inter homines, cum hisque uersatus est, docendo, & sanando, etsi filius est Dei, tamen filius hominis plerumque & cæteris uocatus est: ut ab illo clamante, IESU fili Dauid miserere mei, & semet ipse uocabat. Post mortis uero, crucisque mysterium, cum in præstantiorem uitam surrexisset, toto utriusque uite actu & in se absoluto, & nobis demonstrato, humanis iam infirmitatibus in eo elisis, diuinisq; uirtutibus retentis, Filius Dei deinde frequentiore uocabulo appellatus, & iudicatus est. Atque in hoc loco æqualitas trinitatis mirifice expressa est. Si enim CHRISTVS, qui est uirtus & potentia patris, per spiritum ipse sanctus, & in spiritu sancto potens est, uimque per eum, & potestatem suæ diuinitatis exercet, ubi sunt qui spiritum negant sanctum, parem personam cum cæteris in trinitate posideret.

Per quem accepimus gratiam, & legationem, ut obediatur fidei in omnibus gentibus super nomine eius, in quibus estis & uos uocati IESV Christi:

PER QUEM accepimus gratiam potius, quàm à quo: ut ostendat à patre per filium se accepisse gratiam, & nuiquam amborum commune opus sciungat. Gratiam quidem, quoniam totum à Deo est profectum ut & idoneus ipse heret, & factus idoneus mitteretur ad annunciandam fidem omnibus gentibus, quò illa ab omnibus acciperetur. Etenim sic est perspicue in Esaia scriptum: Parum est, ut seruias mihi ad exprobrandum tribus Iacob, & ad conuertendum desolatos Israël: sed dedi te in lucem gentium, ut sis salus ex me usque ad extremum terræ. Omnes enim qui ubique sunt, ad ueri Dei cognitionem, & salutem suam uocati sunt. Siquidem in omnem terram exiit fidei, & apostolorum sonus. Non omnes tamen auscultauerunt. Sed hoc sua illorum, non Dei culpa. Qui uerò audiuerunt, & paruerunt, iis in CHRISTI nomine credere fuit necesse. Quo pacto etenim fides Deo habeatur inuitanti ad ueram sui cognitionem, uerumque cultum, & uitam propterea æternam, cœlique regnum promittenti, si is, qui hæc ex Deo annunciat, minime cui credatur, idoneus iudicetur: Est autem plena fides, credere in Deo patre, & in CHRISTO Iesu. Quid autem credere? eos esse (ut plurimum numero nunc tanquam personas duas enunciemus) qui cœlestia ista bona & dare soli possunt, & daturi fidelibus suis sunt, quæ est potestas unicus dei, trinitis propria. Nostra igitur in Deum ipsum fides super IESV Christo & nomine sancto eius fundata est, in ipso enim solo & per ipsum solum ad Deum nos adiungimus. IN QUIBUS ESTIS & uos. In quibus, inquit, gentibus, & his, qui obediunt fidei, estis & uos uocati IESV Christi. Quod intelligendum est, cum hoc modo loquitur Apostolus, uocati apostoli, uocati sancti, uocati IESV Christi; uocatos in his locis nō in participij ui, sed nominis esse prolatos. Hi enim sic uocati sunt, qui auscultauerunt, & paratas aures uocationi Dei præbuerunt. De quibus in Euangelio CHRISTVS: Nemo uenit ad me, nisi pater meus traxerit eum. Et rursus: Quæ meæ, quæ audiunt uocem meam,

Omnibus, qui Romæ estis dilectis Dei uocatis sanctis, Gratia uobis, & pax à Deo patre nostro, & domino IESV Christo.

VOCATIS sanctis, inquit, uocatis à IESV Christo in sanctitatem & puritatem, & cognitionem Dei ac filij, quæ est uita æterna. Gratia autem & pax, quoniam patris gratia & benignitate factum est, ut ueniret filius ad reconciliandam pacem hominibus cum Deo. Pater autem noster est Deus, quia & fecit nos primo ad imaginem suam: Filius enim imago est patris, & post arctioribus etiam necessitudinum utriculis in filios sibi adoptauit.

Primum quidem gratias ago Deo meo per IESVM Christum de omnibus uobis, quoniam fides uestra annunciat in toto mundo.

AGIT gratias Deo de aliorum bono, quod est ueræ, agit autem per IESVM Christum, quod est Christianæ charitatis proprium, quæ tamen sola uera est: sola enim uita, & unica ad Deum CHRISTVS est: & qui aliunde ad patrem nituntur ascendere, non per ostium, ut domestici, sed per pseudocytum, ut fures conantur ingredi. Sed & in patre, & filio, & spiritu sancto tribus uidelicet personis, cum unus sit Deus, nihil refert, cui personæ agas gratias. Per eam enim, aut in ea agis deo. Per eam, cum per CHRISTVM, aut per spiritum sanctum Deo agis gratias. In ea, cum ipsi met agis patri. Cum ergo gratias agit Paulus CHRISTO Iesu, quod eos, ad quos ipse scribat, fideles suos effecisset, per eum nihilominus agit Deo.

Testis enim mihi est Deus, cui serui in spiritu meo, in Euangelio filij eius, quod continenter mentionem uestri facio, semper in orationibus meis precans, si qua iam aliquando dirigar in uoluntate Dei, ut ueniam ad uos.

DEVS

DEVS EST mihi apud uos testis, cui seruo in spiritu meo, id est, in sinceritate, & uero corde. Nam quæ fiunt in spiritu, ea uere fiunt, & ab interiore homine fiunt, quoniam spiritus ad sese, ut qui simplex est, simulatione obduci non potest, nec aliud pro alio pretendere. Sed si instituit fallere & mentiri, corpus sibi aduocet necesse est, cuius ministerio utatur ad decipiendum. Corpus enim spiritui tanquam persona est, quæ cum ex transeam formam, alienamque obtendit, interiorcm, & ueram non facile finit cognosci. Quod personatis accidit, qui fallere idonei sunt, quod uere ipsi sunt intus occultentes, quod fictum, fucatumque est, aspectibus obijcientes. Hanc personam Iudæi ita attendebant, ut in ea sola fere insisterent, nec quod intus erat, perspicere laborarent. At neque adoratio, neque uictimæ, nec oratio ipsa, uocisque prolatio, nec frontibus occultisq; demissio, flexusq; cervicis ueram seruitutem Dei indicat: possunt enim ista à contraria animi uoluntate ad simulationem fallaciamque conuersti. Ipsa autem uoluntas ipsam se non decipit. Est enim sui optime conscia, & cum seruit Deo, in ueritate seruit. Quamobrem & hos adoratores, qui in spiritu adorant, & in ueritate, quæ res se sibi Deum satis aperte apud Iohannem mulier Samaritanæ differuit Christus. Paulus igitur ut ostendat ueritatem seruitutis suæ erga Deum, seruire illi sese ait in spiritu suo, quod est in interiore homine. Et simul ut auctoritatem Iudææ legis iam enervare incipiat, quæ deo seruiebat non in spiritu, sed in litera, & in ijs operibus, quæ corporea sunt. Habet autem spiritus eiusmodi cognationem cum Deo, ut tanquam simile simili statim coniungatur, & pateat. In eo itaq; Paulus se inquit seruire Deo. At in quo seruire opere? In euangelio filij eius inquit. Quod supra dixerat euangelium Dei de filio suo, nunc euangelium id filij appellans, uidelicet illud ut demonstret, non esse opus neque à filio patris, neque à patre filij se iunctum ullum, & simul ut innuat filium ipsum recte Euangelium uocari. Siquidem CHRISTVS idem & monstrator nobis, duxque uix est ad cælum, & ipsa uia docēs ueritatem, & ipse ueritas: intromittens per ostium, & ipse ianua: sic euangelista ipse, & euangelium, in quo quidem euangelio Paulus ad seruendum Deo est constitutus. Quo etiam pater id quod antè dixerat, se ab alijs omnibus curis, & negotijs in hanc unam prædicationem euangelij Dei, in qua Deo seruiat, separatam à Deo, segregatamque fuisse.

Desidero enim uidere uos, ut aliquid impertiam gratiæ uobis spiritualis in confirmationem uestri, hoc est, ut mutuum capiam solatium in uobis per æternam fidem, & uestram, & meam.

PRIVS tanquam præbiturus illis ex se, & sua in fidem Christi constantia, ac firmitate solatium, & in eadem fide firmitatem loquens post mitigauit orationem, ne uelut censor, & magister loqui uideretur: paremque sese, & unum de illis fecit, ut alterno fidei exemplo inquitens, ego ex uobis, uos ex me consolationem, & lætitiā capiatis.

Nolo autem uos ignorare fratres, quòd sæpe proposui uenire ad uos, & uetius sum usque adhuc, ut fructum aliquem habeam & in uobis, sicut & in reliquis gentibus & Græcis & barbaris, & sapientibus & insipientibus debitor sum, sic quantum est in me, promptus sum & uobis, qui Romæ estis, euangelium prædicare.

CONSTITVI uenire, inquit, ut fructum aliquem feram in uobis: Traiectio enim est, quam Græci *παρεσιγή*, cum trans sententiæ, uerba uenuntur, & alij intersitis tunc demum ad ordinem reditur. In quo sanè usu transiendi, & interponendi Paulus creber est. Fructum autem aliquem ut feram in uobis, si aut solatio aliis cui uestrum fuero, aut aliquos reddidero firmiores: aut etiam si ex numero eorum, qui nondum credunt, aliquos docuero ueritatem Euangelij, & ad ueram fidem conuertero. Hi enim sanctis hominibus suorum laborum, & actionum sunt fructus, si quos in aliena procuranda utilitate percipiunt. VETITVS sum usque adhuc, inquit, non alio opere diuerso à prædicatione Euangelij, sed hoc ipso prædicandi

officio apud alios per uoluntatem Dei impeditus. Non enim Paulus cum rei famliari tempus impendisset, aut cum prædica locasset, & quæ erant domi, composuisset, tum se conuertebat ad prædicationem Euangelij. Hominum enim non Deo, sed sibi inservientium ista sunt. Sed in hoc uno prædicandi munere totus ille & usquequaq; erat infixus, neq; aliud quippiam curabat omnino, nisi ut per suum laborem, & diurnam, nocturnamq; sollicitudinem reliqui in gratia, & beneuolentia cum Deo esse possent. Itaq; sicut in cæteris gentibus, inquit, omnibus doctis, & indoctis (est enim hoc illud, & Græcis, & Barbaris, & sapientibus, & insipientibus, hoc est, & simplicibus & callidis, quoniam mundi huius sapientia, calliditas potius, & uersutia quædam est) sed sicut omni hominum generi, & conditioni omni in cæteris gentibus debitor sum huius prædicationis, quoniam hoc mihi datum est ab Deo negotium, ut prædicem omnibus, sic & uobis quantum in me est, qui Romæ estis, cupio prædicare.

Non enim pudet me Euangelij CHRISTI: potentia enim Dei est in salutem omni credenti, & Iudæo primum, & Græco.

OMNIBVS gentibus, inquit, prædicandi Euangelij debitor sum, quod minus usque eo non refugio, ut eo etiam gloriæ, quamquam Christianam secutus modestiam hoc uerbo gloriandi non est usus. Nam in infirmitatibus gloriari; & in ignominijs, & in ærumnis proprium magis est Christianæ uirtutis, sicut ipse alibi: Libenter gloriabor in infirmitatibus meis. Et: Mihi absit gloriari, nisi in cruce domini nostri Iesu Christi. In his autem rebus, quæ quandam nobilitatem, & gloriam apud homines præferunt, exultare & gloriari non est Christi cultorum. Quod si res ipsa, quam agebat Paulus, ac non ipsius humilitas, modestiaq; pendatur, quid magnificētus, aut maiore erat cum gloria prædicandum, quam legatum electum esse ab omnipotente Deo ad ueram felicitatem, & uitam æternam omnibus gentibus annunciandam: Attamen in hoc nõ gloriatus est Paulus. Omnem enim gloriam rerum tantarum, & tam optandarum ad auctorem Deum, & Christum referebat. Ipse uero legationis ministerium, prædicationem scilicet euangelij non erubescere. At quomobrem non erubescere? Quia euangelium, inquit, potentia Dei est in salutem omni credenti. Nam alijs quidem potentia Dei apparuit in puniendis, & exterminandis nõ tam singulis sæpe hominibus, quàm integris nationibus, ut in Sodomitis, & in Aegyptijs paruit, ac in ipsis quoque Iudæis, multoq; magis in toto hominum genere diluuiionibus aquarum abolendo. In conseruandis uero, & admittendis ad amicitiam sui, sic uniuersè passimq; hominibus nusquam alibi Dei potentia, quàm in euangelio perspicua facta est. Hoc enim ipsum illud est Euangelium, quod salutem omnibus dat, quod à morte uindicat, quod immortalitatem donat, si credatur, in quo maxime sita est dei potentia. Omnis enim illius, minatio cæcutientium, directio errantium, iustificatio impiorum, languentium quoque uegetatio, & mortuorum excuscatio illud ipsum Euangelium est: & ipse Christus, qui idem recte, ut in his uerbis ostenditur, dicitur Euangelium, in quo nimirum qui credunt, ista omnia consequuntur. Nec uero alijs in rebus, aut operibus præstantius elucet Dei omnipotentis potestas, & magnitudo, quàm in hoc Euangelio, quod solum salutem atque uitam omni credenti dat, siue ille antea Iudæus fuerit, siue Græcus. Licet enim Iudæus in lege, Græcus in sapientiæ studijs gloriatur, nec ille tamen sine fide, nec hic nisi per fidem saluus esse potest. Nam quod ait, & Iudæo primum, & Græco, primum illud antecedentiam denotat, non dignitatis, sed temporis, ut primum dicatur, id est, ante Euangelium. Vterq; enim cuiusuis antea fuerit generis aut professionis, uel Iudæus uidelicet, uel Græcus, non ex eo quod antè fuit, sed ex hoc quod in Euangelium credit, salutem adipiscitur. Atque hoc uno modo illud primum intelligendum est, minus fortasse apte, si ad elegantiam linguæ attendas. Sed talis fere Paulus non tam uerborum cultum, quàm sententiarum uim expendens.

Animaduertendum autem est Græci nomine, Paulum omnem hominem comprehendere, qui sit idolorum cultui & adorationi deditus: duasq; tantum sectas hominum scripturæ sanctæ esse, Iudæos, qui utrum Deum colant: & Græcos, qui falsos deos

deos veneretur. Qua ratione & Romani, & Barbari omnes hoc quidem in loco & in plerisque scripturae locis sub Græcorum nomen succedunt. Nam quod paulo ante Græcos distinxit à Barbaris, id in literis, & in moribus fecit. Cum autem loquitur de sanctis, Græci omnes dicuntur, qui sunt, aut fuerunt idólis dediti. Quod etiam in Mattheo, & in Ioanne, & in Apostolorum Actis, quâ scribitur factum esse murmur Græcorum aduersus Hebræos, ita esse cernitur, ut Græcos perspicue scriptura pro omnibus qui coluerunt, aut colunt idóla accipiat: & sanè perpetuis aliquot deinde seculis, & ad nostra ferme tempora, quoad Romani principes sedem imperij Orientis Constantinopolim tenuere, quicunque accersiebantur hoc crimine, quod cultum idólis impendissent, & in *idolatriâ* dicebantur accersi, ut uocabulo ipso indicaretur, non gētis, & nationis esse illud crimen, sed falsæ religionis.

Iustitia enim Dei in ipso reuelatur ex fide in fidem, sicut scriptum est, Iustus ex fide uiuet.

Q U O D dixerat Euangelium potentiam esse Dei in salutem omni credenti, declarare nunc nititur, & ostendere, quomodo ex Euangelio sit salus, sic breuissime rem totam exponens. Quid ita enim Euangelium potentia Dei est in salutem omni credenti, quia iustitia Dei in ipso reuelatur ex fide in fidem. Quod ut planius fiat, alto enim sensu ab Apostolo est positum, sic exponemus. Diximus supra Euangelium esse, & eum, qui annunciat, Christum, & ea quæ à Christo annuntiantur, æterna credentibus bona, quæ tamen, si subtiliter inspicatur, ipsemet est Deus. Potentiam autem Dei Euangelium esse, quoniam eos qui credunt, & statim iustificat, quâuis prius impios: & excitat ad uitam, Deo antea mortuos. Quorum utrumque spiritaliter intelligendū est. Nam neque iustificatio in corpore est, sed in solo spiritu: spiritus enim & pietatem, & impietatem solus accipit, corpus tantum ministrat, & subseruit spiritui. Mortem autem & uitam uterque & spiritus scilicet recipit, & corpus. Dei ergo uirtus & potentia, quod ipsum est Euangelium, & ipse Christus, simulatque in eum quis crediderit, & statim iustificat impium, uero spiritali iustitiæ dono: & suscitât mortuum, translato à morte corporis uocabulo. Mors enim in corpore non quidem magis uere, sed magis communiter uulgo ab hominibus dicitur. Sed sicut corpus amissa anima huic lucet, & huic uitæ defunctum est, sic animus & spiritus amisso Deo, ueræ & uitæ, & luci est mortuus. Qui si ex illis tetræ mortis spiritalibus tenebris, Euangelij tuba excitatus, aurem, animumque admouerit uerbo Dei, qui est Christus, fidemque habens ipsæ, quæ annuntiantur, & illa ipsa annunciata bona, & Deum ipsum, Christumque concupierit, illique sese dediderit, atque permiserit, ex mortuo repente fit uiuus, & ex impio pius. Virtus igitur Dei, quæ una facere ista potest, excitare mortuos uidelicet, & iustificare impios, quod ipsum est Euangelium, cum ad faciendū actum deuenit, quod contingit simulatque quis in Euangelium pura mente credit, fit iustitia. Atque id dupliciter, quod & fuisse ipsa agit, & eos facit iustos, qui sese illi permittunt, & sese ad eam cum fide cōserunt. At quomodo iustificat ex uulgi enim sensu & ui uocabuli iusti illi nominantur, & illa iustitia, quæ delinquentibus poenam, bene autem meritis præmiū refert. Hanc autem Dei ignosceniam nō modo non exprobratē uitæ delicta, sed etiam eos, qui illa perpetrarunt, si credere instituant Deo, in gratiam secum & amicitiam recipientem, misericordiam potius, aut clementiam, & benignitatem nominabimus, sicut sepe & Paulus, & omnis scriptura nominat: iustitiā uero proprio uocabulo nequaquam. Sed animaduertendū est iustitiam hoc loco pro toto genere uirtutis poni. Est enim iustitia non semper species illa uirtutis, quæ in faciendis iudicijs, & præmissis poenis uel distribuendis tota cōsistit, sed uerius etiam, & illustrius iustitia est una uerfa uirtus, quæ in Deo potissimū huiusmodi est, qui nō habet distincta genera uirtutum, quæ unicæ tantū in se uirtutis rationē, diuiniore quodā modo in unū simplex, atque summū uirtutis partes omnes, & omnia nomina comprehendente. Cuiusmodi fermē deo in sacris literis iustitia attribuitur, ut cū dicitur: Iustitia tua iustitia in æternum, & lex tua ueritas. Et Esaias, quā dominum inducit aspernantem ieiunia, quæ affligunt corpus, & potiora misericordię operæ requirētem, suadentem dari panem

pauperibus, errabundos recipi, nudos uestiri, & sic demum inferentem: Tunc erumpet ut aurora lumen tuum, & anteibit ante te iustitia tua. Iustitiam eo loco pro omni bonitate, humanitate, benignitateque accipit. Et alibi apud eundem Deus i spirituali loquens Hierusalem: Non erit tibi amplius sol in lucem, inquit, sed dominus, & populus tuus omnes erunt iusti: quod est, omni bonitate, & innocentia præditi. Et in Evangelio: Nisi abundauerit iustitia uestra plus quam Scribarum, & Phariseorum: hoc est, plus quam illa legis, ut uniuersa bonitas intelligatur. Item & illud: Querite primum regnum Dei, & iustitiam eius: omnem illam uirtutem, puritatemque intelligit, quæ sit regno illi, & coelesti uitæ consentanea. Cuius quidem diuinæ, absolutæque iustitiæ, quam uniuersam bonitatem esse dicimus, indicium quoddam est, & simulacrum in hominum iustitia, cum quis iustus ita esse dicitur, non quod res integrè, rectèque djudicet, sed quod bonitate, & innocentia inter homines est ornatus, uelut generallem illam iustitiam obtinens, quod nil agit, neque molitur, quod legibus sit, aut bonis moribus contrarium. Sed Dei iustitia singulari quodam, & multo excellentiore ex genere non innocentie solum, & integritatis, sed bonitatis, beneficentiæ, largitatis omnis numeros complectitur, diuino modo, & prorsus ineffabili, in ipso Deo longe eminens. In nobis uero cum Deum, & iustitiam Dei imitatione assequimur, inferiore quidem est gradu, sed tamen longe præstantior, quam ut ad eam ulla humana iustitia possit aspirare. Hæc in Deo iustitia talis est, ut solem suum iubeat oriri super bonos, & malosque: si iustitia illa esset minor, membrum, & pars uniuersæ uirtutis, auferret solem suum malis, & illucesceret bonis. Nunc cum super omnes illum educat, & proferat, ostendit diuinam bonitatem contentam se ipsa, & dotibus suis, immoto animo, atque imperturbato aliorum errores, & delicta perferentem, omniaque ipsa gerentem, ac dispensantem, ut quoad quidem fieri potest, omnibus salus ex se se & gloria pariat. Quam qui in fide CHRISTI imitantur, eadem prope mente, eodem fini, omniaque ex se animi perturbationibus quæ humanas cupiditates referunt, eiecus, ad illum supremum diuinæ bonitatis, & beneficentiæ gradum conantur ascendere. Sit igitur hoc nobis imprimis constitutum, iustitiam Dei hoc loco totam esse uirtutem talem, atque ex eo genere, quod in Deo esse conuenit, uel si noto magis, & communiori uocabulo uterendum, uniuersam esse bonitatem, uirtutum dominam cunctarum, cuius in Deo propria semper, & perfecta est absolutio. Hæc ea ipsa Dei iustitia est, quæ in Evangelio patet, & uelataque est, cum omnibus antea seculis fuisset abscondita. Patet inquam, quoniam, etsi bonum esse Deum, etiam antea credebatur, bonitatisque suæ ille plura sæpe monumenta pluribus hominibus ostenderat, illius tamen nec ludæi bonitatem cæteris esse gentibus propositam censebant, neque gentes tantum in Deo studium erga hominum salutem fuerant ratæ: ita utrique de Deo inferius omnino, quam illius bonitas digna sit, existimabant. Sed etsi ludæi, atque gentes ab hoc errore iustitiam deducere, ampliusque de Deo, & magnificentius iudicium utraque natio fecisset, ac ludæi Deum communicassent gentibus, gentes uero se se Deo, & salutem suam uehementer curæ esse credidissent, tantam tamen illius, & tam immensam inenarrabilemque bonitatem, tantum nostræ procurandæ elaborandæque salutis studium, quantum ex Evangelio nunc patefactum est, neutri unquam potuissent estimare, neque credere. Etsi enim Deus ignoscebat antea etiam peccatoribus, per amicum tamen operum, & sacrificiorum, per sacerdotes, & uota precantium, ignoscebat: nunc per fidem solum breuissimo compendio facili, & libenter omnibus ignoscit. Efflagitatus antea, atque exoratus ueniam dabat: nunc inopinantibus nobis ueniam ultro, & salutem ex Evangelio obtulit. Qui si etiam nos ad ueram uitam & ad salutem perpetuam pro sua bonitate erat uocaturus, per filium suum ne, atque eumdem unicum, per imaginem potentie, & summæ gloriæ suæ, atque per eius filij laborem, dolorem, ignominiam, mortem, ut id faceret inaudita quadam charitate, & amore erga nos potuit adduci? At quemadmodum nos uocauit? primum omnes nostras ueteres insulas uoluntariæ obliuione obtulit. Deinde cum ab eo nos penitus auerfi, atque ad alias curas, aliisque studia planè cōuersi, ipsius Dei hostes, & aduersarios nobis dominos, & Deos adiciuissimus, non est infectatus errorē nostrū, sed ueluti elemēs pa-

ter tunc

ter tunc maxime ad misericordiam, & ad amorem erga nos exarsit, cum maxime nos ab eo disunctos uellemus, nec contentus ad gratiam, & amicitiam suā nos reuocare, fratres omnes I E S V Christi filij sui eos, qui per fidem ad eum se contulerunt, & sibi filios adoptauit, ac fecit. Hæc est bonitas, hæc Dei iustitia, quæ in Euangelio reuelata est, omnis uirtutis partes, æquitatem, sapientiam, humanitatem, liberalitatemque complectens, quam Euangelium nobis perfecit, totamque contulit ad salutem, & ad liberationem nostram. At quo pacto illa ex fide, & in fidem reuelata est? Nimirum quia fides erga Deum nostram huic iustitiæ Dei, in salute nostra sese offendendæ aditum, & locum, & occasionem aptam attulit. Aperit enim se illa, & effundit super credentes, Quæ si fides non adsit, omnes habet introitus ad salutem nostram prorsus interclusos. Qui ergo sese Deo dedere per fidem, atque permittere, hoc est, qui spem in illo suā, totamque fiduciam ponere institunt, quæ est uirtus & doctrina Euangelij propria, hos illa diuina iustitia & bonitas, non in amicos solum, sed in charos, & dilectos filios planè accipit. Quorum neutrum nobis antea neque speratum, nec cognitum, nunc ex Euangelio utrunque est patefactum. Ita in Euangelio ex fide in Deum nostra illa infinita, & ineffabilis bonitas summi Dei, insignis iustitia apparuit, omnibusque communis, & perspicua facta est. Quomodo autem eadem patuerit in fidem, id nunc accurate à nobis exponendum est, ut sensum omnem percipiamus Pauli sublimem, atque altum, & maximarum rerum mysteria paucissimis uerbis inuenientem. Sit enim illius hæc uerba: Quod iustitia Dei in Euangelio reuelata est ex fide in fidem. Ac ex fide quidem quemadmodum sit reuelata, diximus: simul ut enim fidem Deo habere coepimus, quod nobis per Christum & Euangelium contigit: Sic nobis statim incipit illius bonitas, & iustitia, omnisque erga nos benignitas & beneficentia apparere. In fide uero eadem Dei bonitas ex eodem Christo, Euangelioque se ostendit, cum facit nos Deus sui imitatores, & similes, cum eadem iustitia, & bonitate nos insignit, quæ est ipse præditus, cum qualis ipse nobis factus est, & apparuit, tales nos in proximum ipsum Deum imitando, & sequendo efficiamus, quod est tamen Euangelij proprium munus, atque præcipuum. Qui enim uera fide ad Deum se conferunt, hoc est, qui & spes, & rationes suas in eo collocant, his facilis est, & prompta diuinarum uirtutum imitatio: ab omni enim rerum mundanarum studio isti auerti, suosque amores in bonis coelestibus optandis, & in illa cum Deo gratia, coniunctioneque ponentes, nullis earum affectionum motibus perturbantur, quæ ex mundanis curis solent excitari, in quo similitudo summi Dei, & illius iustitiæ, ac bonitatis species elucet. Ille nullo odio, nulla offensione animi unquam permouetur, ex eo quidē, quod nullius est iniuriæ, nullius cupiditati expositus. Nihil enim habet, quod uel libi eripi possit, uel quod ipse alij eripere contendat: sed semetipso contentus, atque plenus, neque aliud quicquam extra se requirens, id mauult atque optat, ut exuberantiam bonorum suorum, quibus ipse redundat, in alios, qui accipere idonei sint, possit effundere. Similiter & nos fide in Deū præditi, & illa bona tantum attendentes, quæ ex Deo sunt, summa, & immortalia, quæ etiam pi nobis non possunt, quæ communicatione, & participatu plurimorum crescant, non diminuuntur, quæ inuidiam, iniuriam, perfidiam non admittunt, imitatione eiusdem iustitiæ, & bonitatis ad Deum proximè accedimus. Ille ignouit nobis: nos ceteris ignoscimus. Iniurias ille non sentit: nos illas facile dimittimus. Ille nos hostes antea suos recepit, & adoptauit in filiorum numero: nos inimicis quoque nostris fratrum, & parentum officia præstamus. Ita cum imitatores Dei sumus effecti, sicut filij patris, tunc non solum ex fide nostra illa Dei in ipso patefacta est iustitia, uerum etiam ab eodem Deo in nos redundauit, ut fides in nobis non modo Dei aperuerit iustitiam, sed eadē ipsa insuper diuino & incōparabili munere in nobis eisdē iustitia insignis sit facta. Imprimis enim Deus in hos qui ei confidunt (etenim fidem hoc loco pro ipsis fidelibus accipimus) imprimis in hos inquam, suæ diuinæ uirtutis, iustitiæque similitudinem: quod est illud, quod Paulus inquit: Ex fide in fidem, cum primum fides credentium, prouocat Dei iustitiam, ut aperiat sese, & ostendat qualis quæque sit in ipso Deo. Deinde ipsa Dei iustitia iustos facit credentes: non humano genere iustitiæ, sed illo diuino, & incōparabili, quo Deus ipse iustus intelligitur & bonus. Quod & nos Dei æquanimitate, ac benig-
gnita

gnitate illa imitanda assequimur. Quod ubi nobis contigit, munere ipsius Dei, non cura, nec operatione nostra, tunc vere Deum patrem in filios alii ipso adoptati & nominamus, & colimus. Sumus enim illi prorsus effecti similes, illudque Evangelicum præceptum implemus, quo admonemur, ut simus perfecti, sicut pater in coelis noster perfectus est. Porro autem duplicem hunc actum diuinæ iustitiæ, quo & ipsa nostra ex fide sese in Deo aperit, atque ostendit, & post in eandem fidem, hoc est in nos, qui credimus, sui imitatione, atque exemplo se inlinuat, quotidie nos in dominica oratione Deum obsecrando usurpamus, & repetimus, ut dimittat nobis debita nostra, sicut & nos dimittimus debitoribus nostris. Martyres uero ipsi, tot hominum millia uirtute, & factis magis comprobauerunt; qui quod illis fecerat Deus, ut filium pro cis in mortem, & crucem traderet, ipsi imitando Deo & filios, & semetipsos in eundem cruciatum, & mortem, quo confirmarent ceteros, fortiter dederunt. Ille autem in Euangelio seruus, qui rationibus subductis, domino inuentus debitor, atque exigi iussus, lacrymis, ac precibus impetrauit illud sibi omne nomen donari à domino, ac remitti; non eadem ipse postea humanitate, & clementia erga conseruauit usus, id egit, ut non posset de eo dici, quod quam ipse benignitatem erga se in domino expertus esset, eandem domini imitatione in alios postea referret. Precibus enim suis flexit, ac molliuit ille quidem animum domini sui, sed non est ipse precibus conserui delinquit. Ita in eo paruit quidem domini clementia, cuiusmodi in domino erat ex illius precibus, sed non paruit in preces, hoc est, in ipsum precantem, quatenus non ipse est dominum in bonitate eadem, & animi mollitia imitatus. Nam quod dominus pepercit illi, debita cumque dimisit, nullum in seruo id affert bonitatis argumentum; Sed tantum effectum in eo domini liberalitatis ostendit, totaque illa bonitas, & benignitas ad dominum pertinet; quæ est ex precibus supplicantis serui in domino parata. Si uero seruus hac erga se domini humanitate edoctus, parem deinde ipse conseruo humanitatem ex his buisset, non solum ex illis precibus clementia domini patuisset, sed in ipsas preces etiam, hoc est ipsum in precantem fuisset insinuata. Ac ut clarius etiam intelligamus, quantam celestis uim sententiæ in his paucis uerbis constrinxerit Paulus, qua dixit: iustitia Dei in Euangelio reuelatur ex fide in fidem: transferamus iustitiæ uerbum in nomen potentiæ, perinde ut si dicamus: Potentia Dei in CHRISTO reuelata est ex fide in fidem. Nam quomodo ex fide reuelata est potentia Dei? quia præterquam in solos credentes, in alium quidem neminem mirabilia illa opera operabatur CHRISTVS. Ille enim & cæco lumen reddebat, sed consenti se credere, & considerare, quod ab eo esset illuminandus. Et dæmones eiciebat, languoresque corporum curabat, sed eorum, qui petrent, & fidem in eo se habere dicerent. Lazarumque excitabat è mortuis quatrduagium, quoniam fidem Marthæ ita consentis audiebat, Denique ipsemet clamabat, & palam, aperteque testabatur, Qui crederent in se, fidemque haberent, nihil esse tam arduum, nec tam naturæ insolitum, quod non in ijs facile factu esset. Hoc modo igitur ex fide uirtus Dei, & potentia in patrandis miraculis ostendebatur: quæ si fides quidem non extitisset, fuisset in ipso Deo occultata, & abdita. In fidem uero eadem potentia paruit, cum discipulis ipse dixit: Si credideritis, fidemque habebitis, eadem facietis, & maiora his facietis. Neque solum dixit, sed præstitit etiam re, atque factum, ut qui ab eo fluxerunt apostoli, ceterique discipuli, eiusdem fidei merito, qua Dei erga se mirabilem uim cognorant, ipsi deinde reliquis fierent admirabiles. Eandem enim uirtutem, Deique potentiam in curandis omnium morbis, dæmonibusque eiciendis ipsi exhibuerunt, quam in magistro suo antea perspexerant. Ita & ex illorum fide, potentia Dei in ipso Deo manifesta facta est, & paruit in fidem, cum in illos ipsos credentes, fidemque habentes diuino beneficio ita traducta est, ut efficeret eos in eadem potentia Deo similes. Similiter igitur, atque eodem modo in Euangelio reuelata est Dei iustitia ex fide in fidem; quoniam & ex fide nostra illa in Deo paruit, & in ipsam deinde fidem, quod est in fideles ipsos eiusdem diuinæ benignitatis, & gratiæ munere, atque exemplo est translata, ut qualis est ipse Deus, tales efficeretur qui per fidem & Euangelium Deo se committere studuissent. Hanc eandem sententiam paulo infra Apostolus magis dilucide expromit, tanquam hæc uerba interpresans, &

tans, & hunc eundem locum alijs uerbis exponens, quā ait: **NUNC VERO** seorsum à lege iustitia Dei manifestata est, testificata ab lege, & à prophetis. Iustitia inquit dei per fidem **185 v** Christi. Atque hoc est, quod hic ait, ex hęc. Deinde sequitur: In omnes, & super omnes credentes: quod iam est in fidem. Ita reuelata est iustitia Dei ex fide in fidem. Et mox paucis interiectis uerbis, declarans etiam apertius, subiungit: In declarationem iustitiæ suæ ex remissione præteritorum peccatorum in tolerantia Dei, in demonstrationem iustitiæ suæ in hoc tempore, quauit ipse iustus est: quod est ex fide reuelari Dei iustitiā. Quod autē sequitur: Et iustitiam eum, qui est ex fide **185 v**. Iam hoc est eandem iustitiam Dei in fidem reuelari. Ita ex fide in fidem iustitia Dei in Euangelio reuelatur. Tum **1 v l i v s**: Arduum sanē, & difficilem locum mi frater planum, & facilem reddere es conatus. Etenim sæpe in horum uerborum sententia exquirenda acriter, diuicis uis satis, non potui ipse mihi satisfacere, dissimilitudine etiam opinionum ex interpretibus impeditus. Nunc uidere mihi uideor non solum, quæ mens Pauli sit, & quid sensus horum uerborum ferat, sed non pauca etiam, quæ mecum animum prius dubitationibus obcurrabant, mihi patefacta fore confido. Mihi enim illud occurrebat, quo pacto iustitia Dei esset in Euangelio reuelata, quæ omnibus semper seculis manifesta extitisset, non in creatis rebus inanimis solum, ut in elementorum paribus momentis, ut in coelestium orbium ordine, mortuorumq; constantia, sed in hominibus etiam, humanisq; actionibus & consilijs, in quibus qui iustitiam, & uirtutem melius coluissent, his semper ad suam auctoritatem, & ad potentiam patriæ suæ amplificandam, aduersionibus minuentem diuina uis iustitiæ propius affuisset. Quod non in rebus solum publicis & cōuentu populorum, sed in singulis etiam hominibus sæpius accidisse monumētis testatur est. At nunc perspicio, atque intelligo non omnino de iustitia & bonitate Dei, sed de ea, quatenus per fidem perspicua facta est, Apostolum loqui: ut si dicamus, bonitatem quidem Dei patuisse antea in creandis rebus, eisdemq; seruandis: In ipso autem hominum genere ex fide, & in fidem ante **185 v m** Christum non patuisse, ut non iustitia, sed talis actio iustitiæ, quæ per fidem est, in Euangelio fuerit reuelata, quæ etiam potentia Dei esse dicitur, in salutem omni credenti. Quamquam enim potentiam suam, sicut & iustitiam, ac bonitatem multis in rebus semper ostenderit Deus: In hominum tamen genere ad ueram, perpetuamq; salutem reuocando, nusquā ostendit, neque declarauit apertius. Ac patefecit illam ipse quidem ex Iudeorum genere non paucis, quod in patriarchis, & prophetis est manifestum, ac fortasse in nonnullis quandoq; qui ex gentibus propius se ad eius amorem, & cognitionem contulerunt: Passim uero & omnibus tam Iudeis, quam Græcis, tam doctis, quam indoctis, ac denique sine ulla exceptione uniuersis, qui ad credendum modò accederent; nunquam ante Euangelium **185 v** Christi iustitia ista Dei, & inenarrabilis benignitas ac bonitas demonstrata est. Ac nimirum, ut de potentia etiam Dei ad salutem credentium aliquid dicamus, mirabilior profectò exitus redemptionis nostri generis, quam ipsa creatio. Nam creatio ordinem suum habuit, postquam semel fuerat institutus, perennē, ac ratum, quem ipsa natura inserior suscipere, & propagare in ætates, ac tempora potuit. Redemptio autem solius Dei sine alio instrumento, aut operis uitæ effectus tantum est, quam nullo pacto natura possit imitari. Etenim si magnus est, ac mirabilis suscitator homines mortuos, & qui cursum uitæ iam confecerint, in eandem rursus uitam restituere, quod est non naturæ, sed Dei potentie opus proprium; admirabilius multo esse debet, eos qui ueræ uitæ, & diuinæ luci sint mortui, & in fœtore ac foribus peccatorum iam extabuerint, & Deo, & ipsis uiuos, ac ex nefarijs repente effuscere sanctos. Hæc est igitur potentia, hæc iustitia, & bonitas summi Dei, quæ in Euangelio proposita, & demonstrata est, cum omnibus antea seculis latuisset, ex fide excita, & in fidem se imprimens, quam eadem omnibus cæterarum uirtutum uocabulis, & elementis, & benignitatem, & misericordiam, & gratiam à Paulo, atque à scripturis sanctis appellari, & tibi assentior, & iure appellatam puto. **T V M E G O**: Gaudeo mi frater inquam, quod me adiuuas, & laborem meum tua industria facies uisum, tuoque isto ingenio mirificè delector. Sed quod iustitia ista in Deo uniuersum

D genus

genus sit totius uirtutis, non ne etiam ea res perspicue demonstrat: quod in animis & cordibus credentium impressa, non eos solum facit iustos ex ea parte uirtutis, quæ in iudicando, & distribuendo sita est (possent enim qui eo modo iusti essent, uitij alijs quot ex alio genere laborare) sed eos usque eo facit iustos, ut nihil illis desit, quod in uera, & eximia uirtute sit expetendum: neque tamen ex uisitato hominibus, & legumla toribus genere, hæc in illis uirtus ex illis, sed diuinius multo & magnificentius, ac ut ad eam, tanquam ad proprium Dei donum nulla humana uirtus comparare se audeat. Etenim ut humane iustitiæ, & eius, quæ ex lege est, cum diuina iustitia contentionem aliquam faciamus, non eiusdemodi ambæ, neque uno profecto ex genere simit: sicut neque solis, ac lychni lumen est uniusmodi. Sed illa Dei iustitia ex plodit, & efficit humanas omnes cupiditates, neque eis apud se esse uult locum. Hominum autem iustitia affectiones, cupiditatesque neutiquam reuellit, sed eis saturandis, atque exercendis adhibet modum quendam. Possessiones enim & prædia à nobis magni æstimari uult, familias ali, uitam & corpus præcipue defendi: Si quis iniuriam fecerit, legibus illam persequamur, uim uel repellamus, honori, & dignitatis maximam rationem ut ducamus, nobis permittit lex. Eadem cum diuigi amicos iubet, cum scenus à fratre, & indi gena uetat exigi, tacite potestatem præbere nobis intelligitur & inimicorum ueliscendorum, & scenerandorum alienigenarum. Quin etiam oculum pro oculo, uel pro dente, membrum pro membro eadem repeti permittit. Denique omnia eiusmodi sunt in lege, ut cupiditati quidem modus, ordoque præscribatur, ne præcepta uat, ne uersa confundat, cupiditas quidem ipsa incolumis retineatur. Quid uero Dei iustitia, quæ per fidem **CHRISTI** imprimitur in nobis, ista ne, aut alia huiusmodi præcepta dat? Minime illa uero, sed totam cupiditatem ex animis tollit, affectiones omnes extirpat: Diuinum quiddam in nobis alligit, iubet terrena cuncta despiciere, celestia concupiscere: Si quis pallium nobis eripiat, tunicam etiam dimittere: si quis maledicat, benedicere: si colaphum infringat, maxillam alteram offerre: uult inimicos ut diligamus, ut qui nobis malefaciunt, nos benigne eis faciamus. At hoc non hominum est, sed magnificentius quiddam propemodum quam angelorum: & tamen hæc in nobis Dei imago, & uera similitudo est: de qua **CHRISTVS** in Euangelio: Hæc agite, ut sitis filij patris uestri, qui est in celis, qui & pluit, & lucret pariter suos per bonos, & malos, iustos, & iniustos, nec per alienam malitiam, ac prauitatem, suam corrupti bonitatem sinit. Hæc est Dei iustitia, quam fides **CHRISTI** manifestam fecit. Quæ Deum fides primò impulsit ad ignoscendum sceleratis. Ad ignoscendum ne uentum: imò uero ad eos in gratiam, & in cognationem accipiendum, ut ex hostibus faceret sibi filios. Quæ cum in nos ex eodem resiliens Deo sue: it in nobis impressa, & consignata, similes Deo erimus, & eiusdem diuinæ iustitiæ imitatores, paternamque hanc feremus Dei omnipotentis in nobis bonitatis imaginem, quam requirerebat maxime, & ad eam æstuuabat Paulus, cum ita scribebat ad Philippenses: Omnia pro nihilo duco, dum **CHRISTVM** lucrificam, & inueniar in ipso non habens meam iustitiam ex lege, sed quæ per fidem **CHRISTI** in Deo est, iustitiam ex fide. Illam autem legis iustitiam penitus abiiciebat tanquam imperfectam, & degenere, ut quæ nil tale in nobis ualeat progignere. Sed ut ad Apostoli uerba reuertamur, conuenit iam inter nos, iustitiam non esse Dei cum hac iustitia legum ullo modo conferendam, sed usque adeo excellere, ut melius multo sit diuinam illam imitari, quam humanæ huius iustitiæ esse autorem, sicut uberrimi fontis riuum, quam tenuissimi riuuli fontem existeret magis esse optandum. Nam quod sequitur ex scripturæ testimonio: Iustus ex fide uiuet, ualet ad declarandum iustitiam Dei in Euangelio, non solum in ipso Deo ex fide, sed in ipsam etiam fidem patefactam esse. Qui enim per fidem ad Deum se contulit, non illius tantum iustitiam erga se, & bonitatem experitur, sed eandem ipse in sese ab eodem Deo haurit: & est id in Abacuch propheta scriptum. Deus enim apud illum: Iustus, inquit, meus ex fide uiuet. Iustus, scilicet quem ego efficiam iustum, non quem lex. At quo pacto iustum ex fide, inquit, non ex fiducia legis, operum, atque factorum. Quid autem ille ex fide tuus o Deus, iustus consequetur? uitam ait. Quid, non ne in lege, & in operibus uiuitur? uiuitur, sed

fragil

fragili & mortali uita, non illa felici, & sempiterna; in qua meam quoque aeternitatem, & uitam imitabuntur, qui iustitiam, & bonitatem fuerint imitati. **P L A N E** ista ita sunt, Iulius inquit, sed perge quaeso, in magnam enim iam non expectationem solum, sed cognitionem etiam maximarum rerum sum adductus, attendens diligentius, quid de hac iustitia Dei, de qua fidei potentia amplius dicturus, aut quibus argus mentis usus Paulus sit. **O P T I M I S** atque fortissimis mi frater inquam, sed sermone aliquanto implicatius. Hic enim sanctissimus, & consuetissimus Deo uir, uel propter altitudinem magnitudinemque cogitationum, quibus oratio par non suppetebat, uel ob humilitatem, & data opera, ac, ut ipse alio asserit loco, ne uirtus Crucis uacua fiat, neque proprietatem in uerbis, neque in oratione explanationem admodum est persecutus. Sed sententiarum contextus, diuinorumque mysteriorum subtilissimus indagator uix locum interdum humanis ingenijs relinquit, quā ad eius. sentia possit perueniri. Nos tamen adnitimur, non uiribus nostris terti, sed illius fiducia, qui dixit, ut sciremur scripturas, quoniam ipse de eo loquuntur, illud primum admoventes, Paulum, quo illam Dei potentiam, quae in Euangelio est ad salutem omnium crederent, melius exprimat, eiusque fructum in genere humano euidentius ostendat, uelle statum humani generis ante Euangelium, cuiusmodi esset, ante oculos nostros ponere, & quod ad gentes pertinet, & quod ad Iudaeos, licet haberent utriusque in quo consistere praesferrent, & quo gloriarentur, Graeci philosophiam, Iudaei legem. Verumtamen quantum utriusque sua gloriatio in contrarium ceciderit, ex sequentibus fiet manifestum, mundumque totum cum suo uitio interijisset, benignitate ac gratia Dei & **C H R I S T I**, atque Euangelij uirtute ad salutem, uitamque inueniendam eguisse apparbit. orditur autem primo de gentibus sic,

Reuelatur enim ira Dei è caelo in omnem impietatem & iniustitiam hominum, ueritatem in iniquitate detinentium: quoniam quod cognosci de Deo potest, manifestum est in ipsis: Deus enim ipsis manifestum fecit, inuisibilia enim eius ex creatione mundi, effectibus ipsis intellecta perspicuntur. Aeterna quoque ipsius potentia, & diuinitas, ut sint ipsi inexcusabiles, quoniam nolentes Deum, non ut Deum glorificauerunt, aut gratiam illi habuerunt, sed in saeuati sunt in disputationibus suis, & obsecrationem est insipientes eorum cor, dicentes se esse sapientes, stulti facti sunt, & mutauerunt gloriam incorruptibilis Dei in similitudine imaginis corruptibilis hominis, & uolucrum, & quadrupedum, & serpentium,

R E V E L A T U R hoc loco, non eodem modo quo supradictum est, reuelari iustitiam Dei in Euangelio. Nam iustitia haec Dei, quae ex fide apparuit, & in fidem patet, certe in Euangelio est, cum ante omnibus seculis fuisset occulta. Ira autem Dei è caelo super omnem impietatem non nunc primum in lucem prodit: diu enim antea eadem ira uigebat. Sed nunc primum animaduertitur. Veritate enim perspecta incipit nunc demum apparere falsitas, & lucis diurnae obtutus nocturnarum tenebrarum dat cognitionem, quae ipse per se non intelligerentur, hominibus praesertim illi duo in obscuritate uiuere assuescentis, nisi radio solis repente oblato illarum caligo, & caecitas deprehenderetur. Sic ueritate, & unitate summi Dei, & fidei uir, ac diuinae gratiae, iustitiaeque munere hominibus oblato, fructibusque pacis, & gaudij, qui ex illa percipiuntur, cognitis: Nunc demum intelligitur infelix, & misera illorum uita, qui blasphemij toti cooperiti, illiusmodique uitam potissimum existimantes, Dei offensionem, atque iram aduersus se non intelligebant. Itaque alij idem hoc uerbis ad Philippeneses significans Paulus, Vt audiam, inquit, de uobis, quod stetis in uno spiritu, una anima collaborantes fidei Euangelij non territi ulla in re ab aduersariis, quae quidem Euangelij fides illis est declaratio interitus, uobis autem salutis. Atque hoc lapsu in unam

hominum sit, ea re quod Deum, quem cognouisse uidebantur, repente deseruerunt, & cultum, ac gloriam, quam deferre illi debebant, ad muta simulacra potius, & ad fictas imagines hominum, aut brutorum contulerunt. Et sane æquum fuit, uel oportuit potius, ut Apostoli uerbo utar, ut, qui tantum in Deo à ueritate re mouerant, & qui tantum lumen diuinæ bonitatis non aspexerant, ne in cæteris quidem partibus, actionibusq; uitæ aut mente, aut oculis rite uterentur. Non enim fuit dignum, ut qui in Deo ueritatem falsitate commutauissent, qui est summa, & prima ueritas, in seipfis, qui sunt imago, & simulacrum illius ueritatis, ueram legem possiderent, et si Deum non honorabant, ut suum honorem colerent, sed in capite, ueritatis falsa opinione hallucinati, cum idola Deo præferrent, in se quoque ipsi turpitudinem, & dedecus honestati antetulunt, ut est in psalmo scriptum, Homo cum in honore esset, comparatus est cum iumentis insipientibus. In se ipsis autem, id est, in corporibus suis. Qui enim de mundo sunt, neque Deum conditorem, & remuneratorem hominis agnoscunt, hi cum de immortalitate animi, & de cælestibus præmijs nihil admodum cogitent, corpus unum habent, quod maxime excolant, seseq; totos in illo constituunt, & collocant, qui cum iidem opes, diuitias, lauta uestimenta, equos, argentum, familiam, cæteraq; huiuscemodi idcirco maxime expectant, ut honestiores, & præstantiores cæteris esse uideantur, nimirum ridiculose errant, uel miserabiliter potius, cum ipsi omni dedecore, turpitudineq; tanquam cæno obliti, his externis rebus oculis inuentum sese putant posse perstringere. In quo & peccatum sanè illis idem est, & poena peccati. Ita enim peccant in semetipsos, ut sese turpissimos, miserrimosq; ostendant.

Quapropter defensionem nullam habes ò homo quicumque iudicas. in quo enim iudicas alium, teipsum condemnas. Eadem enim facis tu, qui iudicas. Nouimus enim quod iudicium Dei est secundum ueritatem in eos, qui talia faciunt. Putas ne hoc ò homo iudicans eos, qui talia perpetrant, & ipse faciens ea, quod tu effugies iudicium Dei? An diuitias bonitatis eius, & tolerantia, & longanimitatis despicias? Ignorās, quod bonitas Dei in poenitentiam te deducit, secundum duritiā autem tuam, & impoenitens cor, recondis tibi ipsi iram in die iræ, & reuelationis, & iusti iudicij Dei, qui reddet unicuiq; secundum opera eius.

DEMONSTRATA populorum omnium, qui cultum idolis impendebant communi iactura, & clade, quodq; propter peruersos cultus omnipotentis Dei in omnem turpitudinem, & dedecus cunctorum scelerum lapsi erant, eos etiam nunc acrius coarguit, qui in eisdem criminibus inuoluti, cum sese ipsi non respiciant, de aliorum uitæ, & moribus tam facile obloquuntur, & selle liuoris maleuolentiaq; suffusi, ac studiose cæteris obtrectantes, proximi famam lædunt. De his enim potius est, quam de illis sermo Apostoli intelligendus, qui in magistratu, & potestate constituti legibus coguntur ad iudicandum. Illi enim legitimam iudicandi necessitatem habent, neque cum id iure faciunt, id illis uitio dari oportet. In eo potius erant, quod quæ in alijs reprehenderunt, sæpe eadem ipsi agunt. Hoc autem hominum genus, quod de altero sponte iudicat, etiam à Domino in Euangelio notatum est, & reprehensum. Qui in Matthæo, Nolite iudicare, inquit, ne iudicemini. In quo enim iudicio iudicatis, in eo iudicabimini, & qua in mensura metimini, metietur & uobis. Quid aspicias paleam in oculo fratris tui? & in tuo trabem non animaduertis? Et certe hoc genus dupliciter iniustum est, quod & facit ea, quæ non dect, & iudicat eos, quos non debet; quo quidem genere criminis, ac uitij, hominum genus imprimis laborat. Nihil enim ferè promptius, nec celerius est uel cogitatione hominis ad suspicandum male de altero, uel detractio, & maledicentia, simulque quis suspicatus est: Ita hoc crimen reliquis criminibus, quæ in hominibus

multa, & magna pauloante dicta sunt, maximum pondus, & momentum affert. Quid enim uel iniquius fieri potest, quam iudicare alterum in eo ipso, quo tu qui iudicas, dammandus es? uel improbius, quam ea agere, & perpetrare, quæ in altero damnatione digna iudicantur? Etenim satis eadem ipse agis, & perpetras, cum, quisbus de altero suspicionibus ut male sentias, permouere, in eo ipso te iudicas paria facturum, si eodem loco esses. Quandoquidem si esses bonus; nihil in te mali recognosceres, neque improbi, ne de altero quidem improbe suspicarer. Ac illi quidem abs te qui iudicantur, specie quadam fortassis ignorantia, & inaduersione animi subleuari à grauitate delicti aliqua ex parte possunt. Tu uero qui eos iudicas, qui eo ipso, quo iudicas, notionem, & scientiam habere te confitearis esse illud crimen dignum damnatione, quod reprehendis, cum illud idem ipse committis, qua nam defensione aduersus Deum es usus? cuius unius iudicium in ueritate est. Non enim leui coniectura, non suspicionibus incertis, non studio obtruncandi ad iudicandum ille adducitur, id quod tu facis, & qui apertum crimē proximi, si ullam partem æquitatis haberes, & te ipse respiceret, dissimulare potius, tegeretq; debebas, ultro occulta patefacis, suspiciosa coarguis, dubia in multo peiorem partem interpretare. Sed certissima cognitione, & peccatorum, & cordium iudicat Deus. Eius enim unius proprium est iudicare orbem terrarum in iustitia, & populos in æquitate, qui finxit singulatim corda hominum, qui intelligit omnia opera eorum. Tu sola iniquitate ad faciendum iudicium de altero accedis. Putas ne igitur, tu qui iudicas alios, & ea ipse facis, quæ in alijs reprehendis, quod effugies iustum iudicium Dei? Cum tu ipsum iniquum, iniustum, p. iudicium proximus tuus non effugiat? An forte eius tolerans, & longanimitas, & patientia ducis ad despiciendum ipsius bonitatem, & moram, procrastinationemq; ad animaduertendum in te, negligentiam harum rerum esse putas? longe falleris profecto, si ita arbitrare. Illa te bonitas Dei, illa patientia non te inultum sinit, sed spatium dat tibi aliquando respiciendi, & ad poenitentiam, ac ueniam reuertendi. Quod si non flecteris animo, nec ad perflugium misericordiae illius te conuers, sed duro corde, & peccatore poenitendi nescio diuinae illudis tolerantiae, & bonitati: erumpet, crede, in asperiores longe, & grauiorem aduersum te iram Dei omnipotentis indignatio diuturna, expectatione collecta, & acerbata, atque in die iræ, & scueritatis eius tibi apparebit. Nouit enim ipse, & scit optime temporum mensuram, & suum cuique tempus, sua spatia præstituit, ultra quæ non est amplius ueritatem iudicij sui, & præmium, aut poenam pro meritis prorogaturus. Illud enim, in die iræ, & reudationis iusti Dei, quanquam de illo ultimo, generalis iudicio intelligi congrue potest, tamen melius refertur ad diem illum, quem singulis præstituit, ut de illis iudicium faciat Deus: qui quidem dies sæpe etiam in hac uita manifestus fit. Siue autem in hoc, siue in altero seculo, siue ad peculiare, & suum cuiusque, siue ad cunctorum uniuersum, communisq; iudicium: singulis sua constituta, & præscripta dies est, qua ad disquisitionem antea uitæ uocandi sunt, uel uel iustæ seueritate Dei puniantur, si in malo se exercuerunt, uel bonitate, & clementia conferuentur, si id bonis, & sanctis operibus sunt promeriti. Est enim unicuique Deus secundum eius opera mercedem redditurus. At quo modo redditurus? lege quæ sequuntur.

His quidem per perseverantiam operis boni, gloriam, & honorem, & incorruptibilitatem querentibus uitam æternam: his uero, qui contentiosi sunt, & non obediunt quidem ueritati, obtemperant autem iniustitiæ, indignatio, & ira, comprehensio, & angor in omnem animam hominis perpetrans malum, & Iudæi primum, & Græci: Gloria autē, & honor, & pax omni patranti bonum, & Iudæo primum, & Græco. Non enim personarum est differentia apud Deum. Quicumq; enim sine lege peccauerunt, sine lege & peribunt, & quicumque in lege peccauerunt, per legem iudicabuntur. Non enim

enim auditores legis fusti apud Deum sunt, sed observatores legis iustificabuntur.

REDDET, inquit, unicuique secundum opera eius, reddet inquam, his qui per boni operis perseverantiam querunt vitam æternam, quid reddet: gloriam, & honorem, & immortalitatem, inquit. His vero, qui per contumaciam, & studium contradicens, contraque faciendi veritatem non audiunt, neque se illi tradunt faciles & dociles, sed iniustitiam sectantur, illiusque pravis suasionibus potius obtemperat, indignatio adest, atque ira à summo Deo, oppressioque, & angor in omnem animam hominis malum perpetrantis, & Iudæi primum, & Græci. His quidem qui iustitiam sectantur & veritatem, præmium aderit gloriæ, vitæque immortalis. His vero, qui repugnant veritati, & se dant iniustitiæ, iam adest poena indignationis summi Dei. Omnium enim talium anima iam oppressa angoribus, vexata sollicitudinibus, stimulis pravarum cupiditatum puncta, atque exagitata, non habet locum, ubi respirare possit, sed monstris fecerum, quæ ipsam in se perpetrando progenuit, assidue perterrita premitur in angustum, nullumque in se sibi solatium constitutum habet, sed fallacium solamenta volupstatum interdum à corpore mutuata, post brevem illam, vanamque suavitatē, ad suos tamen moerore interitinos redeat necesse est. Hæc, inquit, poena iam adest omni animæ perpetranti malum, quæ non futuram gehennæ damnationem auferat, sed quæ iram Dei iam in hac vita keleratis repræsentet: Quicumque ille fuerit, inquit, siue Iudæus anteæ genere, aut professione, siue Græcus, & e contrario, qui bonum operatus fuerit, & in recte faciendo perseverantiam adhibuerit, non alium sibi finem propositum habens præter Deum, & vitam æternam, immortalis hic honore, & gloria à Deo afficietur, siue ille anteæ Iudæus fuerit natus, siue Græcus, non enim personas Deus, sed personarum facta, meritumque discernit. Atque in hoc loco quod suprà diximus, de novo repetimus. Illud, primum, non conditionis dignitatem ullam exprimere, sed notationem temporis. Antequam enim fides etiam CHRISTI reconciliationem humani generis cum conditore hominum per ipsius Dei clementiam efficeret, æstimabantur omnes apud Deum non ex nationis merito, sed ex operibus bonis, aut malis: in quo Iudæorum leuior & labor, & ratio multo facilior fuit adipiscendi regni Dei. Legem enim habebant, qua instruebantur: sed & de gentibus, si qui veritatis vim cognoverant, & Dei amore capti illi sese in moribus, & voluntatibus suis conformauerant, ipsumque sibi præmium, & vitam ab eo æternam depoposcerant: hos Dei æquitas, & misericordia nullo modo patiebatur spe, & uoto suo esse deceptos. Atque hoc providē Paulus interposuit, ut Iudæorum reprimeret insolentiam, ad quos mox coarguendos à reprehensione gentium erat transiturus, ut ostenderet curæ semper fuisse Deo, quocumque è genere eos homines, qui Deum sibi ipsum, summum bonum proposuissent. Iudæi enim cum magno se à gentibus discrimine separari persuasum sibi haberent, cognitione scilicet veri Dei, & observantia legis, legemque maxime & semper gentibus opponerent, & superbius illa quodam modo gloriarentur, omnemque in illa spem haberent repositam, ita se gerebāt perinde ac Deus propter donum legis, quod Iudæorum nationi fecerat, ipsorum esset proprius Deus, & non cū alijs gentibus se communicaret. Quorum ut hanc tantam Paulus arrogantiam contunderet, idcirco legem iam enervare incipit, & omnē rationem salutis ante Evangelium quidem operibus bonis, in Evangelio autem fidei erga Deum per IESUM Christum acceptam ferri dicere.

ERGO inquit IULIVS, antequam CHRISTI fides mundo esset denunciata, non Iudæis solum, sed unicuique ex gentibus aditus in cælum per bona opera patebat, in quo uideo à sanctis uiris esse aliquibus dubitatum. Sed ut hoc sic abeat, quid illud, quemadmodum accipiendum est: ut operibus bonis nostris, non iam gratiæ omnipotentis Dei, nostræ sit salutis spes, & immortalis uita accepta referenda.

TVM EGO: Non mediocrem commoues disputationem mi frater, sed ego quàm breuissime potero, quaestionibus tuis occurram. Neque ita, ut mea dicta sic accipi uelim, quasi ea rata, fixaque sint, uerum cum hac conditione, hocque pacto, si auctoritate ecclesiæ fuerint approbata, quod idem ubique, & in omnibus uolo intelligi.

Ac quod

Ac quod ad primum tuum postulatam pertinet, non uidetur esse dubium, quin hoc aperte decernat Paulus: Antequam uirtus fidei per **I E S U M** Christum mundo esset enuntiata, licuisset ueteribus illis tum Græcis, tum Iudæis, qui rectum ordinem uitæ secuti essent, & operibus bonis se excoluissent, ad celeste præmiū peruenire. Sed quæ sint opera bona, id enucleatius tradendum est. Bona opera sunt, quæ & ex bono initio oriuntur, & ad bonum finem pertendunt. Quicumque enim boni operis sui finem aut in laude hominum (id quod ex gentibus, qui excelsiore animo esse uidebantur, cuncti fere faciebant) aut in pecuniæ præmio, aut in uoluptatibus, aut in opportunitatibus, & commodis uitæ degendæ ponit: is, ut illud assequatur, quod postulat, uerum tamen fructum operis boni deperdit, qui est uita æterna. Rursus si quis ipsam uitam æternam appeteret, & ad eam omnibus suis consilijs, conatibusq; con tenderet, atque is opem tamen suo optato consequendo, auxiliumq; precaretur ab ijs, quorum illius dandæ, & concedendæ non esset potestas, hoc est à falsis dijs, nã ille quoque spe sua, & ratione tota falleretur. In ipso enim capite, & principio ueritatis, errore lapsus in diuersum longe tenderet, quàm sibi ipse ab initio proposuisset. Quid ergo est: ex utraque parte necesse est, ex capite uidelicet, atque ex fine non falli eum, qui sit honorem immortalitatis adepturus, & ut petat à summo, & uero Deo, & ut quod optimū est, petat uitam, scilicet æternam. Quapropter Paulus nouum hunc, & difficilem Iudæis proponens locum, **H I S** inquit, per boni operis perseverantiam querentibus uitam æternam, gloriam, & honorem, & immortalitatem largiturus est Deus. Et ad Hebræos, Oportet accedentem ad Deum credere primum, quod Deus est, & sit remunerator querentibus se. His ergo, qui ab uno Deo & omnipotente quæsiuerunt uitam æternam, suisq; desiderij consequendi spem in ipso illo eodem per seuerantiam in bonis operibus posuerunt, nullo unquam tempore, siue illi Græci, siue Iudæi existerunt, defuit Deus. Verum ita se res ante **C H R I S T I** fidem habebat, ut Iudæi & Græci in capite quidem discordes essent, in fine ipso consentirent. Quærebant enim uulgò non uitam æternam, non enim eam, neque gentes agnoscebant, neque Iudæi in lege propositam habebant: sed fructus terræ, & uitæ commoda consecrabantur, opes, familias, liberos, regna, pacem, atque otium, & eiusmodi bona, quæ absunt nimirum à summo bono, intrinsecus breue curriculum humanæ uitæ omnia conclusa sunt. In eo autem discrepabant, quod Iudæi ista ipsa terrena bona ab optimo tamen auctore Deo expetebant, gentes ab emētitis & falsis dijs. Ex quo patet etiam alteri tuæ dubitationi responsio. Non enim sine eximia, & peculiari gratia Dei, si quis ex hoc communi errore se emerferat, & ad Deum uerum suæ immortalitatis spem uotumq; direxerat, poterat aut in tam præclaro consilio insistere, aut tanti præmij honore non falli. Ac quod ad Iudæos quidem attinet, plurimos eorum nouimus ab ipso Deo edoctos nō solum de præsentī eius uī, & maiestate, sed de **C H R I S T O** futuro, ac uenturus per ipsum in hominum posteritatem Dei beneficijs, multa, & magna, & mira cecinisse. De gentibus uero partim ante legem datam multos scimus à Deo in ueritatem, & sanctitatem uocatos fuisse, ut Enoch, ut Noë, ut Melchisedech, ipsumq; imprimis Abraam partim postquam lex fuerit tradita de ipsis Græcis, si qui uerum, & unicū Deum libenter agnouerūt, eumq; adorando, & colendo uenerati sunt, beneficijsq; ab eo, quæ essent optima, petiuerunt, illius bonitati, potentieq; consilij, credibile est illos benignitate, & clementia summi Dei, sui exitum desiderij, & honorem immortalitatis esse assecutos. Quod enim gratiæ tam est, & liberalitatis suæ, bonis mentibus semper occurrit Deus, & illis ostendit lumen ueritatis suæ, neque in hoc munere benignitatis, & iustitiæ, suæ unquam bonitati finem, modumq; præstituit, nec in beneficijs suis dilargiēdis hominem ab homine, aut Iudæum à Græco tulit sibi esse eximili. Itaq; Petrus in actis: Reuera percipio, inquit, quod non est personarum fautor Deus, sed in omni gente, qui operatur iustitiā, acceptus illi est. **P R O R S U S** mihi ista probantur, inquit **I V L I V S**, estq; mihi abs te satisfactum, sed qui restare uidebatur scrupulus huiusmodi. Quid ergo attulit fides Christi, si ante eam licebat præmiū adipisci, quod sola ipsa polliceri uideatur? quoniam de hac re Paulus alio loco tractaturus est, suo loco potius id abs te petam. Nunc pergamus ad reliqua:

Quicumq;

Quicumque enim sine lege peccauerunt, sine lege & penbunt: & quicumque in lege peccauerunt, per legem iudicabuntur.

V I D E S N E æquitatem diuinæ legis, & conditionis: si enim omni peccanti siue in lege, siue extra legem, iudicium nihilominus, & damnatio est constituta, necessarium est omni recte facienti, siue in lege, siue extra legem, suum paratum præmium, & propositum est.

Non enim auditores legis iusti apud Deum, sed obseruatores legis iusti iudicabuntur: ubi enim gentes legem non habentes natura ea quæ sunt legis agant, hi legem non habentes, sibi ipsi sunt lex. Qui ostendunt opus legis scriptum in cordibus suis, constante eorum conscientia, & alternis inter se rationationibus accusantibus, aut etiam defendentibus in die, quando iudicabit Deus occulta hominum secundum Euangelium meum per **I E S U M** Christum.

A M P L I V S etiam firmatur ab Apostolo hæc ratio, aut enim legem habere, aut legem obseruare iustificat apud Deum. Si tantum habere, nihil omnino tribuendum est operibus bonis, sed solum nomen generis, & nationis ualet apud Deum, omnesque prorsus Iudæi in toto sunt, etiam qui contra Deum, & legem peccando ueniunt: Græci uero funditus & omnino sunt perditæ, quauis probi eorum aliqui, & iusti, de Deo & de iustitia Dei recte senserint, factisque quod tenent, id præ se tulerint, & uitam cum pietate, ac ratione honoris Dei causa totam direxerint, hi tamen uniuersi & frustra in optimis actionibus se exercuerunt, & fide qua spem locauerant in summo Deo, falli, atque decepti nihilominus intereunt, quod est à Dei ueritate & iustitia remotissimum. Sin autem legis potius obseruatio facit iustitiam, etiam qui legem istam in tabulis non habuerunt, opera autem legis & præcepta naturæ dono, & uoluntatis proposito obseruauerunt, hi apud Deum iusti sunt effecti. Legem enim quam in literis expressam seruabant, in cordibus suis scriptura meliore impressam habuerunt. & quoniam non est satis recte facere, nisi id etiam sponte, & recto consilio fiat, ideo adiecit Apostolus, Constante eorum conscientia, & alternis inter se rationationibus accusantibus, aut etiam defendentibus. Illud enim opus uere bonum est, quod non casu, aut tantum usu, sed quod mente recti conscientia, post variarum disceptationes rationum diffinito consilio quis facit, in quo uno consistit uirtus. Quod sequitur autem in die, quando iudicabit Deus occulta hominum, trajectio est, ad id enim rectio trahitur, quod supra dictum est, quæ enim in cordibus nunc sunt scripta, hominibus occulta sunt, donec ad illius supremi iudicii diem ueniat, quo tempore utique illa omnibus patebunt, & passim exposita erunt. Cuius quidem iudicii denunciatio in ueteri quidem lege pluribus locis notata, à Christo autem Iesu in Euangelio clarius significata est, qui est iudicius, illud pro patre Deo exerciturus, atque ideo dictum secundum Euangelium meum per Iesum Christum. Porro Pauli Euangelium idem est, quod & Christi, sed non eodem modo. Euangelij enim autor Christus, minister Paulus: Sed & cunctorum, qui rite credunt in Christum, unum atque idem, quod & Dei, & Pauli Euangelium est.

Ecce tu Iudæus cognominaris, & acquiescis legi, & gloriaris in Deo, & cognoscis uoluntatem, & probas quæ meliora sunt, instructus ex lege, persuasus es te ducem esse cæcorum, lumen eorum, qui in tenebris sunt, eruditorem insipientium, doctorem simplicium, ut qui habeas formationem cognitionis, & ueritatis in lege. Atqui tu docens alterum, te ipsum non doces: qui prædicas non furandum, furaris: qui dicis non adulterandum, adulteras: qui abominaris idola, sacrilegium committis: Qui in lege gloriaris, per peruationem legis Deum inhonestas. Nomen etenim Dei propter uos uisuperatur inter gentes, quemadmodum scriptum est.

E Hoc

HO C scriptum est in Esaia dicente: Dominatores eius inique agunt, & iugiter tota die nomen meum blasphematur. Ezechielis quoque est: Cum dicit dominus non propter uos ego faciam domus Israël, sed propter nomen sanctum meum, quod poluistis in gentibus. Verum illud urget Apostolus, non esse legi, neque scientiæ legis, sed bonis ex legis doctrina operibus conhidendum. Quamobrem Iudei qui se doctores aliorum, & tanquam duces cæcorum esse arbitrabantur, tumebantque fastu quodam ex scientia, & cognitione legis, cum ijs quæ ipsi nullo suo labore, sed tantum lectiois ne diuinæ legis comparauerant admodum gloriarentur, sibi plurimum arrogaret, cæteros autem uellent habere subiectos sibi, & ueluti discipulos, & cum ea, quæ ceteris præcipiebant facienda, ipsi minime facerent, non modo nullam partem iustitiæ ex lege consequerentur, sed insuper dedecorabant inter gentes, & legem, & authorem, ac latorem legis dominum Deum. Nam quæ ait: Qui abominatis idola, sacrilegium committis. De sacrilegio hoc sic intelligendum est. Iudei qui propter Dei honorem idola abominabantur, & in hoc certe honorem Deo uero habebant, rursum eundem Deum ex alia parte suis malefactis dehonestando detrudere illi conabatur, quod prius concesserant, ut quem illa ueneratione, illos cultu habuerant dignum, cuius causa idola detestarentur, nunc præ suis uitij & cupiditatibus indignum rursum ducerent, cultu bonis moribus honor, & in pijs, ac sanctis operibus haberetur. Ita abominatio idolorum, pietatis illis laudem erga Deum exhibebat. Rursum autem Dei eiusdem dehonestatio, quem alio genere criminis dedecorabant, sacrilegij eisdem notam inurabat. Sed possunt hæc uerba illo etiam modo exponi: Quod Iudei scilicet qui idola abominabantur, & omnia, quæ honori idolorum data, consecrataque essent, eadem abominatone aspernabantur, statuebantque impura, & polluta esse, neque sibi licere illa ipsa contingere, idem tamen hoc fas & legitimum, avaritia adducti, aut intemperantia uiolabant. Sæpe enim nonnulli eorum partim depeculabantur donaria deorum, partim ex ijs, quæ oblata fuerant dijs esculentis, poculentisque uesciebantur. Cum autem & sacro loco in profanum auferte sacrilegium sit, ipsi contraria quadam specie ex abominato loco, atque incesto in sacrum surripiebant, cum semetipsos illarum rerum furto contactus polluerent, legemque Dei, & præcepta illius præuaricando uiolarent, quod ipsum erat proprium Iudeis sacrilegium.

Nam circūcisio quidem prodest, si legem obserues: sin autē transgressor legis sis, circūcisio tua præputiū facta est. si ergo præputium iusta legis custodiat, nonne præputium illius in circūcisionē reputabitur, & iudicabit ex natura præputium legē complens, te per litteram & circūcisionem transgressorē legis: Non enim qui in aperto Iudæus, neque quæ in aperto in carne est, circūcisio est: sed qui in occulto est Iudæus, & circūcisio cordis in spiritu, non in littera est, cuius laus non ex hominibus est, sed ex Deo.

I A M intrat magis, ut inanes, irritosque ostendat exteriores ritus, & corporeas obseruationes legis, fiduciamque super his, quæ habebant Iudei, penitus infringat, quodque ueræ, & Deo acceptæ religionis est proprium, ritus externos, & corporeas obseruationes legis omnia ad interiorem hominem, & ad spiritum cordis reducat, in quo solo est ueritas. Ac circūcisionem ostendit prodelle quidem, si præcepta legis seruentur: autem frangatur contrarijs operibus, & uioletur lex, nihil iam inter illiusmodi circūcisionem, & inter præputium gentium interesse. Si enim inter sit, & carnis circūcisio uim habeat iustificandi, nullum iam apud Deum ultrius & uitij, boni, & mali discrimen amplius sit, ueraciter uis diuinæ iustitiæ tota euanesceat necesse est. Si uero hoc suscipi non potest, illud contrarium est necessarium, ut si gentes, quæ circūcisionem carnis non gerunt, corde tamen circūcise sint, explicantur naturæ quadam bonitate mandata legis, illarum præputium Deo pro circūcisione habeatur. Non enim qui se Iudæum proficitur, prætereaque abscisionem præputij, ille statim Iudæus est, nec carnis circūcisio, statim circūcisio: sed qui in occulto Iudæus est, ille uere est Iudæus, hoc est, qui non in carnalibus signis, sed in mente, & uoluntate legem fert: qui uerum

qui uim legis intelligit, illiſq; obtemperat, is Iudæus uere eſt. Item circunſiſio cordis in ſpiritu non in litera, uera circunſiſio eſt. Nam circunſiſio carnis ſignum illius eſt, quæ eſt in corde circunſiſionis. Ac fallere quidem poteſt, & mendiri quæ in ſigno eſt circunſiſio: illa autem cordis fallere, aut falli neuiquam poſſet. Ac ut aliquid de teo hoc ritu circunſiſionis loquamur, Abraam cum per fidem, & obedientiam probatus Deo fuiſſet, gratiamq; eius ſibi iam comparauifſet, non egebat ille quidem circunſiſionis ſigno, quo apud Deum fieret gratior, ſed cū circuncidi iuſſus eſt, in eo id eſt quaſitum, ut initium ſigno faceret in totam poſteritatem ſuam, quo qui ſucceſſurus ſpatio temporum eſſent, indicium gererent generis, & proſapiae Abraam, à reliſquisq; generibus diſtinguerentur, ut manifeſta foret ſuo tempore benediſtio gentium ex ſemine Abrazæ profectura, & ſimul ut circunſiſionem illam ſignum obedientie patris ſui Abraam erga Deum præ ſe ferrent, cuius & ipſi in obtemperando Deo eſſe ſtuderent ſimiles, circunſiſioq; in cute facta, in ſpiritu tamen magis per illam uirbram corporis quaſita eſt, præfertimq; in populo illo, qui duris ſemper fuit ceruicibus, ideoq; in membro illo potiſſimum facta eſt circunſiſio, quod maxime aduerſarium, & cōtūax eſt rationi. Hoc ſigno, ut diximus, non egebat Abraam. Eius enim eoram Deo humilitas, & reuerentia, & in omni parendi ſtudio alacritas, atq; obedientia ſignum illud anteuenerat. Sed cæteris exemplo eſſe eſt iuſſus, ut per corporum ſignum poſteriores moniti ad conſiderandam fidem, & obedientiam Abrazæ, quam is habuit Deo, ac perinde ad eam imitandam ſe cōferrent, legitur in populo diu terreſtri, & carneo, & ad ea, quæ terræ ſunt potius ſemper anhelanti, ualuit obſeruation, & ſignū circunſiſionis. Vmbræ enim illis, & ſigna pro ueritate diu fuerunt. Itaque illis tanq; carnalibus terror legis, & poenæ, & ſacrificia uictimarum, & acerba execratio aduerſus eos, qui à præceptis legis deſicerent, propoſita eſt, ut adigerentur, qui ſua uoluntate nollent, quacunq; poſſet ratione ad cultum, & obedientiam ueri Dei, inuitiq; facerent, quod pater eorum Abraam ſponte ante feciſſet. Poſtq; uero aduenit plenitudo temporis eius, quod omnipotētis Dei conſilio ante fuerat præſcriptum, & in quo fractis legis, & iuſtitie omnibus repagulis, in omne genus criminum, hominum natura collapsa erat, tunc tanquam aduſtum iam hominem, non puerum tam, aut impubem amplius, ſed uirum effectum, & ratione uſtam, non ſenſu dirigere ualentem, non minis, & ſupplicijſ dominus, ſed clementia, & humanitate uoluit ad ſe, & ad ſui ſtudium, amoremq; reuocare. In quo multa, & magna ſuæ potentie, & bonitatis ſigna offendit. Nam quod omnino perditos reuocauit ad uitam, præfertim faciliſimo genere remedij, quod in credendo Deo per I E S U M Chriſtum conſiſtit, potentie illius fuit. Quod ſibi rebelles, & maxime aduerſarios recepit in gratiam, inſinitam hoc eius declarauit bonitatem, coniunctam pari iuſtitie, & ſapientie gloria. Sapientie, quod nullis culpis, & ſceleribus à benefaciendo deductus facilem uiam oſtendit ad ſanitatem reducendi, & opus cæterorum propè nobiliſſimum, quod poſtremum operum ſuorum ipſemet effecerat, uitio ſuo corruptum, ad maiorem etiam, quam prius integritatem reſtituit. Iuſtitie, quod cogitauit, & reſpexit, non quid nobis, ſed quid ſua immenſa uirtute, & benignitate eſſet dignum. Egīt autem nobiſcum, quemadmodum antè egerat cum patre noſtro Abraham, iuſtus enim filij eius ſumus, ſi fidei eius, quam ſi carnis reperiamur hæredes. Ita enim ait Apoſtolus: Sciſtis, quod hi qui ex fide ſunt, ſi ſunt filij Abrazæ. Porro ita egīt cum eo, ut eum euocaret, ſubereſq; egredi ex domo, & gente, & cognatione ſua, & in eas terras, quas ipſe eſſet illi traditurus, migrare, pollicenti ſemini eius illas æternas ſe daturum, ſemenq; ipſum & progeniem Abrazæ ſic multiplicaturum, ut numerari quondam non poſſet. Creditiq; Abraham Deo, & reputatum eſt illi ad iuſtitiam. Eſt enim in patria prius degendo, & inter populares, cognatosq; uiuendo, qui ad idolorum cultum deſlexerant, oſenſam forte aliamquam in Deum contraxerat, illiusq; nomen, honoremq; uiolauerat: tamen eo ipſo, quod Deo facile credidit, iuſtus ſtatim eſt effectus. Maxima enim & potiſſima parte iuſtitie ſuſcepta, minores illas iniuſtitias facile elſit. Eſt autem maxima iuſtitia dare honorem Deo in cultu quidem etiam, & ſacrificio, & uoce, geſtuq; corporis. Sed hæc ſimulari poſſunt. Dare autem honorem in corde, & ſpiritu, uera eſt Dei omnipotens

ris adoratio, quæ præcipue consistit in eo, si credatur illi, & pareatur, quanquam qui credunt, qui possunt non parere? Quod ergo egit Deus cū Abraam primò, egit idem postea nobiscum. Exiuit enim nos, eduxitq; ex domo & cognatione nostra in qua ipse parum rite colebatur, hoc est ex uitrijs, & peccatis nostris, & à falsorū cultu deorum. Sicut scriptum est: Audi filia & uide, & inclina aurem tuam, & obliuiscere populum tuum, & domum patris tui, & concupiscet rex decorem tuum. Nouamq; in uitam transtulit, quam, si illi pareamus, æternam est nobis, & immortalem traditurus. Omnia enim quæ tunc in corpore, & carneo homine humano modo facta sunt, in sp̃i ritu, & ueritate in nobis diuinitus implentur. Nam nec terram Chanaan, quā semini Abraz in æternum se daturū pollicitus est Deus, æternam tamen tradidit. Sunt enim Iudæi carnale semen Abraz, iandiu inde depulsi, atq; ciecti, nec rursus innumerabile, ut celi stellæ, semen Abraz extitit, quod quidem in carne fuit deductum. Sed & nos filij fidei eius innumerabiles, & possessio terræ æterna immortalis uita est. Omnis enim Dei promissio æternitatem continens, spiritaliter intelligenda est, quoniam in solo spiritu inest æternitas: terrena autem omnia caduca, & instabilia sunt, & ab ipso æternitatis iure perpetuo remota. Credidimus & nos Deo per I E S V M Christum, & è uita pristina emerimus, in nouamq; fuimus traducti. Fidesq; ista nostra, & obedientia erga Deum, ad iustitiam nobis quoq; reputata est, in eumq; statum, gradumq; amicitie, & gratiæ apud Deum sumus prouecti, in quo fuit Abraam, antequam signum circumcisionis in exemplum futuræ posteritatis acciperet. Sed nec ipse tum circuncisione propter se egebat, neq; nos egemus. Per fidem enim C H R I S T I intellecto eir cuncionis mysterio, & eo uere, ac spiritaliter suscepto, inanis penitus, & superuacua facta est carnis circumcisio. Non enim amplius signū, pactumq; obediendi, & erediendi, sed fidem ipsam, & obedientiā obtinemus. Neq; in carne opera legis, sed in sp̃i ritu ipso gerimus, qui hilj Abraz sumus, non per carnem, sed per fidem, in qua ne ille quidem eguit circumcisione, ut gratiam Dei acquireret. Ante enim circumcisioē illi & fides, & gratia Dei erat parta. Neq; rursus signo opus nobis est, quò à cæteris gentibus separemur. Non enim genus unum, & progenies una, fed omnes uindicti homines ad fidem C H R I S T I inuitati, uocatiq; sunt. Circuncidamur igitur nos corde, quæ est uera circumcisio, carnis autē umbras, & signacula repudiemus. Atq; utinam recte circūcidemur, amputatisq; omnibus terrenis curis, affectionibusq; studio, & amore rapremur ad unum Deum per I E S V M Christum dominum nostrum, qui extitit nobis huius diuini beneficii, gratiæq; largitor, ut cū maxime oppressi, & cooperiti omnibus flagitijs, criminibusq; essemus, illamq; etiam iustitiam penitus amisissēmus, quæ in bonis operibus est sita, repente, præter spem, nec opinantes ad multo maiorem, præstantioremq; iustitiam ueniremus, ut credentes Deo, & per fidem credulitatis nostræ ipsius diuinæ iustitiæ signaculo insigniti, non hanc illam uē uirtutē, sed totum, & uniuersum, quod est uirtus, idēq; diuino propē modo, per Dei eiusdē gratiam assequeremur, usq; eo quidem, ut non reconciliati solū, tanquam amici, sed adoptati à Deo, tanquam filij summum gradum honoris, & gloriæ fuerimus adepti. Sed pergamus ad reliqua. Nam quā ait Apostolus: Cuius laus non ex hominibus est, sed ex Deo, affirmat in omnibus prorsus spiritus ueritatem, qui simulatione nulla se metipsum obducit, sed rectius, & simplex fertur ad ipsum Deum, scilicet illi uni ostendit, & probat, neq; alium extrā quærere sinceritatis suæ spectatorem, aut iudicē. Caro autem contrā se habet, & tota foras conuersa est, quæq; in carne signa impressa, incisa uē sunt, oculis hominum iudicantur, non approbatione summi Dei. Quod si animi motus, & appetitiones, & consilia ad humanam laudem, aut cupiditatū terrænarum expletionem foras & ipsa spectant carnī iam coniuncta & cum ea consata, carnē uō minem efficiunt, qui totus pendet extrinsecus ex hominum iudicio, non ex probatione Dei, & laude, atq; is cum uarium, & mutabile sit illud, ad quod se accommodat, nihil enim est opinione hominum, & popularibus studijs, neq; rursus affectu cupiditatum leuius, aut inconstantijs, uarias & ipse species, ac formas subeat necesse est, ut simulare, ut mentiri, ut fallere, ut nunc hoc præferre, tum illud, continue cogatur. Qui uero in uno Deo, & unius Dei iudicio ac uoluntate fixus spiritus est, is ipse quoq; rectus,

rectus, & uniusmodi, æternæq; & immutabilis compos ueritatis, semper & usque
 quæq; sibi consentiens est, nec fallaciam uiam, aut umbram, nec item fluctum uarietatis
 admittit. Ex quo etiam patet ista recentior Maumethanorum lex, quæ ex duabus
 prioribus legis Moylis, & CHRISTI decerpta, maleq; coherens neutrius
 uim, nec uirtutem imitatur, quàm prauè, quàmq; peruerse acceperit Euangelium, &
 à spirituali intelligentia illius aucta fuerit; quæ cum à corporalibus ad spiritualia di
 uini ordinis fuerit processus ad humanum genus saluari doctrina imbuendum atq;
 erudiendum, ipsa retro rursus à spiritu ad carnem, corpusq; redacta est. Quod si illa
 in corporeis hinc ratione salutis esse positam putat, quid attinuit legem nouam con
 dere? & ab ea, quæ ludæorum est, uel tantulum descedere? Quamquam de ista nihil
 quidem mirum est, plena etenim est tota ineptiarum, & insulsiatibus. Quod minus res
 significat, qui ex ea infatuati sunt, omnem bonarum literarum, & bonorum authorum
 lectionem, omnia studia artium optimarum sectatoribus suis inania ducit. Itaq; fit, ut
 homines sua sponte carnales huius legis institutione terre penitus fiant, nullumq;
 spirituale agnoscat hominis intestini cum Deo commercium. Tum IULIVS:
 Ita se res habet, ut tu dicis, inquit. Sola enim recta est intelligentia, quæ spiritualis est,
 nec ullam habere potest rationem, id quod in corpore fit, ad salutem, & uitam æternam
 necessariò pertinere, nisi quatenus forte aut indicium aliquod præ se ferat, &
 uelut testimonium interioris hominis uoluntatis, aut ad reprimendos carnales affectus
 ualeat, quanquam hoc posterius, si ratio ipsa per se reprimat, totum uidetur posse
 superuacaneum. In signo autem atque indicio maior sæpe inest religio. Qualis
 apud nos baptisimus est, qui eius esse uirtutis perhibetur, ut absq; eo ad uitam æternam
 non liceat aspirare. Quod & ipse testatus est CHRISTVS, qui crediderit,
 inquit, & baptizatus fuerit, is saluus erit, perinde ac sine baptismo non queat quis
 saluus fieri. PLVRIMVM mi frater, inquam, nostræ baptisimi rationi ab illa ludæorum
 circumcisione interest. Illi enim in corpore eo illo signo penitus inhærebant;
 nihilq; ex eo intestinum, aut spirituale ex legis littera cogitabant. Nos hunc ex aqua
 baptisimum sine spiritu sancto nos intus lauante instructiuum esse ducimus. Necessaria
 illis ad uitam, neque eam æternam, sed mortalem, talis erat circumcilio præputij
 manu uidelicet facta. Quemadmodum scriptum est, Quod masculinum non circūci
 detur carnem præputij sui octauo die, anima illa disperat è genere suo, quoniam tes
 tamentum meum dissipauit. Nos nec tam præcisam & asperam præceptionem habuimus,
 nec tantam necessitatem huius per aquam baptisimi agnosceimus, ut sine eo
 salui esse non possimus. Sæpe enim sanguine sup, sæpe ipso per te spiritu sancto, ipsaq;
 fide in CHRISTVM, sine aqua, & ministro baptizati ad uitam æternam sunt eue
 citi; sicut & ille in cruce latro, & puerorum Bethleemitarum, multorumq; præterea
 martyrum, aliorumq; sanctorum res, & gesta indicant. Sed quoniam de hac eadem re
 aliquantò possit erit disputandum, pergamus modo ad ea quæ sequuntur.

Quod ergo est id plus, quod habet ludæus? aut quæ utilitas circumci
 sionis? multum per omnem modum; primum quidem enim quod credita
 sunt illi oracula Dei.

ABIECTAM circumcissione, qua maxime ludæi gentibus se anteferebant, &
 sine ea ad CHRISTI fidem uenientes saluos posse esse negabant, ne insultarent
 ex altera parte ludæis, & illos inciperent gentes contemnere, reuertitur ad illorum
 causam, famamq; defendendam, & sibi ipse opponit; si circumcilio, & cerimonie, &
 legitima ludæorum nullius ad iustitiam momenti sunt, quid est, in quo gentibus ludæus
 præcellat? Plurimum, inquit: Digna enim sola ea gens à Deo antehac habita
 est, quam ille & familiarem sibi haberet, & quam peculiari lege instrueret, sibiq; per
 petuo tanquam semen foueret, ac conseruaret, è quo promillum patribus ludæorum
 æternæ hæreditatis mundi autorem in lucem suo tempore esset producturus. Ora
 cula enim Dei sunt, quæcumq; ad docendum, regendum, & maximarum rerum pro
 missionibus confirmandum populum israeliticum ab Deo prolata sunt, quæ illi ge

neri sunt credita, quod erat nota circumcisiōis signatum, quoad pro semine genus illud fuit, fructu enim postea uniuersæ salutis in omnes homines effuso, & uirtute fidei pascim omnibus demonstrata, non amplius signo ad iustitiā, sed nec ad unius gentis distinctionē circumcisiōis nota fuit opus. Sed rursus de indignitate Iudeorum:

Quid enim si infideles eorum aliqui fuerunt, num infidelitas ipsorum fidem Dei abrogabit? Absit: sed sit Deus uerax, omnis autem homo mendax, sicut scriptum est, ut iustificeris in sermonibus tuis, & uincas, cum iudicaris.

C V M opponeretur à detractoribus Iudeorum, multa quidem, & magna promississe illis Deum, sed quoniam ipsi, quæ uicissim promiserant Deo, nempe quod cum unum Deum colerent, signumq; credendi & obediendi illi, quod in circumcisiōe carnis gerebant, ipso opere effectusq; præstarent, atque complerent, eiq; & ducibus præpositis ab eo obtemperantes essent, legemq; & præcepta custodirent, multo maiore ex parte non seruauerant, tametsi Apostolus, quod uniuersi iter egerunt, ut aduersus Deum & legem cōtumaces essent, signumq; circumcisiōis irritum haberent, oratione ipsa lenit, & mitigat, quosdam eorum non omnes infideles appellando. Cum ergo exprobraretur, quia Deo fidem ipsi non seruauerant, nec Deum quidem ipsis fidem, quam dedisset, præstiturum esse, aut quæ pollicitus esset, re implendum. Ne sit hoc, inquit Apostolus, ut fides Dei propter perfidiam hominum imminuatur, imò quo nos mendaces magis, & perfidi sumus, hoc magis fides illa Dei, & ueritas elucet; sicut scriptum est, Vt iustificeris in sermonibus tuis, ut nunquā sermo tuus à Deo sit irritus, & uincas, cum iudicaris. Cum oritur disceptatio, quid ita constas tu tibi, cum qui ex aduerso tibi obstricti sunt, à fide sua ipsi deficient: nempe ideo, ut tua uincat ueritas, ut ipsa sola emineat, quæ non emineret, si tibi æqua fide ab hominibus responderetur. Vincere enim est pellere, & deijcere aduersarium, non pari cum eo Marte contendere. Vincit ergo, & eminet tum maxime Dei ueritas, & iustitia, cum nobis à nostra parte neutrum illarum præstantibus, ipse ambas nihilominus inuolatas retinet, & conseruat. Atque ut est Apostolus questionibus densus, & circumspectus omnia, quæ contrā dici possunt, sic obijcit sibi statim, id quod & à multis fuerat oppositum, & quotidie ab amatoribus mundi opponebatur, qui ex sermonibus aniam querentes, quò suis cupiditatibus liberius obsequerentur, uerbis tamen consequi uolebant, ut Deum nequaquam uiderentur ostendere.

Si autem iniustitia nostra Dei iustitiam cōmendat, quid dicemus? Num iniustus Deus, cum inserit iram; secundū hominem loquor. Absit. Quoniā quo pacto iudicabit Deus mundum? Si enim ueritas Dei in meo mendacio eminentior facta est in gloriam ipsius, quid amplius uelut peccator, ego iudicor: & non, ut nos in simulamur, & sic ut affirmant quidam nos dicere, quòd faciemus mala, ut ueniant bona, quorum iudicium iustum est.

S I I Y D A E O R V M infidelitas fidem Dei magis illustrat, & mendaciū hominum illius ueritatē; itemq; iniquitas iustitiā: nonne maius est hoc bonū, quo amplius camus honorē, & gloriam summi dei iniuste agendo, q̃ malum istud ipsum, quod est iniuste agere: hoc alij fortasse sic sentiebant, alij nouæ sectæ Christianorum tanquam ita sentienti pro magno scelere obijciebant, & utriusq; occurrit Apostolus. His quidē sic sentientibus, atq; ita persuasus & reputantibus iniustam esse iracundiam Dei, qua iniquis poenam inferat, cum illorum iniquitas eius iustitiam reddat clariorem, obuiū it hac ratione, quòd si ita res se haberet, ut iniuria talibus irasceretur Deus, non posset amplius ipse mundum iudicare. Quo pacto enim iudicaret, si felus illi pro uirtute, & uirtus pro scelere esset iudicanda? Alijs uero, qui hoc cultoribus Christi obijciebant, cum eos & in ea esse sententia dicerent, & quod sentiebant, re ipsa efficere, ut mala agerent, quòd bona sequerentur, hoc est, ut ipsi quidem se flagitijs polluerent, quòd gloriam

gloriam Dei immortalis in ueritate & iustitia ostenderent ampliorem, atque illo potissimum modo ab Deo gratiam inirent, qui hac inquam de re Christianos accusabant, & quod de illis suspicabantur, statim assensione animi sui confirmabant, inauditosque, & indefensos suae duntaxat opinionis iudicio condemnabant, cum essent de illis, contra quos paulo supra fuerat inuectus, qui scilicet tam facile suspicantur & iudicant de altero, ait de illis ipsis iudicium iustum esse, ut iudicium accipiat hic pro damnatione, quemadmodum & alibi accipit, ut cum ad Timotheum scribit de uitiis iunioribus, quae ubi luxuriosi ceperint, aduersus CHRISTVM uolunt nubere habentes iudicium, quod priorem fidem abrogauerint, id est, damnationem, Ita & horum detractorum dicit condemnationem iustam esse, quasi temere quidem isti alios iudicent, ipsi autem ab Deo cum ueritate sint iudicandi, Nam quia ait, Secundum hominem loquor, excusat temeritatem loquendi. Cum enim Deum tanquam reum iniustitiae in quoddam quasi certamen deducat, id ab se dici affirmat humano more. Sicut ad Galatas, cum de testamento, & firmitate testamenti, in Deo dicturus esset, ait, Fratres, secundum hominem loquor, id est, humanum de testamentis exemplum ad Deum transfero.

Quid ergo? antecellimus? non omnino. Antè enim accusauimus Iudaeos, & Graecos omnes sub peccato esse, quomodo scriptum est: Non est iustus, ne unus quidem, non est intelligens, non est quaerens Deum. Omnes declinauerunt, simul inutiles facti sunt, Non est, qui faciat bonum, non est usque ad unum, sepulchrum patens est guttur eorum, linguis suis dolose egerunt, uenenum aspidum sub labijs eorum, quorum os execratione, & amaritudine plenum est, ueloces pedes eorum ad effundendum sanguinem, Contritio & miseria in uis eorum, & uiam pacis non cognouerunt, non est timor Dei ante oculos eorum.

HOC testimonium scripturae, quo omnes comprehendi sub peccato dicuntur, partim ex psalmi sumptum, partim ex Esaia est, licet in libro psalmorum legatur haec à Paulo facta ex Dauidis & Esaie dictis compositio: Aduocat autem scripturam in hanc rem, ut retundat denuo Iudaeos extollentes se ex honore illo, quem habuit illis Deus, quod credidit eis oracula sua. Ipsi enim sunt, qui dicunt, Quid ergo? antecellimus? Quibus respondet, non omnino, id est, non prorsus antecellitis gentibus reliquis. Nam si eas paulo antè ostendimus sub peccato esse, uos quoque scriptura in eadem culpa esse coarguit.

Nouimus autè quod quaecumque lex loquitur eis, qui in lege sunt, loquitur, ut omne os obstruatur, & obnoxius sit omnis mundus Deo, quoniam ex operibus legis non iustificabitur omnis caro coram ipso. Per legem enim cognitio peccati. Nunc uero seorsum à lege iustitia Dei manifesta facta est testificata ab lege, & à prophetis, iustitia, in qua, Dei per fidem IESU Christi in omnes, & super omnes credentes. Non enim est distinctio, omnes enim peccauerunt, & eget gloria dei, ut iustificetur gratis ipsius gratia per redemptionem quae in Christo Iesu, quem proposuit Deus placamentum per fidem in ipsius sanguine, ad demonstrationem iustitiae suae ex remissione praeteritorum peccatorum in tolerantia Dei ad demonstrationem iustitiae suae in praesenti tempore, qualiter ipse iustus est, & iustificans eum, qui est ex fide Iesu.

ALLATO ex lege testimonio, quo omnes etiam de populo Iudaico sub peccatum subiecti arguuntur, confirmat illud de Iudaeis esse dictum, Quaecumque enim loquitur lex his, qui in lege sunt, id est, lege illa tenentur, & illi sunt subiecti, edicit, & loquitur, Legem uidelicet appellans, sicut & saepe alibi, scripturam ueterem omnem, ut omne
os, inquit,

os, inquit, obstruitur, & obnoxius fit totus mundus Deo. At quomodo omne os, si tantum lex iudeis loquitur? Quia de gentibus satis supra est demonstratum, eas esse cum prima statim professione, qua falsos deos, & mentitam religionem consecrantur, cum omnium peccatorum, ac uitiorum colluione ab Deo alienas. Atque illarum quidem facilis, & perspicua fuit accusatio, iudei uero qui se populum electum, gentem sanctam, genus mundum esse existimabant, qui reliquos omnes prae se & prae lege sua, ueluti pollutos, contaminatosq; despicebant, non Apostoli uerbis, sed legis testimonio redarguendi fuerunt. Ita iudeis, Graecisq; sub peccatum omnibus conuersis obnoxius est mundus Deo, ex uno illius arbitrio totus penitus dependens, siue ille iure damnare mundum uelit, siue per clementiam, & benignitatem conseruare, quoniam ex operibus legis non iustificabitur omnis caro coram ipso. Per legem enim cognitio peccati. Non solum nemo iustificatus est, inquit, omnes enim peccatorum cumulo obruti ab ea ipsa lege demonstrati sunt, in quo uitium & culpa ipsorum consistit: sed ne spes quidem esset, si reuertantur ad legem, & mandata legis opere complerant, ut sic etiam possint iustificari. Non enim iustificanti opera legis, quae iam esse legis imbecillitas propria. **HIC IULIVS.** Locum sane difficilem & diu mihi dubitatum tetigisti, inquit, quo pacto ex operibus legis nemo iustificetur, cum uideatur si quis legem seruauerit diligenter, & decem illa mandata, quae duabus tabulis perscripta ab Deo, uel ab angelo Dei sunt, ac populo Israelitico per Moysen tradita, pia mente persecutus fuerit, merito illum cum Deo in gratia futurum. Sed & paulo ante quae dixit Apostolus, Non legis auditores apud Deum, sed eos, qui legem opere seruauerint, iustificatum iri: satis aperte mihi dicere uisus est, ex operibus legis iustificationem coram Deo etiam esse. Haec ego ita quaero, ut habeam aliquid quidem ipse, quod profera, sed tamen ex te audire malim, quid sentias. **IMO MI FRATER** inquit, fare quaeso id quod habes, audacterq; mecum communica, quando hoc imprimis iterum est, cogitationum quoque me tuarum sicut & mearum te participem esse. **TVM ILLE** Faciam, inquit, quando ita me hortaris, & quod mihi uideatur exponam, quod est huiusmodi, ut cum hoc propositum sibi habeat Apostolus, ut inanem & uacuum uirum fide **CHRISTI** iam inuestra ostendat esse legem, duplici id comparatione efficere conetur: Vna, qua iudeos cum gentibus comparat: altera, qua legem cum fide in contentionem deducit; ac quod ad iudeos, & gentes pertinet, cum esset nimis iudeorum de lege gloriatio, per quam serui gentium cum essent, illis tamen se praeponebant, perinde atq; ab Deo soli habiti digni, quibus ille legislator existeret. Hanc eorum gloriam paulo supra infringere uoluit Apostolus, dicens, non ex eo gloriari eos oportere, quod legem haberent, sed inde potius, si legem opere seruarent: cum non lex, sed legis opera sint, quae faciant iustitiam. Quod si gentes, quae legem non habent, opera ipsae legis implerent, uerius ipsas tanquam adeptas uim iustitiae gloriaturas, quam iudeos, qui non in operibus legis, sed in ipsa lege scripta ponerent suam gloriam. In quo apparet subtilius inspicienti legis opera Apostolum non in illis corporicis, & carnalibus, neq; in circuncisione cutis praeputij, aut horum, ac illorum esulentorum abstinentia (haec enim gentes, quae legem non habebant, nullo modo nosse, neq; assequi poterant) sed in sinceritate cordis, & in spiritualibus operibus intellexisse, in quibus solis uera est legis observatio, quae in illis corporicis, tanq; signis, & imaginibus, longe degenerans tamen & simulationi obnoxia reuertit. Hanc enim legis, & operum ex lege spirituales obseruantiam habere etiam poterant ipsae gentes, si unius tantum Dei uirtute, & ueritate cognita cor suum ad cultum, imitationemq; illius, quoad homini fas est, conuertissent, cuius pietatis, & iustitiae caput fides nihilominus & persuasio haec fuisset, Deum unum esse, & pie se colentibus remuneratorem existeret. Ac prima quidem ista fuit inter scripturam legis, & inter opera, ab Apostolo facta comparatio, tanquam iustius ex operibus, quam ex legis dono apud Deum quis iustificetur. Quod iustificandi uerbum, eo enim uarie utitur Apostolus, non pro plena, & integra iustificatione hic accipitur, sed pro ea, quantam conferre, & tribuere lex potest: sicut etiam & publicanus, qui confessus suam indignitatem, discessit iustificatus domum suam, non ex uniuersa absolutaq; iustitia, sed ex una parte iustitiae iustificatus est.

carus est, quod se humilem & peccati poenitentem exhibuit Deo. Hoc autem in loco iustitia fidei, cum iustitia operum ex lege adducitur in contentionem, ut doceat id quod facere instituit, solum esse iustitiam fidei, & non legis, quæ vere, pleneq; iustificet apud summum Deum. Ita opera quidem legis, magis quam cuiusdem legis professio apta erant ad iustificandum. Simpliciter uero neq; ipsa apta, sed sola ex fide iustitia est, quæ coram Deo credentes iustificat. Quare cum in exortu fidei CHRISTI Iudæi etiam qui crediderant, agrius tamen ferrent abijci, & pro nihilo haberi legem, illamq; necessariam fidei esse dicerent, siue simulantes quæsius, & compendij sui causa, siue etiam uerò ita existimantes, hoc loco, & alijs multis, his se opponens Apostolus legem omnino irritam, & opera legis calla esse confirmat, ea re quidem, quoniam ex operibus legis nulla est carni iustificatio, ubi satis demonstrat se de eis operibus intelligere, quæ ad carnem pertinent, & corpora sunt, quæ uidelicet dicit ex operibus legis non iustificari omnem carnem coram Deo, hoc est omnem carni deditum, & carnis operibus fidentem hominem. Etenim si posset haberi ex lege iustificatio, magis illa ex spiritualibus, quam ex eis, quæ in carne fiunt, operibus expectanda sit. Caro enim coram Deo comparere omnino non potest, nedum ut possit coram eo iustificari: & qui solus prodit in Dei conspectum spiritus non ex operibus carnis, sed ex suis recipit iustificationem. Commode MI FRATER, inquam, omnem hanc repugnantiam, quæ non exigua esse uidebatur, ex Apostoli uerbis, cum alibi ille opera legis abijcere, alibi adflictere uideatur, sustulisti, scripturamq; legis minus quam opera, sed neq; opera ipsa legis præ fidei iustitia multum ualere ad iustificandum posuisti. Sed cernis ipse profecto, quam ex eisdem uerbis nasci ansam hi, qui modo exorti fidem CHRISTI optime constitutam perturbare nituntur, opera ab sese legem remoueat, fidem solum retineant, uerbo tenus, unam illam magnificantes, opera despicientes, quod impune ipsi, & libere obtineant posse peccare: tanquam fides omnibus criminibus diluendis una satis sit, nec solum pellendo illa, & abslergendo, cum ipsa adueniat, & suscipiatur: sed postquam etiam aduenerit, fueritq; suscepta, ferendo ea, ac tolerando. Atq; hi astute admodum & callide, dum obscuram, occultamq; hominibus cordis sui sententiam, qua se habere fidem Deo prædicant, suis facinoribus prætendunt, imponere sese cæteris arbitrantur, & eos, qui audiunt, tanti Apostoli autoritate constringere. Ipsi autem interea cum Deo spectatore cordium agunt familiares, & dum imperitis hominibus exterius se uendunt, Dei intus iudicium, uoluntatemq; contemnunt. Et Apostolus quidem aperte, atq; præcise non uno loco posuit ex operibus legis non iustificari omnem carnem: sed quomodo hoc intelligendum sit, qui interpretari, atque exponere conati sunt, auxerunt potius, quam sustulerunt difficultatem. Sunt enim adducti aliqui ut distinguerent opera legis partim in ea, quæ ad ceremonias pertinerent, partim in ea, quæ ad mores: Ac ceremonias quidem tanquam inanes ab iustificando renserent: mores amplecteretur, perinde quasi nos, qui uerum Deum colimus, & filium Dei IESUM Christum, nihil in ceremonijs omnino momenti, & ponderis ad salutem nostram constituamus, sicut tu mi frater paulo antè, de baptismo, & de confessione quoque, ac de ieiunio, alijsq; multis potest proponi. Alij uero non iustificari ex operibus legis quenquam ita exposuerunt, eo quod legis opera ad unguem perfecit nemo. Quid si quis perficiat, num ideo erit iustificatus, aut quomodo nemo illa perfecit, cum etiam si quis aduersus legem aliqui commisit, indicia habeat sacrificia, & expiationes, per quas ad legis iustitiam ei liceat reuerti: At nec qui summe obseruauerit legem, ille propterea iustificatus fuerit. Quod enim nemo ex ea possit iustificari, non est id hominis uitium, sed scriptæ legis, & omnino neminem legi obtemperasse, illiusq; mandata diligenter custodisse, incredibile dictum est, cum præsertim scriptura non paucis de seruata legis testimonium, ut de Tobia, & de Danide, & tribus pueris scriptum est, & in Euangelio de eo, qui peccatis à Domino beate uitæ consilium omnia se legis mandata ab incunte ætate expleuisse, est professus. Quod item de Zacharia, & Elisabethæ, & Simeone, de quo ipso Ioseph est testificatum. Quare illa probabilior meo iudicio est expositio, quam tu mi frater paulo antè strictum attigisti, ideo coram Deo non iustificare opera legis, quia

lex nec menti, nec spiritui uim afferre imperando potest, sed tantum corpori, atque carni. Sui enim arbitrij semper est spiritus, caro autem præcepto, & præsentis poenæ, si imperium legis decreuerit, est obnoxia. Porro autem in carne, & corpore nulla coram Deo est iustificatio. Etenim qui ita præcepta legis obseruant, ut omnem illorum cultum præ se in operibus ferant, ipsi uero intus ab Deo alieni, humanis tantum opinionibus, quæ exteriora intuentur, quaerunt satisfacere, hi legi quidem iusti, de his enim solum, quæ in aperto sunt, iudicat lex, ipsum autem penes Deum iniqui, & iniusti iure optimo habentur. Quid si dixerit quispiam, aliqui sint, qui mandatis legis custodiendis Deo potissimum placere, moremque illi gerere studeant, num hi ex legis operibus iustificati erunt: cum præsertim illa quoque in lege præcipiantur, ut unum Deum colere, nomenque eius sanctum uenerari, ipsum uero amare ex omni anima, & ex omni corde, & in proximum quoque eadem, qua erga se beneuolentia affici, unicuique sit præscriptum. **HIC IVLIVS:** Non uideo mi frater, inquit, quid contra dici queat, atque illud quo pacto sustineri, hunc, qui ista egerit ex operibus legis non esse effectum iustum. Itaque expecto mox quid ipse dicas. **QVID DICAM,** inquam? Enimvero id quod necesse est, scilicet me his Apostoli uerbis potissimum si dem habere, præsertim cum ille idem in alijs locis confirmet. Quemadmodum scribens ad Galatas, inquit: Nos cognoscentes, quod non iustificatur homo ex operibus legis, nisi per fidem **IESV CHRISTI,** & nos in **CHRISTVA** Iesum credidimus, ut iustificaremur ex fide **CHRISTI,** & non ex operibus legis, quoniam non iustificabitur ex operibus legis omnis caro. Et rursus, si ex lege est iustitia, **CHRISTVS** frustra mortuus est. Videtur ergo nobis ex Apostoli uerbis, ne si uim quidem legis totam, quatenus scriptura loquitur & præ se fert, non solum operibus externis, sed intestina etiam mentis religione erga Deum quis comprehendat, sic plene, & uere iustificatum eum esse. **ET ILLE:** Mirum profecto hoc, inquit, sed explana mihi quæso, qui res tibi ita se habere uideatur. **AGGREDIAR,** inquam, sed te prius id monebo, cum anceps tibi locus in Paulo occurrerit aliquis, quem sit difficile explanare, atque dissoluere, tu nihil in eo humile, nihil uisitatum, nihil terrenum ut cõideres, sed omnia alta, singularia, diuina, si ueros eius sensus uoles consequi, ueluti in hoc loco, cum de iustitia, & de iustificatione mentio fit, concipiendum est in animo excellius quiddam, quam id, quod de ui, & notione communis iustitiæ in mentibus hominum inlitum est. Ac quod diximus nuper, cum de iustitia Dei, quæ reuelatur in Euangelio uerba face remus, idem nunc repetimus, iustitiam non singulare genus uirtutis, sed uniuersam in Paulo sic nominari uirtutem. Quam quidem in nobis humana etiam philosophia inuenit, ut iusti illi dicantur, qui nullo prorsus crimine cuiusque generis, quod legis bus uetuum improbarumque sit, impliciti sunt, neque quicquam omnino contra leges committunt. Sed ut tunc differuimus, & nunc de integro confirmamus, hæc humana iustitia, uniuerso uidelicet genere uirtutis potest quispiam homo ex lege, & operibus legis iustificari, coram Deo autem nequaquam potest: Sed is potest solus, qui diuinæ iustitiæ honore, atque dono ab eodem Deo fuerit illustratus. Quantum autem Deus homini, & diuina ratio nostræ rationi, tantum genus generi, & illa Dei iustitia huic legum, & hominum antecellit iustitiæ. Porro hanc suam iustitiam Deus, tum propter fidem, quæ habeatur ei, exerceat ipse, & adhibet erga nos, tum etiam in ipsa fide, hoc est, in habentibus ei fidem informat, atque imprimit. Quod paulo ante dixit Apostolus, reuclari iustitiam Dei ex fide in fidem. Neque eam potest assequi iustitiam quisquam uel legis, uel hominis ullius eruditione, disciplinaque instructus, nisi is per fidem **CHRISTI** ad Deum se adiunxerit. Qualis autem illa Dei iustitia sit, & quo è genere censenda, ac definienda, utinam quidem planè possemus exprimere: sed tamen de ea, ut aliquid dicamus, adnitendum nobis est. Non enim desunt, qui dicant perfecta quoque ad beatam uitam consilia in lege ueteri expressa fuisse, eademque prorsus moralia præcepta, & iudicis, & nobis esse: nisi quod nos gratia Dei per fidem magis adiuuamur. Sibi enim ipsi in lege, & suæ tantum opi, atque auxilii homines fuisse relictos, qui nunc in fide **CHRISTI** diuinæ gratiæ dono, & illustrantur magis, & ad melius Deo obtemperandum roborantur. Quod extremum ut uerum sit (certe

fit (certe enim paratior nobis ab Deo est gratia) non tamen nobis uidetur neque de perfectionis consilijs, neque de moralibus præceptis in lege scripta Moyſis tam facile esse concedendum. Sed quomodo in fide **CHRISTI** plane iustificemur, id quod in lege non possumus, ratio nobis, quantum adiuuerit nos Deus, altior est inuestiganda, ad quam aditus primum nobis ex Apostoli uerbis sit, Qui posteaquam ostendit, omnes omnino, & Græcos naturæ, & legi Iudæos præuicatos esse, mundumq; reum totum accipiti euentu, e Dei omnipotentis iudicio dependere, ne forte obijciat aliis quis, & dicat, Redeat ergo ad Moyſis legem mundus, illiusq; mandata custodiat, & iustificabitur uniuersus: refutat statim huiusmodi oppositionem, & discrete confirmat, neminem posse coram Deo non ex lege modo (hoc enim ante dixerat) sed ne ex operibus quidem legis, quod hic aperre pronunciat, iustificari: assertq; rationem dicitur sui, Quoniam per legem, inquit, cognitio est peccati. Quasi dicat, iustitiam illam, quæ acquiritur ex lege, cognitionem tantum esse peccati, ad eum finem, ut peccatum uitetur. At illa, quæ ex Deo est, iustitia, num cognitio & ipsa peccati est, eiusq; uitatio? Minime illa uero: Nullum enim ea cognoscit, aut saltem non animaduertit peccatum, neque in peccatis uitandis, sed in omnibus præclaris, atque subtilibus rebus, actionibusq; tractandis, ac suscipiendis occupata tota est. Quod totum ut uideamus cuiusmodi sit, intelligamus prius in quo Moyſis lex à fide **CHRISTI** differt, Quæ enim utraque unum Deum proponit colendum, atque amandum, consensunt in idem ambæ. Vbi uero lex cultum Dei & amorem hominibus proponit, ut sit hominibus ipsis præsens, & propitijs, ad bona terræ acquirenda, & possidenda Deus, in hoc statim **CHRISTI** fides ab ea incipit discrepare. Fides enim sic nobis amandum Deum proponit, ut omnem ex nobis amorem terrenorum bonorum penitus efficiamus, atque illum uniuersum in unum Deum conferamus, ut sit nobis non tam author, & donator cæterorum bonorum Deus, quam nostrum ipse bonum; neque ab eo nos profecti ad alium finem, contendamus, sed in eo ipso uno, ut fini nostro insistantus. Nam si in alienis ab ipso Deo bonis, & terram redolentibus infixæ sint uora, & desideria nostra, atque ita Deum nobis adificemus, ut ipse dator nobis, & donator illiusmodi bonorum sit, quod Moyſis lex, quatenus scripta est, semper, & præcipue hominibus proponebat, quis non intelligat potiorē nobis tanquam Deum alterum illum esse, ad quem cupiditate potiundi anhclamus, quam eum, à quo nostræ huiusmodi cupiditati speramus subuentum, & suppeditatum iri? Etenim finis semper præpollens, & præcipua causa omnium causarum est, in eamq; maxime amore, & studio contendimus, ut appareat, cum Deum ita amamus, ut bona alia quædam ex eo consequamur, nos illa magis bona, quam Deum ipsum amare, & ueluti Deum potioiorem nobis ducere, in quem peruenire desideria nostra, quam à quo illa dirigit, & ad finem deduci uolumus. In hoc statu lex Moyſis, & filij legis eius fuerunt, ut cõlerent quidem, & uenerarentur unum Deum, uerum ideo cõlerent, ut eos ipse in terram expectatam deduceret, propriamq; eis illius possessionem traderet, quo regno terrenarum cupiditatum in populo Israël à lege permissio, cum homines illa suos patriatur magni æstimare, diuitias, honores, imperiaq; expetere, procreationi operam daret, familias augere, suum ius persequi, iniurias illatas liti, & iudicio ulcisci, atque his deinde in hac tanta colluione affectionum, & cupiditate rerum earum quæ certatim expetuntur, ab omnibusq; ambiuntur, quasdam regulas apponat, quantum, & quo pacto, & aduersus quos agere, querere, uindicareq; sit licitum, hanc legem qui adficerent, eiusq; mandata seruauerint, iusti fuerint illi quidem, sed apud homines tantum, & legi illi iusti: Apud Deum uero ipsum nullam ueræ iustitiæ, quæ sola diuina est, laudem obtinebunt. Nam neque Deus ipse hoc genere iustus est, ut eadem sibi expetat bona, quæ homines concupiscunt: in eis uero expetendis à uiolatione legis, & ab iniuria omni caueat. Sed est iustus Deus, omnibus diuitiis bonitatis suæ dissiuens, nihil ipse omnino infra se appetens, nullam à quoquam iniuriam, tanquam ipse lædatur, agnoscens, Quod faciunt eodem propè modo, in eoq; Deum imitantur, qui per fidem **CHRISTI** illius exemplo imbuti, neque studio, neque cupiditate ulla inhaerescunt in terrenis, sed omnem uim suam amandi ac cupiendi in Deo

ipſo, ut ſint, & ſuo unico bono conſtituunt. Hi enim hanc Dei iuſtitiam, & bonitatem æquabilem omnibus, bonum omnium expetentem, omnibus opem ferentem, nemini incommodum, ne inimico quidem, aut hoſti procreantem, ſalutarem cunctis, expertem terræ cupiditatis, aliorum maleficia ſuis beneficijs obruentem, hauriunt ipſo Deo donante, & largiente ampliter, & in ſemetipſis accipiunt, Deoꝝ ſimiles effecti, quoad quidem homini ſas eſt, humanis animorum morbis omnibus ex ſeſe ciectis, deſerunt imaginem in ſe omnipotentis Dei: neque regulas iſti quaerunt concupiſcendi, ſed nihil mortale, & caducum concupiſcunt omnino: tantumq; abeſt, ut alienum quid appetant, ut ipſi ultro ſuimet, ſuarumq; rerum omnium omnibus indigentibus ſint liberales. Hæc nos per fidem opera iuſtitiae, longe diſtincta à legalibus iuſtijs & ſectarijs, & colere uult Paulus, ad Philippenſes ſcribens, ut ſynceri, & inoffenſi ſimus, in dicem CHRISTI, inquit, pleniſq; fructibus iuſtitiae hiſ, qui per IESVM Chriſtum ſunt in gloriam, & laudem Dei. Hiſ talibus iuſtis ut Paulus idem alio loco ait, laud non eſt poſita, ſed ipſi magis ſunt lex, quorum ſi reliqui regerentur arbitrio, aut ſi ſimiles eorum eſſe uellent, inutilis in totum lex, & ſupervacanea exſisteret, quæ illis tantum dominatur, atque præſcribit, qui uias carnales, & lubricas inſiſtentes, à prolapsione omni propter metum ſupplicij debent cauere. At hæc ininime præclara, neque apud Deum magni momenti uim obtinens iuſtitia eſt ratio, ut ex ea poſſit uere quicquam apud ipſum iuſtificari. Illa præclara eſt, & ſolida, & integra, totiuſq; iuſtitiae uim coram Deo obtinens, quæ ſibi factorum, morumq; ſuorum exempla ex Dei uirtute, atque factis iudicat eſſe petenda. Hoc ſic poſito, uideamus eadem ne ſint in fide CHRISTI, quæ & in lege morum præcepta, uel ipſæ morales potiùs actiones: quæ eſſi utrobique ab Deo deducæ ſunt, illæ tamen legis, ad terræ præmia conuerſæ ſunt, noſtræ & ex Deo, & in Deo conſtituuntur. Illæ humanam quandam iuſtitiam reſpicunt, ut cum hominibus, & inter homines tutò, pacatèq; uiuere liceat, & in eo tantæ gratia Deo habeatur. Noſtræ illius diuinæ iuſtitiae eminentiſs, & ſingularis exemplo, & imitatione ſunt inſignes. Nam ut de liberalitate nunc, & de beneficentia poſſimus loquamur, exemplumq; in hiſ uirtutibus proponamus, num potèſt uideri eodem modo fore liberaliſs, qui pecuniã quidem propter alias etiã cauſas, & propter ipſum ſe maxime diligit, atque conquiret, ueruntamen ita conquiret, ut neq; inſuriam propterea cuiquam ullam afferat, & apud ſe liberalitati quoque ex illa, & opitulationi egentium eſſe uelit locum, & iſ, qui pecuniã non alio proſuſ nomine amat, nec ullum ex ea fructum altum cognoscit, quàm benigne facere cæteriſ, & inopiſbus ex ea, atque egeniſ opitulari: magnam profectò ſan oportet inter hæc duo liberalitatũ genera intereſſe diſtantiã, nam qui ex illo priori genere fuerit liberaliſ, iſ peccatè detentum, & caute ſibi ſemper primo proſpiciens, ſemper ſuorum commodorum potiorem rationem ducens, erogabit de ſuis boniſ pauperiſbus, tanquam ancipiti cura diſtractuſ, quemadmodum poſſit rebus ſiſ ſalutiſ, cæterorum quoq; ſalutiſ, & neceſſitati ſubuenire. Noſter uero nulla illiuſmodi ratione ſui habita, ut qui conſidens Deo alias ſibi opes, alias diuitiã in celo paratas habet, de hiſ terreniſ opibuſ duntaxat id cogitabit, quo pacto per eas poſſit incommodum, & egeſtatem proximo ſuo depellere. Deus porro qui utriq; & Iudeo, & ſideli in agendo opere miſericordiæ uerſatur ante oculos, quemadmodum uerſatur: non ne per terrorem Iudeo, ſideli per amorem? Quod quidem ſic ſe habere neceſſe eſt: Etenim Iudeuſ, qui bona terræ facit plurimũ, Deumq; ſibi datorem illorum bonorum inuocat, & precatur, parebit Deo imperantiſ, & monentiſ, ut proximum ſuum ex illiſ boniſ, cum iſ egerieſ, iuuat, & ſuſtinet. Parebit autem ob eam cauſam, ne ſi minus illi dicto fuerit audiens, offenſuſ, atq; iratuſ Deus ab eiſ illum boniſ, ad quæ ipſe præcipue amore, & cupiditate labitur, abducatur, & abſtrahatur. Qui eſt in lege Moysiſ, quatenus litera fert, propoſituſ imprimiſ legem illam adſciſcentibuſ timor, ut colant unum Deum, illiſq; obediãt: quò diutiuſ terræ bona comedere, & tranquille illiſ eoſ liceat frui, Deo obtemperanteſ. Qui ſi minus obtemperauerint, tum intelligant & uereantur ſe & terra ipſa & fructibuſ terræ quibuſ tantopere delectentur priuatoſ & ſpoliatoſ ab eodem Deo fore. Nos uero fide CHRISTI inſtructi, cum inopiſbus, & miſeriſ ſubuenimus, idcirco opuſ miſericordiæ

misericordiae praestamus, quod confidimus illo modo summum bonum nostrum nos adepturos ipsum Deum, in quo, non in alio finit aliquo nobis proposito omne spes nostras, & omnia desideria figimus. Qui ergo possunt eadem esse moralia, si neque ex eodem iustitia, & bonitatis fonte depromuntur, neque ad eundem finem respiciunt? Sed in illis Iudaicis avaritia quaedam semper commixta sit, quae & in fini ipso spectatur: opes enim & bona terrae praecipue expetit, & in agendo, operandoq; coniungitur, nunquam enim solutam & libetam hinc progredi misericordiam. Nobis uero & ex Deo ad operandum, faciendumq; recte profectus, & in Deum semper intuentibus, neque ulpam alibi praemium actionum nostrarum constituens tibus, quam in eodem Deo, uirtus, & iustitia non humano modo, sed diuinitus, neque ex praeceptis legis, sed ex Dei exemplo, imitationeq; suscepta est: quod in una à nobis uirtute dictum, de omnibus sit eodem modo dictum. Quo etiam patet nullum perfectum consilium dari in lege, quod datur in fide. Ad terram enim tendentibus, & in terra, spe, atque amore constitutis, reputantibusq; ex bonis, & fructibus terrae subsidium sibi ad utiendum, & laetitiam, atque expectionem animi esse euenturam, nullum insigne consilium dari potest, quod euadat ad perfectiorem nem. Et si posset, non ille, qui omnia legitima legis implisse se dixerat in Euangelio audisset à domino, si uellet perfectus esse, ut abiret, uenderetq; omnia, quae haberet, & distribuere pauperibus, reuersusq; se sequeretur. Haec enim perfectio & operis, & consilij in CHRISTO solo, & in Euangelio est: ea re quidem, quod nullus est credentibus consiliorum, & operum, nisi Deus ipsemet finis propositus: qui uero alios finis, alia bona, ad quae spe, & amore tenderent, sibi designauerunt: hi non modo ab imitatione diuinæ iustitiae longe absuerunt, sed ne ipsam quidem humanæ iustitiae ex lege rationem cumulate sunt adepti. Quod ergo dictum est, idq; saepius à Paulo, quod ex operibus legis non iustificatur omnis caro coram Deo, & libere est, & simpliciter dictum, quoniam uera iustitia ex lege non acquiritur. Nihil enim ad perfectum adduxit lex, ut idem ipse pronuntiat ad Hebraeos scribens: Estq; prioris mandati abrogatio facta propter imbecillitatem eius, inquit, & inutilitatem. Sed haec de lege ueteri, ut in littera descripta est, intelliguntur. Nam si spiritualiter illam accipimus, idem est legi illi spectatus finis, qui nobis praesens, & cognitus iam est Christus. Accipimus autem hic iustificationem non pro remissione duntaxat peccatorum, quod nonnulli interpretati sunt, sic enim esset & in lege iustificatio, in qua pro peccato offerentibus & sacrificia illa in expiationem sui facientibus identidem à Deo dimissio peccatorum proponitur. Sed haec est iustificatio amplior quaedam diuiniore iustitia, quae ex similitudine Dei ab eo in nos fidem illi habentes ducta, & deriuata est. Quam Paulus ut assequeretur, illam humanam ex lege iustitiam pro stercore sibi haberi confirmauit. Haec demonstrata, & cognita in fide Christi iustitia legem ueterem Moyse antiquauit, & sustulit. Aut enim illius omnino caerimonias, tanquam umbras abiicit, aut morum, & religionis praecepta ad sublimiorem finem erigere est conata. Si tamen antiquare est explere, atque absolvere, quod rude antea erat, & tantummodo inchoatum. Haec, inquam, iustitia ea ipsa est quam in Euangelio CHRISTVS turbas, & discipulos docens, ex ponere erat solus, cum ita dicebat: Nisi abundauerit uestra iustitia plus quam illa Scribarum, & Pharisaorum, hoc est plus quam illorum, qui ex lege, & ex legis operibus iustitiam sunt consecrati, non ingrediemini in regno coelorum. Quam eandem iustitiam ipse describat, enucleatq; tradebat, in quibus lex deficeret, demonstrans: & quomodo Deum debeamus in ipsius diuina illa iustitia imitari ubique nobis insinuans. Per legem autem quod cognitio est peccati, ad eum finem dictum est, quoniam lex populo Hebraico lata est, quae illi esset tanquam adhuc puero & adolecenti praedagogus, illumq; in unius Dei cultu contineret, praeciperetq; & doceret, quae essent tantisper & cauenda, & fugienda, quoad tempus & opportunitas sanctioris praecepti adueniret, sicut ad Galatas scribit Paulus: Lex transgressionum causa apposita est, inquit, quoad ueniret semen, quod fuit promissum. Porro imbecillitatis est sigillatim monere, & monstrare hoc, & illud deuitandum esse, & in eam quasi uiam nos deducere,

quæ omnibus periculis infesta, & obfessa difficilem ubiq; & anxiam habeat cautio-
nem. Illa ufa est commoda, & longe magis nobis salutaris, quæ altiore quadam semita
nos sine suspitione, & metu ad optimum finem perducit. Proposita itaq; est in lege
peccati cognitio, uel ut illud, quoad poterat, uitaretur, ac effugeretur: uel si id minime
poterat, quemadmodum quidem non potuit, ad remedium præstantius confugere
tur, quod est in Euangelio datū nobis, atq; oblatum. INTELLIGO, IVLIVS
inquit, & nunc demum mi frater confiteor ignoratum mihi hūc diu in Paulo locum,
aperiente nobis Deo, patefactum nunc plane, atq; illustratum esse: & reuera ita est,
ut ex communibus hominum sensibus, atq; ex quotidianis rerum terrenarum consy-
derationibus nequaquam possit Paulus intelligi. Sed in cælum ascendendum est, &
ex diuinis illis uirtutibus, atq; consilijs huius hominis uirtus, mensq; inuestiganda,
qui nō iustificationem in carnis operibus, neq; iusticiam Dei in humanis uirtutibus,
sed utraq; in Deo, & ex Deo diuino in illo modo, hoc est eminenter, & supra omne
rei creatæ captum, in nobis uero per fidem CHRISTI imitanda Dei natura, & bo-
nitate posuit, quod est maximum ipsum nobis à Deo beneficium. Itaq; lumine hoc se
mel ueræ intelligentiæ illato, non solum ille locus, sed tota serē epistola, quæ ad Gala-
tas scripta est, mihi uidetur esse declarata. ATQVI MI FRATER inquam,
quod & hic, & ibi confirmat Paulus, iustum ex fide uiuere, etsi de eo nobis antè est
dictum, tamen dicendum aliquid etiam nunc est, ut imbecillitatem legis melius com-
prehendamus, & ea quæ passim in Paulo tanquam semina diuinarum uirtutum spar-
sa sunt, altosq; ac reconditos illius sensus percipere ualeamus. Est igitur uita quædā,
quæ illam fidei nostræ donatam ab Deo, impressamq; in nobis iusticiam profecto co-
mitatur, illi ipsi iustitiæ dignitate par. Sicut enim iustitia illa ex Deo in nobis inest, sic
& uita. Et quemadmodum iusticiam ille nobis suæ bonitatis, iustitiæq; effugiem, obli-
demq; erga nos optimæ uoluntatis, sic & uitam præbet, imaginem suæ immortalita-
tis. Cumq; Dei illa iustitia, qua credentes sibi, fidemq; habentes Deus ipse insignit, ita
excellat, atq; emineat, ut cum hac legis iustitia comparata humanam istam omnem
obscuret æquitate, iniquitatemq; eam quodammodo potius uideri cogat: sic uita
illa, quæ diuinæ comes est iustitiæ, mortalem uitam hanc morti, quam uitæ ostendit cō-
iunctionem. Etenim profecto bonus, & iustus est Deus, eosq; quos sui dedit esse imi-
tatores, non solum in uirtute, atq; in iustitia, sed in uitæ quoq; genere uoluit se imita-
ri, ut immortalitatem Deo similem assequerentur, qui similem Deo essent eius singu-
lari beneficio iusticiam assecuti. Atque ut ipse semper uno modo beatissimus, sic hi,
qui se ad eum per Christi fidem adiunxissent, in hac quidem uita beati, in altera uero
essent seipsis etiam beatiore. Proinde totus iste ordo sic texitur, seriesq; deducitur,
ut nos quidem fidem erga Deum afferamus, quæ quanquam ipsa diuino munere ali-
tur, & cōfirmatur in nobis, aliqua tamen est pars in ea nostræ uoluntatis. Deinde ista
fides Dei omnipotentis iusticiam excitat, per quam ille ut est uere bonus, non igno-
scit solum ad se accedentibus, & per fidem sese illi deditibus: sed eos eadē prope ius-
titia, qua est ipse præditus, & eodem genere bonitatis exornat. Tum autem sic orna-
tos, & effectos sanctos in gratiam, in amicitiam, in cognitionem recipit, adoptatq; in
filiorum nomen, uitamq; illis beatam, & immortalem tribuit, longe abhorrentem ab
hac uitæ, quæ meroribus, & doloribus, & periculis, quæ deniq; morti, & corruptio-
ni tota addicta est. Quam quidem fragilem, ac mortalem uitam non iustitiæ illius do-
num, sed tantum naturæ retinemus iustisq; ea, atque iniustus promiscue data est. Cu-
ius etiam auferendæ, aut relinquendæ lex habet potestatem, tribuendæ uero nequa-
quam. Si quis enim commiserit in legem eo genere peccati, cui poenam mortem lex
ipsa sanxerit, in lege interimitur, nec habet potestatem lex poenam illi remittendi,
peccatumq; condonandi. Nihil enim præter præscriptum, & constitutum nouare,
nec quod semel in ea sanctum est, lex commutare littera una potest. Qui uero legem
ad ungulam seruauerit, nilq; in ea offenderit, quamobrem morte esse dignus censetur,
huius non noua aliqua uita donatur, sed quam ipse per se habet, ei uita illa re-
linquitur, quæ est naturæ, non iustitiæ uita, ut illud tantum legis sit donare uitam,
quibus non eripiat. Quod si iusticiam illam, quam intelligimus ex iustificatione, &

quærit

querimus, sua certa uita consequitur, quæ non naturæ sit, sed eius ipsius iustitiæ propria, nullius autem donandæ uitæ habet lex facultatem. Igitur ne eam quidem iustitiam donare lex potest, per quam uita acquiritur præstantior. Quo perspicuum sit non esse ex lege, neque ex operibus legis iustificationem. Atque ego hoc non plinius exprimere possum, quam ipsemet Paulus, ad Galatas sic inquit: Si data esset lex, quæ posset utiufcarè, uere ex lege esset iustitia: sed concludit scriptura omnia sub peccatum, ut promissio ex fide **I B S V** Christi daretur credentibus. Quibus ex uerbis patet, quoniam uitam dare lex nobis suo, & proprio munere non potest, ne eam quidē posse ab ea dari iustitiam, quam necessariò uita illa cōsequitur. **P R O R S V S** tibi assentior, **I V L I V S** inquit, & quoniam de quo antea sepe dubitaueram, nunc soluto, & pacato sum animo, satis in memetipso concipiens, neminem posse ex lege, neque ex operibus legis iustificari, quando altior quædam iustitia, quam ista humana ad iustificandum queritur: quæ uni fidei donatur ab summo Deo, ut is, qui ei credit in similitudinem, ac imitationem diuinæ iustitiæ deducatur: quoniam, ut dico, inquit, hæc iam mihi percepta est iustificatio, locusq; difficilis, & arduus in Paulo explanatus, peto nunc à te, ut de ipsa fide, quid ea sit, & unde tantum honoris, & gratiæ apud Deum obtineat, uelis mihi explicare. Tamen enim magnam partem per me ipse, quid illa sit, quantumq; ualeat, intelligere mihi uideor: tamen non ita mihi ipse satisfacio, ut spero abs te iri satisfactum. **R E C T E** hoc, inquam, mi frater exquiris, & ab hoc aditu, ac tanquam uestibulo nostræ dispositionis, si dux, & monstrator nobis affuerit Deus, ad illa secreta, occultaq; uenimus, in quibus positum est summum & maximum fidei **C H R I S T I** mysterium. Quare eiusdem Dei spiritum, operemq; implorantes ab ipsa ordiamur uerbi ui. Est enim multiplex in communibus hominum sermonibus, & in ipso quoque Paulo uerbi huius significatio. Interdum enim fides est in dictis ueritas, & in factis integritas, cum fide nihil, nec simulate agitur, aut dicitur, ex quo usus Latini sermonis ita loqui consueuit, cum quid sine dolo & fallacia factum sit, bona fide id fuisse actum. Itemq; bona existimatio eorum qui negotiantur, fides appellatur, cum res eæ, illis res pecuniaria committi existimatur, qua fide & forenna commercia, & omnis mercatura potissimum continetur. Quod etiam latius patet in omni opinionis integritatis, & iustitiæ, cum eum, qui muneris alisci, imperio uel præpositus sit, fidem suam præstaturum esse confidimus, ut cunctis affectus iniuria, & ad fidem illius confugientibus, paratum uideatur esse in illius prudentia, æquitatēq; præsidium. In scriptura uero aliquando fides est ipsa conscientia intus dijudicans, quid uerum sit, & quid falsum, in his quæ aguntur, & quid simulatum, ac fucatum, quid syncerum, & simplex. Quo sensu Paulus: Quicquid ex fide non est, peccatum est, inquit, ex fide idem, quod ex ueritate, & sinceritate conscientia intelligens. Nonnunquam etiam fides constantia est in præstando, quod quis promiserit, ut paulo super Paulus: Nunquid horum infidelitas fidem Dei abrogabit? hoc est, si hi non steterunt in his, quæ Deo promiserant, num item non stabit promissis suis Deus? Sed ut hæc, & cætera fidei significata omittamus, quæ ad nos minus pertinent, inueniamus ad id, quod nostrum est, ut fidem intelligamus esse credulitatem, non eam, qua faciles sumus ad credendum, sed eam, qua credimus, qua in sententia, & facere fidem, & habere, & in ea fide esse uulgò homines loquuntur, quod est in omnibus credere, & uel persuadere alijs, uel persuasum ipsum esse. Sed nos, qui scripturarum more loquimur, fidem **C H R I S T I** cum pronuntiamus, in uno hoc fidei uerbo totum id intelligimus, quod est credere Deo, & **C H R I S T O**, illiq; confidere. Non enim fides nostra simplex est credulitas, quamquam fides, & fundamentum fidei credere est. Sed fides in Deum plena, atque integra est, ita credere, ut confidamus, hoc est, ut non minus spei insit in ea, quam credulitatis. Etenim ea credimus, quorum magna pars ad nos ipsos pertineat, & semper consideri, credere etiam est. Credere uero ipsum non continuo consideri: ut cum credimus Deum esse, res autem id quidem est, & necessarium, & fidei debitum. Sed tamen hoc ueteres etiam Græci, gentesq; ferè omnes crediderunt, nec uim propterea tamen fidei tenere.

Vbi ergo iam incipit apparere fides et cum id, quod sequitur, etiam credimus Deum fieri remuneratorem omnibus quaerentibus se. Hæc nimirum ab Deo remuneratio cum est à nobis credita, quoniam quidem pertinet ad nos, facit, ut considere incipiamus Deo, & cum credulitate ipsa spem iunctam habeamus, si eum quaerimus, atque cum amore, ac desiderio ad eum fuerimus conuersi, fore nos illius bonorum, benignitatisque participes. Quod considerare utique est, & non solum Deo, sed etiam in Deum credere. Ac ut maiore cum authoritate de fide ipsa loquamur, definitione Apostoli in medium adducamus. Quis ad Hebræos inquit: Fides est susceptio rerum earum, quæ sperantur, index earum, quæ non cernuntur. HIC IVLIVS. Fidei, inquit, definitionem ex Paulo asseris; quæ quàm obscura semper habita fuerit, confusio omnium ferè interpretum demonstrat. Sed tu mi frater uerbum illud Græcum hypostasis, quod ceteri transulerunt substantiam, cur susceptionem conuerteris, aut dire ex te aueo. Certe enim uerbi huius ipsius cognitio, cum rite percepta fuerit, quasi lumen quoddam exiterit ad huiusce loci obscuritates, & tenebras illuminandas, SUSCEPTIONEM uoco, inquam, uim, & sententiam Græci uerbi secutus, quo *ὁρασις* non solum subsistere, hoc est manere, atque hæere in seipso, quo sensu treis in diuinitate *ὑποστάσεις* esse dicimus, quas nos transulimus personas: sed sustinere etiam quoddam est, & submittere, ac iuponere se, siue negotium aliquod, minus uel recipias, quod pro te subire, aut pro altero paratus sis, siue cuiuspiam spei, aut opinionis, aut sententiæ temetipsum subicias. Atque hoc uerbum alijs quoque locis Apostolus, ut ad eisdem Hebræos: Cohortamini uos ipsos per singulos dies, quos adulesce uocatur hodie, nequis uestrum obdurescat ex deceptione peccati: Participes enim facti sumus CHRISTI, si quidem principium hypostaseos usque ad finem firmiter retinuerimus, hoc est, si permanebimus in eo, quod à nobis est susceptum, si non exciderimus spe, & fiducia erga Deum. Et ad Corinthios: Misistis fratres, inquit, ut ne gloriatio nostra de uobis inanis sit in hac parte, ut quemadmodum dicebam, parati sitis, ne si forte ueniant mecum Macedones, & offendant uos imparatos, rubeamus nos, ne dicamus uos in hypostasi hac gloriacionis, quod idem est, ac in eo, quod suscepimus, ut gloriaremur de uobis. Indicat autem hæc hypostasis non leuem quandam, neque improvisam, sed meditato consilio susceptam actionem. Ut item ad Corinthios: Quod loquor, non loquor secundum dominum, sed uelut in insipientia in ista hypostasi gloriacionis, quoniam multi gloriantur secundum carnem, & ego gloriabor. Vbi ostendit se uolentem, & scientem suscipere hanc provinciam gloriandi, quæ tamen non secundum Deum sit, sed secundum instantiam, & gloriacionem carnis. Verum omittis uocabulis ut ueniamus ad rem, Cum fides definitur ab Apostolo, susceptio earum rerum, quæ sperantur, index earum, quæ non cernuntur, sic intelligamus huiusmodi definitionem, ut fides sit, uel sperare ea credendo, quæ oculorum uisioni subiecta non sunt, hoc est spiritualia, & æterna, uel credere sperans: doctusquam fidei fundamentum sit credere, tamen spes ipsa continet in se fidem, & absque spe fides inanis tota est. Atque hæc est propria fidei CHRISTI definitio. Nam & Iudæi cum unum esse Deum crederent, eumque colerent, & uenerarentur, atque illi considerare se dicerent, spemque in eo ponerent bonorum assequendorum; ea tamen ab eo sperabant bona, quæ oculis, & sensibus percipiuntur, hoc est terrena, atque humana. Nos uero, qui & Deo credimus, & in Deum per unigenitum filium eius IESUM Christum ita confidimus, & permittimus nos Deo, ut nihil ab eo mortale, nihil interituum expectamus, neque digna ista huiusmodi munera tantum auctore esse existimemus: Sed ea potius speremus, & expectemus ab illo, quæ tribuunt, & donanti consentanea sunt, magnitudine eximia, perpetuitate æterna. Est igitur uera fides CHRISTI & Dei: & Deo, & in Deum credere, quod est illi confidere, ut speres ab eo, quæ æterna bona sunt: ea porro huiusmodi, ut nullis sensibus comprehendantur, sed sint tota in illa fide, & spe, si Deo confidamus, & si eum amauerimus, expectationi nostræ reposita. AVDIO mi frater, IVLIVS inquit, & de uerbo hypostaseos, Christi fide, quo pacto illud intelligendum, hæc accipienda sit, tuam sententiam probō. Sed cur Apostolus de fide CHRISTI speciatim loquens,

exempla

exempla fidei constituerit ex illis, qui longe tempus Euangelij antecesserunt, & in Abel, Enoch, Abraham, Iacob, ceterisque patriarchis, fidem hanc, quam designabat, fuisse affirmare. it, hoc est, quod cupio mihi abs te explanari. Non enim uidebatur propriæ fides in illorum rebus gestis, sed in Apostolorum, & Deo credentium per IESUM Christum designari, QUONIAM inquam IULI & ad Hebræos Paulus scribens eos in patribus suis uoluit commonefacere, ut plus haberet hortatio sua ponderis, & cum exemplum tum graue sit, si ex antiquitate deprimatur, ad uetusta & celebrata maiorum facta eos reuocauit, ueteresque illi tamen, cum ea, quæ gererent, in corpore, atque in umbra tanquam figuras, & simulacra præmitterent uenturæ post aliquot sæcula ueritatis, ueritatem ipsam nihilominus iam tum spiritu sancto edocui perceperant, & sic crediderant in futurum CHRISTUM, quomodo nos in eum, quem non uidimus, credidimus. Sed ut redamus ad superiora: Fides CHRISTI hoc habet peculiare in se, ut ea, quæ nec cerni oculis, neque ullo sensu percipi possunt, ab Deo sola, & potissima expectemus, confidamusque illius benignitati, & ueritati nos ipsius diuino munere illa assecuturos. De quibus idem iste Apostolus: Quæ oculus non uidit, & auris non audiuit, & in cor hominis non ascenderunt, promissa habet Deus diligenter eum. Et alio loco: Breuis, leuisque afflictio in nobis, inquit, æternum pondus gloriæ creat, dum non cogitamus ea, quæ uidentur, sed quæ non uidentur. Nam quæ uidentur, ad tempus tantum sunt, quæ non uidentur, æterna. Quod uero ista ipsa sperare, & concupiscere ab Deo solo debemus, quæ æterna, & inuisibilia sunt, ista ratio docet, quod hoc solum uere est Deo credere, atque confidere. Nam si ita confidamus, ac credamus, ut ista appetamus ab eo nobis dari, quæ sunt terræ bona, non unum iam Deum, sed complurces esse Deos suscipiemus: quot enim ex titerint, ex quibus nobis sit spes potiundi bonorum mortalium & caducorum, illorumque fruendi, tot nobis deos, & dominos professio constituet. Nam siue à populo sperandus honos fuerit, aut potestas aliqua, aut emolumentum, populus ipse nobis erit Deus, plusque illius uoluntati, quam Dei operi confidemus: siue eadē postulabuntur à principibus, Dei apud nos locum princeps obtrinebit. Denique in amore terrenorum bonorum, qui suppetitauerit amoris nostro, cupiditatibusque suffragari fuerit, is nostram ad se omnem conuerter fiduciam: ex quo Iudei, qui ad hæc terræ bona potissimum aspirabant, ad asciscendos quoque, & colendos falsos deos, faciles sapenúmero, & prompti exciterent. Non enim neque in rebus molestis, ac tristibus, illa bonorum spe ab Deo insensibilem se sustentabant, & sæpe oblati aliunde præmissi, aut uoluptatibus ab Dei ueri nomine deficiebant. Quod cum sæpe aliàs, tum in lerò boam præcipue, & decem tribubus Israël fuit manifestum, ille enim ut regnum sibi stabiliret, quod ex dissensione populorum ceperat, illi ut regem haberent fauenter sibi, atque propitium ferre omnes à uero Deo, & cultu Dei, temploque ipsius sancto auerſi, ad ementios deos, & falsa idola transfugerunt. Proinde nos quoque qui fidem CHRISTI profitemur, cum Deo nos credere, & catholicæ ecclesiæ enunciamus, sic debemus de nobismetipsis cogitare inanem esse fidem hanc, nisi etiam in Deo speremus, & confidamus, atque ab eo illa expectemus, quæ futura sunt immortalia bona. Itaque qui cupiditatibus rerum terrenarum, & carnis uoluptati dediti, & uel ambitioſe, uel auaritia excecati summum in his bonum, quæ sensibus comprehenduntur, & suum omne studium collocant, atque constituunt, hi fidem, quam uoce usurpant, corde nullam retinent, neque Deum sibi, sed mundum dominum constituunt. Ex quo fit, ut in astutia, in malitia, in fraudando, in uiscendo, in uim afferendo, in omnia miscendo, omnibusque modis attemptando magis quam in Deo, & Dei ope fidentes, contenti ad ea peruenire, quæ peruersa opinio, corruptaque cupiditas fingit, atque constituit sibi esse bona. Est omnino aditus, & tanquam ianua ad ipsam solidam ac perfectam fidem ista animi credulitas adueniens Deo se, & CHRISTO atque ecclesiæ credere. Sed non in eo plena fides, quandoquidem sine firma spe, atque fiducia in summum Deum fides uera non est: spes autem, & fiducia esse non potest, si hæc interitura bona potius expectimus, de illis æternis minus laboramus. Sed tamen qui sum in ista credulitate nomen professus Deo, & in nomine sancto CHRISTI baptizatus est, ad explen-

dos fidei numeros omnes profecto fit paratior, quàm is, qui ne istam quidem fidelē CHRISTI nominationem æquis auribus accipit. Verum in eo tamen est fides, ut credatur, & confidatur, idēq; certo consilio, & deliberata fiat uolūtate. Fidem enim habere etiā sperare est, & confidere. Qui uero tantummodo uerbo, nulla meditata in corde ratione sese annunt credere, cum in mundo idē multo maximam spei fuz partem fiduciāq; ponant, hi non tam fidem ipsam tenere, quàm ad fidem quendam introitum habere sunt ex illimandi. Quod si is esset Deus, qui non omnia possit, & ualeret unus, aut si quæ ab eo suis cultoribus propolita sunt, non eadem essent optima, ac præstantissima, profecto & alios deos constituere, eisq; confidere, & alias res appetere hominibus toret licitum. Vt enim diximus, qui quopiam confidit, Deum sibi quodammodo illum facit, in quo suam ponit fiduciam. Sed cum & omnipotens Deus, & nihil illius donis celestibus sit præstabilis, atq; adeo illa sola sint, quæ nobis ab Deo ostenduntur, & promittuntur uera bona, ideo nec illis est quicquam à salute uera aberrantius, qui à CHRISTI fide alieni sunt, neq; his miserius, qui fidem ipsam CHRISTI ore, uerbisq; professi alias alibi spes, & alios penē deos, quibus potius confidant, sibi proponunt, & erigunt. Quocirca sic concludamus, certam, & ueram fidem esse eam, quæ ea, quæ cernit oculis, manibusq; comprehendit, manifesta, & indubitata mortalibus uitæ commoda, abijcit ultro, & segregat ab sese, ut ea, quæ sperat, & credit, adipiscatur à summo Deo; quæ quidem etiā fides hominem ex ea neo & corporeo spiritali prorsus reddit, agnoscens cognationem, quæ sibi est Deo est, & ad Deum ipsum, tanquam ad suum summum bonum credendo, & confidendo, illumq; imitando prorsus erectum, inq; eo solo eorum bonorum, quæ ab omni sensu remota sunt, eademq; & summa & immortalia existunt, spem, atque expectationem omnem suam assequendorum reponentem, per quam fidem postquā ita credidimus Deo, ut spem omnem nostram, omnemq; fiduciam in illo constitueremus, amoremq; erga illum nostrum his terrenarum rerum studijs atq; amoribus non pateremur deseri, neq; distrahī, illi in nobis præclaræ, atq; eximie uirtutes gignūtur, quæ diuinā in nobis referunt uirtutum similitudinem. De quibus ad Galatas Paulus: Qui sup peditat uobis spiritum, & operatur uirtutes in uobis, ex operibus legis, an ex auditu fidei id agit: & re uera, cui ista sordent interitura, & mortalia, solumq; is ad celum, & ad Deum sperandis illis bonis celestibus erectus est, quis hūc potest, aut iustum, aut continentem, aut beneficium, & misericordem ex hoc humanarum uirtutum genere æstimare; alius se multo attollit iste in omni genere uirtutis, & proxime ad Deum imitatione accedit, quandoquidem promptior est illi, & paratior benefaciendi facultas, qui ea, quæ communicat cum alijs, & distribuit, parum ad se, aut nihil putat pertinere, solamq; præclaræ actionis uoluptatem cum Deo omnia conferens sibi retinet, operæ autem fructum, & pecuniæ in alios dispertit, quàm is, qui eisdem rerum terrenarum affectionibus implicatus, quas à suo proximo incommoditatis depellit, in eas ipse ueretur, ne quandoq; possit incidere. Certe enim ille prior ab omni rerum harum affectione remotus genus benefaciendi singulare, & propē diuinum in seipso exprimit; hic posterior, bonus tantum & iustus, inter homines habebit. Atqui posterioriorem hunc lex, illum superiorem CHRISTI fides conformat. Est enim fidelē CHRISTI, ut sæpe iam diximus, negligere omnia humana, & mortalia, neq; illa nobis bona existimare, quæ hūc tenentur, & possidentur, sed ad ipsa celestia, & nō interitura aspirare, eorumq; locare, & ponere assequendos spem totam in Deo, & cōfidentiam nostram. Sed quoniam de his, multis sæpe locis ab Apostolo fit mentio, erit nobis item locus de illis alijs loquēdi. Nunc redeamus ad Apostoli uerba, qui tanq; rationem reddiderit, cur ex operibus legis nemo iustificetur, eo quod per legē cognitio peccati, hoc est, quoniam lex nihil seipsa maius demonstrat, neq; altius, sed solā tibi notionem peccati insinuat; aliud autem est uitare humanam iniquitatē, & aliud diuinam adipisci iustitiam, longēq; diuersum, dissociatumq; est nosse peccatū, & ad gratiam aspirare, subiungit: Nunc uero seorsum à lege iustitia Dei, manifesta facta est, re iustificata ab lege, & à prophetis. Nunc inquit ista iustitia Dei, quæ sola facit uerē iustos, in lucem est edita, atq; apparuit, de qua lex, & prophætæ dederunt testimonium, neq;

neq; id parce, atq; anguste, sed plurimis in scripturæ locis. De qua Esaias in persona domini: Propè est salus mea ut ueniat, & iustitia mea ut reueletur. Ac ut non de humana, neq; de legis iustitia appareat dicti, quæ in præcipiendo, aut uctâdo, damnando, absoluenâdo ue tota ferè consistit, etiam subiicit: Et erit opus iustitiæ pax, & cultus iustitiæ silentium. Sola enim Dei est iustitia, quæ cum animor; pace, & silentio colitur, tanquam stirpes omnium cupiditatum ipsa ex animis elidens, neq; ullum penitus in mentibus relinquens dissidium, huiusmodi quo pacto hoc appetendû, atq; idem rursus alia ex parte fugiendum sit. Vel cum dicit huius diuinæ iustitiæ effectiones, opes atq; demonstrans: Vocauit te in iustitia, & apprehendi manum tuam, & seruaui te, & dedi te in foras populi, & in lucem gentium, ut aperires oculos cæcorum, & educes res de inclusione uinctos, & de domo carceris sedentes in tenebris. At hoc legis certè iustitia non facit. Hos enim ipsa potius incluserat, & uinxerat. Cui ergo esse potest dubium: talem Dei iustitiam uiuificantem eos, qui in peccatis mortui sunt, & cæcos mente illuminantem, eam esse, quæ non in lege expressa sit, sed quæ cum fide cõferta, atq; cõiuncta cingulum circumdat renibus, sicut scriptum est: Et erit iustitia cingulum lumborum eius, & fides cinctorum renum eius: & hanc à prophetis, & lege testificatam, tamen nos pauca à multis testimonia subiicimus, quæ plurima passim in tota scriptura, & de hac ipsa iustitia, & de uniuersa pariter gētium uocatione sciant, quas huius lex iustitiæ erat excitatura, & ex illis ecclesiam sanctiorem cõstitutura, de qua sic aperte, & perspicue Esaias, ut hæsitacioni non sit locus: Vniuersi filij tui, inquit, erunt docti à domino, & multiplicabit pacē filiorum tuorum, in iustitia fundaberis. Hæc inquam Dei iustitia seorsum nunc à lege manifesta facta est, cui nihil cum lege rationis est, atq; cõmerciij. Alio enim ex genere, & ex alio ordine tota est, diuinarum uirtutum uidelicet in nobis creatrix, nō humanarum, iustitia inquam Dei manifesta facta per fidem I E S V Christi in omnes, & super omnes credentes, hanc inquit, iustitiam Dei fides I E S V Christi in lucem extulit. Antea enim in Deo quidē semper erat, & radios interdum suos, occulto tamen tramite in aliquorum mētes & corda infundebat, præsertimq; eorum, qui essent ex semine Abraz. Illud enim genus præcipue electum fuerat à domino, ut quoniam ex eo author, & promulgator maximi mysterij edendus erat, diuino indicite spiritu prænosceretur ab eisdem, à quibus parturiebatur. Nunc uero I E S V Christo doctæ, atq; monstrante Dei illa emīens, præcellensq; iustitia in toto mundo patefacta est meridiano solis lumine multo clarius. Nō solum enim nouere homines, qui I E S V Christo crediderunt, illam in Deo iustitiam cuiusmodi esset, sed eam ipsi in semetipsis sunt experti. Etenim quemadmodū Deus fidem intuens eor; qui sese ei dediderunt, & credendo, fidendoq; permiserunt, nullas ueteres iniurias, nihil pristinæ impietatis, nec iniquitatis illis exprobrauit: sed omnium præteritorum scelerum memoria statim obliterata, omnibus eos ultro affecit beneficijs, non ut liberaret tantummodo pœna, & supplicio: sed etiam ut sanctos efficeret, atq; iustos, quo patre Deo digni effecti, celi hæreditatem iure adire possent: sic nos eadem Dei iustitia, eadem benignitate imbuti, atq; ornati, ipsum illum unde eam hausissemus, imitæmur, nihil odio, neq; iræ, nec libidini ulli tribuentes, ab earum rerum cupiditatibus alieni, per quas perturbationes huiuscemodi in animis nostris exoriantur, ad benefaciendum tantum, & ad benemerendum intenti, quod sola fide in Deum nobis aduenire potest. Eadem enim fides per I E S V M Christum tradita nobis, & insinuata, & iustitiam talē in Deo ut cognosceremus, efficit, & ut in nobis firmam ab eodem Deo insitam & datam acquireremus elargita est, quæ credentibus data est, hoc est huius ipsius fidei, & credulitatis nomine non tanquam legem habentibus, nec rursus tanquam probitate, & innocentia præditis, quippe cum nec gentes legem cognoscerent, & omnes omnino homines peccatis essent oppressi: sed data est gloriæ, & gratiæ, & beneficentiæ summi Dei. Nam si Hebræis tantum data fuisset, ubi Dei æquitas pari studio affecti ad omnes cõseruandos, quos pariter creasset: Si tantum probis, & innocentibus, ubi Dei gloria: aut quis eius benignitati, & uoluntariæ liberalitati fuisset locus: Data est ergo ea, & donata credentibus, qui suum nulum meritum afferunt, non enim credere, mereri est, & iidem maxime ornant, atq; magnifi

gnificant gloriam omnipotentis Dei. Proinde in hac cōmune indignitatis, & peccati, quia cuncti comprehensi erant, nulla erat prorsus distinctio, quam obrem huic potius, quam illi tribuenda esset, sed omnes pariter egebant gloria Dei, ut iustificarentur gratis eius gratia. Opus erat, inquit, ut suam gloriam ostenderet Deus, quatenus gratis, & sua innata benignitate, non ipsorum ullo merito eos iustificaret. Hæc enim est vera uirtutis, & bonitatis, & diuinæ iustitiæ gloria, facere omnia gratis, & propter se, nec quæ expectare, quoad quis mereatur, sed ultro suam gratiam, & benignitatem credentibus offerre, at quo interprete, quod instrumento hoc fecit Deus? per redemptionem, inquit, quæ in CHRISTO Iesu, quem proposuit Deus placamentum per fidem, in ipsius sanguine. TUM IULIVS: Adhuc mi frater, inquit, quæ abs te dicta sunt de iustificatione nostra, de fide in Deum, & de ipsa Dei iustitia ita mihi inhæserunt, ut nihil habeam certius, neque firmitus, quàm ita habere se rem, neque id credulitate tantum simplici, sed clara & ualida ratione adductus. Nihil enim est melius, quod attribuiamus Deo, quàm cum talem esse, qualem hæc ipsa iustitia demonstrat. Quod si in Deo omne inest, quodecunque est optimum, & hoc, quod optimum est, inesse in eo necesse sanè est. Neque intueor tamen, omnibus meæ mentis uirtutibus, & omni intentione animi circumfrecta aspiciens, quid illustrius offerat, & quid magis persudeat intelligentiæ nostræ illa tantopere laudata apud homines philosophia, cum argumentis & rationibus quid concludit, atque firmat, quàm hæc pura, & simplex uirtutem, & iustitiam & beneficentiam summi Dei summam narrans oratio. Itaque ea non me docuit solum, sed etiam uchementer accendit, ut hæc mundi bona quotidie magis, magisque despiciens in illis tantum bonis, quæ cœlestia, & æterna sunt, à Deo expectandis studium omne meum, & omnem curam reponam. Vi deo enim non secus ac si oculis idem cernerem, neque falli nos spe nostra, si uerè confidamus Deo, neque ipsum Deum à natura, à iustitia, à bonitate sua posse deficere. Vnus adhuc restat scrupulus, is iste ipse, in quo Paulus nunc uersatur, nec mihi ille quidē, sed his, qui fidei CHRISTI libenter sæpe obtreant, qui cum reliqua fortè omnia concefferint, fidemq; in Deum causam omnium uirtutum in nobis assensu fuerint, nec sine ea ad gratiam posse ueniri annuerint, illud tamen dicant, quod quotidie dicunt, nihil opus fuisse CHRISTO, nec CHRISTI morte, sed potuisse mūdum inspirante Deo, nihilominus in hunc sensum & fidei mysterium sine CHRISTO peruenire, quasi hoc in nobis reprehendant, quod in istud fidei negotium, CHRISTO ita admisceamus, ut absq; eo de salute & de Dei gratia penitus diffidamus. Nam quod Dei filium facimus, quod æqualem Deo, quod uirtutem Dei omnem in seipso deferentem, alia fortasse disputatio sit, neque propria huius loci. Quod uero sine eo erga Deum fides non sit, & quod hac una omnino ianua ad uitam sit introitus, ex perem admodū mi frater à te aliquid proferri in mediū, quod possemus horum talium molestissimis percontationibus respondendo opponere. DIVINVM est hoc consilium, quod quæris mi frater diuinā cōsideratio, quam nos hominūculi non tam indagare rationibus, & scrutari, q̃ uenerari, suspicereq; debeamus. Est enim hoc fidei præcipuum & propriū, non inuestigare curiose, quod suscipias, sed id simpliciter, & synecere credere. Verū tamen quoniam quod cū pietate agitur, nunq; ingratum id Deo, neque infensum esse solet, asseremus aliqua nō tam expressa in scripturis sanctis, quàm adumbrate posita, per quæ hæc possit quæstio dissolui. Deū ante deprecantes, ut sensum nobis rectū ita tribuat, inducatq; in omnem nos de filio suo ueritatē, si cum nos uerentes, & honore ei toto animo deferentes ipsius benignitatis, & sapientiæ gloriā cupimus magnificari. FACIET mi frater, inquit, nam & ipse dixit: Quæcūq; poposceritis patrem in nomine meo, dabit uobis. HAC fide in Deum freti inquit, asseremus primū illud, quod indubitatū, certumq; retinemus sola fide erga Deum per IESVM Christum posse nos saluos fieri, neque aliud nomen esse sub cœlo, ut Lucas, inquit, in quo salus mūdus sit proposita. Quorum etiam utrumq; cognoscere uita est æterna, & cum, scilicet, qui misit, Deum patrem, & cum qui missus est, IESVM Christum filium Dei. ASSEVEREMVS, inquit, neque de huius fidei constantia ulla omnino unquam uis nos, ullius sententia deducat. ATQVAM inquam, huiusce per sua

persuasionis nostræ & fidei argumentum primum illud, & quasi fundamētum totius assensionis habemus, quod euentus rerum ita habere se rem comprobauit. Hoc enim & miracula **CHRISTI**, quæ ab eo patrata sunt plurima, & maxima indicarunt, & mors ab eodem non suscepta solum, sed præuisa etiam, & sæpius prænuntiata, & posteaquam obijisset tertio die à mortuis eiusdem conuurrectio, ac sui uiuentis discipulis ostensio; deinde palam in cælum tot conspecta oculis fidelium ascensio; post ipsius sancti à cælo discipulis missa, & dispersita in specie linguarum, & ignis donatio. Virtutes quoque maximæ illis ex eodem spiritu immixtæ & inditæ sanandi ægrotos; liberandi à malis dæmonibus obsessos, mancos, & debiles integrandi, integros interdum in debilitatem inijcendi, consilendi sine timore, & perturbatione ulla aduersus magistratus & potentes, ac feroces sæpe minas superborum hominū ac tyrannorum, in mortem scubi opus esset, & ueritatis defensio postularet, alacri animo eundi; atque hæc omnia tot, atque tanta ut apte, & facili, & admirabiliter agerent, non solū uis quædam inaudita celestis uirtutis ac sapientię, sed etiam omnium linguarum usus & cognitiones illis repente à cælo datæ. Quarum quidem uirtutū, & eius, qui in Apostolis operabatur, spiritus sancti tanta uis extitit, ut mundus, qui auaritiæ totus, & ambitionis, superbie quoque, & omnibus turpibus illecebris deditus erat, quicquid sola bona intelligebat, quæ ad corpus, & ad corporeas commoditates, aut quæ ad gloriam, & laudem inter homines pertinerent, nullam autem animorum immortalitatem, nullum Dei regnum, nullam alteram uitam, & eam quidem multo potiorē cogitabat, superfactus horum hominum, si illos ex mundo spectes, ignobilissimorum, & despectissimorum, si ex Deo, altissimorum, & maximorum, uita, oratione, miraculis, atque ea imprimis constantia, quæ cruciatus corporum pro **CHRISTO**, & mortē fortiter sustinebant, conuersus repente ad Deum uerum priora uitæ instituta relinqueret, & sese **IESU** Christo fidelem, subiectumque traderet. Num paruum hoc tibi aut obscurum ueritatis fidei nostrę argumentū uidetur esse? **MINIME**, inquit, ille, sed & illustre, & magnū, nequaquam enim sine Deo, nec sine diuino numine nouæ fidei mysterium inexpectatum præsertim, & insolens, hominumque quotidianis & communibus studiis repugnans, atque contrarium tot sanctissimorum uita & uirtutibus, tot miraculis, tantarum nationum concursu & conuersione ad puriorem uitam potuit frequenterari. **QUID ILLA** inquam, quæ in susceptione fidei, & in Euangelio nobis præcipiuntur, eiusmodi ne sunt, ut aut plausibilia sint hominibus, aut cum aliarum legum præceptis, atque institutis uideantur comparanda? Cuiusmodi sunt, quod humane leges his, quibus sunt latæ, nō stabilitatem solum & otium, & ordinem uitæ in communione iuris, ac libertatis, sed etiam opes, imperium, potentiamque inter finitimos conantur acquirere. Nos **CHRISTI** præceptis uitæque eruditi humilitatem animi pro magnitudine, simplicitatē pro sapientia, credulitatem pro cautione, patientiam pro ulciscencia, ignobilitatem pro gloria, pro diuitijs paupertatem, pro potentia imbecillitatem, pro delictijs asperitatem uitæ eligimus, atque in his spem maximi boni consequendi ponimus, quæ cæteris primo ipso aspectu molesta, difficilia, summa mala iudicantur. Hæc ne tanta commutatio opinionum, atque rerum, tamque contrariis & discrepans ab perpetuo hominum usu, & uoluntatibus animorum sensus aut ueritatem in se melioris uitæ retinere, aut sine Deo adipisci tantum authoritatis potuit? **NE HOC** quidem fieri ullo potuit modo, inquit, cum tamen nobis iam expertis, & ab **IESU** Christo edoctis, quantum cælum à terra distat, tantum hæc uita, quæ oculis carnis despicibilis, & sordida, plenaque miserię, & stultitię uidetur esse, illis mentis, & spiritus interioribus oculis celestis lætitię & uerissimarum iucunditatum plenam sese ostendat. **NE MPE** quia à mundo penitus auulsa est, & in Deo tota delixa, eumque suum possidet bonum, quod summum est in omni natura bonum. **HAC** ratione ipsa inquit, **HI** inquam **ULI** necesse est hoc ut consideretur, quale sit, quo quid mundi dicitur esse, aut Dei. Sic enim pronunciamus, atque sentimus quasi alterutris tantum nos esse necesse sit, utriusque uero esse nequaquam sit licitū. **EXPECTO**, inquit, quid dicas. **HOC** inquam, quod uidetur repugnare inter se, & contrariū esse Deo seruire, & mundo, sicut ipse, dicit, Non potestis Deo seruire, & Mammonæ. Id

porro uerbum Syrorum lingua diuitias significat, quarum quidem nomine omnis cura rerum terranarum, omnis procuratio corporum comprehenditur. Sed Deus, & mundus domini nostri sunt, non ambo simul, id enim fieri nequit, sed alteruter eorum, prout utriusque magis uoluerimus dedere, illumque, quem elegerimus, dominum & Deum nobis uoluerimus constituere. Vtri enim habuerimus potius, & in utro magis desideria nostra collocauerimus, is a nobis potior, & presentior habebitur Deus: qui si mundum praeoptauerimus dominum, carnales homines reddemur: si Deum, spirituales. Verum, ut opinor, distinguendum perspicue est inter spirituales hominem, & inter carnalem, ut quod ad mysterium CHRISTI pertinet, fidei nostrae ratione melius posui exponamus. Porro fiet hoc percomode, si operationes carnis, & operationes spiritus ex eiusdem huius Apostoli uerbis in medium proferemus, qui sic ad Galatas inquit, scribens: Manifesta sunt opera carnis, quae sunt haec, Adulteriũ, sectatio, impuritas, petulantia, falsus deorum cultus, ueneficiũ, inimicitia, iurgium, obrectatio, iracundia, rixae, seditiones, factiones, malevolentia, caedes, ebriitates, concellationes, & similia his, quae uobis praedico, quemadmodum praedixi, quod qui talia agunt, regni Dei non erunt haeredes: Manifesta sunt opera carnis, inquit, quoniam carnalia, & corpora sensus ferunt, & a carnalibus oculis conspiciuntur: quae quidem carnis opera, alia finis nobis sunt, & id ad quod tendimus, extremum: alia sunt in his, quae spectant, & pertinent ad finem. Finis corpus est, & corporis comoda, quae in Graeco epigrammate satis expressa sunt, quo dicitur optimũ esse beneuolare, honorari pulcherrimum, suauissimum eo frui quo quis maxime cupit. Ita ualido, suauitas, dignitas carnaliũ hominum summa, & maxima bona sunt, & ille ex Euangelio hoc idẽ indicat, qui plenius domi horreis, ac cellis omnibus, dicit animae suae. Anima habes bona multa reposita in plures annos, requiesce iam, comede, bibe, gaude. Haec enim bona si cũ pace, & sine dissimulatione quaererentur, aut iam quaesita, & parta possiderentur, nimirum in his humaniorum in corpore uotorum summa consisteret. Quoniam autẽ affectata, anhelata, auidè undique quaesita sunt, nec omnibus pariter queunt communia esse, licet in his oppugnandis, insidiandis, contrariis petendis seditiones, & rixas excitari necesse est, & reliqua mala facinorosa omnia suscipi, quae non sponte sua, sed horum obtinendorũ bonorum gratia perpetrantur. Ista igitur carnis opera, & qui hisce dediti operibus sunt, carnales homines habentur, qui omnes curas suas, & studia omnia ad carnem, corpusque referunt, nihil cogitationibus rerum à sensu remotarum, nihil futurarum post hanc uitam expectationis, nihil Dei prouidentiae, nihil immortalitatis, nihil denique fidei erga Deum tribuentes: sed illud tantum solidum & uerum tenere se arbitrantur, quod manibus comprehensum sit: Atque hi tales ipsi cum sint, non modo regnum Dei, legemque recte, & ordine utendi nullam, sed ne ius quidem uitae perpetuũ, & firmum possunt recipere. Moritur enim caro, & carnalem secum hominem in eandem mortem rapit, ipsaque dei legibus nequaquam subiecta est, licet circumque omnis eius sapientia, apud Deum stulticia est, quodque abscedit à Deo longius, quod hi faciunt, qui diuitijs, & potestatibus inhiantes quotidie magis in mundum se inuoluunt: hoc fit terrena ista tractando, appetendoque demorantur. Atque hic homo carnalis à Ioanne euangelista notatus, qui non ex Deo, sed ex sanguinibus, & ex uoluntate carnis, ac uiri natus est, à quo se cupiebat David liberari, cum instaret apud Deum, Libera me de sanguinibus Deus, deus salutis meae, inquit. Hic est, quem Adam nobis primus pater progeniti possumus quàm peccatum fecerat, & Dei dicto non fuerat audiens, cum carnem nihil etiam tum admodum appetentem, nec arrogantem sibi, sed rationi prorsus, atque menti subiectam & deditam insperata illa uictoria, quam nec ipsa quidem ualde concupierat, ad superbiam excitauit, in eamque extulit insolentiam, & temeritatem, ut maius illa desinde ius suum in homine, quàm rationis semper pugnauerit esse. Quod carnis regnum mors iure est consecuta, quandoquidem caro cum operibus suis uitae perpetuitatem non recipit, idque ab origine primi parentis peccatum unum cum morte in nos quoque, qui sumus progenies ipsius, & in uniuersam posteritatem propagatum est. Huic autem carnali è contrario spiritualis ille homo opponitur, qui fructus eos appetit, & ea sibi prima proponit, quae sunt propria spiritus. Porro autem illa sunt, Charitas, gau-

dium, pax, longanimitas, benignitas, bonitas, fides, mansuetudo, continentia. Quorum quidem omnium si ex origine, atq; ex auctore illa spectentur, Deus caput est. Hausruntur enim ab eo ista omnia, & referuntur rursus ad eum. Si uero ex nostra parte, illa propter fidem nobis insinuantur, simulac primum enim considerare incipimus Deo, & premia ab eo illa expectare uelle, quæ sunt ab humanis sensibus abscondita, statim dimissa carne ad spiritum nos reuocamus, repudiatisq; mundanis, & terrenis bonis causas omnes una excidimus solitudinum, & cupiditatum, animoq; intestinis morbis, ac perturbationibus liberato pacati, atque modesti, omnibus benigne facientes, nunquam obrectantes cuiquam, neque ad corpus uelut ad finem aliquid referentes, sed omnia in Deo nostra reponentes, agimus beatam etiam in hoc seculo uitam, plenam lætitiæ, & uerissimæ iucunditatis, cui nimirum uitæ neque lex scripta, neque mors dominatur. Immortalis enim spiritus est, & eius opera æterna. Atque hi sunt, qui per fidem nascuntur ex Deo, & filij Dei fiunt. Primum quia illi similes in omni illa diuina uirtute, atque iustitia contendunt fieri, tanquam filij parenti: deinde quoniam abdicato patre mundo, & pristino repudiato terreni generis nomine in aliud nomen, & familiam aliam transeunt, uelut in cœlestem genus adoptari, unamq; illam, & solâ expectat hæreditatē, quam de cœlestibus bonis illis largiatur Deus. **AVDIO**, inquit, **1VLVS**, & hanc admirabilem fidei potentiam etiam atque etiam magis nosco, cuius certe & auctor, & doctor fuit **CHRISTVS**, de quo si aliud argumentum nullum habeamus fuisse illum filium Dei, eundemq; humani generis redemptorem, hæc una quidem ratio, mea iam sententia satis sit, quod gustum, & fructum diuinæ huius sapientiæ attulit ipse in mundum, cæcisq; hominum mentibus lumen prætulit, quod nulla nostra lucubratio, nulla ingenij uis, nullum unquam studium potuisset inuestigare, idq; nisi ipse è sinu & gremio patris profectus ab eodem patre Deo ad nos derulisset, iaceremus adhuc omnes sine mente, & erraremus sine duce, & nullo bono consilio actiones nostras, uitamq; dirigeremus. Quamobrem perge tu quidem, ut coepisti. Etsi enim satis edoctus sum, nam persuasus semper antea fui, tamen audire etiam nunc expeto, quæ dicturus es. **ATQ; VIM** mi frater ne alterum quidem illud argumentum silentio prætereundum est, quod Paulus ad Ephesios scribens innuit magis, quam explicat, quæ ait: In quo habemus (**CHRISTO** uidelicet) redemptionem, per sanguinem ipsius, dimissionem peccatorum secundum diuitias gratiæ ipsius Dei, per quam exuberans fuit in nos in omni sapientiâ, & prudentiâ notificans do nobis mysterium uoluntatis suæ ex beneplacito suo, quo proposuerat in seipso, dispensata plenitudine temporum sub unum caput redigere omnia, in **CHRISTO** quæcumq; in cœlo, & quæcumq; in terra. In seipso, id est, per **CHRISTVM** constituit Deus reuocare omnes ad cultum, & ad honorem sui, ut ipse esset omnium Deus, qui idem fuisset & creator, ut ne tam diuturno errore laborerentur homines ponentes in mundo, & in mundanis dijs spem, & inani illa fiducia ad interitum deducti. **PRAEBE CLARVM** & hoc argumentum est, inquit, dignatq; imprimis Dei bonitate, & sapientia deliberatio, cuius utique deliberationis unicus in omni seuo transactor & administrator fuit **CHRISTVS**, cuius & actio ista ipsa, & actiois euentus satis planè indicauit, & in tanto Dei consilio intelligendo fuisse in illo diuinam sapientiam, & in exequendo; ac perficiendo diuinam etiam potestatem. Nunquam enim homo dumtaxat si existisset, aut tam alte ille sapere, aut tantum complecti potestate ualuisse. At nunc quidem orbis ab eo edoctus uniuersus, quanquam diuinus postea in ritus, atque sectas: unicum tamen omnium dominum, & Deum unum agnoscit, ac ueneratur. Ipsum autem consilium summi Dei, quo per **CHRISTVM** is uoluit cuncta sub se caput reuocare, & redigere, cum uenerabile per sese est. Nihil enim illius maiestatis dignius, quam repulsa, atq; illusa inanum deorum turba gloriam suam æque omnibus hominibus, nationibusq; patefacere: in quo Iudæi sanè quàm ridiculè stulti sunt, qui tantæ cœli, terræq; effectorem peculiarem suâ, & proprium uocant Deum, quasi aut cæteri quoq; homines non sint, aut si sint homines, non tamen ab eodē Deo facti, aut creati existant, aut si utrunq; horum ita esse suscipiatur, pacto tamen aliquo & conuenio Iudæis obstrictus sit Deus, non se alium præter eos populum in fide, &

beneuo

beneuolentia sua recepturum esse. Sed, ut dicebam, cū uenerabile est per se consilium Dei, & hæc illius communis atq; æqua erga omnes homines uoluntas, cumq; omni-
bus nobis commodum, & salutare (illo enim cuncti consilio ad perpetuam salutem
uocati sumus) tum uero ratio, & uia consilij illius perficiendi non modo inaudita, &
noua, sed admirabilis, sed incredibilis, sed nescio unde inuenta, atq; in lucem
educta extitit. Quid enim tam nouum, tamq; præter omnium opinionem accidere unquam
potuit, quàm ita instrui, atque erudiri homines, qui in mundo uersarentur, & hæc
tam uarias, tamq; innumerabiles oculis & manibus, omniq; corporis contactu perci-
perent uoluptates, quoscq; ad consecandas corporum commoditates uita, ad domi-
nandi cupiditatem natura, ad appetendam laudem animi uis quædam erectior stimu-
laret, ut hoc ita constituerent, idq; certissimum existimarent, si ueram uitam adipisci
euperent, hæc omnes res, quæ de mundo expectantur, diuitias, scilicet, honores, uo-
luptatesq; relinquendas, & pro nihilo esse habendas, ut cum hæc, quæ cernimus, &
tangimus dimissilemus, tum ea speraremus atq; expectaremus, quæ ab oculis, & ab
omni sensu prorsus remota essent, præceptumq; CHRISTI adimpleremus, sic nos
adhortantis, dum ait: Qui uult uenire post me, abneget semetipsum, & tollat crucem
suam, & sequatur me. Quandoquidem repudiare, & abijcere mundum, unum, atque
idem propmodum iudicatur, ac semetipsum exuere, atq; abnegare. Atq; hoc cum
mirabile admodum, & nouum ex parte imperantis, ac precipientis CHRISTI, tum
etiam mirabilis ex eorum factis, qui paruenerunt. Creditum enim est, assensum est,
concursum est in hanc rationem uitæ, & sententiam, neq; id infrequente populo, sed
totis generibus hominum, & nationibus. Quodq; tu frater paulo antè dicebas, ratio
tota uiuendi in contrarias partes commutata est, ut quæ apud mundum despiciat
duntur, & prima, & præcipua Christiano homini habeantur, quæ autem in mun-
do plurimi sunt, postrema. Sed ego nimis longe progredior, utq; cursum impedio
orationis. Tu uero ad institutum sermonem reuertere, & pertexere reliqua. ADI-
VAS me inquam mi frater, non impedis, cum præcurris orationi mee, uiamq; mihi
aperis, qua facilius, & planius ad illa diuina mysteria aditū queam, quæ sunt in omni-
bus humanis considerationibus ceterarum longe altissima, uel potius non humana
nobis, sed diuina mente, inspirationeq; traduntur, ut ego nunc ex his, quæ à te dicta
sunt, sancto instante spirite aperiri mihi sentio arcani consilij euidentius rationem, &
CHRISTI mysterium totum patefieri. De quo idem Paulus scribens ad Colo-
senses perobscure mihi loqui uidebatur, qui sic ait: Pro corpore CHRISTI, quod
ecclesia est, cuius ego factus sum minister, secundum dispensationem Dei datam mihi
erga uos, ut impleam uerbum Dei, mysterium absconditum à sæculis & a generationi-
bus, quod nunc manifestum factum est sanctis eius, quibus uoluit Deus notificare,
quæ diuitiæ sint gloriæ huius mysterij in gentibus, qui est CHRISTVS, in uobis
spes gloriæ. Hæc, ut dicebam, Pauli uerba mihi admodum abstrusa esse uidebantur,
cum hoc mysterium non CHRISTI, aut de CHRISTO, sed ipsummet CHRIS-
TVS esse diceret, nunc intelligo planè, mysterium fidei nostræ nō tam de CHRIS-
TO esse, quàm CHRISTVS ipsum: ipse etenim met mysterium est fidei, & fides
illa ipsa, sine qua nemini apud deum gratiæ, neq; amicitie est locus. Quod si quis cum
admitat fidem erga Deum, Christum tamen rejiciat, is eam ipsam fidem, quam ad-
mitcit, spernere eo ipso in quo admittit, & repudiare intelligendus est. ATQ; VI-
TIVVS, hoc quidem certe iam abstrusius est, quàm ut possit per me
statim percipi. Itaq; attento sum animo, quorsum tandè euasura sit oratio tua. PER-
CIPES IVLI, inquam, simul ac paulo amplius progressi fuerimus, & aliquid
adiunxerimus ad ea, quæ superiori oratione à nobis tractata sunt, cum noua, & mira-
bilis fidei Christi præcepta, & opera recensentes maxime mirabamur in tam contrarijs
mundo, & repugnantibusq; sententijs, ut quod paupertatem, quod ignobilitatē, quod
tacturam, quod laborem illis cōmodis anteponeamus, quæ sunt his e regione oppo-
sita: locum tamen habuisse, & authoritatem sibi uindicasse hanc tam insuetam, & aspe-
ram, maximeq; aduersantem cōmunibus hominum sensibus sententiā Christi, Dei,
uoluntatem, usq; eō quidem, ut mundum totum pertraheret ad se, ipsumq; à seipso
deficere,

deficere, & in alienam naturam quasi transire cogeret. DICTA SVNT illa inquit, & in his mysterij CHRISTI maxima vis demonstrata. SED ENIM I V L I adhuc superest, inquam, mafus quiddā, & potentius, quod diuinam illā iustitiam, de qua sepius a nobis iam dictū est, maxime in nobis depingit, atq; format, cuius iustitia, tantisq; celestis boni ac muneris fides nostra erga Deum ab ipfomet Deo nobis sola est cōciliatrix. QVID NAM illud tandem, inquit, I D I N Q V A M, quod non solū tolerare, ac pati, atq; æquo ferre animo iniurias, iniquitates, contumelias, damna, & detrimenta cuiusq; modi in animū inducimus, sed quod excelsus multis atq; maius, diuinæq; illi iustitiæ maxime simile, ac geminū est, etiā inimicis benefa- cere; bona pro malis reddere; quibus odio sumus, eos ipsi diligere; postremo quas fors- licit udines, atq; curas rerum humanarum nostra causa non suiicipimus, eas pro aliorū salute, solatio, cōmoditateq; suscipere non recusamus, ut hoc ipsum q; sumus, quod uiuimus, quod in natura producti stitimus, nemini omano fr audiamus, damno ue sit. Sed quod Dei summi, & præpotentis proprium imprimis est, ad cōmodum, & utilitatem ualeat uniuerfis. P L A N E I S T V D est, inquit, quo diuinæ iustitiæ, & bonitatis similitudinem imitando maxime assequimur. Sed hæc mi frater nequaquā terrena cogi- tata sunt, uerum celestia prorsus. Quando enim sponte ab hominis meditatione, atq; cura aut animaduersa omnino, aut inquis aliquando in eam cogitationem incidit, non irrita illico, & repudiata extiterunt. A T Q V I I V L I tum, inquam, celestia ex- istimanda sunt, cum ad celum, & ad Deum sunt conuersa. Qui si Deus iustificat eos, qui à carne ad spiritum, & à mundo ad eum ipsum per fidem se recipiunt, accipitq; in gratiam suā, quæ quidem gratia hæere ibi non potest, ubi ælius mundanarū feruent cupiditatum, non ne necesse est ad Deum per fidem illam accedent, per quā ipse ius- tificat impios, mūdāna hæc studia uniuerfa reijcere, & in eo unum spem suæ salutis po- nere? P R O R S V S, inquit, necesse est: sed ita, ut qui opes mundi non possident, hoc ipso gaudeant bono, quod ad sectandū uitam ioluti sunt, & liberi: qui uero possi- dent, ab eis nihilominus amore, animoq; diuellantur, & cum Deo conglutinentur. P R O B E I istuc, inquam, sed & hoc puto te mihi cōcellurum, non posse ab eodem & mundum diligere, & Deum; nimium enim absunt, nimisq; diuersa sunt, & ambo ista in- ter se, & quæ ad utrumq; ducunt curæ, studia, uoluntates; quod significare solebat do- minus, cum diceret neminem duobus dominis seruire posse, quod aut unum dilectus- rus, alterum despecturus, aut huic adhaerens, ab illo autē altero discessurus esset: & quod est apertius, qui animam suam diligeret, perditurum eam, & qui in hoc mundo illam odio habuisset, in uita æterna reperiturum eam. C O N C E D O, inquit, etenim quid potest contradicere? Q V O Q V I S igitur, inquam, in hoc mundo tanq; in thea- tro aliquo, & uelut spectaculi, ac scenæ tragico apparatu hūc popularibus studiis & cupiditatibus se dedens maior honoribus, opibus, diuitijs, superior imperio, potestas- te, gloriāq; exilit, quodq; illius magis inceptis & conatibus fortuna sufragatur, ut uel inter ciues autoritate antecellat, uel in prælijs, & certaminibus uictor, spolia, & tro- phæa referat in urbem suā, maximisq; cū plausu clamoribus, & gratulationibus acci- piatur, hunc necesse est amantem, & studiosum rerum talium, si dictis, & cōfessis con- stare uolumus, ætioribus mundo uinculis alligatum, & tanq; clauis affixum, ita im- plicari his terrenis bonis, & usq; eo hæere in mundi cupiditatibus, ut inter illas ala- critates, lætitudines, ouationes, cōuiuia à summo Deo magis magisq; auertatur, & terre- nis studiis illaqueatus, à deuinctus, à spe salutis, uerq; boni sui magis longe ablit, Q V I D N I ablit, inquit, cum non ab Deo solum, sed à seipso quæq; & à bonitate na- turæ sepe suæ, consiliisq; recto fortunæ euentus prosperi cogāt deficere? Et tamē ista sunt, inquam, quæ ad mundum, & sectatores mundi homines, quorum semper multo maxima exitit multitudo, felicitatis & fortitudinis, & sapiētisq; obtineant appellatio- nem, SVNT inquit, sed perturbato iudicio, quando sola animi bona probat Deus, M E M I N I S T I N, inquit, eius, quod ait Paulus? Quod stulta, & imbecilla, & quæ pro nihilo in mundo sunt, elegit Deus, ut sapiētia, & tortia, & illustria mūdī cōtunde- ret. Et item eius, quod in Euangelio est, quod altū in hominibus est, id abominationē esse corā Deo? M E M I N I inquit, idq; mihi uidetur prorsus per fidē CHRISTI

H fuisse

fuisse factum. RECORDARE igitur, quod paulo ante posuisti, cū dixisti sic posse queri, quid opus fuit CHRISTO, & morte CHRISTI: non ne potuit mundus Deo inspirante per fidem in eum totus iustificari? Nunc enim tibi (salus tamen semper illis altioribus diuinitatis consilijs) precise respondeo non potuisse, nisi forte nostri libertatem arbitrij, qua hominis naturā præcipue consistere uoluit Deus, idem etiam eam sub uim, & sub necessitatē redigere uoluisset. Nam inspiratio illa ex Deo, si ijs, qui inspirabantur, uim allatura erat, eosq; in id, quod uoluisset Deus, etiam inuitos, aut inopinantes omnino pertractura, non tam inspiratione, quā imperio, & potestate summi Dei ad iustificandos homines fuit opus. Sin autem suasionē duntaxat agere uoluit Deus, & quos inspirabat, non uim illis asserre, sed tantum hortando, & docendo illos ad sese adducere intendebat, quemadmodum quidem in sanctis illis uiris patriarchis, & prophetis fuit factum, nō omneis mouebat illa inspiratio, sed tantū uoluntate, & cōsilio bono ad accipiendum paratos: qui cū per pauci existerent, quippe qui singuli per interualla inspirabantur, non fuit diuinæ bonitatis & beneficentiæ largitatem cœlestis boni in tam exiguo numero conclusam uelle. Igitur suasionē semel & doctrinā ad omneis homines, tanquam qui liberi, & suæ spontis essent, non uidebatur potestate uti uoluit. Suasionē autem, nō per insomnia, neq; per obscuras prophetarum uoces, quibus erudiri pauci, & ad Deum conuerti poterant: sed illustri, & cuius dentis, & ea, qua oculi cunctorum, & animi maxime permoueretur, ut & qui tardi ingenio, & qui moribus agrestes, & qui opinione de se inflati essent, & qui mundo, carnisq; dediti, omnes pariter claritate, magnitudinēq; exempli admoniti, atq; edocti intelligerent, si cum Deo frui immortali uita uellemus, contemnenda nobis esse terræ bonā, & appetenda cœlestia. Itaq; hominem unum elegit, & formauit ipse Deus, qui diuini huius documenti ueritatem totam in semetipso desereret, suōq; omnibus exemplo ostenderet, quantum ueræ felicitatis, & gloriæ sequeretur eam uitam, quæ in terris misera, defectuq; habeatur, dummodo illa non ingratis, neq; contra animi sententiam, sed libenter ex Deo, & propter Deum suscepta esset. T V M I V L I V S exclamans, o miserater, inquit, diuinum profectō hoc consilium, diuina ueritas, quam quidē nūc patefecisset nobis Deus, ratio hominis nulla unquā apprehendisset. At quāto lumine tam effulget bonitas & consilium misericordis Dei, & erga humanū genus beneuolentia: sed tu perge quæso, & exple auiditatem meam, qui studio seror incensus, ut ea auribus percipiam, quæ tamen propemodum mēte iam præcipio. V O L E N S inquam, homines Deus ueritatis non ignaros solum, uerū etiam negligentes, cōuertere ad amorem, & desiderium sui, atq; ut beneficium suum latissime diffunderet, hominem unum elegit: qui tum uerbo, & doctrinā, tum ipso opere, & sancto manu duceret eos in adeptionē summi boni, ut cū doceret eos spernenda esse terrę bona, serēdas iniuorum iniurias, labores, si res posceret, pro ueritate subeūdos, obeundq; mortem, princeps ipse iniret eam uia, quam cæteris monstraret, primus in cruce tolli, primus ludibrio ab hominibus haberi, primus in omni uita, omnibus uitæ cōmodis, iucunditatibusq; destitui, nō solum æquo, sed etiam læto animo perferret, ac pateretur. Qui item cum prædicaret, & annuntiaret, quanta cuiusmodi uitam, quam agebat ipse una, ac docebat, plenā patientiæ uidelicet, & laboris, cœlestium donorum præmia, quanta felicitatis magnitudo, quæ uita, quæ gloria sequeretur, nō probasset ista hominibus in mundi cura inuolutis, nisi consurgendo ipse à mortuis, & in cœlum palam ascendendo impleta in se ostendisset, quæ cæteris pollicebatur. Illo etenim imprimis facto, illo exemplo moniti, qui & docentem illum antea audierāt, & mox mortuum, suscitatumq; uiderant, euntēq; in cœlum conspicati fuerant, pauloq; post sanctū illum ē deo spirantem etiam hauserant, conuersi ad considerationem sui, spernere mundum tum maxime, & pro nihilo ea ducere, quæ terrenis hominibus prima existimantur, per fidemq; in I E S V M Christum ad amorem solius Dei totis animis ferri, tendereq; coeperunt, cum ita statuerent, atq; decernerent, quæcunq; I E S V S dixisset, atq; egisset, ea sola uera, sancta, rataq; apud Deum esse, & de eius imprimis consilio atq; sententia allata in mundum fuisse, solosq; ad Dei gratiam admitti posse eos, qui per fidem in I E S V Christo sub potestatem ipsius Dei se sic subiecissent, ut nihil mundo iuris, aut domis

natus in seipfos esse fimerent : quæ uiuendi ratio & cōditio ipse est Christus mysteriū fidei nostræ. Nec tantum illi hoc ita senserunt, sed dimanante ab eorum cordibus, & linguis unā cum spiritus sancti auxilio illa incēsa erga Deum, & proximū charitate totus penē correptus terrarum orbis eodem igne amoris in Deum conflagrauit, hū demq; I E S V Christi, atq; adeo Christum ipsum studiose est cōplexus. Nunc uideamus quid iam ista concludunt, ut possimus necessitatē aduentus Christi non cōmō dum, iam duntaxat, & utilitatem cognoscere. Nam si fidem habere Deo, & in Deum, illi est credere, planeq; confidere, hoc autem facere nemo satis potest, qui mundo etiā confidat, & mundi præmijs, honoribusq; ducatur, qui per fidem quærat apud Deum iustificari, quō dignus bonis celestibus efficiatur, is mundum, & glorias mundi res nuntiet, necesse est, quod tamen aut sua, aut parentū uoce profitentur omnes, qui bas p̄tissimum accipiunt, dum sese Deo dedunt, & permittunt totos, pompasq; Satanæ res pudare se testātur, & penitus eas ab sese, atq; ab animo suo amouere. Necesse est itaq; mundum relinquere, & mundi res omnes, eū, qui cupiat ad Deum se adiungere, quā do præsentem nec iustificari potest coram Deo, hoc est, ueram illam, & integram diuinitatē iustitiæ uim nequit obtinere, qui mundo, & mundi bonis cupiditate, atq; amore sit affixus; porro autem hoc fieri non potest, nisi credatur C H R I S T O, & tanti ex illo exempli doctrina accipiatur. Igitur ille, qui sic docuit, & fecit, unus ipse est, per cuius fidem iustificamur apud summum Deum. Atq; hoc est mysterium fidei nostræ, ut spernamus mundum, & in Deo uno spem bonorū omnium constituamus, quod mysterium ipse est Christus; qui quatenus homo extitit (ut mittamus nunc redemptionem nem cōmūis culpæ, reconciliationemq; nostrā cū Deo, quæ per ipsum ipsiusq; obedientiā facta est) quæso, quidnam aliud re uera fuit, quā cōtemptio mundi, atq; in Deum fiducia? Ille ad hoc factus, & in hunc mundū editus, quāadmodum ipse testificatus est, ut testimoniū daret ueritati, idemq; ipse ueritas. at quæ ueritas? Nempe ista, quod uerē uiuere est mundum abijcere, & in Deo spem totam ponere: hæc est fides, hoc mysterium, hæc sola hominīs apud Deū iustificatio, in hoc salus nostrā, in hoc Dei gloria, in hoc nobis cum Deo non solū pax, amorisq; & amicitie uinculū, sed cognitio etiā, consanguinitasq; consistit, ut habeamus illum in patrem, cuius & mores imitanda eius bonitate iustitiæ accepimus, & hæreditatem expectamus, quæ non per mortem parentis uentura nobis sit, sed per nostram in terris quidem mortē, in cōlo autem immortalitatem nos cum æterno patre in perpetuum sit cōiunctura. Fuit igitur, fuit necessarium prorsus uenire Christum, qui non tam doctrinam ex Deo tanti mysterij ad homines deferret, quā esset ipse illa ipsa doctrina, nec tantum docuerunt in seipso uitæ ex fide erga Deum, & ex contemptu mundi agendæ, sed exemplū etiam uitæ, gloriæq; illius præberet, quæ huius tali erga Deū fidei esset proposita atq; coniuncta, ut quos res asperæ, & dura illa à mundo disunctio, humaniq; affectus deterrerent, eos resurrectio à mortuis incitaret, & in cœlum ascensio, & beatæ uitæ, ac immortalis adeptio. Itaq; nasci eum, & mori, & consurgere demum oportuit, ut plenum haberemus & integrum ab Deo omnipotente in filio eius I E S V Christo & iuxta uoluntatē ac beneuolentiæ erga nos, & nostrę, si illi obsecrauerimus, beatitudinis documentum. Cui quidem I E S V Christo qui non credunt, in Deo quemadmodū credent? Non enim Deus familiariter loqui nobiscum putandus est, neq; Græco, Hæbraicō uel sermone ad nos uti, sed ut is infinitam suam potestatem per motus, & cursus celestium orbium, ac luminum nobis explicat, sic admirabilem bonitatem suam, studiumq; nostræ salutis, & immortalitatis procurandæ, hæc oratione, quæ est Christus, nobis est effatus, nos per eum scilicet à mundo, ad se uocans, & spem fidemq; nostram ab his terrenis auellere, & in eo ipso constituere nos edocens, ut eius sermo, & uox, & doctrina totus esset ipse Christus: ita qui Christū à fidei erga Deum mysterio excludunt, neq; hi fidem intelligentia, neque Deum complectuntur. Quod enim isti aliud habebunt indicium, atq; argumentum Dei uoluntatis, & beneuolentiæ aduersus hominū genus? Quod spei & fiducia suæ in Deo firmamentū: quo auctore, quō doctore nentur ut intelligant hanc unā esse uiam, & rationē ad Dei gratiam, & ad ueram uitam perueniendi, si mundi comoda possideantur, & in solo Deo summa

bonorum constituitur: non ne sit perspicuum, tamq̃ manifestò appareat eos, qui Christus non cōsentiant, terrenos homines esse, mundo, carnibꝫ deditos: cum simulac primò à mundo se quis auellat, & abstrahat, statim illi in mente, atq; in fide eluceat Christus, non ut doctor solum taneĩ mysteriũ, sed ut ipse mysteriũ, qui eum ad Deum deducat, & quali de manu in manum parenti suo tradat ab illo in filium, ab se in fratrem, & eorũ heredem regni coelestis adoptandum, atq; adsciscendũ. Quæ igitur absurditas est rationis, atq; consilij hanc tam amplam, & tam illustre Dei præpositiõem in Christo Iesu filio suo fusionẽ ad homines, atq; doctrinam, quæ admodum uita hinc degenda, & quo itinere in cœlum perueniendum sit, contemnere, ac repudiare? ut occultior alia quædam & penè singularis uia exquiratur: aut quæ mentis cœcitas diurni syderis lumen ad uitæ usum non admittere, peculiare aliud lumen quærere? Significata est per domi num I E S U M uia, patefacta, monstrata, quæ recta, & unica est, per quam ad cœlũ, & ad Deum ingreditibus iter sit, nec digito solum indicata, sed ipso præeunte munita, & complanata, hanc tu nõ probes: & deuiam esse contendas? quæ sine errore tillo, & nullis anfractibus est, ut calles occultos quosdã & ignota diuerticula quæras, ac perscrutere, per quæ ad Deum, & ad Dei gratiam accedas? Cum ad Deum nisi per tale fidei mysteriũ perueniri non possit, quod mysterium est CHRISTVS, tu uero in ipso statim initio ab infidelitate ducas exordium: Et adhuc de CHRISTO perinde ut de homine duntaxat locuti sumus, qui idem & fuit, & semper est Deus, non fons quidẽ & origo ipse diuinitatis, sed sempiterna manatio ex patre cōtinenter effluens; tanquam lumen à sole, qui est eiusdem cum patre substantiæ, per quem à patre omnia facta sunt, alius quidem ille à patre, sed non alius Deus, quoniam in diuinitate, atq; in essentia una est amborum & spiritus sancti cum illis, eademq; prorsus naturæ ratio, quæ sit ipsa summa, & absoluta unitas. Sed quoniam de his dabitur aliud dicendi tem pus, redeamus ad CHRISTVM, qui nisi Deum sibi perpetuo adiunctum habuisset, & si non exiitisset idem ipse & Deus simul, & homo, quæro fuisset ne potius errare illum aliquando, an etiam errasset? Quis enim est homo, tanta firmitate animi, tanto uirtutis robore munitus, tamq̃ sibi admirabiliter, & inuicte constans, qui non alius quo lapsus aliquando, aliquotq; deilexu ad carnẽ, & carnis desideria protrahatur? quẽ nulla unquam animi affectio, nullus cupiditatum motus perturbet? Atq; ego de his loquor, qui cum Deo uiuunt, & illius uoluntati, ac gloriæ sunt dediti, quos (nõ enim semper in una illa Dei consideratione consistit humanæ cogitationi est datum) simulatq; despexerint, suspirare, aut appetere aliquid mortale, ac terrenum necesse est, & ad semetipsos aliquid referre. Quod si CHRISTVS à uitæ suæ primordio usq; ad crucis mortem id de se præbuit specimen, ut nusquam inclinasse ad eam, & cogitationẽ sui, nihil sua causa omnino uoluisset, nullis mundi illecebris exhalatus fuisse, sed pro salute cæterorum cuncta dixisse, egisse, perpeffus esse intelligatur, quis eum eum talis esset, hominem solum duntaxat, ac non Deum unã & hominem audeat existimare: Missa nunc facio miracula, missas mortuorum suscitationes, etia quadragesimorum, sudorum, mutorum, cæcorũ redintegrationes mitto, qui in pristinum naturæ statum contra omnem naturæ uim, & cōsuetudinem solo uerbo restituti sunt, qualia agere & posse est unius Dei. De illa humana specie in eo loquor, quæ perfectã, & summam ueritatis uim, hominũ penitus à mundo, & ab omnibus mundi illecebris, & cōtagionibus soluit, ac liberi profectio ferre nunquam potuisset, nisi eadem cum Deo assidue constata, copulataq; fuisset. Atque hoc argumento usus est ipsemet CHRISTVS, cum studeret mentes Iudeorum elatione animi, maleuolentiæq; cæcitas ad inueniendum lumen ueritatis conuerrere, sic in Ioanne loquens, Qui uerbum meum audit, & credit ei, qui misit me, habet uitam æternam, & in iudicio non ueniet, sed à morte transijt ad uitam. Qui uerbum meum audit, inquit, & credit ei, qui misit me, uerbum ergo illius est, cui per hoc uerbum credendum est, ac non tuum uerbum bone I E S U, nisi tute uerbum illius esses, cui ut credamus, nos hortaris, quasi Iudeis hoc insinuans. Nam tu quidem orationem de alijs rebus illis non explicabas I E S U S, necq; uerba apud eos faciebat, quemadmodum credendum, aut quo pacto agendum erga Deum esset, sed semetipsum credendum, noscendumq; proponebat, tanquam

quam ipse esset Deus, & fides, & mysterium; quo uerbo inquit, pater meus, qua uos doctrina, quibus præceptis melius qucat inlituere, ac docere, quam memetipso, mea oratione, uita, factis: Ego enim euident Dei sermo sum, non in somnijs ostentatus, neq; ambiguis prophetantium uocibus nunc prolatus, nō in lege scripta adumbratus, in qua carnis opera plerq; sunt. Ego autem carnem omnem uobis abiciens, dam esse ostendo, & ad spiritum solum transcendendum, in quo qui cum Deo uitam coniuncti, hi in iudicium non adducuntur. non enim legi ulli subiecti sunt, sed ipso facto habent uitam æternam. Ego, inquit, annuncio ueram uitā uobis, ex Deo, ut illi credatis, Deus enim uester est, & mihi item tanquam uerbo Dei credatis. Si enim sciamus ut ab Deo missi, si prophetis, si legi creditis, in quibus aut non tota, aut certe nō illustris, sed obscura ueritas significata est, mihi quare nō creditis, qui sum uniuersa, & perspicua ueritas, qui totū hoc, quod sum, doctrina uobis sum, qui meipsum nudum, atque apertum uobis exhibeo, hominem nihil omnino de mundo haurientem, nihil meum prorsus, nihil proprium uolentem, sed omnia ad Deum patrem cogitantem, & referentem, cui ita credere debetis, ut mihi illius uerbo etiam credatis. Et rursum: Mea doctrina non est mea, sed eius qui misit me, si quis uoluerit uoluntatem eius facere, cognoscat de doctrina, utrum ex Deo sit, an ego à meipso loquar: Qui à semetipso loquitur, gloriā propriam querit, qui autem querit gloriā illius, qui misit eum, hic uerax est. Si nulla, inquit, esse potest doctrina præstantior, quam ista, qua ego hominem totum à mundo ad Deum retrahō, & ipso illo auctore Deo hoc me agens, ac docentem uobis indicare confirmo, omnis in me planē est ueritas, & uerbum patris, qui non diuellor à patre, neque separor, nec me in memetipso ab illo diffunctum constituo, & me uobis finem ultimūq; propono. Id enim si ita esset, nec Dei ego amplius uerbum, neq; in me ueritas esset, & uobis hæc quæ prædico, talia non prædicarem, meamq; potius quererem, quam alterius gloriā. Sed si quis hæc, quæ demonstro patrem uelle, & petere à uobis, uoluerit experiendo cognoscere, & huius meæ doctrinæ, atque uitæ gustum aliquem percipere, statim unā is intelliget, hanc Dei ueram & doctrinam, & uoluntatem esse, ut nemo ad se quicquam, sed ad ipsum Deum referat omnia, seseq; unusquisq; à mundo abstrahat, & in Deo totum colloct. quod ego princeps & facio, & facturum sum, qui sum ad eam rem natus, atq; factus, ut uobis, & ipsi mundo ab Deo uerbum sim, & sermo, & hortatio. Deo autem à mundo, & à uobis sim uictima, qui iustitiam ad uos, & uitam ex ore Dei assero: uitam, inquam, illam, quæ in Deo est optima, eademq; immortalis. Ad patrem autē refferō mundi, & carnis mortem, quam in mea carne sum ipse interfecurus, ut uos in uoluntate uestra eandem perimatis. Animam enim meam deuoui ouibus meis, tantumq; abest ut quicquam proprie mihi appetam, ut me totum prorsus mundo donem, atq; adeo ei à patre donatus sim, ut uitam pro his sanguinemq; effundam, qui ex mundo ad Deum uoluerint se transferre. Hæc **I E S V S** & similia multa in populo illis exponens, spiritualis uitæ ueram beatitudinem, & diuinitatem, naturamq; suam docere illos nitebatur, qui tamen carnis impliciti illecebris, & mundicuriis occupati uim illam spiritus capere non tam nequibant, quam nolebant. Torpebant enim & pigrabantur commouere se, & ex illis terrenis sordibus extollere, atq; eicere, quæ illis consuetudine factæ erant perquam suauis. Repugnabat uerbo Dei hominum illorum ambitio, obstitabat auaritia, aduersabatur uoluptas, & qui est angelus Sathanæ uiolensissimus, liuor & maleuolentia omnem in illis uim recte intelligendi, & iudicandi penitus corrumpebat, cum tamen morte post obitā à **C H R I S T O** Iesu, & cruce illo coelesti sanguine crucentata, impletoq; omni nostræ redemptionis mysterio perfracti obices, & repagula Sathanæ delecta sunt, uicisq; Dei sermo, & factus est **I E S V S** mortuus, quam ante mortem fuisset, multo potentior. Qui cum etiam tum uiuens prædicaret, & doceret, iudeisq; se credendum, noscendumq; offerret, nunquam eos tamen in eam animi aduersionem potuit inferre, ut attendentes, atque intelligentes, etsi ipse quoque sibi assumere uideretur diuinitatis honorem, nunquam eum tamen suam ullam omnino, sed tantum patris sui gloriā ab illis expetere. Quemadmodum pulcherrimis, & optimis de rebus oratio apte, commodeq;

pronunciata non suam ipsius, sed oratoris gloriam in animis eorum, qui audiunt, constituit. Hoc ipse indicat de se in Ioanne, ad Iudeos inquit: Non possum ego facere à me ipso quicquam, sicut audio, iudico, & iudicatio mea iusta est, quoniam non quæro uoluntatem meam, sed uoluntatem mittentis me patris. Et rursum alio loco: Ego ex me ipso locutus non sum, sed qui misit me pater, ipse mihi mandauit, quid dicerem; & scio, quod in mandatum eius uita aeterna est. Istud autem ipsum mandatum paulo supra expositum fuerat, granum frumenti in terra mortuū, multum fructum ferre. Et, qui amet animam suam in hoc mundo, in uitam aeternam eam perdere. Et, tolle lendam crucem, Christumque sequendum, & similia. Porro quoniam sermone alio, aut quo genere orationis commodius, & aptius ad homines loqui, & uoluntatem suam exprimere potuit Deus, quam CHRISTO filio suo, qui cunctus fuit concio patris ad sese uocantis homines, & eos sibi in filios adoptare cupientis, cunctus fuit, inquam, non solum quod dixit, & fecit, sed illud ipsum quoque quod Deus, & homo extitit. Quia Deus, uim & maiestatem patris in seipso miraculis indicans, & uoluntatem eius illis miris, & insolitis operibus enuncians. Quia homo, in contraria omnino parte mundo sese, & mundanis omnibus affectibus constituens, ludibrijs & arumnas, & crucem, & mortem sponte perferens, ut cunctus fieret passim, tam non per amara bagdas obscuræ dictorum, nec per uisā dormientium, sed per gesta, mores, uitamque IESU Christi eos, qui ad diuinitatis præmium uelint peruenire, à mundi specie, ac si ducta oportere esset emotos. Hoc diuinæ doctrinæ pulcherrimum, & maximū documētū, hanc summā ueritatis uim exemplo unius in carne hominis, in potestate Dei mundo toti exhibitam, & demonstratam, Maumethanzæ legis sectatores, qui CHRISTI TVM alioquin miris laudibus extollunt, ut eum quasi intueri, atque agnoscere uelle uideantur, nescio quo pacto mox hallucinati adpernantur, atque illud quod dedecoratos putant esse CHRISTO, si is raptus ad mortem, & in crucem actus sit, mundani homines nimirum, nil nisi terrenum, & carneum meditantes, ut qui inspicere non potuerint, quæ sit gloria spiritalis uiri, quamque contraria existimationibus humanis; Sed illi quidem ita contagionibus mundi infecti, immeriti penitus sunt, ut uideatur noua lex illis reperta, quæ eos non ab ignorantie tenebris extrahat, ad ueritatis lucem excitaret; sed quæ ultro omne in illis lumen, omnem aciem spiritus hebetaret, atque extingueret, penitusque eos in corpore, atque in corporeis cogitationibus infigeret, quæ primum eos ad Iudaicas redigit obseruantias, ut spem non minimam salutis in illis ponant: deinde nullam artium liberaltium atque optimarum magnopere illis consecrandam proponit; postremo ea illis præmia actæ uitæ in cælo dat, quæ sunt in hac quoque uita modestis, & probis, & sapientibus hominibus turpia. Sed uides mihi frater, dum de iustificatione legis, & fidei loquimur, quam multa simus de CHRISTI fide persecuti, per quā solam iustificari homines apud Deum asserimus. ET ILLE: Hodierno die, mi frater, inquit, omnis mihi ignorantie caligo penitus ex animo discussa est, egoque & dei, & luci restitutus sum. Nunc enim lucent mihi planè in animo fidei nostræ mysteria, quæ antè per obscura esse uidebantur, cum quod credendum erat, facile id quidem, & incunctanter crederem, submitteremque me & sanctorum patrum doctrinis, & sanctæ Ecclesiæ catholicæ decretis; hodie uero primum quod noscendum etiam de illis fuit, Dei beneficium, ut noscam sum consecutus. Itaque quod solebat crebro usurpari in disparationibus aequalium meorum, cum sic obijceretur, cur tanto tempore post CHRISTVS ad seruandum hominum genus uenit? quid ita tantum ante se seculorum passus sit sine cognitione ueritatis præterire? ei ego dubitationi nunc facillime respondeam, eos quicumque hanc uitæ sectam omni tempore secuti sunt, ut mundum, & mundi commodi, præ cælestibus commodis nihil fecerint, summumque in ipso Deo præmium sibi constituerint, per fidem illos CHRISTI cum Deo coniunctos fuisse hoc enim est ipsum fidei mysterium, qui CHRISTVS est, cuius uis tota in hac inductione animi, sententiæ consistit, uti ab uno Deo præmia in cælo nostra expectemus, bona autem & blandicias mundi negligamus, & tamen quod ad personam CHRISTI attinet, qui eius tantum hoc mysterium diuino munere habuerunt

buerunt cognitum, illis eadem bonitas Dei authorē, & caput mysterij profectio indiscasse credenda est, ut uel uenturum spiritu ante prospicerent, uel policaquā uenisset, etiam inauditum intelligerent, si qui ex tēte uspiam, hodieq; existunt, ad quos hoc nondum sanctissimum CHRISTI nomen famaq; peruenit. IAM ILLUD, inquam, luli intelligere te quoq; puto, quemadmodum homines, qui prius generati mundo sunt, ex Deo rursus renascuntur, & repudiato patre mundo, filij Dei fiunt. hoc est illud ipsum mysterium, quod CHRISTVS est: qui quia homo exiit, princeps in nomen & genus summi Dei adoptione est uocatus. Quatenus autem fuit, estq; mysterium, in illo cuncti, & per illud honorem consequimur eundem, ut adoptati a summo Deo, & filij eius effecti, diij ipsi quoq; iure appellemur. Atq; hæc est generatio populi Dei, quæ non ex ludæis, neq; ex semine Abraam carnali illo, & corporeo, sed ex semine fidei, quæ in Abraam patre nostro principio eluxit, & in proprio uerbo Dei, & ipso fidei mysterio, quod fuit IESVS Christus, ornandis & frequētandis cœli regionibus diuinitus est procreata: de qua, tamen ipsi CHRISTI mysteriū omnibus ante seculum occultum exiit, ut nemini prophetarum, ac patriarcharum, sed ne angelorum quidem cuiquam consilium Dei de CHRISTO perspicue fuerit patefactum, ipsa tamen nouæ prolis creatio, & sanctioris populi constitutio, ac nouæ urbis Hierusalem edificatio antiquitus ab Deo pluribus est demonstrata. Quid enim est, quod sic loquitur Dauid: Et anima mea illi uiuet, & semen meum seruiet ipsi, annuntiabitur domino generatio uentura, & annuntiabunt cœli iustitiā eius populo, qui nascetur, quod fecit dominus. Et in Esaiā Deus: Alienigenis, inquit, qui apprehendent foedus meum, dabo eis in domo mea, & in muris meis locum, & nomen melius, quā filijs, & filijs, nomen sempiternum dabo illis, quod non peribit. Nonne & populo, quem dominus facturus erat, cum diu quidem antea populus ludæorū esset factus, & alienigenis, qui foedus domini apprehensuri erant, hoc est plane nō ludæis, nomen melius multo ab summo Deo promittebatur spiritualibus filijs uidelicet, q̄ filijs terrenis, atq; carnalibus, quod idem est, atq; ludæis: Quid de ipso CHRISTO Esaiās, quā aperte, quāq; perspicue, ut uideatur pene id ipsum intueri mysteriū, quod nos occultum fuisse dicimus, cum sic inducit loquentem Deum: Ego suscitauī eum in iustitiā, & omnes uias eius dirigam: ipse edificabit ciuitatem meam, & capiteuitatem meam dimitter, nec precio, nec munere. Et rursus uim inueniens futurū mysterij: Conuerit, inquit, Deus sapientes retrorsum, & scientiam eorum stultam facit, suscitauit uerbū serui sui, & consilium angelorū complet. Vel, cum de nouo populo prædicit: Ambulare faciā cæcos per uiam, quam non nouerunt, per semitas, quas non cognouerunt, calcare faciā eos, ponam tenebras ante eos in lucem, & praua in rectū. Nam quid obsecro erat ignotius, quid magis deuium ab itinere publico, quā hæc infre uitæ semitas, quæ nobis a CHRISTO Iesu monstratæ sunt: quas nūli princeps ipse præcundo indicasset, & omnibus impedimentis, obicibusq; præceptas progressu ipse suo purgasset, atque aperuisset, nemini eas non modo ingredi, sed ne dūpicere quidem fuisset licitū. I T A B E S T, inquit, sed quælo mi frater, quidnam clari⁹ esse tam potest, aut mysterio fidei, eiusq; effectu, & operatione inter gentes, aut prophetarū uaticinijs ista ipsa annunciantibus: cum præteritū omnes fecer, qui a spiritu sancto prædoci uenturū seculum cognouerūt, cum denunciarent populo Iŕaēlítico, Iudaicoq; excidium, urbi Hierusalem uasitatem, & ruinam, solitudinem regioni, interticionem propē Hebræorū filijs, filiorumq; parentibus, repente post innumerabiles illas iacturas, & calamitates, tanquam mutato choro concinant corrigentem, restituentemq; omnia, & ad seculum beati⁹ transferentem Deum, ut facile appareat hominibus non tardissimis reiecto carnali populo, aliū a Deo spiritualem populū institui, quo cum foedus sempiternum futurum Domino sit. R E C T E, inquam, loqueris luli, sed quando, quoad est nobis a Deo traditū fidei CHRISTI mysterium satis aperuimus, cuius cognitio, sicut ipsa re experire ad intelligenda Pauli sensa, quæ nimis interdum retractulā, absconditaq; uidetur, mirum quantum profutura sit, uideamus nunc, de quo antē fuit dubitatum, quid in se momentū, aut necessitatis ad salutem consequendam baptisimus habeat. Sic enim, si memoria tenes, disputabamus, non uideti

non uideri nobis iure derogari circuncisioni ipsi illi uidelicet, quæ in præputio carnis usurpabatur, cum in eo signo, & uelut indicio suæ professionis Iudei spem ponerent, quando tandem nos uim ad amicitiam cum Deo, & ad salutem acquirendam in baptismo nostro, quod item signum externum est, constitutum, de quo dictum est, baptisimus eum, qui ex aqua, & chrismate sacro fiat, non esse omnino necessarium ad fidei iustitiam, & tamen quodam modo necessariū esse. Nam cum sit baptisimus professio eius scilicet, quam sequi uolumus, & earum rerū, quas Deo promittimus, quasi pacto quedam ore enunciata, ac prolata, & coram Ecclesia, ceterisque fidelium testificata, per quam testimoniationem membrum Ecclesiæ, quæ corpus CHRISTI est, effici-mur, quod omnes in unum corpus, ut ait Paulus, baptizamus, si incedat casus, & tempus cuiusmodi, ut recepto, & credito CHRISTI mysterio id ipsum statim factis, & opere usurpemus, protinusque mundum re ipsa, per alienam tamen uim dimittamus, ad eum finem utique, ut Deum, & promissiones Dei assequamur, salutē absque hoc baptismo sine dubio inuenimus, sicut inuenit eam ille latro, qui pendenti CHRISTO in cruce, pendens ipse adhæsit. Quid enim erat opus illi, ut præteretur CHRISTVM sequi uelle, quæ reuera sequebatur? & mundum uelle dimittere, quem tum maxime dimittebat? Quo in supplicio crucis, etiam legibus mortem subire, ac ferre in corpore coquebatur, animi tamen liber, ipsum solum animum, quem in potestate habebat, ad præbendum se CHRISTO comitem applicabat, proptereaque absque aqua in sanguine, & spiritu est baptizatus. Quod item compluribus postea contingere potuit, quemadmodum de Emerentiana uirgine, & Adauccio martyre monumentis est proditum, & si qui alij cuiusmodi, quos in ipsa agnitione CHRISTI & fidei mysteriū, quod intellexerant, opere statim implentes, atque ut CHRISTO cōiuncti essent, mundum, atque uitam prompto animo relinquentes, nullo alio accepto baptismo, præter hunc spirituale, & intellectum, quo nullus tamen sanctior est, ipsa Dei benignitas in gremio suæ immortalitatis excepit. At qui post agnitionem mysterij, spatium habuerunt, & cōmodum sanctissimo hoc baptismo lauacro se ablundi, & in eo proficendi, quales ipsi erga Deum esse uellent, & quo pacto herere illi, mundumque renuntiare præoptarent, it facere id neglexerunt, salutem quoque huiusmodi, & fidem ipsam eam, quam susceperant, prodidisse sunt existimandi, aut enim, qui sic faciunt, per superbiam, contumaciamque contemnunt, aut agunt profectio perdidit, qui cum sese CHRISTO dedere uelut simulauerint, dedicationem ipsam uerbis concipere, & confiteri palam non audeant, neque Deo se per baptismum, tanquam per syngrapham obligare. Ad hæc accedit, quod si mysterium intellexerunt, dum ipsi mysterij iudicia, testimoniacque non usurpant, exemplo cæteris officiant, neque ipsi ad corpus Ecclesiæ, & CHRISTI se adiungunt, quod per hoc sacramentū potissimum in unitate con-tinetur: si non intellexerunt, ne illis quidem signis, & ceremonijs doceri curant, & ad-moneri, ut per corporeos cuiusmodi ritus, ad spirituale cognitionem perueniant. Quapropter sancte, & uere ab Apostolo est dictum, Corde credi ad iustitiam, ore autem confessionem fieri ad salutem. Quippe cum fides cordis sit, quæ Deo præcipue grata homines sola credentes iustificet apud eundem Deum, oris autem confessio & idem illam cordis comprobet, & iustitiam conferuet fidei, ex qua est nobis uera ex Deo uita: quæ quidem confessio nisi suscipiatur, quasi pudendum nobis mysterium esse uidetur, quod gloriatione dignissimum est. Itaque ab eodem Paulo peropportuna ne est adiectum scripturæ testimonium, sic dicentis, Quod omnis, qui credit in illum, non confundetur. De quo & dominus in Euangelio: Qui me negauerit coram hominibus, negabo eum & ego coram Deo, inquit. Atque eadem ista in lege ueteri de circuncisione potuissent dici, quam Moyses de populi illius duritate, per uicaciamque expostulans, Israëlitas, ut eam in corde coram Deo adhiberent, flagitabat. Et Hieremias populum monebat, ut circuncisus esset præputiū cordis coram Deo, quod spiritualis circuncilio illi, qui in carne erat, circuncisioni & ueritate, & honore apud Deum antece-debat. & tamen illam ipsam carnalem circuncisionē prætermittere non erat fas, nisi quod post inuictum fidei lumen circuncisio per baptismum sublata est. Baptismus autem ut qui ad summum iam, absolutumque peruenit, factus est sempiternus, iam de oporibus

ribus mi frater, quæ aspiciantur hæretici, nec ea ullius esse ad salutem momenti dicunt, quam illi salutem una in fide uolunt esse positam, non ne sublata quæstio omnis est: cum si fidei uirtus, & ipsum mysterium intelligatur, nullis cum operibus malis queat fides coherere, de illis operibus loquor, quæ ex constituto fiunt, & ab animo prauo, maleque sunt profecta. Nam quin lapsu, & titubatione aliquando possit fides lis offendere, nos nihil contra dicimus: habitus, propositum, deliberatio quæ delin- quendi à uera fide remotissima sunt. Quo enim pacto reliquit mundum, & ad Deum se contulit is, qui nihil fecius mundi uoluptates, & commoda omnia uenatur? & quod cupiditatibus suis queat suppeditare, iræ, auaritiæque, & ipsi deseruit ambicio- nis? Ac nulla quidem tanta non modo est, sed ne esse quidem potest pestis, imma- nitasque uitiorum, nullus tantus acruus scelerum, tam profligata, & perditæ in omni flagitiorum genere uoluntas, quæ simul ac per fidem CHRISTI adiunxerit se ad Deum, & mundum præ illius amore studioque repulerit, ipsique sese Deo totam tra- siderit, atque permiserit, non statim ea, atque euestigio deletis omnibus maculis illis ulceribus peccati, pura mundaque resplendeat, & nouæ fidei aduentu sanctis- cata, illam celestem induat iustitiam, per quam ad Deum proxime bonitate acces- dat, quæ iam hausta uirtute, & tanto illo munere diuinæ liberalitatis accepto, quis non intelligat, nihil tam fore illi in cuncta uita propositum, nisi ut Deum imitando omnia omnibus bona faciat semper, & dicat, ab omni semper iniuria, & ab omni ter- rena, ac fordida abstineat cupiditate, aliorum animo æquo iniurias perferat, nihil omnino extraordinarium appetat, saluos, atque honestos uelut esse omnes, etiam inimicos, cum nemine liti, nec altercationibus contendat: Quod qui mundum nisi hinc pendunt, his ista, quæ diximus, non solum facilia factu, uerum etiam suauia, & iucunda sunt, & cum fide erga Deum ita coniuncta, ut diuelli non possint. Tu uero qui tantum tribus fidei, ut nihil operibus bonis habendum honoris in uita, & salute adipiscenda putes, amabo de qua fide istud sentis? Nam cum ista quidem, quæ per IESVM CHRISTVM in unum Deum fides est, non potest oratio tua con- uenire, siquidem illa cordis fides est, neque solum credit Deo, uerum etiam uni illi ipsi confidit, ex quo sequitur omnium humanorum bonorum contemptio. Tu cum te dicis credere, & hoc uno uerbo sic niteris, ut totum in eo, quantumcumque est, quod pertinet ad salutem, ponendum esse confirmes, confidas autem mundo, cui res indici- cio est oratio, uita, mores denique reliqui tui, tum tanquam omni munere perfunctus, quod Deo, & fidei in Deum debitum sit, erumpas iam liber in omne genus flagitio- rum? nihilque turpe ducas, quod libidini tuæ placitum sit: in mundum te totum ins- gurgites, & cunctis, qui tibi non assentiuntur, contumelias dicas, fortunas aliorum directum eas, matrimonijs nefarijs illegere, seruias iracundiæ, uinolentiæ, intempe- rantie, atque ex his lustris egressus sic demum eructes uerbum fidei, ut ex ea pen- dere una salutis spem constituas, nec bonis operibus, & moribus tribuendum esse quicquam apud Deum disputes: Quid tam absurdum esse, aut tam abhorrens à uero potest? Quemadmodum porro Paulum attendis, cuius te dicitur & nomen sequi, & auctoritatem? Non ne is palam, & diserte ponit homines per fidem CHRISTI iustificari, & ea quidem illos insigniri iustitia, quæ maior omni humana uirtute sit, ut fidei, iustitiæque appareat unum, atque eundem esse constructum sempiterni ult- culo foederis consensum. Porro iustitia sine operibus bonis esse quæ potest? Nam & alio loco Paulus, Dei sumus effectio, inquit, conditi in Christo IESU in ope- ribus bonis, quibus præparauit Deus, ut in eis ambularemus. Nos uero dicamus, quod sicut fides adueniens uetera omnia crimina delet, atque diluit, ita que satis est ad obtinendam gratiam summi Dei, sic fidem ipsam, posteaquam aduenierit, homi- nemque cum Deo coniunxerit, non posse eam deinde cum moribus malis coherere, propter eam causam quidem, quod nec fides sine iustitia est, & prauæ agendo, recteque loquendo, non est credere id Deo, sed simulare. Ita aut iustitiam etiam non es adeptus, si fidem uerbis tantum, & non corde comprehendisti, aut si eam corde, statim etiam iustitia fidem consecuta est. Porro oris confessio sic ualeat ad salutem, si cordis cre- dulus profecerit ad iustitiam, Verum de his hæcenus; non enim cognito iam fidei

mysterio ulla uel minima dubitatio in his rebus amplius potest residere. Nos Deum
 potius precemur, horum ut hominum mētes, in eum sensum inducat, ut fidem, quam
 uerbis profitentur, moribus, & iustitia teneant, digniq; ab eodem efficiantur, quo-
 rum ad reprimendas aliorum immoderatas cupiditates, plus etiam exempli, & au-
 thoritatis uita, quam persuasione habeat oratio. **PRÆCEMVR** sane Iustus in-
 quit, etenim Christianum hoc imprimis & nostrum est, atque illi iustitiae, quæ ex fide
 existit, maxime consentaneum. **NUNC REDEAMVS** ad Apostoli uerba: Lon-
 go quidem interuallo, sed tamen non sine magna, & necessaria ratione illa est à nobis
 facta digressio. Expofuimus enim, & demonstrauius, id quod necesse imprimis fuit,
 quemadmodum nemo hominum apud Deum, nisi per fidem **CHRISTI** possit ius-
 tificari. sic enim loquitur Paulus: Nunc forisum à lege iustitia Dei manifesta facta
 est, testificata ab lege, & à prophetis. Legem hic appellans ueterem scripturam totā
 tam, in qua ubiq; elucet testimonia aduentus **CHRISTI**, & noui illius populi,
 qui in fide & iustitia cum Deo coniunctus, & sempiterno foedere cum eo copulatus
 futurus erat. Iustitia, inquit, Dei per fidem **I E S V** Christi, in omnes, & super omnes
 credentes, ex quibus uerbis patet, non eos tantum qui se dicunt credere, sed qui sic
 crediderunt, ut iustitiam fidei adipiscerentur, illos **I E S V** Christi uere fideles esse.
 Atque ut comprimat semper ludæorum insolentiam, qui ægre admodum ferebant
 alios, qui extra legē essent, hieri secum locios eiusdem à Deo muneris & gratiæ, qua-
 si quibus lex data ante esset, his solis deberetur & gratia, prosequitur Paulus, Non
 enim, inquit, est discriminatio. At quid ita non est? aut cur ludæus non anteponat
 Græcorum? Quia omnes, inquit, peccauerunt, & egent gloria Dei, ut iustificentur gratis
 ipsius gratia. Quia omnes, inquit, in causa parī sunt, ut nullum à se afferat quispiam
 discrimen meriti, sed apud Deum unusquisq; peccando offenderit. Egent ergo omnes
 elementia, & benignitate summi Dei, cuius exercitatio in Deo sic etiam gloriosior
 est, quam si in benemeritis sua præmia dispertiret. Nunc enim totum quicquid est
 uirtutis, atq; boni, quod per fidem assequimur, totum, inquam, ex Deo est, & ex diuisi-
 nis illius iustitiæ, bonitatisq; thesauris, cuius si essemus nos aliqua ex parte nobis ipsis
 auctores, quantum esset illud, quod ex nobis præberemus, tantum esset de Dei glori-
 a, munificentiæq; detractum. Iustificamur igitur omnes per fidem, sola illius gra-
 tia, hoc est, nullo nostro merito eiuscemodi, ut illud donum nobis à Deo debitum esse
 uideatur. At quo pacto iustificamur? quo pacto etiam si in posterum efficiamur iusti,
 ueteres tamen culpas, maculasq; deponimus? per redemptionē, inquit, quæ in **Chris-
 to I E S V**. Nam Christus **I E S V S** cum sine peccato ullo esset, & tanquam pec-
 cator nihilominus morte esset multatus, compensatio huiuscemodi facta est, ut ue-
 tus peccatum nobis nō debeat amplius exprobari. Si enim permissum est, ut qui nō
 peccauit, plecteretur, cur non permittatur, ut qui peccauit, à poena sit liberatus? con-
 sumum enim, & perturbatum iam est mortis iudicium. Mortuus porro est **I E S V S**,
 non suis peccatis, sed nostris, quam mortem ipse sponte suscepit, ut placato per suos
 dolores & cruciatibus Deo, nos mortem comitem peccati effugeremus. Quid autem
 iste **I E S V S** quemadmodum hoc effecit, aut qua ratione in hanc mentem est illas-
 pus, ut tantum amoris erga nos, & pro nobis studiū, curæq; susciperet? Quoniam, in-
 quit, hunc Deus proposuit placamentum per fidem in ipsius sanguine, Deus ipse
 met, inquit, non solum gratiam, & amicitiam suam instituit nobis largiri, sed per quod
 etiam illam merceretur, adiecit. Dedit enim nobis filium suum, à quo ipse placaretur,
 & omni ueterum nostrarum iniuriarum memoria deleta, humano generi, per eum res
 conciliaretur, quod nulla per nos ratione potuit effici. Quisquis enim nostrum, mor-
 tem illam suscepisset, licet pro omnibus unus se deuouisset, idq; egisset optimo an-
 mo, piaq; uoluntate: tamen ex insecto genere oriundus uix suam ille culpam, nedum
 salutem aliorum redimere potuisset. Atque in hoc maxime effulget magnitudo, &
 maiestas, & gloria summi Dei, qui totum expleuit nobis beneficium suum. Nec se so-
 lum placabile, sed hostiam etiā, qua placaretur exhibuit, ut quo meriti minus nostra
 à parte esset, hoc magis clementiam, & bonitatem, & iustitiam illius deamremus. Sed
 licet nihil ex nobis sit dignum, nihil uñ aut rationem ullam meriti continens: tamen

aliquid

aliquid à nobis proficiatur necesse est, in quo confidat Dei gratia, & iustitia, id potest non esse operis, sed bonæ duntaxat erga Deum voluntatis, quæ solam per fidem CHRISTI contingere nobis potest. Fides enim est quæ confidit, & totam se committit Deo, quod tum fit, cum & in futurum Deo placere institutimus, & de præterito confidimus omnem ex pristinis nostris sceleribus offensionem in illa diuina mente penitus esse deletam, atque horum utrumque per fidem in Christo IESU assequimur, & disciplinam uidelicet agendæ ex Dei voluntate, ac imitatione uitæ, & redemptionem iamdudum meritæ per nos propter peccata nostra mortis. Quorum utrumque in sanguine CHRISTI nobis representatum est, quod etiam ipsum subtilius est uidendum, quemadmodum sanguis CHRISTI peccata nostra abluerit. Ac primum legem Moysis ita fubere cognouimus, ut sanguine semper aliquo peccata expiantur, cui oportuit legi satisfieri, quæ de re in epistola ad Hebræos copiose est scriptum. Sub ea enim lege dum uoluit nasci CHRISTVS, illud quoque ex lege facere constituit, ut quos liberare redimereque uolebat, pro his suum ipse sanguinem effunderet: suum autem, ob eam rem, ut non breuem illis, & cito interitum, sed æternam, & stabilem redemptionem inueniret. Nam sanguis uictimarum, qui pro commisso, & perpetrato delicto fundebatur, susceptam quidem antea maculam abluebat, non erat autem futuræ integritatis, & innocentie sponzor. Itaque ad eandem sæpenumero uictimam, & ad eandem sacrificia erat reuertendum. Sanguis uero CHRISTI quod ad peccata uetera attinuit, legis, & sacrificij propriam expiationem fecit, quod ad uentura autem, maiore etiam mysterio omne humanum genus est complexus. Etenim gentes exteræ, quæ lege non tenebantur, & illam forsitan uim purgandi & expiandi per cruorem uictimarum factam non intelligebant, hoc certe documēto instructæ, eruditæque sunt, quod mors illa CHRISTI, illa crux, ille sanguis celestis, doctrina omnibus nobis extulit, quemadmodum uitam nos quoque, & mortem ab illecebris mundi penitus disiuicim, & in deo fixam decurrere debeamus. Itaque tum per fidem in CHRISTI sanguine Deum nobis conciliamus, si in illo sanguine, illaque CHRISTI morte nos etiam assensione animi, uoluntateque cōmorsamur, id est, si mundi, & uitæ huius blandimentis pro nihilo habitis bonorum omnium summam in Deo constituamus. Qui enim sic agunt, atque constituunt, illi cum CHRISTO peccatis mortui sunt, & ad fructum æternæ uitæ cum eodem postea suscitati. In illo igitur sanguine, Christi morte, cum fides tota nostra, tum Dei reconciliatio, & pax nobiscum facta consistit. Sequitur autem: In demonstrationem iustitiæ suæ, ex remissione præteritorum peccatorum in tolerantia Dei. Proposuit, inquit, IESUS placamentum Deus, in cuius sanguine ipse per fidem placaretur, ut demonstraret iustitiam suam, & summam innumeris sanctæ bonitatem, per quam remisit peccata, quæ diu tolerauerat. Illa enim bonitas, illa longanimitas omnipotentis Dei in hoc quoque semper apparuit, quod pertulit, & sustinuit eos, qui peccauerunt: sustinuit autem, non ut eos grauius plecheret, sed ut ansam & occasionem ignoscendi in illis inueniret. Huius porro perpetuæ Dei uoluntatis, & clementiæ testis fuit IESUS, in quo etiam antiquis, & diu ante mortuis patribus, qui non in mundo omnia sua defixerant, sed ad Deum bonam partem cogitationum suarum direxerant, redemptio est facta. Et quoniam hoc est Pauli nationem aliquando integram, & Ecclesiam CHRISTI, & genus hominum interdum uniuersum perinde ætatum gradibus diuidere, ac dispertire, ac si de singulari homine loqueretur, mundi que ætates, & tempora ætatibus hominis accommodare: sic nunc in isto loco de humano genere toto perinde, ut de homine uno loquens, humanitatem, & tolerantiam, & bonitatem summam Dei, quam ipse ferè iustitiam appellat, quæ de re satis alijs locis est dictum, quam in singulis hominibus adhibet Deus, ut eorum peccata diu, multumque toleret, expectetque occasionem ignoscendi, atque parcendi, eandem ipsam clementiam, & bonitatem in humano genere toto adhibuit, cuius cum tot seculorum pertulisset peccata, quo tempore maxime illa perci ebuerant, ad summumque perucnerant, præcidi ille tandem patientiam suam. Verum ita præcidi, ut humanum genus, quod propter delictorum, & scelerum magnitudinem summo supplicio afficere debebat, summo sibi expiaret, uinceretque beneficio. Atque hoc est dignum Dei natura, & beneficentia,

hoc illius benignitati, bonitati, consentaneum. Quid enim est, quod agat conueniens
 etus tibi Deus, quam ut in hunc modum tractet, atque excipiat eos, qui prauis mori-
 bus, opinionibusque imbuti, ignari quid expediat, uitam sibi ipsi muniant ad exitum,
 ut sustineant eos uidelicet, ut foueat, ut adiuuet, si forte uelint hi per ipsum Deum libe-
 rari: Hæc est illa Dei iustitia, de qua toties à nobis est dictum, quæ maxime demon-
 strat, atque illustrat ipsius Dei gloriam, quam nos, qui in CHRISTVM credimus, se-
 duciamque nostram in Deo ponimus, per fidem ueram imitatur, diuini illa generis,
 non humani, quam non lex, non ius scriptum, non hominum mores, non parentum
 disciplina, sed fides sola nobis insinuat. Nam si uelimus iusticiam interpretari in hoc
 loco illam, quæ habeat similitudinem legis, quæ ei, qui deliquit, nisi interrogata poenæ,
 ueniam dare non audeat, idcircoque sanguine CHRISTI Deus expetierit, ut possit
 illo modo quæsi iuri, & legibus satisfactione facta, hominibus deinde ignoscere, uide-
 tur ex altera parte habere ista res iniustitiæ similitudinem. Qui enim æquus, iustusque
 sit, quod nocens absoluitur, innocentem condemnare? Quid enim dixerit quispiam,
 non ne CHRISTVS sanguine suo, pro cunctorum peccatis Deo satisfecit? Satisfe-
 cit enim uero, sed ista satisfactio subtilius est intelligenda. Non enim quod in exerci-
 tu sepe fit, ut cohors, aut legio, si reliquerit locum, uel signum si amiserit, puniantur
 pauci, ceteri omni poena liberati discedant, sic contigit in CHRISTO, ut pleretur
 tur ipse, reliqui uero liberarentur omnes. Sed hi tantum liberi facti sunt, qui & mori
 ipsi cum CHRISTO uolunt, ut sit necesse si per Christum salui esse uolumus, ean-
 dem nos mortē pati, quam ipse perpassus est; necesse sit, inquam, non eodē tamen peni-
 tus modo. Nam Christus carnē hominis peremit in cruce, tanquam peccati fomitem,
 ut peccatū extingueret quod ē carnē totum exassuat, quō nos in illa carnē CHRISTI
 STI carnem etiam nostrā fide, & uoluntate peremptā haberemus, peccatisque morere
 mur. At hoc nemini contingere potest, nisi uolenti, & Christo IESU fidem istam ha-
 bentī. Sic enim nos à mortē, moriens liberauit Christus, ut qui ad uitam cum illo con-
 fūgere uellent, carnem suam unā cum illius carnē crucifigerent, in quo est uniuersa
 redemptio, non prætoriorum solum, sed futurorum etiam peccatorum. Sumus igitur
 hac ratione potissimū salutem cōsecuti, quōd uolumus Christo cōmori, si accedat ut
 res, & ueritas ita poscat, etiam corpore: in id minus opus sit, semper tamē uoluntate,
 cuius index nobis mysterij, idemque sacramentū, baptisumus est. Carnis autē mors iudici-
 cio, & fide, & uoluntate suscepta, hoc utique in se habet, quōd peccato amplius locus
 non est, uiuicque deinceps spiritualis iam homo, qui est ex Deo creatus, non amplius
 carnalis, qui ab Adam progenitus est, ut alio loco Paulus: Veritas, inquit, est in Chris-
 to IESU, deponere uos ex priori modo uiuendi, ueterem hominem corruptum per
 cupiditatis deceptionis, & renouari spiritu mentis uestre, & indui nouum hominem
 ex Deo conditum in iustitia & sanctitate ueritatis. Atqui tota uis in nobis mysterij,
 & CHRISTI est, ut cum illo in carne commemoriamur, & cum eodem unā in spiritu
 uiuamus, neque potest quispiam, ad illam ueræ iustitiæ uitam cum Christo consurgere,
 in quo caro peccati nō ante sit occisa. Quapropter ipse Christus, qui fuit nobis exem-
 plum, & doctrina, & Dei patris oratio, quod in pleno, & perfectō documentō conte-
 rende carnis necesse fuit, non solum uoluntate, uerum etiā ipsa re omnibus modis in
 carne est afflictus. Sic enim ipse de se in Luca pronuntiavit, quōd talia oportuit pati
 Christum & sic intrare in gloriā suā. Nos uero, qui ab illa tantā perfectione, præstan-
 tiaque Iesu Christi longe absumus, satisfacimus in eo Deo, si promptam uoluntatem ad
 eadē perferēda affricimus. Hoc est enim carnē in nobis iam occidere, quod facere pla-
 nē nō possumus, nisi ab amoribus mundi prius diuellamur. Vbi uero ad opus ipsum
 adigimur, & quod fide uoluntateque cōcepimus, factus est præstandū, tūc quantū nobis
 dominus dederit uiriū, serēda, & patiēda in cōmoda sunt, dolorque corporis subēdus,
 & ipsa mors tolerāda. Hæc em̄ fides in Deū est, & Christi imitatio, per quā aditus nobis
 in cœlū aperitur, quæ p̄fecit & aperuit ipse Christus, ita & Paulus in Hierusalē
 trāsiturus, adhortās eos, quos in fide instruxerat, illud imprimis illos admonet, quē
 afflictiones multas oporteat nos introire in regnū Dei, siue id uolūtate proptia sic cō-
 situamus, siue operibus exequamur. Et ad Corinthios, Semp̄ mortificationē dominī
 Iesu

Iesu in corpore circūserimus, inquit, ut & uita Iesu in corpore nostro manifesta fiat. Et iterum: Semper nos uiuentes in mortem tradimur propter Iesum, ut & uita Iesu manifesta fiat in mortali carne nostra, aut ueltra, id est, carnis nostrae uita, qua peccato uiuunt, in mortem traditur ob Iesum, cuius uim, & mysterium in nobis suscipimus, ut in eadem carne ob peccatum mortali dempto eliminatoque peccato, eadem uita in mortalitas appareat, quae in Christi Iesu carne manifesta est facta. Itemque de mysterio Christi euidentius ad eisdem Corinthios: Quod h. Christus unus pro omnibus mortuus est, ut qui uiuunt, non amplius sibi ipsis uiuant, sed illi, qui pro ipsis mortuus & excitatus est. Et ad Galatas: Christus dedit semetipsum pro peccatis nostris, ut eripiat nos ex praesenti saeculo prauo. Et alio loco: Vt Deo uiuam, inquit, Christo cōceru effusus sum, uiuo autem non amplius ego, uiuit autem in me Christus, & qui sunt Christi, carnem crucifixi erunt cum affectionibus, & cupiditatibus suis. Et eodē sensu ad Ephesios, Christum soluisse parietem septimedium inter Deum, & nos ait: quo di stinebatur, & impediebamur, ne iungi, & adherere Deo possemus: ipsum autē septu fuisse in carne nostra cum Deo inimicitiam, quam soluimus, cum peccato morimur. Neque soluissimus, nisi soluta ea prius fuisset a Christo. Ipse enim fuit, qui sua obedientia erga Deum, cui sese totum, dimisso mundo, tradidit, factus est in nobis, & in humana genere cum Deo reconciliatio. Quem Christum cum imitamur, cōmorientes cum illo simul carni peccati propter obedientiam Dei, ut ipsi idem Paulus ait, Tūc Christum addiscimus, & in Christo edocemur. Et ad Titum: Christus dedit seipsum pro nobis, ut redimat nos ab omni iniquitate, & purget sibi ipsi populum acquiriturum, & imitorem bonorum operum. Et Petrus: Christus passus est pro nobis carne, inquit, ut uos eandem mentē induamini, quoniā qui passus est in carne, destitit à peccato, 10. annis quoque illa per os domini nostri de carne Christi, quae panis est mundi, sine quo uita esse nō potest, & item de sanguine plena mysterio, & sublimitatis oratio admodū planē indicat mortē Christi nō tam simplici modo peccata nostra deleri, ut in lege ueteri per uictimam debebantur, quāquā illi quoque titui, & religioni satisfecit Christi immolatio, sed plenū esse mysteriū illius mortis & crucis ad nostrā liberationē, si carnis nostram, cū ipsius mortuam esse uelimus, si Christum ipsum Iesum induamus, si illius assuetū, & maceratam carnē salutarī cibo assumpto in nostrā ipsorū carnē alendam, nutriendamque adhibeamus. Sed de ui tota rationeque mysterij Christi quoniā satis hoc loco dictū, & fortassis alibi dicitur, pergamus ad Apostoli uerba, qui bonitatem & iustitiā Dei in eo magnificans, quod remisit peccata ea tandē, diu quae tolerauerat, aliū etiā modū, & tempus unā cū modo, quo iustitia Dei declarata sit, adiungit, sic iterū repetēs: Ad demonstrationē iustitiae suae in hoc praesenti tēpore qualiter ipse iustus est, & iustificans eū, qui est ex fide Iesu, hoc secundū quod repetitur ad demonstrationē iustitiae habet expressionē, ac si diceret, ad demonstrationē, inquit, iustitiae suae in hoc tēpore, quo misit filium suū ad nos uidelicet, totumque sese nobis, & amorem suum erga nos patefecit, nec tantū in eo ostēdit iustitiam suā, quod remisit, ignouitque peccata, quae tolerauerat, sed quod de illa sua diuina, singularique iustitia bonam etiā partē in nos per fidē Christi deriuauit, ut faceret nos ad imitationē, & similitudinē sui iustos, quod idem est, quod supra dixerat, ex fide in fidē. Per fidē enim eandē Christi & Dei iustitia in ipso Deo patuit, & in nobis impressa, in sinuataque est.

Vbi ergo gloriatio? exclusa est. per qualē legē? operum? nequaquā, sed per legē fidei. Putamus ergo fide iustificari hominē seorsum ab operibus legis. An Iudaeorum Deus solus? nō autē & gentium? certe & gentiū. Quoniā quidē unus Deus, qui iustificabit circumcisionem ex fide, & preputium per fidem. Legem igitur abrogamus per fidem? absit, sed legem constituimus.

EXCLUSA est, inquit, ad Iudaeos gloriatio tua, qua de lege te factas, nec per aliā legem operum, quae sit melior tua, namque fieri id non potest: lex enim Iudaeorum, ut diximus, ut quae uerī Dei notionem praeter ceteras haberet, peccatumque, & testē faciū ex illius nutu, & uoluntate diiudicaret, sola erat idonea, quae appellaretur lex, nec le-

ge alia ipsa, neq; eius opera alijs operibus poterant uinci: sed exclusa est per legem fidei, dignior enim facta est fides, qua auctore & interprete cum Deo nos coniungamus, et si minus proprio uocabulo, tantum ut legi operum uerbum illud legis in fide redderet, lex fidei appellata est, quod idem est & fides, per fidem enim legis opera, quantum ad acquirendam iustitiam, & Dei gratiam pertinet, à principe laude exclusa sunt, hoc etiam magis, quod ea si qua est, quæ ex lege ueniat ad iustificandum commoditas, angustis illa finibus circumscripta est, & clausa, & in una tantum, neq; ea maxima natione habet locum, Iudeis enim duntaxat illa lex est lata, ut si ex operibus legis solum fit iustificatio, exiguum tantum genus iustificari, ceteros omnes à iustificatione excludi necesse sit. At Deus, qui unus ubiq;, & semper omniumq; omnino nationum idem est Deus, nullis terminis patitur benignitatem suam, beneficentiamq; concludi. Itaq; utitur potius fidei instrumento, quam legis, quod ad salutem omnium longe est communius. Nihil autem tam Dei est, quam omnibus esse equaliter beneficium, atq; communem. Cui rei si fidei instrumentum est aptius, eo semper uno utitur Deus, quod in quaq; re est optimum. Fides porrò & facilis, & generaliter omnibus est exposita, ut per eam quisq; possit ad Deum sese applicare, atq; conferre. Itaq; ea & circumcisionem iustificat, & sine circumcisione etiam præputium. Neq; nos cum fidei legi anteponimus, facinus iniuriam legi, æquam uelimus illam antiquare, sed legem potius sanctimus, cum ad suum finem, quò intenta illa est, eam deducimus. Siue enim lex Dei omnipotentis gratiam præcipue exquirebat, per fidem Christi ea uoti compos melius effecta est: siue Messiam suum beatoris seculi auctorem expectabat, fides Messiam illi Christum demonstraui: siue adeo in illis carnalibus, corporeisq; obseruantijs ueritatem spiritus illa innuebat, spiritualemq; doctrinâ quodammodo parturiebat, hac iam inuecta spiritus doctrina reddita est & ipsa perfectior, atq; completior. Non dicitur autem antiquari, neq; aboleri id quod perfectitur, sicuti nec puer cum ad uirilitem ductus est, de naturæ suæ substantia amisisse quicquam, sed acquisiuisse perfectionem magis est dicendus.

Quid igitur dicemus Abraam patrem nostrum inuenisse secundum carnem? si enim Abraam ex operibus fuit iustificatus, habet, quo gloriatur, sed non aduersus Deum. Quid enim ait scriptura? credidit Abraam Deo, & reputatum est ei ad iustitiam. Operanti uero merces non reputatur secundum gratiam, sed secundum debitum: non operanti autem, uerum credenti in eum, qui iustificat impium, reputatur fides eius in iustitiam.

R V R S V S affirmat quantum plus & gloriæ, & gratiæ acquirat apud Deum fides, quam opera, exemplo patris nostri Abraam, qui si antea etiam in operibus, & actionibus suis rectus fuit uir, & iustus (hoc enim est, quod ait: Quid dicemus Abraam patrem nostrum inuenisse secundum carnem?) id est, quam gratiam, quam laudem ex operibus carnis, humanis scilicet, & tanquam ex homine actionibus inuenisse & qui ut etiam in illis fuerit planè probus, inter homines fuit, & inter illos potuit iure suo gloriari, erga Deum quidem certe non potuit, at quamobrem nō potuit? quia illius, quam agebat, exercebatq; inter homines, iustitiæ, ipse sibi erat author. Sibi enim ipse constituebat, & præferebat, quid esset faciendum, ut æquitatem cum cæteris, & societatem conseruaret. Illaq; in eo iustitia & ab humano consilio proficiscatur, & in humanis opinionibus tota consistebat, ut nulla esset in eo Dei gloria, sed omnis & in homine, & ex hominibus gloriatio. Fides uero erga Deum, & quam Deo Abraam habuit, fecit illum, ut non suo iudicio quicquam, sed Dei cōsilio, atq; præscripto ageret omnia. Itaq; & patriam, cognitionemq; suam illo iubente deseruit, & posuit tabernacula, quibus in locis est iustus, & ad concubitus uxoris iam desperatos se retulit, & filium Deo præbuit in sacrificium, & deniq; factus est illi in omnibus obediensissimus. Quod si opera iustitiæ, quæ ab humana uoluntate, consilioq; proficiscuntur, alia quam habent gloriā, quanto maiorem illa, quæ ab diuinis consilijs, & uoluntatibus sunt profecta, tanto uidelicet, quāto humanis uirtutibus diuina uirtus, iustitiæq; antece-

tecel

tecellit. Fidei ergo iustitiæ diuinæ non humanæ nobilitatis est, in qua & eius, qui credidit, gloriatio tota ex Deo est, & ad Deum rursus conuertitur, ut necq̃ initium, necq̃ exitus huius gloriæ aliud quippiam sit, quam ipse Deus. Gloriæ autem talis fundamentum est fides, quandoquidē in fidem solum hæc Dei excellens iustitia transmittitur. Igitur parere omnibus necesse est, quantopere sit fides, fideiq̃ iustitia operibus legatur, aut humanis iustitiæ actionibus anteponenda. Ac ne ambigis quicquā in considerantium animis relinquamus, omneisq̃ ut eucliamus dubitantū scrupulos, examinet unusquisq̃ secum, & cū animo intus suo, quæ sit ista operum, & quæ fidei iustitia; tum quantum huic ab illa interlit, intelliget. Operum iustitia ea est, qua quis in factis, & actionibus suis fidens, quod recte, atq̃ integre cū hominibus se gesserit, collocat in illis spem cū laudis, tum salutis etiā suæ, ut siue ex hominibus, siue ex ipso Deo spectandum præmium sit, paratū sibi id esse confidat nō alicuius dono, aut beneficio, sed merito imprimis suo, quod sic Apostolus exponit: Operanti uero merces nō cōputatur secundum gratiā, sed secundum debitū. Deberi enim mercedem sibi putat, qui operas dedit, in quo quædā est unicuiq̃ in seipso cōfidentia, & nonnulla etiam uel tacita arrogantia, ut sibi ille admodū placeat, quisquis est, & honorē perfuncti operis sibimetipsi attribuat; Dei autem omnipotentis in eo nulla clementia, & liberalitatis sit gloria. Qui uero nullis suis meritis, actionibus uel confusus, cōferat se ad summum Deum, satis in illo statuens & potestatis & benignitatis esse, ut uelit, ualeatq̃ quousq̃ impium & improbum per fidem accedentem ad se iustificare, hic alio genere præstantioris iustitiæ probus effectus ostendit, atq̃ illustrat maxime Dei præpotētis gloriā. Atq̃ ille quidem primus operum sectator, sic adhibet in gerendis, suscipiendisq̃ rebus iustitiam, quatenus tantum legi, hominibusq̃ satisfaciāt. Hic uero ex Deo & ex Dei dono iustitias illas operum, legisq̃ iustitias trācimenta quædam terrenarū cōgitationum esse putat, ut quæ nihil aliud sint, quam explicare in eo se uelle, quod totum sit implicatio, hoc est, cum cupiditate, & studio in rebus terrenis hæreas, nō inde ut euelleris, sed quemadmodum ordine quodam, & cum ratione in illis mouearis, exquirere; hic autē iustus Dei, quē sic appellat Deus in Abacue inquis, iustus meus ex fide uiuet, qui per fidem ex Deo & iustitiam adipiscitur & uitam; diuiniore longe modo, maioris iustitiæ fit compos, legemq̃ sibi gerendæ uitæ non ex lege operū, sed ex imitatione Dei constituit. Fit enim ut a quo aliquid discendo perceperimus, cū id postea, quod didicimus, adhibemus in usum ipsi, atq̃ experimur, eius, a quo id accepimus, studeamus esse similes, in quo doctoris nostri, & præceptoris gloria per nos maxime amplificatur, & ostenditur. Hic tu ludæe qui hanc ex fide nostri iustificationem non admittis, qui cunctos ad opera legis reuocas, quemadmodum cōstitutis gloriam summi Dei: Accedunt gentes ut Deo sese offerant, illius gratiam expetentes, illius benignitati confidere paratæ. Quid ais: tu ludæe: frustra inquis laboratis, & adnitimur, non est hæc ad Deum perueniendi uia, ad nos primo fugiatis oportet, & legem nostram accipitis, carnemq̃ præputij circumcidamini, atq̃ omnia legis iusta impleatis, si donum uitæ, & gratiæ apud Deum quaeritis obtinere. Hocce est glorificare Deum: an infinitam illius maiestatem in angusti uelle redigeret qui si nō potest nec parcere, nec iustificare absq̃ lege, & uictimis, ubi illius potentia nō uult, ubi bonitas, ac beneficentia: At enim semel id ita constituit, ut sic fieret, rationemq̃ & modum, quo ipse placaretur, in lege instituit, nempe tum quidem tarditati tuæ cōsulens, eum tu spiritualis disciplinæ penitus expertus, eiusq̃ in tuis primis illis rudimentis prorsus indocilis in corpore, & corporeis sensibus totus inhærebas. Quin tu recto nunc itinere fidei & humilitatis tendentes ad summum Deum in legis amplius similitas, ac diuerticula, & ad cōtractus operum ne coge, cunctasq̃ in nobis uirtutis, & iustitiæ partes Dei esse sine, & nō nostras, quō sic & uirtus nostra perfectior, & Dei maiestas clarior, atq̃ augustinus etiam sit, sicuti quidem fuit in patre nostro Abraam, qui non ex operibus suis, quæ fecerat, sed ex fide, quam habuit Deo, meruit iustificari. Quam præsertim in Deum fidem, non autem ex lege iustitiam sequitur beatitudo à Davide etiam tuo significata, & testata.

Quemadmodum & Dauid dicit beatificationē hominis cui Deus cōmputat

putat iustitiam absque operibus: Beati quorum remissæ sunt iniquitates & quorum oblecta sunt peccata: beatus uir, cui non imputauerit Dominus peccatum.

HIC enim certe, qui beatus dicitur, non ex operibus legis, quæ minime seruauit, alioquin quomodo eguisset, ut sibi ab Deo peccata remitterentur: sed ex ipsa peccatorum dimissione consecutus est ab Deo beatitudinem, in qua adipiscenda nullas ipse suas partes attulit, nisi hanc ipsam fidem, quod credidit à Deo, etiâ sine operibus misericordiam sibi posse, clementiamque præstari, ac omnem hanc gratiam beatificationis suæ soli Deo acceptam retulit.

Beatificatio igitur ista in circuncisionem? an & in præputium? Dicimus enim quod reputata est Abrahæ fides in iustitiam, quomodo ergo reputata? cum esset in circuncisione, an cum in præputio? non in circuncisione, sed in præputio: & signum accepit circuncisionis notam iustitiæ ex fide, quæ fuerat in præputio, ut esset pater omnium credentium per præputium, ut reputaretur & illius iustitia, & pater circuncisionis his qui non ex circuncisione solum, sed qui etiam incederent uestigijs eius fidei, quæ fuisset in præputio patris nostri Abrahæ.

IST A, inquit, beatitudo, quæ ex fidei iustitia, & propter eiusmodi iustitiam nobis tribuitur, per quam quidē iustitiam delectis à Deo omnium peccatorum nostrorum maculis ad illius summam uoluntatem omnibus in rebus spectandam, atque exequendam, & prompti efficitur, & habiles, quemadmodum & ipse Abrahæ ad parendum in cunctis Deo alacer, & paratus factus deinde est. Ista inquam, beatitudo attributa est Abrahæ, cum adhuc in præputio esset, necdum circuncisionē in se admisisset. Nam circuncisio post fidem illam iustitia iam adepta Abrahæ ipsi imperata est, quæ futura esset indicium, & ueluti nota illius ipsius ex fide iustitiæ, quam Abrahæ Deo credēs in præputio esset adeptus, nota inquam, & indicium Abrahæ genus carnale à cæteris generibus discriminaturum. Quoniam enim Deus illa fide Abrahæ erga se, & in his, quæ ipse eidem Abrahæ promittebat, illius certa spe & fiducia adductus dignum illi effecerat, in cuius semine gratiam & cognationē suam uniuerso generi humano impertiret, quo clarius extaret suæ promissionis fides, & ad nationum, ac seculorum omnium conscientiam esset testata, illo circuncisionis uoluit signo Abrahæ sobolem distingui, quod quidem signum futurum esset indicium ac monumentum eius promissi, & pacti, quod cum ipso Abrahæ Deus pepigisset, quæ quoniam promissio illi ab Deo ob ipsius fidem & fidei iustitiam erat facta, signum non tantū pacti, sed illius ex fide iustitiæ, quæ id pactum expresserat, facta est circuncisio. Ita signum circuncisionis fuit nota iustitiæ, qua Abrahæ Deo credens in præputio fuit ab eodem Deo insignitus, atque ornatus. Quod autem hic circuncisionem signum iustitiæ, in Genesi eandem signum pacti appellat, in quo libro sic scriptū est: Et circuncideitis carnē præputij uestri, & erit in signum pacti inter me, & uos. Erat autem hoc pactum ex promissione Dei cum Abrahæ eiusmodi, ut cum hereditate terræ & multiplicatione innumerabili posteritatis id etiam illi polliceretur Deus, quod ex semine ipsius prodiret olim, in lucemque ederetur, qui eandem gratiam Dei, & iustitiam, terrarumque reuera æternæ possessionis in omnes tribus terræ propagaturus esset, qui ubi uenisset, omnibusque fuisset factum manifestum ex semine illum Abrahæ secundum Dei promissionē profectum esse, Deumque præstitisse, quod fuisset pollicitus, tum sublatō circuncisionis signo, quod deinde inane, & irritum futurum esset, ad eam fidem in Deum concursus cunctiorum fieret, per quam Abrahæ in præputio positus, Dei amicitiam, & gratiam, in signumque ab eo donum cœlestis iustitiæ consequi ualisset. Ita circuncisio, quæ signū fidei, ac iustitiæ Abrahæ in seipsa fert, si non sit sub signo fides, ac iustitia, inane signū est, & quatenus pactum indicat futurū ex Deo donū, quod in semine Abrahæ sanctis-

caren

carentur omnes gentes, iam exhibitio dono amplius signum non est. Abraam porro ipse dupliciter factus est pater, & generis sui, ac posteritatis per circumcisionem, & humani generis totius per fidem. Pater quidem omnium credensium, cum etiam tunc in præputio esset, fidesque Deo habuisset, ut quicumque item in præputio constituti similes in Deum habuissent fidem, simili apud Deum iustificaretur gratia, fidesque illis in iustitiam reputaretur. Pater autem circumcisionis, hoc est generis, & posteritatis suæ: si illud tantum signum posterius sequantur circumcisionis, carnalis tantum pater: Sin autem, quod signo illo admonentur, eiusdem fidei uestigia, quibus ille in præputio ingressus est, uelint & posterius eius incedere, uere illis pater, neque corporis solū, sed animi etiam sui, & fidei erga Deum, particeps propter eam ipsam fidem iustitiæ integram illis hæreditatem relinquens. Ex quo planè patet fidem ubique esse & ualere omnia: quod quidem ad acquirendam Dei gratiam, & ad conciliandum ab eo cœlestis iustitiæ donum ad unumquemque hominum spectat atque pertinet, quidò nec sine fide ualet quicquam circumcilio, & cum fide præputium circumcisionem non desiderat.

Non enim propter legem promissio fuit Abraæ, & semini eius hæredem eum esse mundi, sed propter iustitiam fidei. Si enim qui ex lege, hi hæredes, inanis facta est fides, & uana promissio. Lex enim iram fabricatur. Nam ubi non est lex, neque ibi præuicatio: propter hoc ex fide ut per gratiam, quo firma sit promissio omni semini, non solum quod ex lege, sed & quod ex fide Abraæ, qui est pater omnium nostrum, sicut scriptum est: Quoniam patrem multarum gentium posui te.

PROMISSIO illa, quæ facta est Abraæ ab Deo, inquit, non ratione legis nec propter legem facta est, sed propter iustitiam fidei. Quia enim credidit Abraam Deo, & id reputatum est illi ad iustitiam, propterea ipsi Deus præclaram illam promissionem fecit hæredem eum fore mundi. Quæ promissio quanquam non eisdem uerbis in Genesi est perscripta, ex alijs tamen uerbis colligitur, quod in semine ipsius erant sanctificandæ omnes tribus terræ: atque hæc promissio non propter legem Abraæ facta est, sed propter illam fidem, quam is Deo habuisset, quod ei præcipienti, ac pollicenti in cunctis credidisset, atque obtemperasset, propterque eam iustitiam, in cuius genere, & nomine fides illa Abraæ à Deo est exiſtimata. Ita cum Abraæ illa tum promittebat Deus, neque legem ita spectabat, ut ad eam suas promissiones dirigeret, neque posteaquam illi quæ promiserat impleuit, id est legi, & legis operibus ab eo datum: sed cum illi Abraæ fidei, atque iustitiæ tributum, tum diuinæ imprimis constantiæ & ueritati. Etenim si propter legem & illa promissio tunc Abraæ facta, & post ludæorum generi eiusdem ratione legis exhibitæ fuisset, inanis illico Abraæ fides, & Dei promissio irrita extitisset. Ac quod ad Abraam pertinet, si fuisset ab Deo spectata in suis promissionibus lex, quid honoris, quid gratiæ obtinuisset apud Deum fides Abraæ, si non ipsi, nec fidei eius præcipue, ac primo, sed generi, & posteritati ipsius datum fuisset, ut digni tantis ab Deo promissionibus haberentur, qui in legem Moysis consensissent, & suum in illa nomen professi, tam religiose, & diligenter coluissent: quando non præuicatoribus, sed probis, & rectis suam impertitur benignitatem Deus. Quid ergo inter fuit, utrum crederet Deo Abraam, nec ne crederet, si non propter se, nec propter fidem suam, sed ratione legis, eiusque posteritatis, quæ sub lege futura erat, illa ab Deo fuisset promissio enunciata? Deinde quam Abraæ gratiam posterius eius debuissent, dum hæreditatem promissionis, quam accepissent non parenti suo Abraæ, nec fidei parentis, sed suis operibus retulissent acceptam? Postremo ne credere quidem firme Abraam Deo, omnemque suam fidem in illius promissis constituere potuisset, si legem potissimum, & in lege posteritatem spectasset illa promissio. Quo pacto enim quod pendisset ex incertis posterorum factis, spemque constantiæ, & stabilitatis in alienis uoluntatibus sitam habuisset, potuisset ab alio quopiam homine non suum ne gocium gerente, nec stipulante sibi ipsi tanto post uenturum tam firme credi, ut non

K aliqua

aliqua in animo ambiguitas resideret: non est autem eiusdem ambigere, & fidem habere. Quamobrem si in quo Abraham fidem habebat, in eo ipso rursus dubitare cogebatur, neque fides in eo certa inerat. & quoquo modo facta est, certe illi frustra est facta promissio. Porro ex altera parte Dei promissio Abraz facta si non Abraam ipsum, sed posteritatem eius imprimis spectasset, causam nullam grauem, nec dignam tanta maiestate in Deo habuisset, quamobrem ipsi Abraz potissimum uideretur esse facienda. Etenim cum quid cui promittitur, quod sit illi in eius posteritate persoluentur, id cum præsatur, & datur, si non eius, cui promissum fuit, sed eius, qui post deum accipit, præcipue habetur ratio, quis non uideat inanem & uacuum rationis ac consilij, leuiticæ potius ac futili, quàm graui, & certo auctore dignam promissionem illam extitisse: cuius nimirum ad eum cui fuerit facta, pars omnino nulla pertineat. Deinde si ob legem, & legis causa facta est promissio, ob eam rem profectio facta est, ut non habentibus legem, sed seruantibus ille honos haberetur, ac per legem magis præuicaciores effecti sunt, qui illam adsciuerunt, quoniam ubi lex, ibi est præuicacitatio, iramque Dei aduersum se potius prouocauerunt, quàm beneuolentiam, & gratiam illius promeruere. Ergo in omnem partem uana reddita est Dei omnipotentis promissio. Enim uero in Deum uanitas non cadit, de quo est scriptum: In æternum domine permanet uerbum tuum, in seculum seculi ueritas tua. Fidei ergo Abraz, & cum fide iustitiæ & in eo ipso, & in posteritate eius maxime persoluit Deus, quæ parenti ipsi, & capiti generis promiserat. Ideoque ex fide, inquit Apostolus, ut totum esset gratia, ac non meriti merces, proptereaque maneret immobilis cuncto semini Abraz Dei promissio. Quod enim gratis, & innata sua bonitate ab Deo promittitur, id cum ipsum Deum habeat auctorem, pendeatque ab immutabili, & æterno, æternum quoque ipsum, & immutabile est. Quod uero labori, industria, diligentiaque proponitur, cum ex hominum pendeat consilijs, & actionibus, quæ infirmæ semper, & uacillantes sunt, incertum item ipsum, & debile nullum unquam habet perenne firmamentum stabilitatis suæ. Iam fides, quæ digna tantis honoribus à Deo efficitur, nullum ipsa ex se meriti pondus affert, sed tantum ut materia formæ, sic illa Dei gloriæ, & beneficentiæ parata, atque exposita est, ut cum fuerit à Deo diuinæ iustitiæ munere insignita, per eam Dei bonitas, & iustitia magis ostendatur. Quæ si fides tantum gratiæ apud Deum, & beneuolentiæ in Abraham est assecuta, cur non item assequatur in nobis: aut quam obrem nos non multo digniores, qui hæreditatem adeamus patris nostri Abraz, cum fidei illius filij sumus, propter quam fidem illi est facta promissio, quàm qui cum carnis duntaxat, & generis agnoscunt parentem: Quamquam carnalis illa Iudæis cum Abraham cognatio, hunc ab Deo honorem merita est, ut ad eos potissimum doceretur, & conseruandos Dei filius mitteretur, si fidem illa filij Dei, sine qua salus esse non potest, suscipere, & altero quoque genere consanguinitatis, quod spirituale totum, & per fidem est, Abraham patri suo coniungere se uoluisset. Nam & IESVS ipse patrem attestabatur se ad eos solos nullum esse, atque ut oues requireret, quæ perierant domus Israel. Sed cum illi patre Abraham in carne sola duntaxat gloriarentur, fidem autem patris nulla ratione admitterent, neque de spirituali genere, quod præstantius multo per fidem est, quicquam præclarum, aut sublime cogitarent, ex primo honore, atque ordine in postremum reiecti his qui per fidem filios Abraz se faciebant, de hæreditate Dei concessere. Etenim non carnis consanguinitas prima ducenda est, sed potior multo, atque præstantior, Deique magis naturæ similis, & proxima est spiritus cognatio, quæ per fidem ipsam adeuntibus ad Deum, & iustitiam ab eo adipiscētibus cum ipso omnipotente Deo contrahitur, in qua nos præcipue Abraz filij sumus, ideoque est ei ab Deo dictum, patrem illum multarum gentium fore, carnalium filiorum uidelet, aliorumque spiritualium. Porro fides est Abrazque in nobis imitatio & spiritualis nostra ad eum propinquitas, cum id, quod egit ille, ut parentes, & domum, & patriam suam reliqueret, Deoque in alias eum regiones, & ad spes alias uocanti per fidem, & obedientiam se deducendum traderet, item nos agamus, mundumque patrem nostrum & carnales affectus omnes, præsentiaque mundi bona, ab ipso Deo uocati libenter dimittamus, ac futurorum spe in ipso Deo cōsistentes per fidem imitamur. Atque

ut ad

ut admirans intueare huius sanctissimi, sapientissimiq; doctoris sensa, & cogitationes ex summis diuinitatis consilijs esse depromptas, attende quemadmodum fidei uim, incredibilemque potentiam in paternitate Abraæ ante oculos nostros ponat.

I N S T A R eius, cui credidit Dei uiuificantis mortuos, & uocatis ea que non sunt, ut si essent, qui præter spem in spe credidit, quod futurus ipse esset pater multarum gentium secundum quod dictum: Sic erit semen tuum. Et non uacillans fide, non considerauit corpus suum iam enectum centum ferè natu annos, nec enectionem uulue Sarai, sed in promissione Dei non ambegit incredulitate, sed corroboratus est fide, dans gloriam Deo, & per suasus certo, quoniam quod promiserat, potens est & facere. Ideo & reputatum est ei in iustitiam.

P A T E R multarum gentium, inquit, & in eo similis quodam modo Deo illi ipsi, cui credidit, quasi fides ea, quam habuit Abraam Deo, similem eum Dei effecerit. Nam cum Deus in uitam restituat mortuos, & uocet ea, quæ non sunt, haud secus ac si essent. Cum, inquit, in mortuis nihil omnino insit uitæ, & in ijs, quæ non sunt nihil essentia, in Deo tamen utraq; utrunq; habent, & uitam mortuæ, & esse non entia, ut simulatq; Dei uoluntas & mandatum adsit, & præsto sit, quod non erat, & reuiuifcat mortuum quod tacebat. Sic Abraæ fides eisdem ferè ingressa uestigijs, & suscitauit mortuos, & qui nequaquam erant, nec aliquin futuri fuerant, eos ut essent, fecit. Ac mortuos quidem suscitauit, quatenus ipsummet Abraam, qui quod ad uim generandi attinet, mortuus iam erat & natura, & corpore, sic uiuificauit, ut idoneus fieret generationi, quam uegetationem prius enecti propter ætatem corporis tam ualide ille hausit, ut non solum ad Isaac, sed ad alios complures postea liberos noua uis corporis fuerit propagata. Quæ uero illam innumerabilem Abraæ posteritatem fides eadē progeniuit, totq; illi nepotes, & nepotum filios, tantamq; successionem & sobolem in lucem, & diem & naturam ipsam protulit, qui sine ea nulli unquam fuissent, hoc fuit in illo uocare eos, qui nusquam erant, æque ut si fuissent. Ita Abraam per fidem eadem ferè potuit quæ Deus per naturam. Verum ita ipse potuit, ut omnem suam tam potentiam ex Deo, & Dei erga se gratia, munificentiaq; acciperet. Nec solum in his fides Abraæ Dei uirtutem est imitata, sed in illa ratione etiam, quod cum Deus creator omnium quidem hominum sit, & per illam creationem quodammodo pater, pater autem uerius, atq; coniunctius eorum, qui per fidem illi sese dedentes, in eorq; renascentes, ipsum cum imitari, ei obtemperare, bonorumq; eius hereditatem præcipue student sibi comparare; sic Abraam iustius multo sobolis suæ per fidem, quam seminis per carnem habendus est pater. Ac ut demonstraret quo ex genere fides Abraæ, quam firma, quam ualens, quam præter usum & morem communis credulitatis fuerit, persequitur exponens de ipso Abraam: Qui præter spem, inquit, in spe credidit, qui cum respiciens sese, uxoremq; secum suam nullam omnino spem generandi habere, sed in eiusmodi spe prorsus esset peremptus, Dei magnitudinem, bonitatemq; attendens, certissimam in spem uenit, uiuidusq; effectus in ea est, fore sibi progeniem frequentissimæ posteritatis, eamq; spem, & erga Deum fidem corporis statim uigor ad conferendū genus, & facultas procreandi est consecuta. Non enim ambegit incredulitate ad promissionem Dei, sed omnes animi, & mentis suæ neruos ad credendum, & confidendum Deo intendit, dans illi meritam gloriam, quod non solum ex instrumento inutiles per se, & effecto posset Deus efficere quæcunq; uellet, sed etiam quod promississet, certo esset effecturus, ideoq; hæc illi fides loco iustitiæ excelsissima est. At quomodo iustitiæ loco? aut, ut in Hebræo est, iustitia? Videtur enim ita esse scriptum: Et credidit domino, & reputatū est illud ipsi iustitia. Quo pacto, inquit, fides Abraæ pro iustitia reputata est? Quia cum per operū iustitiam mercedē, atq; honorē a Deo expecsemus, fides in Abraam habita est dignior, quæ illa ex Deo præmiā assequeretur,

quæ humana iustitia sibi solet arrogare. Ita fides Abraz in iustitiæ loco æstimata est, tantop̃ præstantioris, & nobilioris iustitiæ, quanto in his honoribus & præmijs fidei tribuendis totum & gratiæ, & liberalitati Dei summi fertur acceptum, fructumq̃ illius beneficiæ, & gloriæ nullum nostrum meritum, nulla quæ nobis iure debeatur, merces decerpit. Hoc Abraam pater noster fecit, qui cum omnino desperasset de se & de uiribus suis, omneis spei suæ partes in Deo uno constituit, ut ab eo solo agnosceret quicquid acquirerebat, atq; ita gloriam iustam & debitam dedit Deo, neque de ea ipse quicquam humanæ fidei iustitiæ operibus imminuit, quod fuit uere credere Deo, atq; considerare, iam cum ex alio genere Dei iustitia, atq; hominū sit, quantum quisq; assert de humana iustitia, tantum occupat loci, quo accipiat minus de diuina: ut si ad hauriendam puro è fonte aquam accedamus, hydriamq; afferamus, in qua nōnihil turbulentiæ insit aquæ, neq; purum habemus tam amplius, neq; plenum, quod petebamus: sic fides uas ad capiendam Dei iustitiā sola idoneum, non debet alterius genere iustitiæ, nec operibus, nisi ex diuina iustitia factis, ullo modo confidere.

NON scriptum autem propter eum solum est, quod reputatū ipsi est, sed & propter nos, quibus debet reputari credentibus in eum, qui suscitauit IESVM Christum dominum nostrū à mortuis, qui traditus fuit propter peccata nostra, & suscitatus ob iustificationem nostrā.

Q. UOD de Abraam commemorat scriptura, inquit, non est eiusmodi, ut in eo uno debeat ualere. Nō enim fides propter Abraam, sed Abraam propter fidem apud Deum gratiam obtinuit, & in eiusdem honorem fidei iustificatus est. Quæ si in illo tantum fides potuit, potest etiam in nobis, ut per eam iusti, & Deo grati efficiamur, si crediderimus, uidelicet & mortuum corpus ab Deo denuo uiuificari, & nouam prolem per fidem procreari. Atq; ista Abraam in semetipso credidit. Nos in CHRISTO IESU eodem credimus Domino nostro. Credimus enim CHRISTVM IESVM, cum esset in mortem datus ob peccata nostra ut carnem peccati in nobis suæ carnis morte aboleret, atq; exstingeret; ac si legis piacula etiam attendamus, ut subiret ipse supplicium pro uniuersis, lueretq; suo sanguine penam, quam populi peccata meruissent, ipseq; uelut hostia peccatum in se omne susciperet. Cum esset igitur mortuus propter delicta nostra, à Deo etiam patre credimus e mortuis cum excitatum pōt fuisse, & in uitam rursus, nec iam mortalem restitutum, ut nos quoq; und cum eo, peccato prius mortui, iustitiæ deinceps uiueremus. Atque hæc fides nostra ut spiritalior longe est, ita etiam præstantior. Etenim Deus ex Abraam per suam corporeæ generationis longam posteritatem pertexit; per fidē autem CHRISTI infinitæ prop̃ spiritalis generationis est author. In quo accurate illud inspicendum est, quā alto, & recondito consilio Deus fidem illam Abraz, fidei nostræ, & corporeæ in eo signa carneasq; seminis, & generis propagationes nostris spiritalibus procreationibus præmiserit, qui circumcidi uoluit cunctam domum Abraz eiusq; posteritatem in eo membro, quod est natura factum, attributumq; generationis, ut signo illo potissimū indicaretur fidem reddidisse Abraz, quod natura iam ademerat, ut si posteriore tempore qui per carnem genus ex Abraam duxissent, ab ataq; ui sui fide erga Deum deficerent, commonescerent illo ipsomet circumcisionis signo sanctius aliud genus & meliorem sobolem semper Deum ex fide reparatum esse. Quod cum per IESVM Christum, & per fidē CHRISTI qua Deo credidimus, factum sit, noua & spiritalis iam, non corporeæ proles in lucem & ueritatem sit edita, hærent adhuc tamen Iudæi in carne & præputio, nec à carnalibus possunt ad spiritalia conuerti. Credimus igitur IESVM Christum mortuum peccatis nostris fuisse postea à Deo e mortuis excitatum, idē ipsum fuisse mysterium nostræ redemptionis, quod & traditus fuit in mortem, donatusq; mundo ab Deo patre propter peccata nostra, ut diximus, & suscitatus rursus ad uitam ob iustificationem nostrā, ut nos ad iustitiæ uitam resurgeremus. Peccatū enim in nobis mortis est, iustitia autem ex fide causa est uitæ, Absulit ergo à nobis CHRISTVS morte sua peccatum, & exur

& exurrectione sua tradidit iustitiam, ut quemadmodum ille reuixit in corpore, sic nos in spiritu ad iustitiam reuiuiscamus. Quod utrumque alibi Apostolus: *Vi mortui peccato, inquit, iustitiæ uiuamus.* Hæc enim uirtus est fidei nostræ in Deum per *IESVM* Christum, ut si crediderimus datum eum à patre, & donatum nobis ut morte sua in nobis causam peccati perimeret, ipsi nos quoque peccatum in nobis interimeremus. Rursus si fidem hanc reciperemus, suscitatum eum à Deo patre suo, postquam mortis supplicio pro nobis affectus esset, & in uitam nouam, deincepsq; immortalem fuisse restitutum, etiam nos cum eo in nouam uitam eiusdem beneficio Dei consurgeremus, non illam carnis pristinam, quam prius abiiecissimus sponte *CHRISTO* commorientes, sed in eam iustitiæ uitam, quæ cum Deo, & cum immortalitate semper est coniuncta. Suscitatus est ergo propter iustificationem nostri, id est, ut nos fide suscitaremur ad uitam iustitiæ. Non enim erat satis mortuos esse peccato, neque id solum Dei beneficentia erga nos postulabat, sed illud quoque fides nostra ab Deo nobis impetrauit, ut per exurrectionem *CHRISTI* in ipsa Dei iustitia perpetuò iam uiuamus, in quo fides nostra fidei Abrahæ, ut spiritus corpori, & ueritas imagini respondere cernitur, siue adeo potius longe antecellere. Ille enim corporis, & ætatis uitio iam inhabilis ad generandum per fidem est adeptus, ut in eo membrum reuiuisceret, quod gignendi uim habet. Nos in ea animi parte propter carnis uitii mortui, quæ iustitiæ & ueritatis & diuini luminis particeps est, uimq; in se continet noscendi, & imitandi Dei, ac sese ad eum patrem per spiritum applicandi, per suscitationem *CHRISTI* in ea parte ipsa, & in ueræ rationis lumine credendo Deo, uidendoq; reuiuimus. Atq; ut ille sterilitatem fide perdidit, fecunditatem est affectus, sic nos peccatum extinctum, & iustitiam sumus nati per fidem, quam in Deo suscepimus ex morte, & resurrectione Domini nostri *IESV* Christi.

IUSTIFICATI igitur ex fide pacem habemus aduersus Deum per Dominum nostrum *IESVM* Christum, per quem & introductionem habuimus fide in gratiam hanc, in qua insistimus, & gloriamur in spe gloriæ Dei. Neque hoc solum, sed & gloriamur in oppressiōibus, scientes, quod oppressio tolerantiā operatur, tolerantia autem probationem, probatio uero spem, spes autem non frustratur, quoniam amor Dei effusus est in cordibus nostris per spiritum sanctum, qui datus est nobis.

POSTQUAM de fide, & ui fidei multa & magna sunt dicta, ed nunc se conuertit Apostolus, ut statum nostrum in fide manentium cuiusmodi sit, ostendat: cuius uerborum sententiā planè ut intelligamus, illud *CHRISTI* mysterium de quo antè satis dictum est, in memoria est habendum: per quod perspicuum factum est fidem *CHRISTI* potissimum consistere in eo, ut mundi possit habitis bonis ad Deum unum, & ipsius Dei præmia toto animo contendamus; quod mysterium quidem ipsemet fuit *CHRISTVS*. Qui enim huius celestis uerè mysterij uim mente penitus imbibebunt, hi sunt, qui per fidem *CHRISTO* in carne commorientes, in animo, & uirtute ad iustitiam cum eodem sunt excitati, nec qualemcunque iustitiam, sed illam gerentem imaginem iustitiæ summi Dei. Hi ergo tales fide iustificati pacem habent cum Deo. Hostem enim Dei ipsi in se interemerunt, carnem peccati uideliscet, per quam rectoribus mundi & tenebrarum harum impio antea militie sacramento erant obstricti, quodammodoq; in Dei contumeliā uiuebant, cum accepta ab eo naturæ & rationis beneficia non ad agendas illi gratias, sed ad contemptum & ignominiam nominis eius conuertebant, hoc perempto Dei hoste, quod nullo alio modo, quam per *CHRISTVM*, & *CHRISTI* fidem fieri potuit, eadem fide iustificati per ipsum Dei filium cum Deo in gratiam sunt reconciliati. Ideoq; ait Apostolus, quod iustificati iam ex fide pacem habemus erga Deum per dominum nostrum *IESVM* Christum. Nec pacati solum, & in amicitiam cum Deo copulati, sed per eundem *CHRISTVM* dominum nostrum in hanc quoq; gratiam fide peruenimus

ipfomet deducente, & introitum nobis aperiente CHRISTO, in qua gratia infisteres, firmisq; in ea uelligis constituti effertur nos, atq; extollimus in spe glorie Dei. Non solum, inquit, ita cum Deo reconciliati sumus, ut nihil ab eo iam poenae, nihil iracundiae extimescere debeamus, sed ultro etiam ab eo regnum gloriae q; speremus, quae spe uiuimus laeti, atque alacres. Quod si huic spei oblatre uideantur, quae ex mundo damna multa incommodaq; existunt, quae uulgius mala esse arbitrat, neque ea putat cum hac Dei amicitia, & spe coelestis gloriae conuenire posse, responsione his Apostolus occurrit, exemplo quali à gymniciis certaminibus inducto, in quibus qui se ad cursum, aut pugilatum apparant, non antequam exercitato per famem, sitimq;, & per labores corpore sudorem & puluerem, & solem ipsum ferre tolerareq; didicerint, ad uictoriae spem habentur idonei: sic nos, inquit, non solum extollimur spe quod Dei gloriae futuri sumus participes, sed in illis quoque opprobriis, gloriam nostram ponimus, quae nos undiq; asiligunt, & premunt, probe scientes, quod opprobrio, atq; aerumna tolerantiam in nobis confirmat, tolerantia autem efficit probationem. Vbi enim perferre & tolerare didicerimus, tunc probamur, idoneiq; habemur, neq; à cæteris tantum, sed à nobis quoq; ipsis. Ipso enim experimento perceptum esse nos ad dura, & aspera perpetienda fortes. Porro autem ipsa probatio spem alacriorem in nobis excitat, magis nos Deo etiam futuros cordi, cui nostram fidem, constantiamq; in rebus molestis, aduersisq; exhibuerimus. Quae spes profectionis nobis poenitenda non est. Non enim illudimur ab ea, non decipimur, non illa nos nequaquam ut speremus facit, quando certus, & fidelis sponsor illius est amor ille erga Deum, quem totis cordibus hausimus, & Dei item erga nos, effusus in nos per spiritum sanctum, qui ab eodem Deo nobis datus est. HIC IVLIVS, amoris huius, inquit, uel diuini erga nos, uel nostri aduersus Deum ex quo spei nostrae ueritas demonstranda suscipitur, uideo causam ab Apostolo spiritum sanctum asserri, qui Apostolis datus est, non occulto solum asilatu, sed missione manifesta, cum in flammis linguis singulis eorum dispersitus est, quo quidem spiritu sancto certis sunt facti spem apud Deum futurorum bonorum suam nequaquam irritam, neque inanem euenti fore. Non enim tantum habuerunt necesse credere, sed uiderunt plane, & tanquam manu contractauerunt extare erga se studium, & beneuolentiam summam Dei. Itaque amore ipsi uicissim aduersus Deum consilagrauerunt, spiritusq; idem in illis sanctus certissimus sponsor & ipsorum fidei, & Dei erga ipsos uoluntatis fuit. Nobis utro, qui in hoc mundo ita uiuimus, ut quotidianis uariarum preliis cupiditas tum exposita sit uita nostra, qui ita stamus in fide, ut nonnunquam tamen, atq; utinam ne nimium saepe caui, & cupiditati ipsi concedamus, quid polliceri potest certi iste in Deum amor nullo praesertim perspicuo spiritus sancti dono confirmatus, aut quomodo nostra non potest spes decipi? Nam quod in hoc loco à plerisq; sanctis uiris asseritur amorem hunc nobis, & spiritum simul sanctum in baptismo infundi, non mihi satisfacit, quippe multos qui uideam sacramento illo initiatos, nec amoris tamen erga Deum, nec spiritus sancti ullius participes esse. TVMEGOS: Rem quæris Iuli cognitione dignam, locumq; ipsum sancte acute es conspicatus, in quo percontandi occasio idonea sit. Facile enim hesitare quis possit, ubi Apostolus cernitur ualido uelle quasi argumento corroborare spem nostram, quod uacua, & inanis ea esse non possit, illud praecipue in confirmando ponere, quod non minus ipsum alia confirmatione egeat, & iure quoque illud adiecisti, si Apostolis ipsis spiritus sanctus fuit aperte datus, ut dubitare non possent, nos non eadem, quae illi conditione ad cognitionem tanti beneficii esse uocatos, quorum imbecillitati consulendum etiam fuit, ut ea à Paulo argumenta ponerentur, quae non in praesentia solum, uerum etiam ad posteros uim coprobandi, & confirmandi, si quis forte labasceret, essent habitura. Veruntamen ad Deum eundem ipsum confugientes, quod in omnibus arduis, & difficilibus questionibus conuenit à nobis fieri, ipsiusq; clementiam & bonitatem implorantes oremus suppliciter, ut ex eodem spiritu sancto, de quo loqui instituiamus, ueritatis nobis lumen ostendens sensum horum uerborum, & argumenti uim, in quo permagna est fidei, & spei nostrae confirmatio, patefacere dignetur. Ac ut reuocem te sepius mihi frater

frater ad considerationem mysterij fidei, quod est **CHRISTVS**, de quo tot & tanta dudum locuti sumus, recordaris profectio uim totam & spei, & fidei erga Deum nostrae in eo consistere, si contemptis mundi huius rebus nos totos in Deo penitus constituerimus, nihilq; duxerimus neque expectandum, neque bonum, nisi quod ab eo ipso nobis promissum, ostentatumq; sit, quo fundamento posito, uideamus modo de spiritu sancto, quo ille nobis pacto immittatur, & quemadmodum is certissimus sit sponsor futuros nos compotes coelestis ab Deo gloriae. Etenim si hoc istud ipsum, quod mysterium fidei nobis, & **CHRISTVS** ipse enunciat negligenda esse terrae bona, & appetenda coelestia, uerioris est iam, & melioris spiritus, ac rationis, quam illa sunt, quae mundo nos, & mundanis cupiditatibus deuincunt; ut cum ratiocinamur querendas esse opes, ambiendos honores, expectandam ab hominibus gloriam; si hoc inquam quod eredinus ad coelum esse, & ad Deum solum adnitendum, dumq; is possideatur, & teneatur, reliqua pro nihilo ducenda, neque de mundo est, ut quod repugnans omnino, contrariumq; sit cogitationibus humanis, & spiritus tamen est, quam ille mundi multo praestantior, ipso primo statim afflatu fidei **CHRISTI** diuinitatis iam spiritus incipimus esse participes, quam ut terreni homines existimari debeamus. Atque hae sunt fores, & primus quali introitus ad plenam in Deum fidem, quem quidem aperuit nobis baptismus. Hoc enim sanctum, imprimisq; salutare ecclesiae sacramentum obices eos repellit, & disijcit, quos ad aspernandam fidem **CHRISTI** prauis imbuta opinionibus sibi ipsa prius praestruerit contumacia. Sed inquam magis est. Sequitur enim alterum spiritus donum, quo illa, quae in ueteri scriptura in corporibus, & corporum actionibus designata sunt, nos ad spiritualem intelligentiam transferimus. Qui enim aliter Rex perpetuus David, regnum semperiternum, possessio terrae finem non habitura, templum semper stabile, chori, coetusq; illi canentes aeternam laudem Deo queunt rite intelligi, nisi ad spiritum in quo solo est perpetuitas, referantur? Quid ualebit circuncisio, quid sabbatorum requies, quid illa ipsa fides in Abraam, filijq; eius Isaac immolatio, si non horum omnium spiritualium intelligentia sit? Quanquam quid singula commemorem, cum quae in Iudeorum legitimis germanisq; voluminibus perscripta sunt, ad eandem omnia spiritus rationem accipienda sint, quod Iudaei ipsi non uiderunt, ut qui uel interpolito impediebantur, illo nimirum quo Moyses legem illis promulgans os suum obtexterat, quo nos relecto uelo in faciem ipsam legislatoris aspeximus. Hoc ne inane tibi donum a spiritu sancto nobis tributum uideatur esse? **MINIME** uero; inquit ille, sed & insigne, & certum, ut iam ex his duobus indicijis satis nosse ualeamus spiritum sanctum a Deo nobis datum esse. **ENIMVERO** **IULI** cum alia quoties Paulus dicat spiritum arrabonem nobis datum futurorum bonorum, hoc est eorum, quae oculis non comprehenduntur, sed sunt coelestia, & immortalia, tamen si principes illum Apostoli, aedificatores ecclesiae **CHRISTI** in flamma, & sonitu etiam acceperunt, ut sentire cum, uidereq; possent, num ideo nos non sentiemus, quod cum oculis minime cernimus, cum tamen in intimis nostris sensibus, hoc est, in ipsa cognitione, atque mente illius nobis uis perspicua fiat? Nam quid est habere nos spiritum arrabonem futurorum bonorum, nisi quod cum sola spiritualia aeterna sint, qui spiritualia intelligat, atque optet, habere cum iam immortalitatis arrabonem? sicut ad Corinthios scribens ait Apostolus, Etenim qui sumus in tabernaculo geminus onerati propterea quod nolumus exui, sed superindui, ut absurbeatur mortualitas a uita, Qui autem fecit nos in hoc ipsum Deus est, qui idem dedit nobis arrabonem spiritus, ut ista ipsa intelligeremus uidelicet, quae optamus. Et alio loco, Qui confirmat nos uobiscum in **CHRISTVM**, & unxit nos Deus, qui & obsignauit nos, & dedit arrabonem spiritus in cordibus nostris. Et ad Ephesios, In **CHRISTO** inquit, speratis & uos audientes uerbum ueritatis Euangelium salutis uestrae, in quo & credentes obsignati estis spiritu promissionis sancto, qui est arrabo benedictionis nostrae. Certe enim is, qui intelligentiam nobis diuinorum ueram dat spiritus, cum idem etiam spem, & fiduciam dat illorum quae penes deum sunt adipiscendorum, uere illam dare nobis est accipiendus, ut sit idem spiritus & doctor, & arrabo futurorum nobis bonorum

bonorumque Ioannes spiritum uocat ueritatis eumq; à mundo non posse capi affirmat, quia cum non cognoscit mundus. Qui enim queat nosse et cum spiritus sanctus nihil omnino rationis cum mundo habens, nos quoque abstrahat & auellat ab eo, ad superioraq; pertrahat ipse autem mundus in suis terrenis sordibus faciat obvolutus.

PLANE ita est Iulius, inquit, & hoc certe spiritu, quod inficari nemo potest, altiores efficitur, quam ut in terrenis rebus aut animi & mentis lumen, aut spei nostrae fructum desigamus. QUID IVLI, inquam, cum illas eodem spiritu adipiscimur uirtutes, quibus comparatae illae, quae ex lege, & operibus legis sunt, usque adeo sordcant, necesse est, ut propemodum iustius in uitij partem, quam in uirtutis numerari possent uideantur, cum non ita suum cuiq; reddimus, ut nostrum teneamus, non ita sumus benefici aduersus amicos, ut inimicis malum minitemur, non sic faues mus, & suffragamur operatis ceterorum, ut dignitatem, & commodam, & fortunas nostras priores habeamus, sed diuino illo genere iustitiae per fidem CHRISTI ornatae, & repleti, quo proxime accedimus similitudine ad ipsum Deum, in iuuando, benigneq; faciendo pares omnes ducimus quibus cum quippiam agendum nobis, & communicandum sit, cum rem, operam, fidem, consilium, auctoritatemq; nostram inimicis aequae, atque amicis paratam esse uolumus: cum omnia agimus salutis ceterorum causa, nihilq; omnino ad nos, sed ad Deum ipsum cuncta referimus: cum inter humanas curas & sollicitudines rerum innumerabilium, quas mundi aestus hominibus affert, nihil animo commouemur, sed in omni motu, & tempestateq; fortune tanquam inter fluctus scopuli firmi, atque haerentes in spe Dei consistimus: cum sic nos gerimus, sic uiuimus, sic proximos exemplo nostri erudimus, ut pra nobis feramus speciem non terrenorum hominum, sed mortalium quodam modo deorum. Ista ne tot, & tanta contra usum consuetudinemq; naturae Christianae mentis miracula, sic enim profecto appellanda illa sunt, absq; manifesta spiritus sancti missione patriari posse à nobis ac effici credendum est: quae maiorem mihi uim habere etiam uidentur, clarioriq; praebere documentum potentiae, & beneuolentiae summi Dei erga nos, necnon ueritatis fidei eius, quam profitemur, quam si mortuorum corpora ad uitam reuocamus. Siquidem longe potentius est, & maiore admiratione dignum, uniuersam hominis naturam peremptam iam inde de principio in patre nostro Adam, & tot annorum millibus in terram desolatam ac conspultam excitare subito ad coelum, & ex corpore rea spirituales reddere, quam uita defunctos facere ut reuiuiscant.

EST SANB inquit. Et uero ista mihi frater mihi iam aperiunt aliquanto etiam euidentiorum ex his esse nobis, quam fuerit ex igne, atque flamma Apostolis, spiritus sancti missionem. Et si illi quidem omni ratione illum hauserunt, & nimirum, quam nos, multo abundantius: sed ille ignis tunc, & flammæ splendor illis datus est, ut quemadmodum qui ad isiciam aliquod instituit, fundamentum ipsi operis explorant, & intrantur, quò deinde eorum freti fide, ac diligentia qui succedunt, confidant extructionis firmitati: sic primæ illi ecclesiae fundamenta operis cum faciebantur, inspicienda data sunt, ut de quo principibus illis omnibus modis fuisset compertum, id postea nos pro nò dubio acciperemus.

AT QVI IVLI de his potissimum uirtutibus & potentijs loquitur Paulus, cum Galatas dehortans à susceptione legis, in cuius fuerant ritus, & obseruantias à falsis apostolis induci: Qui igitur, inquit, suppeditat uobis spiritum, & operatur uirtutes in uobis, ex operibus legis, an ex auscultatione fidei id facit? Dum enim manifestum, & commune iudicium ponit uirtutes eas, quibus exornantur, qui auscultant fidei, de his profecto uirtutibus loqui est existimandum, quæ hominem facient ipsum in semetipso, quam in ullis extraordinarijs operibus & factis admirabiliorem: quanquam, ut dixi, nihil tam extra ordinem sit, quam in corpore, carneq; humana Deum habere ita coniunctum, ut in omnibus dictis, atq; factis diuinæ semper uirtutis imago ex nobis effulgeat, quas nimirum uirtutes, cum se ad fidem Christi Galatæ contulissent, erant consecuti, ut continentes, ut probi, ut æquanimitate præditi, ut iniuriarum, damnorum, contumeliarumq; tolerantes, ut à mundi, & fortunæ præmijs, honoribusq; omnibus ob amorem Christi facile essent disuncti. Quarum quidem uirtutum ne umbram quidem, aut simulacrum aliquod expressius poterat

poterat lex in moribus cuiusq; animoq; formare, ad quam tum quidem legem, cum se referrent Galatæ, præclaram illam CHRISTI, & fidei ædificationē deliruebant, uimq; diuinæ iustitiæ, quæ homines in cœlum rapit, & ab omni seruitute animos liberat, sub legem rursus & sub præcepta legis subieiebant, ut fierent seipsos eo pacto inferiores. ERGO IVRES reprehēdi ab Apostolo, & tanq; amētes caligarij sunt, inquit. QVARTVM restat adhuc, inquam, quod est palmarium, quo spiritum iam sanctum in igne & flamma aspicias, largumq; ex eo lumen ad hanc Pauli indicandam illustrandamq; sententiam tuo arbitratu derives. De amore ipso loquor, quem erga Deum sic toto corde concipimus, ut exuberet largiter, & in omnes deinde proximos etiam redundet, nihilq; esse nobis gratum, neq; iucundum sinat, quod non sit Deus. Nec uero idcirco Deum ipsum amamus, quod speremus, atq; expectemus ab eo terræ bona, liberos, sedes, domicilia, fortunas, & annuos agrorum fructus in pace, atque otio fruendos. Hæc enim religio est Iudeorum propria, ob eam causam colentium Deum, ut ipsis bene sit, & ipsorum liberis in his utiq; rebus, quæ ad incolumitatem, & commoda mortalis uitæ spectant. Neq; rursus amore in Deum ea gratia accendimur, ut cum hic ad uoluntatem nostram uixerimus, animoq; & cupiditatibus varijs fuerimus obsecuti, nec quicquā nisi terrenum, & carnale cogitauerimus, tum deum freti Dei misericordia, per quam peccatis nostris ad ignoscendum facilius est, ita cœli præmiū ab eo expectemus, ut quicquid in hac uita nobis iucundum, & suauē habitū est, idem postea in cœlo & in altera illa uita nobis repræsentetur, hoc uno discedat, quod tum futurum sit sempiternum. Ad hos enim hucus, & hanc huiuscemodi beatitudinem Maumethana tota lex intentā est, hoc deterior etiam, quā Iudeorum, quod illa tamen Moysis lex à corporeis, & externis obseruantijs initium faciens, procedebat ad spiritualia: Hæc cum in spiritualibus ipsis fidei CHRISTI auxilio positam se comperisset, ad carnem, & corpus retro reuoluta est. Verum, ut dicebam, nos non ob hæc res Deum amamus, & colimus, quō in his, quæ extra ipsum nosq; sunt, indulgentiam ipsius experiamur, ac benignitatem: sed ipsum eummet, ipsum, inquit, per se diligimus, ipsum appetimus, ipsum uolumus, neq; est in cœlo, neq; est in terra, neq; in uoluptatibus, neq; in magnis honoribus, neq; in bonis alijs quicq; cuius flagremus studio, præter quā ipsius Dei. Hic amor in nobis, atq; hæc in cordibus nostris charitas ubi accensa fuerit, quis non intelligat conuerso more naturæ molestā fore nobis, quæ uulgo fauua ducuntur, & quæ aspera cæteris, nobis periculosa: ut quod Paulus hic ait in oppressiōibus, omnibusq; in cōmodis gauisuri simus, & de nostris damnis, calamitatibusq; gloriaturi. EARE QUIDEM, inquit IVLIVS, quod tum maxime locum occasionemq; habituri sumus approbandæ domino Deo nostræ erga eum fidei, eximæq; uoluntatis. Et uere mi frater, tecum ipse, & cum animo meo reputans agnosco rem ita sese habere, ut tu dicis, ut cum ad hunc gradum fidei perducti fuerimus, qui amoris, & charitatis totus est, tum sentiamus in nobis non hominem habitare iam amplius, sed Deum, siquidem maiora etiam omnia tunc agimus, quā pro humanis uiribus. QUID MIRVM IVLII, inquam, cum & dimidium nostri tum penitus extinctum sit, atque adeo multo maxima potius pars, quantum scilicet ex nobis mortale, & caducum ad terram cōuersum est, & in eius loco subditum, quod est cœlestē, & sempiternum? Etenim quod iracundum est in nobis, quod auarum, quod elatum, quod cōtumax, quod inuidiosum, quod uoluptati, molliciei, cupiditatēq; additum, tunc euanescat totum necesse est, quibus quidem ex partibus plurima fermē natura hominis constata est, atq; ex his constat. Illud autem modicum, & nobile, & cœlo originem ducens, quod plerumq; oppressum, & reductum in angustum coarctatur, sæpe undiq; & à cupiditatibus premitur, & catenatum pertrahitur illo in Deum amore excitatum, atq; adiutum, uimq; igneā cœlo nactum abruptis, aut liquefactis captiuitatis suæ uinculis, non in libertatem sese modò, sed in imperium etiam uindicat, imperium autē eiusmodi, quo & reliquas partes animi in eundem secum erga Deum affectum trahat, & ipsum terrenis rebus iam deinde tanquā ad se minime pertinētibus nulla animi parte moueatur. De quo amore, & charitatis dono Paulus ad Corinthios æmulantes inter se maiora charissimæ

L ta, illudq;

ta, illudq; præsertim linguarum excellere existimantes: Sectamini ne, inquit, meliora charismata: etiam præcellentem uobis uiam ostendo, sectamini charitatē, sine qua reliqua omnia dona spiritus sancti mortua sunt. **ASSENTIOR**, inquit, & certissimum habeo, cum ad hoc studium amoris aduersus Deum peruenierimus, nihil esse, quod nobis à fortuna metuendum sit, nihil, quod ab insidijs hominum, aut uoluptate, formidandum, maximumq; hoc esse indicium intelligo spiritus sancti intra nos tabernaculum sibi ad cōmorandum statuentis, cum ætumnas, & labores, & res omnes asperas non modo sine ulla molestia, sed cum lætitia etiam ferimus, & cum uoluptate. Quemadmodum de Apostolis scriptum est, discessisse eos è conspectu concilij gaudentes, quoniam digni habitis essent, pro nomine **IESV** cōtumeliam perpeti. **IAM** **VERO** **ILLE** spiritus iste, de quo iamdudum loquimur, tibi ne uidetur præstantior esse, & melior, quàm is, qui nos assidue in terrenis curis retinet occupatos, an illi tu fortasse huic anteponis? **ERGONE** **UT** anteponam, inquit, iam si ista essem sententia, quid me fieri posset amentius? **NEMPE** **ERGO** illum, inquā, qui nos ad coelum & spem æternorum bonorum semper uocat, digniorem, & potiorē, & diuiniorem esse spiritū arbitrare, quàm eum, cuius hortatu & monitis ipse nostræ in terrenis omnia subsidia ponimus? **NON** arbitror, inquit, sed intelligo certo, **ERGO** ueriores etiam, nisi tu sine ueritate præstare aliquid alicui, & dignius esse existimas, **MINIME**, inquit ille, puto, contraq; habeo hoc potius constitutum, cum mendax, & falsum quicquid est, infirmū id semper, & ignobile, sordidumq; sit, nullam ibi præstantiam, neq; dignitatem esse, ubi non sit ueritas. Si ergo spiritus iste ex mundo non est, & est præstantior multo, quàm ille mundanus, ac ueritatem omnem in se continet, cum aperit nobis fidei **CHRISTI** mysterium, mundumq; pro Deo ut derelinquamus, hortatur, cum corpora, & terrēna illa opera ad spirituales nobis intelligentiæ conuertit, cum diuinis uirtutibus nos exornat, cum amore in Deum totos rapit, nequaquā est per timeendum profectio, nec uel minimum dubitandum, quod spes nostra nos fallat, quam repositimus in bonitate, & gratia & clementia summi Dei, nos esse illum uidelicet in præmium fidei nostræ, & ipsius gloriā assecuturos, cum præsertim iste amor, qui in Deum nos inflammat, unus sit, atq; idem cum Dei amore aduersus nos: in eodem enim spiritu sancto, qui & amor Dei est, & ipse Deus, in cordibus nostris inhabitante, & beneuolentia Dei erga nos ostenditur, & nostra inflammatur erga ipsum Deum uoluntas: ita tamen ut nostrū hoc ipsum Deum quod amamus, ab ipso amore in nos Dei profectum sit, ille enim nobis plurima nimirū, & maxima amoris sui indicia ostendit. Ille uirtutes nobis dedit, ille ueras intelligentias, ille animi robur ad perferenda aduersus ille etiam quod nos sibi alienos, atque adeo hostes in gratiam secum reconciliaret, filium suum unigenum in mundum misit, qui demonstraret nobis ad immortalitatem iter, & beatam uitam ostenderet, non in mundi delictijs, & prosperitatibus, sed in sola fide erga Deum positam esse, quibus de rebus uideamus, quid loquatur Apostolus.

ADHVC ENIM CHRISTVS cum essemus inbecilli, tempore opportuno pro impijs mortuus est. Vix enim pro iusto quisquā morietur. Nam pro bono fortē quispiā audeat mori. Cōfirmat autem suum amorem in nos Deus, quod cū adhuc peccatores nos essemus, **CHRISTVS** pro nobis mortuus est: multo igitur magis iustificati nunc in sanguine ipsius feruabimur p ipsum ab ira. Si enim hostes cū essemus, recōciliati fuimus Deo per mortē filij eius, multo magis recōciliati seruabimur, in uita ipsius: neq; hoc solum, uerum etiam gloriā habebimus in Deo per dominum nostrū **IESVM** Christum, per quem nunc reconciliationem accepimus.

REVERTITVR Paulus ad id, quod antē dixerat, quod nūc ex fide iustificati cum pacem habeamus erga Deum, sperare possumus æternā bonā, atq; ita sperare, ut certō illa expeciemus, idq; sic se habere ex amore in nobis Dei, & ex ipso spiritu sancto

sancto probauerat, nunc alijs argumentis ex CHRISTO, & CHRISTI morte, ipsosq; Dei amore erga nos idem ut comprobet, aggreditur, singulis p̄ncipalibus ar-
 duas multorum quæstiones explanans, & dubitata dissoluens. Erant enim qui se opo-
 ponerent, rationem petentes, cur non ante CHRISTVS ad hominum genus redi-
 mendum uenisset. His respondet Apostolus, quia eramus imbecillissimi, tantum mys-
 terium ferre adhuc poteramus, quadoquidem hominum genus tanquā homo unus
 primis temporibus ætatis suæ lacte, nō firmo cibo nutrirī necesse habuit, ideoq; fuit
 non CHRISTVS populo Israēlitico, sed lex lata, quæ quasi lactis in eo alendo ge-
 reret uices. At cur nunc uenit potissimum? quia tempus opportunum affuit. Vnde
 ista huic temporī opportunitas? huic est quæstioni alijs in locis ab Apostolo respon-
 sum, quoniam hoc præcipue tempore omnibus omnino hominibus in foueam inte-
 ritus propter peccata delapsis magis enituit Dei omnipotentis gloria, & præstantius
 erga nos beneficium. Quod si idcirco datum nobis fuit, ut probiores, & iustiores, &
 Deo magis dediti redderemur, eo potissimū tempore decuit dari, quo & magis gras-
 tum nobis, & magis necessarium illud beneficium accideret. At quo pacto si hominū
 genus tunc maxime opertum, obrutumq; peccatis extitit, potuit esse idoneū, & ua-
 lens ad capiendū mysterium Dei? Hoc enim præterea etiam uidetur posse opponi,
 cui nos quæstioni respondemus, quia tunc maxime sibi ipsum diffidens de tota spe sa-
 lutis suæ, habuit necesse in Deo solo confidere, quæ est fidei, & mysterij propria iam
 uirtus, ipsosq; Euangelij potentia, per quā unam salui esse possumus. Nunc ad decla-
 rationem, & ad Apostoli uerba ueniamus, quibus ipse exaggerat indicia beneuolen-
 tiæ Dei erga nos, quod pro impijs filium morti, ut liberarentur ipsi, tradidit, quibus
 si adhuc hostibus usq; eo indultit, ut filium suū unicū mori pro eis uellet, quō eos
 secum redigeret in amicitiam, nunc amicis factis nō modo perpetuam salutem, sed ne
 gloriam quidem suam esse denegaturus. Atq; hæc quidem in his uerbis est sententia, si
 pro impijs enim, si pro hostibus, si pro peccatoribus filium Deus in mortē dedit: mul-
 to nunc magis eodē erga nos amore inductus pro fidelibus iam, pro iustis, pro ami-
 cis, non id modo est daturus, ut ab ira tuti simus, hoc est, ab ea pœna, quā iratus Deus
 peccatis nostris potis est infligere, sed ut uitam etiam filij sui illā iam immortalem, &
 non terrenam, gloriamq; suam consequamur, idq; per eundem D. N. I. C. quod sicut
 nobis cum Deo reconciliationis fuit author, ita erit uitæ, & gloriæ impetrator. Nam
 quod interpolitum est (Vix enim pro iusto quisquā morietur, nam pro bono quis for-
 sitan audeat mori) sensum istum habet, ut charitatem CHRISTI magis expendamus,
 inquit, qui pro impijs, & pro hostibus in mortem se dedit, ex communibus eam
 hominum sentibus, & affectionibus æstimemus, inter quos qui pro iusto uolens mor-
 tem perferat, nullus ferē inueniatur, at pro bono fortasse qui eam audientius subeat.
 In quibus uerbis unum unī, iustus impiō, bonus hosti redditur. Sed qui pro iusto ani-
 mum inducat mori, nemo reperiatur: pro bono aliquis, ut pro filio pater, amicus pro
 amico, seruus pro domino, q̄ in hos, pro quibus morimur, ita amore & affectu cordis
 propensius sumus, ut bonū nostrum in illis sit. Pro iusto autē mori, in quo iudicium tan-
 tum nostrum fit, non amor præterea etiam, neq; animi insignis affectio prorsus inaus-
 ditum est. CHRISTVS ergo in quo neutriū existit (nam & nobis antea nos impij,
 & ipsi hostes eramus) cū est mortuus pro nobis, nouā p̄fectio quandā, & omni inau-
 ditā tempore uitæ amoris erga nos, in Deo patre suo & in semetipso ostendit. T V M
 I V L I V S: Moueor, inquit, animo uehementer, cū ista ex te mi frater audio, quæ cū
 huius mihi maximi omnium doctoris magnitudinem mentis, admirabilemq; scien-
 tiam, tum beneficiū omnipotentis Dei, bonitatemq; & patientiā IESU Christi ante
 oculos ponunt, iamq; præclare extare uideo, quod tu antē promissas, si quis ista ipsa
 attentius inspexerit, diligentiūq; Euangelij doctrinam fuerit contemplatus, nequā-
 quam cum ullo tempore de fide CHRISTI dubitaturum, ita illustis, & perspicua
 uersatur mihi ob oculos fidei nostræ ueritas, multisq; multarum quæstionum, & dis-
 ficilium scrupulis per te mi frater, uel per eam potius, quæ tibi tributa est ab domino
 Deo facultatem liberatus sum, qui et si non me illi quidem uel tantulum traherent,
 ut ullis ecclesiæ in decretis hæsitare; in eo tamen erāt molesti, quod eos sæpe, quibus

cum disputabam, cum hæc ipsa illi, & alia non pauca obijcerent, per quæ lumini, & ueritati fidei tenebræ offundi quasi uidebantur, non poteram, sicuti quidem cupiebam, ea refellere. Nunc aduersus illos, & contra omnes præterea calumniantium argutias egregie armis spiritalibus instructus, nullum certamen deinceps pro ueritate tuenda detestaturus sum, nullius uim ingenij formidaturus. Illud tantum doleo, quod ad nos credentes iam peculiariter pertinet, ipsumq; ad me imprimis, etenim qui in hac fide CHRISTI nati, qui tanti mysterij participes, & consilij effecti, tanto ueritatis lumine simulatq; prodiuimus in uitam, per baptismi sacramentum illustrati fuimus, in eamq; sortem diuino munere uocati, ut supra hominis naturam ad societatem, & similitudinem ipsius Dei adiungere nos queamus, quamnam ipsi Deo gratiam, aut quod pietatis studium referimus? non ne multo maxima nostrorum pars scire nunc quam, nos uero qui doctiores, & acutiores reliquis uolumus esse, sanqua perraro in eam cogitationem deuenimus, ut fiat uamus nobis pie, & castæ, & lobriæ esse uicium? quod tamen consilium quasi uolucrum umbram celeriter a nobis sinimus auolare, & cum sana mente eiusmodi quippiam decreuerimus, non esse nobis ab Deo, & a spiritu ad carnem discendum, repente euestigio alij facti in id ipsum nos cõijungimus, quod fugere meditabamur. Quid est hoc? quæ hæc uis? qui animi error? quæ mentis caligo? Cur amor erga Deum noster, quem certe non inficiamus in cordibus habere, cur beneficiorum ab eo acceptorum memoria, cur fides, cur spes, cur diuinum illud uitæ beatæ præmium, regniq; celestis, ac sempiterni expectatio nos cõtineri in officio non potest? Tantum ne ista ualet, quæ circum nos est inducta caro? Hæc terrene induitiæ tantum habent uirum, ut me sæpenumero omnem cum Deo rationem habere meditantem ex celo ipse deducant, atq; eijciant, cupientemq; hæere mentis, si deiq; complexu, in CHRISTO Iesu meo, proturbent inde tamen, diuellantq; a beatæ eura, & ad inquinatas ac sordidas detrahant cogitationes? Hei quam uereor, ne ista ingenij, scientiæq; facultas, quæ nobis idcirco a Deo donata est, ut ad eum facilius, amantiusq; accedamus, recidat in contrarium, fraudiq; nobis potius sit, qui quò plus intelligimus, hoc & offendimus grauius, & magis iure plectimur. NOLI ORRORE, inquit, mi frater humanæ nunc statum cõditionis desistere, qui sic facti sumus, ut ne queamus in hac uita ullo a nobis pacto carnis molestias excutere; quippe licet enim nobis natura agnatae sunt, diesq;, & noctes uiuunt nobiscum, suosq; cuiuscmodi habent motus, ut non solum rationi nostræ, sed ne Dei quidem uoluntati sint obtemperantes. Est enim nobis comparatum ab ipsa natura perpetuò aduersus nosmetipsos certamen, grauiusq; & laboriosa dimicatio, cum ut Paulus ait: Concupiscat caro aduersus spiritum, & spiritus aduersus carnem, in qua assiduitate pugnandi aliquando carnem superare non mirum sit. Illam quidem Dei, & nostri prodicionem nefariam refugere debemus, ut ne carni spiritum subijciamus uolentes, quo profecto nihil foret perisidiosius. Quòd si mente, & uoluntate perpetuò cum Deo erimus coniuncti, quemadmodum retentis mœnibus etiam si hostis uoluerit in suburbijs, spes tam salutis adhuc firma est: sic nobis hærentibus in ipso Deo, uehementes, & subiti cupiditatum motus possunt interdum nos quidem attingere in terram, capere autem, abducereq; in seruitutem non possunt. Ad eam enim ipsam Dei gratiam, è qua paulisper excidimus, dono illius misericordiæ cito restituihur. Itaq; imagine similitudinis quadam, si tamen est fas ista sic proferre, & diuinis assimulare mortalia, CHRISTVS ipse quoq; in arce patris sui, solioq; omnipotentis Dei nihilominus permanens, ad carnem accipiendam inter homines delapsus est, qui quòd solus omnium hominum nullos unquam eius motus, nullas omnino carnis illecebras sensit repugnantes Deo, & rationi, fuit hoc diuinitæ in eo naturæ, & sine patre generationis proprium, ad quam nos facultatem non possumus aspirare. Sed nunc mi frater quoniam ad uesperum iam inclinat dies, & ista ipsa de qua laududum loquimur, ad curam sui nos inuitat caro, concedendum illi est, maiorq; nobis fidei nostræ, qui illam alendam, tuendamq; suscepinus, quàm illius iniuriarum ratio habenda. Cras, & perendie, quando festi dies sunt, persequemur reliqua. Nunc deambulemus paulisper si placet, animumq; ab hac seueritate disputandi relaxemus.

LIBER SECVN

DVS



AGNA nobis aggredientibus ad hanc rationē, exercitationemq; de Deo, & de diuinis rebus scribendi, atq; tractandi, proposita spes fuit, nos non ingenium modo, quod ab Deo accepimus, nec cognitionem artium optimarum, si quam eiudem Dei beneficio obtinemus, ad eius ipsius, unde ista profecta sunt, honorem, & laudem grato animo conuersuros, sed ceteris etiam affectionibus animi, quæ multæ sæpe, & variæ nos à rectis cōsilijs proturbant, modum ex ijs aliquem, & cum bona ratione concordiam esse reperturos. Quæ spes, & cogitatio nostra nos certe nō fefellit, si, ut mentem, & uoluntatem habere in potestate, sic etiam imperare facillè ceteris animi partibus potuissimus. Nam cum ea, quæ sunt cōsiliij & uoluntatis in nobis, ita iam pridem Deo per nos dicata sint, ut firmiter in eo hæreant, nec uideantur ulla unquam uel inde se diuulsura, illam alteram partem insidam, & turbulentam, quæ in affectionum uarijs permotionibus cōsistit, sic cum alijs sæpe, tum uero in hoc ipso munere, officioq; scribendi, incertam, fragilemq; experimur, ut nomen optimi, & charissimi fratris, quod nobis sumpleramus ad animi iucunditatem, per eam nobis conuersum sit ad dolorem. Labefactauit enim animum meum, & de constantia statu conuellit illius nobis adempti, ereptiq; memoria, quæ hoc etiam acrior remansit in nobis, quod gradus hostili casus, & post mortem eius secuta tempora sexnumero me cōmonuerunt, quantum mihi in illo opis, atq; subsidij ad omnes fortunæ motus fuisset ablatum. Non enim profectio mediocri aliquid in eo, neq; usitatum amisimus, sed cum summum illud ingenium, quod cunctis in eo, qui id nouerant, mirabantur, ceteri propter magnitudinem famæ, atq; rei uix credibile esse arbitrabantur, ita in omni optima parte se excoluisset, ut non solum naturam, & consuetudinem reliquorum, sed nostra etiam, qui instabamus, atq; hortabamur, studia superaret, tum summus inter nos amor, summa concordia, summa communicatio rerum, cōsiliorumq; omnium, quæ semper fuit, hanc etiam nunc uisum habet in nobis, ut nequeamus, non & incommodum nostrum tot in illis rebus iucundissimis orbat, & acerbam illius, ac immaturam mortem lugere; octauum enim annum, & uigelimum uix attigerat, cum ex hac uita migrauit, cum si uelimus ea, quæ gessit, & quæ consecutus est, expendere, & numerare, non ille propè adhuc adolescens, sed iam senex fatis fuisse functus uideatur. Nam ut Latinas, Græcasq; literas à prima pueritia penitus hauferat, tum legendis, ac perdiscendis, ut iussu linguæ optimis authoribus reliqua, quoad domi mansit, consumpsit ætatem. Post ad me conueniendum Romam profectus, cum cerneret genus illud uitæ, quod apud principes cum autoritate, & gratia in maximis rebus agendis, deliberandisq; uerlatur, egregiam quandam habere ad benemerendum de plurimis facultatem, idem ipse uicæ genus, atq; eadem studia appetiuit. Fuit enim, si quisquam unquam, ad humanitatem, ad liberalitatem, ad beneficentiam & naturæ, & uoluntatis propensus. Sed ut ad res gerendas omnibus copijs, opibusq; prudentiæ in omnem partem fieret paratior, ad eam sibi præcipue comparandam incubuit, quam in omni parte, & actione uitæ plurimum ualere sentiebat eloquentiam. Eam porrò, cum intelligeret sine philosophia expolitam planè, atque perfectam haberi non posse, admirabili quodam, & inaudito studiorum cursu, omnia Platonis scripta, Aristotelisq; perdidit. Non enim fuit illi ingenium ex eo genere, quod laudare tantummodo & probare, sed quod admirari, & ut superius hominis facultate, suspicere etiam solemus: memoria porrò tanta, ut quæcumq; audierat, legerat, aspexerat, ea uel semel notata, atq; animaduersa, in promptu postea proferre semper posset. Igitur trāsitus ad actiones, & negocia, id de se breui tempore præbuit specimen uirtutis, humanitatis, integritatis, prudentiæ, ut nulli iam maxime rei non cum ab ipso principe, tum à reli

quis omnibus idoneus, & par esse iudicaretur. Sed nos hæc ipsa in coñtuentes tum quidem, & admirantes, etiam in tantis coniunctionis fratribus, ad omnem uirtutem profectibus, gaudio efferebamur, spemque non dubiam eximiam in eo dignitatis constitutam iam habebamus; tamen quod uim illam incredibilem ingenij in corpore præsertim tenui, & imbecillo, cuiusmodi illius corpus fuit, uix diuturnam fore sperare poteramus, erat quædam admixta cum illa lætitia nostra animi ambiguitas, & sollicitudo, quæ me miserum denique non fecellit. Atque ut omnia, quæ ante dixi, in fratre mei amarissimo, & mecum concorsissimo, quandiu illis perfrui licitum fuit, uicem mihi iucundam, & lætam effecerunt: licet illo postea adempto, illa suauitate fraterna, illa spe, illis officijs, consuetudinibusque priuatus, acerbum habui penè omne tempus, quod secutum est. Nec hoc ex Christiana ueritate, ac disciplina, peccatum enim meum prius ipse confiteor, neque in hoc fratri ipsi meo par esse possum; ille enim, quoad uixit, cætera ita egit, atque suscepit, ut ad Deum semper omnia referret: Ego, qui plene hæc cognitum talis animos, atque ita institutus in CHRISTI religione mentes, qualis illa fratri mei profectio extitit, non sibi finem uitæ, sed immortalitatis institutum in ipsa morte acquirere, moueor tamen, & frangor animo, nec in recordatione optimi fratri à gemitu, & lachrymis temperare possum. Quando enim sibi aliud tale inueniet solatium, iam senescens ætas mea? quando erit, qui mihi illum referat, in cuius item amore, & beneuolentia, sicut in illo faciebam, posim conquesce? Quis mihi posthac illam curarum, cogitationumque communionem, & societatem simili cum fide consensionisque præstabit? Atque ut hæc omnia aliquo Dei immortalis beneficio aliquando mihi contingant, illum illum animum excellentem, ac singularem, illam uim inauditam uirtutis, atque ingenij, quis mihi generi, nomini, familiæque nostræ restituet unquam? ò fallaces serè semper spes nostras, inanesque, & fluxas cogitationes, quæ cum sibi sæpe, magna propoluerunt, capere certo cursu comprehendere iam, tunc uidentur, repente tanquam umbris illuse, & irritæ, nihil se solidum fecistas, sed tantum sibi poenitere reliquum esse agnoscunt, atque intelligunt, nec tamen ista omnia ut contemnant, adducuntur. Ego cum fratrem non amiserim meum, sed in eum locum præmiserim, in quo uno beate, & sempiternè datur uiuere, est quiddam tamen, quod me angit, & urget, nec esse sedato animo sinit, quod mihi fratrem ipsum meum desideratissimum, atque optimum, dies ac noctes offert, non ad lætitiæ animi, quondam ut solebat, sed ad renouandum illius mortis dolorem. Quem aliquando omnem quæso abijciamus, & in te, ò bone IESU, omnia uitæ solatia potius consistuamus. Namque has curas, & solitudines rerum humanarum, si quis altius in eis se mergat, & fluctibus illis ferri se patiat, quis non intelligat, non ulli tutum ad portum, sed ad calamitates uitæ, & ad naufragia perducere? Vnus est portus capiendus nobis, atque tenendus, si esse uolumus salui, firma in Deo spes, & in obtemperando illius uoluntati dedita nostra uoluntas, quæ etià si uehementiore aliquo animi motu perturbatur, & exterarum rerum impulsu concutitur: hæc tamen in Deo parte sui potissima semper debet, neque unquam ab eo se totam dimouere. Quod si humanæ naturæ imbecillitate, nostra sæpe consilia franguntur, quæ sunt sua sponte directæ ad summum Deum, tuum est, bone IESU, præbere te ignoscentem prolapsionibus non sris. An tu cum nihil antea rei tecum nobis fuisset, cum alios quosdam etiam tunc deos, alios fines, aliam uitam inueueremus, in qua quidem ratione cæci, amētesque eramus, accessisti ultro ad nos, ueritatem indicasti, peccata condonasti, uitam beatā promissisti. Nunc cum uolumus, cum laboramus, cum adnitimur, si non omnia proorsus impleuerimus, quæ abs te ad agendam diuinorem uitam præcepta nobis sunt, idcirco non aderis nobis, neque audies uocatus: nec labentis manu sustinebis sed corruere potius, & allidi patieris. Hem IESU bone, suscipe nos, & qui pro inimicis mortem uolens subiisti, nos certe iam amicos à morte uindica. Ac ne diutius in hac cogitatione teneatur oratio nostra, cum de Dei bonitate, & clementia ad ignoscendum dubium nemini sit, nosque his de rebus pluribus locis dicturi simus, redeamus ad ea, quæ nobis instituta sunt, ut mysteria fidei CHRISTI in ipso Paulo peruestigemus, Quorum si partem aliquam, bonorum ingeniorum dignam cognitione, Deo nobis inspirante

inspirante, primo libro aperuimus, alter hic qui sequitur, non inferiora continebit. Nam ut surreximus mane, ego & Iulius frater, partemq; eam temporis diuinis rebus dedimus, quæ erat bono mori, & religioni debita, tum complexi manus inter nos, ducto lectore nobiscum, ad easdem umbras perreximus, & in eadem, quæ pridie fueramus, confestim exhedra. **TUM IULIVS:** Non dici potest, mi frater, quam me tua hesternâ disputatio delectauerit, eis de rebus habita, quæ tamen solæ, aut præcipue mentes bonas delectant. De Deo enim, & amore Dei erga nos, nostrorum uicissim erga eum, qui audiunt, & intelligunt, nisi ipsam penitus ab omni recto sensu abhorrentes sint, iucundos quosdam morus interioris lætitiæ sentiant, necesse est, nequaquam comparandos cum uoluptatibus cæteris. Sed me cum alia multa afficerent; noua mihi quidem, & antea inaudita, quæ abs te prolata sunt, tum illud admirabile, penitusq; reconditum præpotentis Dei consilium, quo filium ille suum unicum, in carne hominis misit, ad perhibendum testimonium ueritati, ita me cepit, ut nunc iam non credere, nec persuasus esse, sed planè tenere, & scire mihi uidear, **CHRISTVM** esse unum, ex quo nobis sit uita, neque aliud nomen esse sub celo, per quod credentes, salui fieri possimus. Proinde ego hac nocte mecum cuncta ista diutius uolucans, & non pauca aduocans cogitationibus meis scripturæ loca, præsertimq; ex Ioan: Ille enim altius profectus in ipsa diuinitatis consilia se immergit, illam ueritatem spiritus, & natos ex mundo, aut ex Deo homines, & quorum non carnis, neque uiri uoluntas, sed Deus pater est; tum alia permulta, quæ in eius Euangelio, tanquam semina ueræ & uitæ, & sapientiæ dispersa sunt, sic percepimus omnia probè, & enucleatè, hoc per te introitu mihi patefacto, ut quæ antea mihi erant perobscura, nunc lucere ea meridie clarius, & ante oculos posita esse uideatur. Quod idem in Paulo mihi usu uenturum confido, magno enim lumine semel introducto patere omnis recessus, & angulos quamlibet occultorum locorum necesse est. Sed tu, mi frater, intelligentiam huius mysterij, num ex commentatione multa, nocturnisq; uigilijs, ac lucubrationibus, an alia quapiam ratione tibi comparasti? nam mihi quidem, si fari licet, quod sentio, quod cum bona uerba tua dixerim, hoc mihi hominis ingenio multo uidetur maius. **AN VERERIS,** inquam, ne mihi molestus sis, meumq; offendas animum, si hæc, quæ loquimur de Deo, & de consilijs Dei, à meo tibi ingenio, non uideantur profectæ? Non sumus, opinor, tam insolentes, Nouimus enim uires, & facultates nostras. Sed cum commisit nos Deo, toto corde, & pectore, ubi quid de talibus agendum, aut disserendum est, tum quod menti nostræ ab eo illucescit, sic arripimus, tanquam id anteponendum longe sit ijs, quæ diutissime à nobis quæsitæ, & inuestigatæ sunt. Quod ut magis credas, & mirere, Deum ipsum testatur, cui uni dediti sumus, nunquam ante hunc diem in quo de his agere coepimus, mihi huius arcani mysterij, non modo plenam notionem, sed ne uestigium quidem, ad indagandum ullum in mentem uenisse, quod nunc repente mihi totum apparuit, ut facile Dei donum id intelligatur, nec tam mea causa ab eo mihi tributum, quam & tua primum mi frater, qui ista maxime expetis, & eorum deinde omnium, qui ad Deum propius adiungere se uolentes, ea, quæ mundi sunt, spernere, & repudiare sint parati. Nam qui in mundo curas, & cogitationes suas dehunt, ad hæc lumina coelestis sapientiæ prorsus non conuiuentes, tamq; illa sibi habent tenebricosæ, & obscuræ, ut nos ea lucere, & clarissima esse intelligimus. Quorum infelix sanè, & miseranda est conditio, hoc quidem etiam magis, quod isti ipsi admodum sibi sapere, nimiumq; esse docti, & callidi uidentur: qui nobis etiam illudere soliti sunt, quod persuasum habeamus, ea nobis præoptanda esse, quæ ad manum non sunt, quorum autem est præsens, & parata possessio, ea posthabenda esse constituamus, etenim mens illis est hoc coeno, sordibusq; terrenis coinquinata, & obruta, ut erigere sese ad intuendam spiritus uim nullo modo possit, nec in illo altero regno, quod à sensibus absconditur, puris tantum, & recte institutis mentibus manifestum est, partem aliquam sibi, aut locum designare. Qui si, ut fidei, & **CHRISTI** causam nunc omittamus, uisili saltem animo, & consilio forent prædicti, sine ulla nimis dubitatione statuerent plus esse in his ponendum, quæ sempiterna promittuntur, quam illis tribuendum

buendum, quæ certo noscitur esse interitura. Quid est enim dementius, quàm ijs con-
 fidere quengquam, & gloriari, tanquam suis, quæ sua esse non possunt: atque illa con-
 temner, quæ si eius fieri possent, propria illi, & perpetua semper essent. Cum uero, si
 fidei C H R I S T I uim, & diuinæ naturæ bonitatem attentius inspicimus, neq; ina-
 nis spes nostra, nec Dei fallax promissio esse possit, quis erit tam auctus à uero, qui
 fidem nostram, inanem, infirmamq; & edulitatem, ac non stabilem, singularemq; sapien-
 tiam, illam autem rationem, quæ mundum magis sequitur, cognitionem certam, po-
 tius quàm leuem in opinando temeritatē esse constituat? T V M I V L I V S: Ve-
 rissima sunt hæc, mi frater, inquit. Nanque & ego fidei uim tacitus mecum contem-
 plans, plus etiam sapientiae in ea, quàm credulitatis, uideor agnoscere, quanquam ina-
 est quidem utrumq; sed istud magis. nam & considerare Deo, magis quàm mundo, ue-
 rioris sapientiae est, & sempiterna appetere, potius quàm mortalia, animi multo præ-
 stantioris. At enim ista à sensibus remota sunt. Quid tum? nonne & in istis curis, &
 cupiditatibus, quæ mundi sunt, sapie ea, quæ possidentur, & tenentur à nobis, spe plus
 habendi, uel in honore, uel in pecunia erogamus, atque effundimus? certumq; quod
 est abijcimus, ut quod incertum, consecremur? in quo crebrò solet cupidus homines
 fortuna ipsa refellere. Atque hoc illis eo incommodius accidit, quod infinitis prius
 sumptibus, laboribusq; factati, etiam si assequantur id, quod cōcupierunt, in quo spe-
 rant tandem se quieturos, in eo ipso maxime inducti, atq; decepti, omnium curarum
 stimulis, & sollicitudinibus anguntur. Nostra autem fides, hoc est, I E S V Christi, ea
 nobis sola optanda, sperandaq; proponit, quorum non in aditione solum beatus
 do, & immortalitas, sed etiam in ipsa spe, atque expectatione iucunda uita consistit.
 Non enim pollicetur nobis quicquam exiguum, aut mediocre, neque quod cum alia
 re, si comparatur, ex ipsa contentione tenue, aut aspernabile queat uideri, sed ipsum
 omnium rerum caput, naturæ totius principem, fontem latitiae, ueritatis, immortalis
 tatis, propriæ nobis possessione promittit, atque offert, cuius tam præcellis muneris
 magnitudinem, si uere uolumus pendere, atque aestimare, omnis ex mundanis uolus-
 ptatibus delectatio, omnis amplitudo imperij, atque honoris, cœnum nobis, & for-
 des præ illo uideatur necesse est. Etenim omnes Deum, etiam inuiti, aut ignorantes
 appetimus, nostrumq; in eo bonum nostrum, si non cogitato, & explicito mētis con-
 silio, at tacita naturæ cupiditate constituimus. In Deo enim omnes conditi, & facti su-
 mus, in illo & uiuimus, & mouemur, quantumq; ad illum contendimus appropin-
 quare, ad eumq; nos adiungimus, tanta nobis nostrimet & eius, quo uer sumus, sem-
 per fit accessio, quæ usque ad diuinitatis consortium nos pertrahit, deosq; esse facit,
 ut omni mortalitatis fragilitate, morteq; calcata, in sempiternis gaudijs, hincoribusq;
 uiuamus. Hoc unum prorsus, si incomparabile donum est, si digna Deo uox hæc, &
 tanti præmij in eo fidentibus facta repromissio, uox, & oratio Dei ista ipsa C H R I S-
 T I uis est, quo locutus est nobiscum Deus, quomodo optime, & commodissime lo-
 qui potuit, C H R I S T I Iesu uidelicet exemplo, uita, sermonibus, per eū ipsum nos
 admonens, ut à mundi cultu, amoreq; diuulsi, omnes in se uno amores nostros pones-
 remus. Atq; hæc uera, & unica in Deum fides est, quam sequitur diuinæ imitationis
 iustitiæ, cui quidem iustitiæ similis & par uita coniuncta est particeps & ipsa diuini-
 tatis, atque eiusdem cum ea sempiternæ beatitudinis consors, ad quam per unum
 C H R I S T V M est aditus. Ipse enim est illud ipsum mysterium, quod est abnegare
 mundum, & in uno Deo spem ponere, quemadmodum ipse in Ioanne attestatur, quā
 discipulos commendat Patri: Ego dedi eis, inquit, sermonem tuum. Dedisti planē
 I E S V bone, quippe, qui temetipsum nobis, & saluti nostræ tradidisti. Et mundus
 eos odio habuit. Quid ita uero odio habuit? quia non sunt, inquit, de mundo, iam
 enim deseruerunt, iam repudiauerunt mundi, & idcirco odio sunt apud illum, quem
 ipsi contempserunt. At cur de mundo non sunt? nonne & in mundo, & de mundo
 erant nati? erant enim uero, sed ut me consequerentur, à mundo sunt diuulsi, atq; ab-
 stracti. Quia & ego, inquit, non sum de mundo, de mundo non sum, sicut & ego non
 sum de mundo. Quid autem quæso hoc tantum est, non esse de mundo? & esse in hoc
 similem tui? quia aliter, inquit, uere sancti esse nō possunt. Sanctifica eos Pater in uer-
 ritate,

ritate, quæ est ista ueritas? Sermo tuus, inquit, ueritas est. Quid iste sermo, quid, inquam, est? ut abnegetur mundus, & solus expectetur Deus, quandoquidem utrique simul dediti esse non possumus. Iste sermo si in seipso spectetur, & in naturæ suæ ueritate pendatur, Deus ipse est, qui in CHRISTO fuit cum homine cōiunctus, si in nobis, uera est iustitia, & sanctitas, & uita in nos per Christum: ESVM ab eodem Deo infusa, atque traducta, in quo fidei CHRISTI diuinum planè mysterium cernitur. Atque hic idem sermo, primò ut ex ore Dei egressus, & prolatus est, ab Deo in mundum fuit missus, qui fuit CHRISTVS. Deinde per nos à CHRISTO in eundem mundum propagatur, ut prædicâtes omnibus diuinam ueritatem, & tanquam palmites in uite fructu uberem ferentes, quàm plurimos in unum quasi corpus coagmentemus, quod uero capite CHRISTO, pluribus distinctum membris huius totum sermone ueritate, tanquam diuinitatis spiritu animetur, ac regatur. Sed ego nimium longe progredior, teq; ad instituta interpretatione impedio. sed ignosces mi frater: ego enim nocturnas meas cogitationes ardore animi quodam erga Deum incitatus, quin exponere tibi, continere sane me non potui. ECCEISTI planè bene, mi charissime me frater, qui hesternis disputationibus nostris, extremam manum imposuisti, remq; ita exposuisti, ut sic demum fore perspicuū arbitrer omnibus nosse ista uolētibus, fidem in Deum illam, quæ ex Deo sola sit, & quæ uia hominibus ueram tradat iustitiam, cōmitemq; iustitiæ adiūgat immortalitatem, nisi in CHRISTO & per CHRISTVM nequaquam haberi posse. Quapropter hoc insigni & primario fidei mysterio, Deo nobis referat, iam indicato atq; monstrato, ad reliqua in ipso Paulo examinanda accedamus. Quod ut ordine instituto melius fiat, lege tu in codice quod scriptum est.

Propter hoc, sicut per unum hominem peccatum in mundum intrauit, & per peccatum mors, & sic in omnes homines mors commeauit, in quo, omnes peccauerunt, usque enim ad legem peccatum erat in mundo: peccatum autem nō imputatur, cum non est lex. Verum regnauit mors ab Adam usq; ad Moysen etiam in eos, qui non peccassent, in similitudinem præuaricationis Adam, qui est forma futuri.

CVM SVPERA dixisset Apostolus, de quo heri satis fuit disputatum, nos in CHRISTI morte, & sanguine Deo patri fuisse reconciliatos, & quòd, si ille hoc pro nobis, cum adhuc essemus inimici, egerat tamen, & perpassus fuerat, ut filium in mortem pater pro nobis traderet, filius mortem eam ipsam libente animo susciperet; multo nunc magis amicis iam factis uitam illam, quam ipse recuperasset à mortuis excoisatus, immortalēq; iam possideret, CHRISTVM nobis daturum esse, & cōmunicaturum, ne Iudeus possit mirari, & forsitan hæsitare, quid nobis cū CHRISTI morte, & resurrectione sit, aut quo illa pacto pertineant ad nos: Eodem, inquit, quo peccatum, & mors Adæ in nos, hoc est, in omne hominum genus fusa est, & propagata. Sicut enim in peccato Adæ proprio, & uoluntario, illiusq; morte, nos nulla nostra peculiari culpa, similitudine tantum illius præuicationis, comprehensi sumus, ut & peccatores simus pariter, & moriamur: sic in CHRISTI morte, & resurrectione nos nulla nostra propria uirtute, & iusti coram Deo effecti sumus, & uitam nouæ huius iustitiæ cōmitem accepimus. purgati enim à peccatis, atque illis mortui in similitudine mortis CHRISTI, & in similitudine eiusdem resurrectionis ad iustitiam resurriti, uitam eandem sure, quam ipse habet, consequimur. Quemadmodum enim in Adam, qui typus fuit, & forma humanæ speciei totius, quæ ex eo erat oritura, imprecisio peccati & mortis iniusta eodem exemplo peruasit in nos, & in totum posterum genus permanauit, ut quod ab illo, iudicio & uoluntate parati fuit, id nobis postea, quatenus ex illo progeniti sumus etiam nil tale cogitantibus, naturale sit factum, quòd à principio, & capite generis nostri dissimiles esse non possumus: sic in CHRISTO, qui typus fuit consequentium cum hominum, mors pro aliorum peccatis suscepta, uitaq; mox recepta, & peccatum interemit in his omnibus, qui è Deo geniti sunt.

sunt, hoc est, spirituali generatione procreati, & iustitiam eiusdem, uitamq; insinuauit. Ac sic ut propter Adam, non nostram nos, sed illius mortem morimur, hanc communem uidelicet, quæ in nobis naturæ est, in illo fuit culpæ, ex qua deinde culpa extitit, & facta est moriendi natura: sic propter CHRISTVM à mortuis excitatum non nostram uiuimus, sed CHRISTI ipsius uitam, illam iustitiæ scilicet, quod propria illa uita CHRISTI, facta est fidelibus cunctis communis. Mortuus enim nobis est CHRISTVS, ut nos illi uiuamus. Ita enim ad Corinthios: Si unus pro omnibus mortuus fuit, ergo omnes fuere mortui. Et pro omnibus mortuus fuit, ut qui uiuit, non amplius sibi ipsi uiuant, sed ei, qui pro ipsis mortuus est, & surrexit. In CHRISTO autem mors, ut non peccatum ipsius proprium, sed nostrum secuta est, ita ista uita recta, atq; sancta nobis per eum tradita, non propriæ nostræ, sed diuinæ in nobis per fidem iustitiæ est comēs. Quod alibi Paulus innuit, sic inquit, Omnia duco esse quiescunt, dum CHRISTVM lucrificamus, & reperiar in eo, non habens meam iustitiam ex lege, sed eam, quæ per fidem est CHRISTI quæ ex Deo est, iustitiam suam per fide. Exemplum itaq; & uis ex forma mortis, & resurrectionis IESV Christi, si similitudine eadem in nos transmissa est, sicuti peccatum, & mors per similitudinem præuaricationis ADÆ in nos fuit deriuata. Sed sermo Apostoli mancus esse existimatur in hoc loco ab ijs, qui parum attendunt hoc exemplum ADÆ non ideo præmitti, ut deinde sequatur in CHRISTO, quasi par pari facta relatio (nam id Paulus, aut ne quaquam possit, aut longo intervallo facit) sed sequi proxime dicta, & cum illis comparari. Sic enim CHRISTVS sanguine, & morte sua Deo nos reconciliauit, & per reconciliationem uitam etiam suam nobis dilargitus est, quemadmodum Adam peccato suo ab Deo nos distinxit, & per peccatum mortis effecit participes. Itaque illa duo uerba, propter hoc, superioribus uerbis magis adnectenda sunt, ut ita legatur: Sed etiam gloriantes in Deo per IESVM Christum dominum nostrum, per quem reconciliationem accepimus, propter hoc, id est, quia pro nobis & suscepit mortem, & exurrexit, ut non solum quis Deo nos reconciliauerit, sed qua etiam ratione, & quo pacto id egerit, à Paulo sit expositum, & ut exemplo id confirmet: Quemadmodum, inquit, per unum hominem peccatum, hoc est, sumultus, & dissensio cum Deo, & per peccatum mors in hominum genus est transiit. Sed tu fortasse iulsi, & de peccato, ut nostri appellant, originali, & de eius mortisq; propagatione in posteritatem aliquid hoc loco audire uis. IMMO, inquit, & id quoq; præterea, quomodo illam in patre primo generis nostri labem reparauerit CHRISTVS, cum nihilo post eum minus quàm antea, & moriamur, & à peccando nequeamus esse immunes. FACIENDVM est, inquam, ut tu uis mi frater, & quoniam horum uerborum in Paulo difficilis est explanatio, cum auxilium ex Deo postulandum nobis est, tum tota res altius aliquanto repetenda. IDEM nobis etiam commodius fuerit, inquit, etenim quid aliud omnino querimus, quàm intelligere? BENE SANE: Verum uideamus, quid aiat scriptura, quæ Deum formale hominem asserit è terra, gleba accepta, & inspirasse in eum flatum uitæ, hortumq; mox constituisse in Eden ad Orientem, in quo hominem locauerit, quem finxisset, eduxisse quoque è terra in illo horto arborem omnem aspectu pulchram, gustatu iucundam. Porro horti in medio dus uel imprimis nobiles produxisse arbores: Arborem uitæ, cuius pomorum esus à senectute, morteq; defenderet: & arborem cognitionis boni & mali. Cum ergo posuisset hominem Deus in hoc ipso horto, ut coleret eum & custodiret, ita illi omnia fruenda in eo, possidendaq; permisit, ut solam interdiceret arborem noscendi boni, & mali: De cæteris inquit pomis, & nucibus cunctarum arborum uestro arbitratu comedetis, ex arbore notioris boni, & mali, fructum nullum edendi causa attingetis, qua enim die cumq; comederitis, morte moriemini. Hoc Dei præceptum quorsum accipiendum sit, difficilis est consideratio, Nam nec inuidisse homini Deus tam præclaræ cognitionem, ut illa boni, maliq; est, ullo modo est existimandus: & quomodo ex illa cognitione mors sequatur, item est admirandum. Sed nos contentionibus omisiss, breuiter quod sentimus, exponere conabimur. Est igitur bonum duplex: Vnum est summum illud, & primum, quod Deus est, cui nullum omnino malum est contrarium, siquidem

liquidem ei, quod summe est, nihil e regione omnino est, quod aduersum responderat. Alterum est bonum, cui contrarium opponitur, ex aduerso malum. In primo illo bono, ut omnis mali experire, uita tantummodo est. In hoc altero autem bono, quod nunquam solum, neq[ue] syncerū, sed, ut sunt humana, mixtū cū contrariō malo semper est, & uita, & mors similiter est cōiuncta. Cum ergo prohibebat hominē Deum, ab esu illius pomi, in quo boni, & mali cognitio inlita erat, consulebat illius salutē, mori enim cum nolebat, uerum ita attemperabat uoluntatem suam, ut hominem tamē, quem liberum fecerat, praecepti necessitate nollet alligare. Boni itaq[ue] illius maliq[ue] cognitio ut uitares tur, demonstrata hominī est a Deo, ut ne in mali homo, & mortis plagas cōstringeretur, cui beator multo fructus uerū eius boni nōscendi & possidendi propositus esset, cuius gustum, & suauitatē nulla ex contrariō malo amaritudo in uita, nullus mortis timor posset prætērrūpere. In quo bono nimirū, qui Deus summus est, si se homo figere, & collocare constituisset, in uolatā malis uitam, eamq[ue] immortalem fuerat adeptus rus. Quoniam autē dimisso principe bono, alterum id genus boni potius est consecratus, quod malum in se admixtum contineret, non mirum est, si in ea uita, quam magis appetiuit, mortem etiā contraxit, quae uitae illi necessariō inerat adiuncta. Sed scrupulus rursus & dubitatio: si enim huiusce boni, maliq[ue] cognitio, effectrix est mortalitatis, quae potest illa esse in Deo: cum tamen Deus in scriptura sic loquatur. Ecce Adam factus est tanquam unus ē nobis, nōscens bonum, & malum, quem Dei sermonem, qui per trōnem esse prolatū uoluit, hī mihi non solum Dei maiestati, sed etiam scripturae sanctae grauitatē, summāq[ue] auctoritati detrahere uidentur. Non enim certe, ironice id protulit, quod secutum est, ut prouideretur, ne de ligno uitae ederet, & uiuere in aeternum, quod Dei decreto Adam praecepit e paradiso exturbatus est. Nos autem dicamus huiusmodi boni, & mali diuersam in Deo ac nobis esse cognitionē. Deus enim a principio, & tanquam a causa ad cognoscendum illud decurrit, totaq[ue] mētis, & intelligentiae in Deo est cognitio: nos uero a sensu, ab usu, a contractu, ab experiundo, discernimus, doq[ue] ad eandem nixi intelligentiam ascendimus. Porro autē non in eo, quod intelligitur, sed in eo, quod sentitur bonum, hoc & malum mortis causam affert. Itaq[ue] ab ipso Deo non interdictū oculis hominis, qui & ipsi uim suam cognoscendi habent, quanaquam non principem illam, neq[ue] praecipuam, quae est mentis & rationis propria: sed palato prohibitu, & gustatui fuit. Id enim iam erat bonū, malumq[ue] in nos ipsos accersere, atq[ue] insinuare si pomū comederetur. Hoc igitur bonū, quod prohibebat hominē Deus in pomi esu, mortemq[ue] poenam praetuaricanti proponebat, mundus iste est, & mundana haec uita, quae falsis illecta, inductaq[ue] uoluptatibus ueram aduoluerantibus specie boni, ubi a uero & summo bono nos abstraxerit, in mœstias, & sollicitudines nos mergit, & in ipsam comitē moreris deniq[ue] rapit mortem, quod totum nobis accidit, quia mundi amatores effecti ab ipso Dei summi amore nos disiunximus. Hoc bonum secutus Adam, qui primō a Deo, tanquam in consilio utrorumq[ue] bonorū constitutus, & simplicis illius, atq[ue] summi, & huius cum malo, & cum calamitate mixti, ut utrum uellet, sibi deligeret: ubi se ad Euam, hoc est ad carnem suam, & ad mundanum bonum inflexit, dimisso diuino, hancq[ue] naturae suae insitam cōditionem esse uoluit, ut mundi amator esset homo, & peccatū ipse commisit, mortemq[ue] contraxit, & nos ex se progenitos in eadem mortis, atq[ue] peccati induxit labem. Est enim in nobis etiam res lucrantibus, & inuitis ingeneratus profectio istius mundi amor, & dulcedo quaedā mors, talis uita, a Deo nos distrahēs, & boni illius fructū nobis diripiens, quod non summi modo, uerum etiam solum bonum est. Atq[ue] hoc est peccatū originis mihi frater, quod in natura nostra tantum labis induxit, quod si attentius considerare uelimus, quomodo & susceptū a primo patre Adam, & in nos natura transfusum sit, mortemq[ue] acciuerit in humano genere, facile id possumus intelligentia percipere. ab hoc enim improbo, & deo infenso mundi in nobis amore cum cōtumacia illa nascitur, quae nos Dei imperio, & uoluntati facit repugnantes, tum cupiditatum etiam in nobis, & amentium appetitionū, morborumq[ue] animi, & perturbationū omnium turba exoritur, quae tanquam rebellis familia, dominam suam oppugnat rationem, nullamq[ue] ei partē temporis neq[ue] diurni, neq[ue] nocturni puram, & uacuum a molestia relinquit, quod quidē hominī iure

cuenit, quando ordine turbato si nos Dei imperio minus audientes sumus, nec animi
 mum ipsi nostrum in potestate habere debeamus. Natura igitur nobis iam agnatum
 est, quod in parente nostro fuit uoluntarium, ut & amemus mundum, & idcirco mori
 riamur, præclaræ hæc hereditas mortis, atque peccati ab illo parente nobis tradita est,
 quam necessarii sequitur à summo bono alienatio, ut quia Deum non toto corde disti
 gimus, omnes filij iræ in natura producuntur, repulsi ab oris regionibusque celestibus,
 & terræ dñatis partibus potius addicti. Carnis enim & concupiscentiæ sectam, impe
 riumque sequentes, quæ ad terram nos, & ad terræ bona deripit. Spemque in illis omnem,
 & fructum uitæ constituentes, dominum nobis mundum possibito Deo facimus, &
 adoptamus. Ob quod uideamus, quid dicat scriptura factum fuisse Adæ: Et emisit eum,
 inquit, Dominus ex paradiso uoluptatis ad colendam terram, ex qua fuerat sumptus,
 & eiecit Adam, & collocavit eum in regione paradisi deliciarum. Vides ne mi frater
 totius humanæ uitæ formam, antequam Christus uenisset ad nos, in his scripturæ uer
 bis expressam esse? ex quibus intelligimus peccatum in nobis, quod haec sumus ex
 Adam, atque accepimus, hoc ipsum esse, quod ad propiora hæc nobis, & præsentiora
 terræ bona delabentes, dominum mundum sequimur, Deum uerum relinquimus.
 Deus porro ipse zelotes est, neque patitur deos alios præferri sibi, & anteponi. Ita enim
 inquit ad Israël: Non curabitis te ante sculptile, neque id coles, quia ego dominus Deus
 tuus, dominus zelotes uisitans iniquitatem patrum in filios. At qui sanè qui mundum
 colunt, non sese curant duntaxat ante illum, sed totos se in illum prosterunt, atque
 abijciunt, ut nullius sculptilis cultus, quam hic mundi amor, & seruitus animi, quæ ter
 renis bonis sumus adstricti, Deo infensior atque inimicior esse possit. **ATTENDO,**
INQUIT, & simul intelligere iam incipio, quid attulerit nobis Christus, & quem
 admodum is commune damnum humani generis aduentu suo correxerit, qui certe
 auocauit nos à mundo, & ad Deum uerum conuertit, docuitque nos illo admirabili,
 uereque diuino, uitæ suæ cursu, ut rationes uitæ nostras non in hoc mundo, neque in fluxis
 illis, & fugacibus bonis, sed in Deo & sempiterno bono omnes poneremus. Quam
 etiam deliberationem uitæ agendæ in baptismo profitemur. Verum mi frater scire ex
 te oportet, priusquam ad uiteriora gradiamur, quæ fuerit futura in Adam immortalitas,
 si peccatum ille non admisisset, & quo pacto in nobis mors ex peccato sit produ
 cta. **CUM FBCISSET,** inquam, hominem primum Deus, sic illum compactum
 esse uoluit ex mente, & corpore, hoc est, ex immortali, & ex mortali parte, ut pars ta
 men inferior superiori fuerit adhaesura, si in ipso fonte uitæ Deo mens primo ipsa hæ
 rere uoluisset: aspectus enim ipse ad Deum, mentisque conuersio prorsus illi subiecta,
 & dedita nequaquam ullam in partem sese commouens, spiritum inde illum uitæ as
 due excipiebat, à quo primo facta fuerat in animam uiuentem, cumque ipsa spiritum
 deinde in omne corpus rectis ordinibus trans mittebat, quod totum è rationis Deo
 inhaerentis arbitrio dependens, nullis ipsum suis agitationibus turbatum, neque cum
 mente discors eodem illo Dei statu implebatur, seseque cum mente, & cum Deo uno
 nexu continebat, ut auditum nullum sibi mors, neque ianuam ad conuclendum illam
 consensionem posset inuenire: post uero mente, & ratione, per gustatum uetite arbo
 ris à Deo diuulsa, & in transuersas detorta partes, cum obstructis aut declinatis meatibus
 illis, qui recti antea, & inter se congruentes spiritum Dei, & uitam in totum ho
 minem infuebant, mens primum ipsa, quamquam suapte natura immortalis, melio
 rem tamen in se diuinæ gratiæ, quam naturæ suæ uitam amisisset, corpus quoque, quod
 sua sponte fragile, & primum in terram esset, neque amplius medio intersepto cursu,
 uitam è Deo haurire, ut antea posset, morti concedere necesse habuit, quandoque
 dem nec stare ipsum ualeret per se, neque ipsius diutius in uitam sustinendi ullam am
 plius haberet ratio potestatem. Ita omnibus in homine partibus dissipatis, atque con
 uulsis, secumque, & cum Deo discordibus effectis patefacta morti uia est, omnesque sub
 illius potestatem postea succedere. Ac duarum quidem arborum illarum, quas in pa
 radisi medio à Deo productas legimus, altera fructus suos iam extulit cognitionem
 boni, malique uidelicet, quæ est à nobis carè admodum, atque infelicitèr misera primum
 totius uitæ, deinde ad extremum ipsa morte comparata; alterius uero poma arboris
 nullum

nullum certe non ad finem à Deo producta sunt, quæ sunt uitæ efficiētia, & immortalitatis. Nihil enim frustra, nonq̃ ad certos fines unquam agit Deus. Sed quoniam ita cecidit, ut seculum prius, & ita antecedens primi parit̃is uitio hominū auersio à summo Deo, & ad mundum, terramq̃ conuictio arborem illam mortis & præuariationis anteficeret, altera aibor, quæ sit immortalitatis rob̃ obis reſtitutiſſe, filio ipsius Dei, qui nos erat à mundo ad Deum reuocaturus, luto: cōp̃ illi seculo, in quo nō amplius carnales sed spirituales uiuiri sumus, fuit protectio reſeruat̃a, cuius uim, & admirabilem potestatem crux CHR̃ISTI gloriola in semetipsam suscepit. Ea enim uitæ uera arbor est, propagine culturæ celestis illine huc traducta, quæ filium Dei in se panem uitæ & immortalitatis sublatum alte mundo exhibuit, quæ exportata fuit e Hierusalem eius ipsius humeris, quem ipsa latura erat, quò planum fieret cunctis ista animaduertentibus redemptionem humani generis nō in una Iudeorum natione conclusam, sed cuncto orbi terrarum à Deo communicatam, & expositam esse, quam crucem cum esset filia teteri imum antea omnibus, turpissimumq̃ supplicium, idcirco CHR̃ISTVS suscepit, ut luum diuinum myſterium penitus compleret, quo mundi infima omnia, aspera q̃ elegit, ut alta illius expetita q̃ profineret, ne ad cœlum Deumq̃ ascenderet nitentibus ea forent impedimento, cunctosq̃ commoneſceret & doceret nō amplectendis mundi suauitatibus, & premijs, sed uno Deo amando atq̃ expetendo ad honorem nos immortalitatis, & ad uera uitæ bona peruenire oportere. Verum ut redeamus ad conditionem humanæ uitæ, quam nobis primi parentis nostri culpa constituit: electo, atq̃ exturbato ex pacato illo loco in exteriorē terram homine, proposuit illi Deus labores, & sudores, uitamq̃ ut ageret difficilem, ac ærumnosam, mortiq̃ demum cederet, naturæ lege sanxit. Igitur ille miser gratia Dei pristina, a citaq̃ amicitia spoliatus, atq̃ orbatuſ, secum ipse semper discors, agitatq̃ metu assiduū mortis, & uitam trahens difficilem, atq̃ duram, mox in ipsa quoq̃ morte angelorum fere illorum præda efficiebatur, qui grauiore errato, asperiore conſumacia in ipsis suæ creationis primordijs Deo rebelles esse instituerent, cum Deum subſiſt̃e misericordia, & cogitatio eiusmodi (sicet enim nobis, qui inter homines loquimur, & loquendo tempora producimus, de illis diuinis sine mora, & tempore consilijs humano modo loqui) in illa, inquam, æterna & incommutabili mente sic miseris cordia locuta est. Hocine est Deus opus tuum illud illud tuum, quod ut dignitate cæteris præcelleret, manibus ipse tuis supremum efficiſti? quod ad imaginem tuam confinxisti: quod inferiori mundo, & animantibus reliquis tanto cum honore præſentum uoluisti: quò te cogitabas hæc cœli spatia, & has mentium sedes beatas, frequētioreſ etiam, oratioresq̃ redditurum, & in eorum loco, qui scelere suo inexpressibili cecidiſſent, incoas cœli homines te facturum? in quibus animum immortalē cum mortali corpore coniunxeras, non ut deterior pars meliorem obrueret, sed ut deteriori melior de sua nobilitate impertiret, quæ nunc conuerſa ratio, & tota commutata est. Iacet princeps corporeæ naturæ homo à tua facie repulſus in umbra mortis, squallens, ſordensq̃, tantum iam natus ad moeroreſ, atq̃ ad ærumnas, ne finem quidem miſeriae um in ipsa ſibi morte reperiens, qui hoc dignior & nobilior uidetur fuiſſe factus, ut calamitoliuſ deinde, turpiuſq̃ concederet. Læſiſ ille te, uolauit, offēdit, fatcor, sed tamen ſemetipſum grauiuſ, nec cuiquam, quàm ſibi inimicior fuit, ut certe immenſam tuam bonitatem illius hæc culpa non debeat ſuperare. Quòd ſi ego ē tua mente non penitus excidi, ſi priſtinuſ mihi apud te manet locus, ſi meæ tibi ſemper acceptæ, & nunquam ingratæ acciderunt preceſ, miſerere o pater æternè operis tui, & reduc illud in gratiam tuam, tuumq̃ primū uerūſ & potentiuſ ſit conſiliū, quàm hominiſ error, qui ea, quæ tu illi ad ſalutem attribueras, conuertit ſibi ad perniciem. Quòd ſi te hæc ratio & miſeri, atq̃ afflicti hominiſ non moueat miſericordia, etiam ne impiū illud genus perditōrum angelōrum, quod tibi ē regione infeſtum ſemper & aduerſariū eſt, hæc tam opulenta præda, & triumpho deuſſi, ac capti generiſ nobiliſſimī eſt donaturuſ? Hæc oratione cōmotuſ Deuſ iam peccati, & iniuriæ immemor, reſpexit ad ſeſe, & ad bonitatem ſuam, ſapientiāq̃ ſibi ſua in conſilio adhibita, damnuū, quod primi hominiſ culpa cuncto generi humano

fuerat illatum, reparare constituit. **I** V R E I L L E quidem mi frater, Iulius inquit: quippe qui non ex misericordia minor sit, quam ex ininita uirtute, & potestate sua, **S** E D A D huiusmodi reparationem, inquam, multa fuerunt opus. Nam cum semel à Deo, quod statutum est, nunquā postea possit, debeat uel rescindi, non alterius potuit sapientiae esse, quā diuinæ, ita dirigere cursus rerum, or dinesq; actionum, ut in res futuendo, & in reuocando ea, quæ conuulsa, collapsaq; procumbebāt, nullus fieret tu multus, nulla confusio, nulla conflictatio earum rerum, quæ simul stare, conuenireq; non possent, sed Dei consilium solutum, & liquidum, non impeditum, neq; anceps ad fines suos pertenderet. Itaq; cum duplicem homo mortem contraxisset, & illam corporis comitem, iam naturæ humanæ decretam, atq; adiunctam, & duriorē atq; inferiorem alteram, quā à coniunctione & gratia summi Dei errore uoluntario idem homo cecidisset, ei in utroq; opitulari constituit Deus, ut & mentem hominis ad amorē sui, studiumq; retraheret, & corpus indueret, ac uestiret immortalitate. Sed hoc posteri, in quo nullæ nostræ partes sunt, totumq; est Dei potestas & deliberatio, sic est à Deo institutum, atq; ordinatum, ut optime, ac congruentissime institui posuit. Est enim corporum immortalitas in id tempus reiecta, quo lege expleta omnibus moriendi, quā semel legem latam rescindere non fuit fas, omnibus quoq; una nouā uitam conseruandi facultas concederetur, uel excitarentur potius omnes ad immortalitatem, non ex sua uoluntate, sed ex uocatione diuinā, qui si ut mortē appetissent singuli, statim in uitam restituti fuissent, clamor, & concursatio, & strepitus abeuntium multorum, aliorumq; redeuntium: tum autem moeror in his, qui adhuc uiuerent, in illis, qui iam reuixissent exultatio, & ob futuram deinde impunitatem maior ac expendum oblatas cupiditatis alacritas, Deiq; tuta contemptio, omnia in orbe terrarum confusio, & in solitis motibus perturbassent. Itaq; sanctæ ac feueræ, summoq; diuinæ sapientiæ consilio in unum, atq; id extremum & uleimū tempus cunctorum excitatio ad immortalitatem est reseruata. In altera uero parte ut ad amorē Dei homo reduceretur, mundumq; præ eo contemnere ut persuaderetur, quoniam in ea non solius Dei partes sunt, sed ad illius uirtutem, & potestatem necessaria etiam est nostræ uoluntatis consensio, quæ ab ipso nobis Deo libera est attributa, multo plus negotij ad prouidendum, & laboris fuit. Nō enim solum suasionibus, & monitis in eam uoluntatem homo adducendus fuit, ut repudiato domino mūdo, totum se Deo dederet, atq; dicaret, sed & exemplis instruendus, & terroribus adigendus, & premijs, atq; honoribus fuit inuitandus, quod quidem postremum in libera natura, atq; ingenua plus habere uirium, & momenti debuit. Itaq; huc potissimum incubuit diuina sapientia, cumq; cunctorum præmiorum, quæ sensus moueant, præcipua uideatur esse immortalitas, quæ sit cum beata uita semper coherens, atq; coniuncta, huius maxime spe atq; expectatione consequendæ, fulciri hominem, & corroborari oportuit, ne illecebris mundi delinquit, & captus, quæ languorē, & effeminationem semper afferunt, ab illa intentione animi deficeret, quæ esset conuersa, & directā ad unum Deum. Igitur de principio Deus cum ipse per se à mundi initio usq; ad Moysen aliquot sibi homines delegisset, quos sponte sua, ut cæteros ad cupiditatem mundi prolabētes, in sui tamen studio, & amore retineret, lege post per Moysen promulgata & lata, prophetas per interualla temporis misit, qui salutari fungentes legatione ad hominum genus perferrent hanc Dei erga ipsos plenā clementiam, & benignitatis uoluntatem: qui tamen cum homines & ipsi essent, sæpē in his offenderēt, à quibus alios, ut cauere, admonebant, nec uerbi diuini uim, quam mortalis infirmitas non sustinebat, pleno documento hominibus enuntiarent, filius est Dei ad nos postremo missus, cuius facta uerbis cum potiora etiam essent, cū nulla præcepti uis tam absoluta esse possit, ut eam non ille uita æquaret, atq; expleret, facile est intelletum non eum nuntium duntaxat præcepti, uerbisq; paterni, sed uerbū ipsummet, & præceptum patris fuisse. Quæ de re satis à nobis heri fuit dictum. Verum is in mūdo apud nos constitutus, & ad eam rem natus, atq; factus: primum ut inter Deum & homines conciliator esset: amicitiamq; Dei per suam obedientiam nobis acquireret, quā Adam & sibi & nobis, mūdo & carni magis quā Deo obediendo, amiserat, Deinde quo

quo fructum huius conciliationis caperemus, ut illa nos doctrina celesti erudiret, mundi bona, malaq; in neutram partem nobis asstimanda; sed tantum in Deo spes ponendas esse, non solum ipse monendo, agendo; id nos docuit, utrum etiam exemplo certo, atq; præclaro in semetipso nobis ostendit, quanta eam uitam, quam nobis agendam proponebat, apud Deum præmia, atq; ornamenta sequerentur. Surrexit itaq; in nouam uitam, & corpore immortalis iam, atq; impatiibilis effectio, in cæli palam ascendit, regnumq; sempiternum apud patrem eam adeptus, aditu eodem nobis patefacto, ut si sequi illius uestigia uelimus, ad eandem & ægni, & immortalitatis gloriam ualeamus perueniri. **DIGNVM HOC** mi frater, Iulius inquit, illa diuina bonitate consilii, plenæ sapientiæ, & humanitatis deliberatio. Et quidem fuit æquum, ut primum consilium Dei, quo ille erat ab initio hominem, ut is in perpetuum potius uiueret, fabricatus, carus, cum de his, quæ esse possunt, quod melius est semper uelit Deus, æquū inquit fuit, ut pristinum illud Dei consilium, erroris, & peccato hominis præcelleret, hominib; ipsi per clementiam, & benignitatem id redderet, quo sua ille culpa fuerat priuatus. **ATQVI INQVAM** Iulii oportuit **CHRISTVM** Dei filium, hoc ita facere, ut exurrectionem corporum futuram, ipse à mortuis primus exurgens in semetipso cæteris ostenderet, eundē utiq; necesse fuit prius etiā mori. **ADMODVM** inquit, **QVID**, nonne hoc oportuit fieri reuera, non in imagine, & simulacro, quādoquidem nequaquam est diuinæ ueritatis, præstigijs uti, neq; uelle quenquam in errorem inducere? **OPORTUIT PLANE**, **NUNC** adhibe animum huic quæso, & rationem meam considera. Electus est, qui suscitationem corporis hominibus in suo corpore ostenderet, eosq; illa spe, & expectatione tanti præmij ad Dominū Deum conuerteret, qui si ipse fuit suscitandus, mori etiam anteq̃ suscitaretur debuit, & quidem ante mortem uitam aliquam degere. Nunc tu totum eursum hunc uitæ, mortis, susrectionisq; **IESVM** Christi ita ne expendis, & æstimas, ut in eo tantū spectata sit exurrectio, mors uero ipsa Christi & uita appendices duntaxat fuerint, nec aliquid ipse per se utilitatis & commodi humano generi ad cognoscendū Deum, colendumq; attulerint? **QVIS** hoc impius sic fateatur, inquit cum uita, & mors Christi tanto excellentiorem, quā corporis exurrectio nobis ostenderit uitam, quāto beatius est fide, ac pietate hætere in summo Deo, quā ipso corpore immortalē uiuere. Namq; & hanc corporis uitæ perpetuitatē, si ab Deo auerla, alienaq; sit, miserrimū dicere nō sum dubitaturus. **RECTE TV** quidem mi frater, inquit, etenim hæc profecto magnitudine, & infinitate sapientiæ est Deus, ut cū quid agit, & constituit, non extrema tantum consilio suorum, sed & principia, & media diuinis uelit resecta esse mysterijs. Sed iam cōparemus, quid ad reparandum Adæ detrimentū retulerit nobis Christus. Hoc enim opinor primo abs te fuisse quæsitū. Primū dico, quod præstantissimā omnium uitā nobis retulit eam mentis, animæq; uidelicet, quā solam uerū dicere non dubitamus, cū sumus in gratia, & amicitia cū Deo, quæ tota nobis per Adam fuerat amissa. Deinde quod immortalitatem corporum restituit, quanquam hanc quidē distulit in suum tempus optimis rationibus adductus. Sed eā certe in se ipse iam patefecit, planctq; ostendit nobis nō defuturam. Verū quæ illis duntaxat, qui cū pietate, & fide ad Deum se cōtulerint, iucunda, atq; optabilis, cæteris misera, atq; ærumnosa esset aduentura. Nam quod solet quæri utrū **CHRISTVS** fides nobis originale peccatū abstulerit, abstulit nimirū ex ea parte, quatenus dissidebamus cū Deo, Deumq; nobis aliū & dominū mundum constituebamus, quod erat tamē in nobis omnium malorū maximum. Carnis quidē repugnantiam, & dissidium cupiditatis cū ratione, menteq; reliquit, non ut ea nos obrueret, in terramq; deprimeret, quod ante aduentū **CHRISTI** usu ueniebat, sed ut uim in nobis uirtutis, tolerantiaq; acueret, prælūmēq; nostrum corā Deo, & laudē ex uictoria nobis redderet insigniorē. Verū his iam enodatis, ut ego arbitror, & ad clariorem intelligentiā adductis, redeundū nobis est ad Apostoli uerba, nisi tu fortē aliud mauis. **HOC IPSVM**, inquit, nam mihi abs te de omnibus satis est factū, **CVMAPOSTOLVS**, inquit, ex morte, & exurrectione Iesu Christi conciliationem ad nos cum Deo, & salutem, ac uitam diceret esse transmissam, ac ne quis in modo, ac ratione dicti dubitaret, subiicisset statim exemplū Adæ,

qui

qui & ipse potuisset à se peccatum & mortem in posteros transfundere, in hoc ipso Adæ errato aliquantum immoratur, ut melius demonstrata communi calamitate generis nostri, quantum Deo per CHRISTVM gratiæ debeamus, liquidius etiam intelligamus. Quemadmodum, inquit, per unum hominem peccatum in mūdum ingressum est, & per peccatum mors, & sic in omnes homines mors peruasit, in quo omnes peccauerunt, in uno illo homine uidelicet. In Adam enim generis capite omnes peccauerunt, cum peccauit ille, propriumq; & uoluntarium peccatum suum nobis comune & naturale reliquit. Quod & alibi Paulus: Quemadmodū in Adam, inquit, omnes moriuntur, ita in Christo omnes uiuificabūtur. Quod si in uno illo generis parente omnes peccauerūt, similes illi deinceps nati, atq; producti, peccati autē naturæ semper natura mortis appositā est, sicut in Adam peccauere omnes, ita & in Adam omnes moriuntur; eadem enim ratione, quā similes illi in peccato sumus producti, similes etiam in morte obeunda sumus. Vix enim ad legem, inquit, peccatum erat in mundo, peccatum autem non imputatur, cum nō est lex. At quænam ista lex? nec dubitandum diutius est, quin de Moylis lege sentiat, licet à doctissimis aliter sit interpretatū. Nam si de lege naturæ intelligat, quonam modo quæso exprobrat illa hominibus peccatum, & poenā peccati irrogat, quæ uno ordine omnes ad poenā, & ad mortem uocat tam innocentes, quā noxios? Deinde quando ista naturæ lex non fuit, quam antē, in mundo cum esset nihilominus peccatum, post aduentum eius primo cœpit exprobari, cum antea non exprobraretur: In pueris auiunt, quibus antequam lex rationis adueniat, peccata uitio non attribuantur: Ergo in mundo Apostolus in pueris uoluit intelligi, quod nequaquam consonat. Nos uero potius intelligamus, & ante, & post Moylis legem peccatum quidem fuisse in mundo, uerum ante legem incognitum fuisse, ideoq; nec exprobratum uera illa exprobratione scilicet, quā id peccatum est, in quo intelligitur Dei esse offensio, qui peccati intellectus per legem primum est cognitus. Ideoq; Apostolus: Per legē, inquit, est cognitio peccati. At enim fuit diu ante ab Deo & Cain, & Sodome, & in diluuiū omnibus exprobratum peccatum: sed nos de hominū iudicio, & exstimatione loquimur. Nam si uelimus Deum comprehendere, cum sit per legem cognitio peccati, sine lege Deus uel Moylis, uel naturæ notionem peccati nullam habuisset: non exprobrabatur igitur peccatum cuiquā ante legem, quia nec sub uera peccati ratione cognoscebatur, neq; tamen ita anguste hoc interpretandum est, ut nemo unquam ante legem aut suū, aut alterius peccatum intellexerit, potuerūt enim id multi cognoscere, ex illis præcipue antiquioribus, qui propius ab origine, & creatione diuina cum abessent, eiusdem monitis Dei & legis uim, & peccati nosse potuerunt: sed quod in maxima multo parte, neq; hominū modō uerum etiam temporum, usu uenerat ut peccatum ignoraretur, id pro communi sumpsit Apostolus, qui etiam caute admodum locutus est, cum dixit, non imputatur: nō autem dixit, quod nemo illud imputat. Quod si occurratur ante Moylis legem etiam alias aliarum extitisse gentium leges, quæ peccata hominibus exprobrarent, eaq; plecterent, iam dictum est solum id esse peccatum, in quo sit offensio omnipotentis Dei, quod ante Moylis legem ignoratum mundo fuit, in quo quidem genere uno peccati sic intelligendo & hic, & ubiq; insitit Apostolus. Ante legem ergo quod erat in mundo nihilominus peccatum, post legem demū corpē obiectari: namq; & ante legē ab Adam usq; ab Moysem mors regnauit, quod uidetur eo sensu dictum, quasi ex stipendio peccati, quod est mors, ostendere uelit peccatū in pri mo illo homine ab omnibus hominibus admissum unā & patratū fuisse, quippe cum omnibus item mors obeunda sit, ut ab illo fuit obita, in quo firmissimum sibi ē lege aduocat argumentum. Etenim si lex, inquit, quæ est ab Deo omnia intelligente tradita, peccata quædam hominibus describit, eaq; suscipi interdicat, & uetat, quam si contra ueniatur, peccatumq; admittatur, mors est, nō obtemperatī poenā proposita, tanquam semper peccatum necessario mors sequatur; eadem profecto ratio, sed cōuerso ordine, si mors omnibus etiam ante legem illata semper est, pro aliquo utiq; peccato ab eodem summo Deo, qui & legem & in lege mortē, peccatis poenā proposuit, illis fuit præstatura, sed nō omnes peccatis proprijs certa à se susceptis uolūtate offenderunt

derunt, qualia postea multa suscipi posse indicauit lex, & tamen omnes mortui sunt; ergo in uno homine, & parente primo ab omnibus communiter hominibus fuit offensum. Hoc argumentum quantam uim habeat subtiliter inuentibus facile poterit apparere. Conclusum enim certè est, omnes in uno homine homines peccauisse, etià qui peculiare crimen in se non admisissent. Regnauit ergo mors ab Adam usq; ad Moysen, quod idem est, ac libero suo iure est per bacchata, neminem sibi eximium, cui pars ceret, ducens, ne ex eo quidem numero, qui ipsi ex se peccatum non perpétrassent. At cur his saltem non pepercit? quia, inquit, si non proprium illorum, at originis peccatum, quod similitudine præuicationis Adam tràsulerant in se, in alijs fiat, Vt & ad Philippenses: Imitatores mei estote, & considerate sic ambulantes, ut habetis formam nos. hoc est, ut quemadmodum ego me gero, item uos geratis. Sed quid? non ne & post Moysen mors regnauit? regnauit utiq;. Verum illud Apostolo imprimis est propositum, ut uno parentis primi peccato omnes omnino cõdisside ossèdat, idq; ex una omnis morte nitatur cõprobare, quæ etià ante Moysen commune peccatum humani generis ulta fuerit, ut quasi regnare sit, suo iure, libere, ac suo arbitrato usam illà fuisse, quæ postea sub lege cum quempiam legis uiolatorcm perimebat, non tam suo iure in eo utebatur, quàm ex præscripto agebat, hoc est ex imperio, & potestate legis, ut regnare ante legem esset libero suo iudicio, & non interpellato iuris sui cursu generale peccatum in hominibus punire: post legem uero, ministrare tam legi, & seruus eutem quandam in obtemperando illi suscipere, atq; contrahere. Nam si in hoc quoq; loco studeamus id asserere, morti dominant in animas simul hominum & in corpora legem primum Moysis obuiam ille, illiusq; tyrannidem uocandis hominibus ad honorem, & cultum summi Dei, & ipsi in bonis moribus inuitandis repressisse, dicimus & ante legem uocatos à Deo in amorem, & cognitionem sui fuisse multos, legesq; nō tam sublata post peccata, quàm aucta potius, multiplicataq; fuisse, quod & mox Paulus, & in alijs sæpe locis repetit, atq; confirmat.

SED NON ut delictum, sic & donum. Si enim unius delicto multi occiderunt, multo magis gratia Dei, & donum in gratia unius hominis IESV Christi, in multos abundauit: & non sicut per unum qui peccauit, donum, iudicium enim ex uno in condemnationē: Donum autem ex multis delictis in iustificationem.

ABSOLUTA priore comparatione, qua ostenderat exemplo Adæ aduersus Iudas obtrecentes CHRISTO reconciliationem cum Deo, & uitam per unum IESVM Christum in omnes homines transmisisse, sicut per Adam peccatum & mors in omnes fuerat transuicta: Nunc utriusq; factū inter se & Adæ, & CHRISTI comparare aggreditur, utrum fuerit eorum ualidius, & fortius. In qua quidem contentione, gratia, offensione reperietur potentior, non numero quidem eorum, qui seruandi sunt, præ his, qui perire, sunt uel perituri. Non enim id nunc intendit Apostolus, nec libertatem suam cuiquam adimit, eligendi utram uelit sectam, siue interire ex præuicatione Adæ cõstituat, siue seruari ex obedientia CHRISTI. Nō enim numerus eorū hic, qui aut beneficio, aut damnatione comprehenduntur, inter se conferunt, sed uis, & potestas peccati atq; gratiæ in comparationem est adducta. Primòq; ex utriusq; auctore & capite, delicti ac gratiæ fit contentio: deinde ex duplicibus & gratiæ, & delicti effectibus. Ac primum: Si, inquit, unius delicto reliqui mortui sunt, hoc est, quod ipse appellat multi, ipsa multitudo uidelicet, multo magis gratia Dei, & donum, in gratia unius hominis IESV Christi in multos abundauit. In his enim uerbis uis & peccati, & gratiæ, ex nobilitate, & potentia eorum, qui utriusq; auctores sunt, in cõtentionem adducitur. Peccati enim author est homo, gratiæ, & doni Deus: Si peccatum igitur ex unius peccato tantum ad mortem potuit, donum, & gratia ex

N Deo

Deo multo plus ualebit. Ad quid autē sit ualitura, paulo pōst exponet, ut nimirum regnetur in uita. Porro quantum inter Deum, & hominem interest, tantum interest inter peccati uisum, & uisum gratiæ. Quod autem ait: Gratia Dei & donum in gratia unius hominis **1 E S V** Christi in multis abundauit, sic est intelligendum, quod prius homo **1 E S V S** Christus hanc in se Dei gratiam, & hoc donum accepit, & in seipso omnibus, sicut Adam primus peccatum in se concepit, & in seipso omnibus. Sicut enim Adam naturā in se hominis ad carnis, & mundi amorem posthabito Deo conuertit, & in eo omnibus Adæ filijs carnalibus illa ad mundum conuersio est facta: ita homo **1 E S V S** Christus mortem carnis peccati in semetipso concipiens, eandem in omnes Dei filios spirituales immisit. At cur non spirituales homines eodem modo filij **C H R I S T I**, sicut Adæ carnales: Nempe ob eam rem, quod caput, & fons peccati, atq; carnis est homo. Ideoq; in carne filij Adæ sumus, gratiæ autem, & spiritus non est homo pater, sed Deus. Primus itaq; Adam homo peccare per sese ipse potuit, sicuti peccauit, & ideo est contaminati generis pater: surgere autem ad gratiam per sese homo non potuit, idcircoq; illam gratiā, & iustitiam, & uitam hausit ex Deo homo **C H R I S T V S** Iesus, & ex eodem Deo in **C H R I S T O** nos hausimus, qui per spiritum, & obedientiam, & fructum gratiæ Dei filij effecti sumus. Atq; hac comparatione inter auctores peccati, & gratiæ facta, ad comparandos effectus utriusque peccati, gratiæq; procedit. Ac non sicut per unum, qui peccauit, donum quod, Conuersus enim est horum uerborum sensus, perinde est, ut si diceret, Ac non sicut peccatum, ita donum, quorum utrumq; per unum inuectum est. At quamobrem non sic? Quoniam, inquit, iudicium quidem ex uno in condemnationem, donum autem ex multis delictis in iustificationem. Hoc est, inquit, interuallum, hæc distantia inter peccatum Adæ, & inter donum ac beneficium summi Dei: quod si ex unius iudicatione peccati omnes damnati sunt, tantumq; potuit peccatum unum, ut ualuerit cunctis ad damnationem, quantam uim illius beneficij esse oportuit, quod non ex illo uno peccato humani generis communi duntaxat, sed ex plurimis postea peculiaribus etiam peccatis nos restituerit in iustitiam.

S I ENIM unius delicto mors regnauit per unum, multo magis abundantiam gratiæ, & doni iustitiæ qui ceperint in uita regnabunt per unum **1 E S V M** Christum. Igitur sicut per unum delictum in omnes homines in condemnationem, sic & per unum iuste factum in omnes homines in iustificationem uitæ. Quemadmodum enim per inobedientiam unius hominis peccatores constituti sumus multi, sic & per obedientiam unius iusti constituentur multi.

I N E A D E M insistit contentione Paulus apostolus delicti, atq; doni, & quod modo contulit uisum, & facultatem illorum inter se, ex authoribus primum, ac deinde in seipsis & effectibus eorum comparans, atq; inquit, quod si unum tantum potuit peccatum, ut omnes condemnaret, quantum plus potuit donum, quod ex plurimis peccatis iustitiam reuocaret. Nunc effectum alterum utriusq; adducit in comparationem, quod si à delicto regnum mortis per unum inducitur, multo magis per unum **1 E S V M** Christum abundantiam gratiæ, & donum iustitiæ qui acciperint, regnabunt in uita, hoc est, si tanta est inter peccati auctorem, auctoremq; gratiæ differentia, quod unus illorum homo est, alter Deus, si tantum inter uim quoq; & peccati & gratiæ interest, quod uno ex peccato inducitur est cōdemnatio, gratia nō unum modo peccatum, uerum innumerabilia peccata sustulit, cū fructus peccati sit mors, gratiæ uita, tantum etiam interuallum inter hanc mortem, hancq; uitam esse necesse est, quantum inter illa p̄lora interfuit, ut quantum Deus homini, gratia peccato, tantum etiam uita hanc quæ ex gratia Dei per iustitiam in nos fluxit, illi morti præponderet, quæ est ex peccato unius hominis inuecta, atq; hac effectuum utriusq; contentione facta, deinde in sequentibus uerbis modum exponit, quo per Adam lesi fuimus, & quo per **C H R I S T V M** seruati, quā dicit, quod per unius inobedientiam pecca

peccatores effecti sumus, & per unius obedientiam iusti. Verum quo pacto ex unius inobedientia nos peccauerimus, dictum iam est, nempe eo quod Adam à consideratione, & respectu Dei ad mundum, & carnem potius conuersus, in eoq; non obediens Deo, eundem mundi amor è, & propterea in Deum inobedientiam transfudit ad nos, à quo mundi amore CHRISTVS sua cruce, & morte ad Deum nos reuocans subiectionis ipsi Deo, & in obedientia deditos omnes, qui simul mundo cum eo mori uoluerunt, effecit.

Lex autem interuenit, ut multiplicaretur delictum, ubi autem multiplicatum est peccatum, superabundauit gratia, ut quemadmodum regnauit peccatum in morte, sic & gratia regnet per iustitiam in uitam æternam per IESVM Christum.

QVOD paulo ante posuerat in comparando, maiorem multo potèntiam fuisse gratiæ, quæ nos ex peccatis plurimis ad iustitiam, uitamq; reduxerit, quàm peccati, quod unum, & per unum nos damnationi subiecerit, nunc id demonstrat, quomodo ex peccatis plurimis in nobis collectis & coaceruatis uim maiorem suam ostenderit gratia. Quoniam, inquit, ut grauius etiam, & copiosius peccaremus lex interueniens effecit. Ad peccatum enim originis & naturæ, quod est in amore mundi, & propter eam causam in imperio & dominatu carnis ac cupiditatis implicitum esse, accessit lex, quæ hoc in nobis effecit, ut cum nihilominus carni, & cupiditatibus seruiremus, tum contumaciam quoque & contemptum Dei præceptorumq; eius non seruanda lege suscipere, ex quo pondus maius additum est peccato. Itemq; illud ex lege nasci sumus, quod multa, quæ suapte natura peccata non sunt, illius interdictione aut præcepto, iubentis illa fieri, aut uetantis peccata inueniuntur, si non ex præscripto legis fuerint obseruata. Lex igitur accessit, ut multiplex redderetur delictum, ut inquit, ergo idcirco ne data lex, ut frequentaretur etiam magis, & maiorem uim nancisceretur peccatum? nequaquam illa quidem ob eam rationem, & causam data est, sed ut peccati potius cognosceretur. Per legem enim cognitio peccati. Quid autè facit ista cognitio? Hoc nimirum ut cognita nostra imbecillitate ad auxilium gratiæ Dei confugiamus, nostramq; nullius momenti iustitiam ducentes, illam ab Deo ipso iustitiam expectamus, quæ in CHRISTI fide, & mortis illius dono nobis est ostentata. Proinde etiam si dicamus ideo legem fuisse datam, ut multiplicaretur delictum, non absurde sentiamus, dum ne in hoc tamen fini insistamus. Non enim finis, & extremum legis est, ut grauius peccetur, sed ut admissis & cognitis grauioribus peccatis, ad quæ propulsanda uirtus nostra est impotens, fiducia in Deo nostra, & in ipsius gratia ac benignitate tota constituatur. Quo uno modo maxime, lex ad fidem CHRISTI fuit præparatio, ideoq; Iudæis potissimum diuino egregio beneficio data, ut genus ab Deo iam inde in patre suo Abraam electum, & ex quo oriturus erat CHRISTVS, illorum ex lege peccatorum multiplicatione admonitum, & princeps recognosceret se, & sibi ipsi diffidens ad Deum iam humilitate, non legis opere se adiungeret. Superabundauit igitur gratia, ubi multiplicatum est peccatum apud Iudæos uidelicet, in quo & ipsa gratia potentiam suam apertius indicauit, & gratiam illam nobis impertientis Dei amplior atq; illustrior facta est gloria. Superabundauit autem, ut quemadmodum peccatum in mortem nostram regnauerat, id est per mortem oppressos nos tenuerat, ipsa ita nunc Dei gratia in nobis regnet per iustitiam, per quam ubi iustos nos effecerit, ab illa iustitiæ uita, in uitam æternam, & beatam, intromittat, auctore IESV Christo domino nostro, qui fuit nobis Adam iustitiæ, & uitæ immortalis: sicut alter ille prior fuerat mortis.

Quid igitur dicemus? manebimus in peccato, ut gratia multiplicata sit? absit. Qui mortui sumus peccato, quomodo amplius uiuimus in eo? An ignoratis quòd quotquot baptizati sumus in CHRISTVM Iesum, in mortem eius baptizati sumus?

ECCE uis baptismi & mysterium fidei nostræ, statusq; eorum qui fidem CHRISTI rite amplectuntur, de quo nunc loquitur Apostolus, paulopost de statu eorū, qui uiuunt in lege, etiam locuturus. Cum enim CHRISTVS morte sua carnē in se perimeret, quæ in eo caro non fuit peccati, sed similitudinem carnis peccati in se perit, ipse enim se pro nobis fecit peccatum, ut in carne nostrā peccatum perimeret. Nos qui carnem peccati uere amicti sumus, qui ex Adam illam infectam, & contaminatā traximus, morimur in morte CHRISTI cum baptismum acceperimus, in eoq; proficemur nos Sathana, & pompis eius renuntiatos atq; abiectis, Deo soli credere, & confidere paratos. Sathanam enim & pompas eius, id est, mundanas omnes spes cupiditatesq; rejicere, idem est ac carnem peccati se exuere, sed CHRISTVS in similitudine quidem peccatum quod nullum habebat, in seipso extinxit, carnem in ueritate, quæ tamen caro quoquo modo in homine interempta est, secū ipsa perimit, & interficit peccatum. Nos similitudinem in morte carnis usurpamus, in ueritate peccatū in nobis interimimus, tamet si res, tempusq; ferat, & defensio, aut declaratio ueritatis sic postulet, etiam carnem re uera projicere sumus obligati. Sed hoc casus & dies aliæ quando affert, illud quidem solenne & statum omnibus est, ut in baptismō hanc fidē, & sectam uitæ proficemur, quemadmodum posthabitis terrentis omnibus in Deo uno fidem nostram constituimus, & locamus. Itaq; mortui sumus peccato omnes, qui in CHRISTO baptizati sumus, quod si non simulate, sed uere illa est a nobis & corde concepta, & ore, ac uerbis enunciata uitæ professio, qui possumus amplius inuere in peccato, aut quo pacto operationes malæ, prauæq; cum fide CHRISTI hærere in nobis possunt? Nam qui dicūt sola ex fide saluos nos fieri, neq; ad salutem bonas operationes requiri, ipsi se impediunt, suum ipsi dictum tefellunt, & tedarguunt. Fides sola satis est ad salutem, fateor, sed ut integra sit, neq; ulla sui ex parte diminuta. Fides porro est peccato esse mortuum, & uiuere Deo: hoc est, ea quæ agat quisq;, & quæ speret, habere omnia posita in uno Deo, neq; cum mundo cōmērici quicquid, aut nimis arctæ rationis cōtrahere: hoc enim est mortuum esse peccato. Tū uero qui una in fide spem uitæ constituit, cum ab ea disiungis & auellis peccati mortem, quid tam amplius fidei, quo illa merito fides appelleretur, relinquis? nec uero illa ratio ueræ rationis est particeps, manendum esse in peccato, ut Dei benignitas, & gratia magnificetur, siquidem ibi magis illa abundat, ubi est grauius, frequentiusq; delictum. Si enim hoc ita sit, nequaquam magnificatur Dei benignitas, sed opprimitur. Illa enim in hoc sese exhibet illustrem atq; amplam, diuinæq; iustitiæ, & bonitatis suæ lumen ostendit, quod aufert a nobis peccata, & iustitiam suā nobis iam factis fidelibus impertit. Qui uero manere insistant in peccato, non modo non illustrant Dei summi beneficentiam, sed ne illi quidem locum, ubi se explicet, relinquunt.

Conspicui sumus igitur cum illo per baptismū in mortē, ut quēadmodum excitatus fuit CHRISTVS ē mortuis per gloriam patris, sic & nos in nouitate uitæ ambulemus. Si enim consiti fuimus similitudini mortis illius, nempe & resurrectionis erimus. Hoc noscences, quod uetus noster homo cruci unā affixus fuit, ut aboleretur corpus peccati, quo ne deinceps seruiremus peccato. Nā qui mortuus est, iustificatus est a peccato: si autē mortui sumus cum CHRISTO, credimus, quod & uiuemus cum eo.

MAGIS etiam ac magis Apostolus uim eam sacramenti, quæ in baptismō est, & fidei CHRISTI mysteriū declarat. Ac in baptismō quidem trina illa nostri in aqua immersio, rursusq; iter facta ex aqua emersio, & cū CHRISTO nos sepeliri in fide ueræ trinitatis, & cum CHRISTO item resurgere in eadem fide denotat. Sed ut uideamus clarius similitudinis nostræ cū CHRISTO, & terum earū, quæ inde eueniunt, consequentiā, sic consideremus. Mors carnis, & corporis id professū affert, ut peccatum simul cū ea, & peccati effectrix cupiditas moriatur: CHRISTVS porro in cruce mortuus est sponte, ac uolens, coeleste illud hominibus præbens documentū nulla esse mundi bona, quæ uere expetenda sint, quādoquidem nec uita propter quā bona

bona illa ipsa mundi expectantur, facienda tanti sit, ut nō illi longe Deus, & sperata ex eo bona anteponantur, hoc est plenū, & integrum hīdei CHRISTI mysterium, quā se se fides tota in Deo, & spe Dei collocat, a mundo autem, & mundi bonis auellit, atq; abstrahit. Nos ergo qui hīdem itam amplectimur, & CHRISTVM sequi, colereq; institutos, nūi in eadē sumus, quā ille & voluntate, & sentētia, falsō Chrilianum nos, men usurpamus. Quid ergo dixerit quis p̄p̄a, num corpus & uitam abijcere statim debemus, ut cum CHRISTO fideles Deo inuiciamur? Minime istuc quidē re, sed uoluntate debemus ita esse parati, ut si eā a nobis Deus depoposcerit, si nos ipse in certamen p̄o ueritate deduxerit, si est mors nostra fructū proximis suscipiendae ueritatis, pietatisq; allatura, corpus nostrū aliorum acerbitati facili permittamus: Ipsi uero nequaquā agere id ferentes, sed Deo gratias agentes, qui tantum nobis honoris uoluerit, habitum, pro illis ipsis Deū insuper deprecemur, qui nos ferro, & igne ad perniciem uitae fuerint infectati. Haec est summa fidei nostrae, haec uis, hoc praeponens Dei in salute nostra consiliū. Verum nō saepe hoc a nobis postulat Deus, ut te ipsa moriamur. Dies erit cuiq; sua moriendī cōstituta. Voluntatem quidem huiuscemodi nostram & decretum mentis nostrae postulat, ut litauamus pro Deo, & pro ijs bonis, quae ab Deo nobis proposita sunt, nō inuitis, si accidat, eis moriendum. Re autem & facto semper utiq; hoc postulat, ut ea quae sequuntur carnis, & corporis mortem, atq; unā cum eo occidunt, & cōmoriuntur, cuiusmodi est mundi amor, & cupiditatū regnum, & uoluptatum illecebra, & auri, argenti, lautaeq; suppellectilis studiosa comparatio, honoris quoq; & opum & potestatiū ambitus, omnia prorsus intreat in nobis: & quamquam in carne etiam nunc uisum, carnis tamen operibus, & effectionibus sumus mortui, alioquin si ista carnalia abijcere renuimus, si pergitur in cupiditate, & ambitione uiuere, quo nā pacto probemus nos ad deferendam ultro pro Deo uitam uoluntate esse paratos? CHRISTVS igitur totum hoc documentū ipse in se expleuit, cū corpus suum addixit morti, quo nos morti illius similes facti supremā quidem corporis mortem Dei arbitrio libere referuimus. Interim uero, quod muneris nostri, & Christi imprimis officij est, partē illam mortis in corpore subeamus, quae nō penitus corpus, sed luxum, & diffuentiam corporis, animiq; prauos motus ad corpus se accommodans, ita abolet in nobis, atq; interficit, quā ratione quidē peccato mortui uere & dicimur, & sumus. Rursus cū CHRISTVS in carne resurrexit, illamq; recepit uitam, quae non amplius occasura, sed futura erat in eo iam immortalis, cumq; ascendit in caelum, & ad dextrā patris cōsedit, alteram partē mysterij plenam, & perfectam in se nobis ipse demonstrauit, quae praemia uidelicet, & quae ab Deo honores eos consequantur, qui pro Dei honore, & pro caelestibus praemijs mundum & suauitates mundi fuerint aspernati, ut nos, qui illam adhuc uitam obtinere non possumus, obtinebimus autem postea, inierim tamen ea consecremur, quae illius uitae propicia, semperq; illi adiuncta futura sunt, innocentia dico, iustitiam, pietatē, charitatē: nam & haec quoq; nūquam moriuntur, fructusq; immortalis animi nostri immortales & hī sunt. Quod si ex illa morte peccati, quae peccatū iam in nobis CHRISTO cōmortui interemimus, ad hāc nouam uitā iustitiae, quae diuini generis iustitia est, nō humani, negligamus exurgere, ne ad illam quidē uitā, quae in corpore futura apud Deū est beata, atq; immortalis magnopere aspiramus. Ex his satis patere arbitror, quod sit mysterium fidei, & quae beatissimi uis, nostraeq; cū CHRISTO mortis ueteris hominis, hoc est, eius qui ex Adā progenitus est, & nouae uitae ex Deo, cū Deoq; similitudo. Sicut autem CHRISTI a mortuis exurrexerit gloriam Dei patris illustrē reddidit, sic nostra ex peccati morte ad nouam iustitiae uitam excitatio nō uirtutibus nostris, sed eidem bonitati, & gloriae Dei ascribenda est. Consiti ergo si fuimus similitudini mortis CHRISTI, & resurrectionis erimus: hoc est, si similitudinem mortis eius in carne nostra, quatenus scilicet morimur peccato, non totam mortem ferimus, & resurrectionis illius similitudinem feremus. Nunc quidem non resurrectione tota, sed quatenus ad uitam iustitiae resurgimus, post autem & integram resurrectionem, cum in supremo mundi iudicio reuiuiscemus, & mortem item suscipiemus integram, cum ultimam nostrum diem obibimus. Consiti autem, inquit, ut non ore tantum, neq; enunciatione uerborū, sed corde,

menteq; coniuncti, & in unum quasi conflati cum CHRISTO ipso in mortem, & uitam sumus. Nam sic quidem uetus homo noster cum eo crucifixus fuerit, corpusq; in nobis peccati interierit, corpus autē peccati quatenus ex eo oritur, seruetq; peccatum, ut ne amplius deinceps seruiamus peccato. Nam qui mortuus est, purgatus est à peccato. Quod si uere cum CHRISTO mortui sumus, fide & uoluntate uidelicet, credimus etiam, & confidimus cum eo nos uiuuros, in hoc quidem seculo nouæ iustitiæ uita, in altero etiam corpore, & immortalī illa totius hominis gloria.

Scientes quod CHRISTVS suscitatus ē mortuis, amplius nō moritur, mors illi nō amplius dominatur. Quod enim mortuus est peccato, mortuus est semel: q; autem uiuit, uiuit Deo: sic & uos existimate uos ipsos mortuos quidē esse peccato, uiuētes autē Deo in CHRISTO Iesu domino nostro.

INSISTIT Apostolus, & similitudinē eandē in nobis prosequitur, per quam mortem, & uitam CHRISTI imitatione quadam referimus. Vt enim mortē illius ab eo in corpore exceptam nos in peccati morte, quæ pars est uniuersæ mortis excipimus, sic eiūdem uitā uniuersam & integram, qua ipse & corpore & iustitia in æternū iam uiuit, nos in ea parte nūc recipiamus qua iustitiæ uiuitur. Ac sicut illa in eo uitā immortalis est, sic in nobis non amplius moriatur iustitia: semel ille peccato mortuus est nostro nimirum, & nos semel sumus mortui, ne uē in id denuo incidamus, ut rursus in eo nobis sit moriendum. Iustitiæ autem uitam, quam ipsius uitæ CHRISTI à mortuis excitati imitatione suscipimus, inuiolatam, & perpetuam iam teneamus, in qua uiuimus iam Deo, non peccato, aut mundo. Atque hæc in nobis imago sit uitæ eius, quam Deo uiuit nunc CHRISTVS, ille enim ita Deo uiuit, ut & in æternum cum eo uiuat, & Deus ipse sit: Nos ita in hac iustitiæ uita uiuamus, ut ab ea nunquam discedamus, & Dei similes in illa, ac tanquam filij & nominemur, & sis mus: quæ quidem uita peccato mortuum esse & per iusticiam uiuere Deo, totum est fidei nostræ mysterium, qui est CHRISTVS, consiliū, & sermo omnipotentis Dei, in quo uno hanc uitam nobis uiuere cōcessum est. Vbi enim non est CHRISTVS, neq; mundo, & peccato mori quempiam contingit, neq; item uiuere ipsi Deo.

Ne igitur regnet peccatum in mortali uestro corpore, ut pareatis illi in cupiditatibus eius, ne uē præbetē membra uestra arma iniustitiæ peccato, sed præbetē uos ipsos Deo uelut ex mortuis uiuentes, & membra uestra arma iustitiæ Deo. Peccatum enim uobis non dominabitur. Non enim estis sub lege, sed sub gratia.

CVM peccatum regnat in nobis, nosq; ei subiecti, & dicto audientes sumus, tunc exhibemus illi membra nostra, & totum corpus, ut ad peccati nutum, atq; imperium illa præsto sint. Porro imperat peccatum uoluntati nostræ, tanquam militi, & apparatusi suo, ut ad omnes corporis cupiditates explendas membra cuncta ueluti arma, & parata habeat, & quotiescunque annuerit cupiditas, capiat illa atque ad ministrandum corpori in suis cupiditatibus accurrat: quibus quidem armis ad iniusticiam, hoc est ad omne genus sceleris & improbitatis peccatum uitur, quod nos dehortatur, ne in corpore nostro patiamur. Apostolus: rursusq; idem hortatur, ut exhibeamus nosmetipsos Deo, uelut ex mortuis uiuentes, & membra nostra arma iustitiæ eidem Deo, ut sint prompta & præsto ad omne imperium Dei, qui his membris ut armis ad iusticiam, hoc est ad omne genus uirtutis & probitatis est usus. Sed quod ait, uelut ex mortuis uiuentes, idcirco ait, quod iustitia uita animæ est, ad quam quidem iusticiam posteaquam CHRISTO à mortuis surgente nos quoq; cum eo illius nouæ uitæ referendo similitudinē confurreximus. Nam & ipse surrexit ob iustificacionem nostri, ut scilicet & nos ad iusticiam exurgeremus, postquam, inquam, sicut mortui fueramus peccato in CHRISTO mortuo, sic ab ipso peccato, & iniustitia per resurrectionem eiusdem tanquam à morte in uitam iustitiæ restituti fuimus, hanc

hanc ipsam iustitiam, & uitam, quam ab Deo accepimus illi ipsi, unde profecta est, exerceat, & conseruare debemus: hoc etiam magis, quod in memoria habentes & grato recolentes animo, quam tetra ex peccati morte ad cuiusmodi cum Deo, & in Deo iustitiae uitam traducti fuerimus, qua de re haud ita multo post Paulus faciet mentionem, magis agnoscere beneficium omnipotentis Dei, & plus illius gratiae tribuere obligati sumus. Velut ex mortuis igitur uiuentes, id est, qui hanc nouam uitam ipsius Dei beneficio obtinemus, cum peccato nostro ante eilemus ipsi mortui. Atque ideo ipsam hanc uitam illius uoluntati totam subijciamus. Peccatum enim uobis non dominabitur, inquit: Non enim estis sub lege, sed sub gratia. Rationem dat, quare nobis non dominabitur peccatum: quia sub gratia sumus, & non sub lege, quia spiritualem iam uitam uoluimus in CHRISTO, non amplius carnalem, ex qua parte duntaxat & carnis, & corporis subiecti sumus legi. Nam ex spiritu certe illi non subijcitur. Non dubium autem est, quin dum sub gratia sumus, peccatum nobis non dominetur, sed illud est dubium, quod & qui sub gratia sunt, interdum etiam peccant, ex eo quod gratiam amittere uidentur, & qui sub lege sunt, uidentur posse non peccare. Sed semper nobis, ista ut intelligamus, ad mysterium fidei reuertendum est, ex quo illa à Deo nobis adest gratia, quod spiritu sancto nos admonente, à mundo, & mundi bonis diuulsi, atque abstracti, bonum omne nostrum in Deo uno, & in eis duntaxat praemijs, quae ab eo nobis in caelo sunt proposita: statuimus & locamus. Hae enim ex Deo illuminatione nostra, haec directio mentis, & uoluntatis, gratiam, & iustitiam illius in nobis imprimunt, ut qui ueritatem tanti mysterij, non auribus hausimus solum, neque in aliena fide, atque autoritate repositam duntaxat habemus, sed corde, & mente percipimus ipsi ut aliquando etiam in peccatum prolabamur, quoniam tamen id praeter animi nostri constitutum est, nunquam illud in nobis regnare, neque dominari patiamur. Qui uero sub lege Moysis sunt, ut qui mundo, & mundi cupiditatibus sunt affixi, licet praecpta quaedam habeant ex lege, quo se pacto in cupiditatibus illis gerere & gubernare debeant, tamen serui necessario sunt peccati, quando totum etiam illud, quod lege eis est permissum, ut bona terrena magni aestiment, coram Deo quodammodo peccatum est: ex quo etiam dictum fuit à Paulo, & alijs locis dicitur, quod ex operibus legis coram Deo non est iustificatio, & item ad Philippenses, quod cum ipse secundum iustitiam, quae est in lege, factus esset irreprehensibilis, quae tamen ei lucra ex ea fuissent, propter CHRISTVM, illa arbitratus sit damnum sibi esse, & etiam nunc arbitrari sibi damnum: in quo profectò ostendit legis iustitiam coram Deo, quoniam ab radice sua in terra teneatur, peccatū potius esse. Quo enim pacto aliter damnum ea sit, nisi quod nihil tam discrepans fieri potest, neque tam dissonum, & infociabile inter se, quam & mundana appetere, & Deum simul amare? Ergo nobis iam non dominabitur peccatum, qui sub hac gratia & non sub lege amplius sumus.

Quid igitur? peccabimus, quando non sumus sub lege, sed sub gratia? Absit. Non ne scitis, quod cui exhibetis uos ipsos seruos in obediendo serui estis, cui obediatis, siue peccati in mortem, siue obedientiae in iustitiam? Gratia autem Deo, quod eratis serui peccati, obedistis autem ex corde, in quam traditi fuistis formam doctrinae, liberati autem à peccato, serui facti estis iustitiae.

HAEC postulatio interrogantium si peccandum est, postquam sumus sub gratia, & non sub lege. Iudaeorum propria est non intelligentium, quantum seruitutis & mali sit in peccato ipso, praeter effectum etiam illum peccati, qui est mors, quae maxime in lege peccantibus proponebatur, quando in fide CHRISTI nihil nobis à Deo tam sit expositum, atque promptum, quam ignoscentia, & uenia, quam illi gratiam unam appellari existimabant: quorum etiam imbecillitatem carnalis mentis paulo post declarat Apostolus. Illi ergo cum putarent non usque eo seuerè agere Deum inter prete IEV Christo ut agebat lex, quae poenam, ac non ueniam peccato proponebat, atque iidem ipsi carnis explere cupiditates, seruatis formulis quibusdam, iucundum & opta

& optabile esse ducerent, hoc ipsum quaerunt, num peccari libere, atque impune tam possit, postquam à I E S U Christo uenia, nō poena peccatoribus est allata: quorum in scitiam refellit Paulus, humanas similitudines in medium proferens, quādo ad altiora capienda cōsilia necdum erant idonei, Absit inquit, quōd peccare liceat sub gratia constitutis. Quī enim liceat, cum gratia ea sit, quae ad libertatem nos duxerit, & ad iustitiae uitam: peccatum autem sub seruitutem iniquitatis & mortis nos redigat: siquidem cui nos exhibemus seruos, in obediendo eius serui efficiamur, quatenus ei obedientiam praestamus, ita ut habeat is, cui obediēdo seruimus, in nobis potestatem, per quam ad suam naturam & uoluntatem nos pertrahat. Porro peccati natura mortis effectrix est: qui ergo seruū per obedientiam peccato, in mortem illi seruimus, & sub eo moriuntur. At iustitia per gratiam dat uitam. Igitur si serui unā esse nō possumus morti & uitae, nec peccato itē possumus esse simul & iustitiae. Seruire etenim est agere ad alienae uoluntatis, naturaeque praescriptum, quod idem est ac illi, cui obedias, seruum esse, siue peccato in mortem, siue obedientiae in iustitiam: hoc est, siue peccato obedias, ita te seruatus ex ui, naturaque peccati ad mortē detrudis: siue obedientiae pareas, istud parere obedientiae deducit te ad iustitiam, cum qua semper uita coniuncta est. Ferme enim utitur hoc uocabulo Paulus iustitiae ad sensum etiam uitae, quoniam uita cum illa ex fide iustitia constata ita est, ut non possint inter se distrahi, sed ipse in his uerbis posterioribus suo more concisus, & subterlabens, obedientiam in iustitiam, sic strictum posuit pro obedientia erga Deum in fide CHRISTI, quae nos deducit, & uocat ad iustitiam, consequenterque ad uitam. Hoc enim par pari quod referendū erat, ut quem admodum dixerat peccati in mortem, sic diceret iustitiae in uitam, totum concludit in ipso iustitiae uerbo, & reliquit nostris cogitationibus intelligendum. Sed gratia, inquit, Deo sit, quōd cum antē essetis serui peccati, obedistis ex corde fidei, & CHRISTO: hoc est, quod modo dixerat, obedientiae in iustitiam secundum formam doctrinae, quae uobis fuit tradita, id est secundum Euangelium, eiusque doctrinam, ex quo liberi facti estis à peccato, & ad seruandam iustitiae uocati: quo pacto ergo licitum sit peccare sub gratia, si hoc proprium in uobis est gratiae donum, quōd ut mortē uitaretis, à peccato fuistis liberati, & subiecti facti iustitiae, ut uitam obtineatis?

Humanum quid loquor ob imbecillitatem carnis uestrae: quemadmodum enim praebuistis membra uestra serua impuritati & iniquitati in iniquitatem, sic & nunc praebete membra uestra serua iustitiae in sanctificationem. Quando enim serui eratis peccati, liberi eratis iustitiae. Quem igitur fructum habebatis tunc in his, ex quibus nunc uerecundamini? Finis enim illorum mors. Nunc autē liberati à peccato, & serui effecti Deo, habetis fructum uestrum in sanctificationē, finem autem uitam aeternā. Obsonia enim peccati mors. Donum autē Dei, uita aeterna in CHRISTO Iesu domino nostro.

HUMANVM quid loquitur, quoniam cum ex his, quae senserunt illi, experitque in seipso sunt, uelit eos nunc commonescere, omittit tantisper sublimitatem mysterij mortis nostrae in CHRISTO, & cum eodem ad iustitiae uitam resurrectionis, illosque ex proprijs ipsorum erratis, errorumque doloribus, & poenitentijs erudit, ut uelint hanc multo potius, quae in innocentia & sanctitate posita est, uitam consistuere. Igitur hortatur eos, ut sicut ante acceptē fidei lumen, praebuerant membra sua serua impuritati, & iniquitati in iniquitatem, hoc est, prauo animi habitui, & uoluntatis uitio, in quotidianas, & singulares iniquitatis actiones, sic nunc praebant eadē serua iustitiae in sanctificationē, reducitque illos in memoriam eorum, quae antē perpetrare soliti erant, ex quibus pudore ipsi nunc afficerentur, tanquam illa per se turpia & flagitiosa fuissent, quippe qui quo tempore seruiebāt peccato penitus erant illi dediti, nihil in se tunc iuris, neque imperij iustitiae esse permittebāt, & ideo ab illa dicebantur fuisse liberi, quasi nihil cum iustitia rationis tunc cōtrahentes, neque ulla in re illi obtemperantes; & ne forte quis interpellat, etiā si in se, & ex se turpia illa fuerint, finem tamen

illorum

illorum optabilem esse, quasi in his posita sit iucunda, & diuturna uita, hoc etiam excludit, inquit, finem illorum fuisse mortem, quod in omnem quidem partem, id est, in omni genere mortis tam corporis, quam animæ ita esse constat: fructu quoque illum prioris uitæ inutilem & perniciosum ostendit. Nam cum ipsa illa, quæ antea gerebatur & sectabantur, erant ex se se turpia, tum eadē appropriabant, & præcipiebant mortem popularem hanc quidem, & communem omnibus, quæ est corporis, animæque destructio, cui nihil cognatius est, quam cupiditatis, & libidinis dominatus: sed & illam animæ præterea exitiosiores, ac perpetuam, ut si maxime illa suaui appetenda, existerent, quod nequaquam ita erat, morte tamen cito tollerentur: ita omni ratione erant illis pudenda, & poenitenda, quod inhonesta, quod pestifera, quod incerta etiā, & cito interitura essent. Nunc autē liberati à peccato, & serui facti Deo habent fructum in sanctificationem, & finem eius uitam æternam: quod optime quadrat. Si enim ex peccato mors, ex sanctificatione profectio est uita, quæ quoniam sanctificatio procedit ex Deo secum deferens uitam, ex æterno utique Deo uitam quoque æternam plane in nos traducit. Hoc etiam magis, cum donum ipsa Dei sit, ex illo totum dependens, non autem ex nobis originem ullam trahens, debeatque dona donanti similia, & impræmis ipso digna existeret, qui donat: quod quidem donum à Deo per IESVM Christum nos accepimus, & in CHRISTO Iesu illo ipso perfruemur.

An ignoratis fratres, scientibus enim legē loquor, quod lex dominatur homini, quandiu uiuit: Nupta enim mulier uiuēti uiro, alligatur lege, si autem moriatur uir, soluta est à lege uiri: sic igitur uiuente uiro adultera iudicabitur, si hæreat uiro alteri: si uero moriatur uir, libera est à lege, ut non sit adultera, si hæreat uiro alteri. Quare fratres mei & uos perempti estis legi per corpus IESV Christi, quo hæreatis uos alteri ei, qui ex mortuis excitatus est, ut fructum feramus Deo.

RATIO ista Apostoli tota intenta est ad cohortandos Iudeos, ut audaciter desisterent à lege, & dicent se CHRISTO, tanquam ipsi legi mortui sint, & lex ipsis. In illis enim fidei nouæ primordiis complures adhuc eorum turbabant, noscentes quidem uim, & ueritatem mysterij CHRISTI, sed inuito metu legis, in qua inueterauerant, patresque suos & uos in eadem professos cultum Dei ueri meminerant, in ancipites curas distrahebantur, ut non planè statim decernerent, quid sibi esset faciendum: hos sic hæsitantes, & ambiguos, nequaquam aspernantes fidem CHRISTI, sed dubitantes tamen, impellit Apostolus, ut toto pectore CHRISTVM amplectantur eò, quod nullum amplius in eos imperium habeat lex, quippe cui ipsi mortui sunt, lex uero in eis tantum ius suum exerceat, qui in uita hæc illi sunt subiecti: quod autē homine mortuo soluitur in eum imperium legis, exemplo ex ipsa lege sumpto planum facit. Est enim in lege positum, ut mulier uiro nupta tota sit uiri, nec alienum uirum ullo modo exspectet, quem si expecterit, ut adultera puniatur: hoc ex lege uinculum uiro mulierem obstringens, si uir moriatur, dissolutum statim est, nec ad alterum uirum transiens mulier, iam est adultera amplius iudicanda. Atque hoc quod in parte quadam, & in uno præcepto legis perscriptum est, idem profectio ualet in uniuersam legem, quæ siue ipsa antiquetur, siue illa qui tenentur, uita ipsi defuncti sint, solutus est omne uinculum, neque amplius mortui qui iam sunt, legi ipsi subiunguntur: neque sanè refert quod est in exemplo uiri & mulieris positum, utrius solutio & mors in eo cogitetur, quando alterius utriusque morte alter solutus est, & à uinculo legis, quod ad matrimonij ius pertinet, per illius mortem liberatus, nosque cum morimur legi, lex etiam moritur nobis. Sed ut nostram hanc cum lege coniunctionem explanemus, ac nunc de nobis tanquam de Iudeis illis loquamur: Quemadmodum si coniugio deuincti non sumus, nihil habet potestatis in nos ea lex, quæ de coniugio est posita, & si publica non redimimus, leges publicanorum non sunt nobis lætæ, nec quæ de finibus regundis sunt, si agrum non possidemus, nec quæ de stilicidijs, si domicilio sumus priuati: sic in uniuersum

O cum

cum tota Moyſis lex regendis, & decendis hominibus lata ſit, quo pacto illis in hac uita, & in his terrenis mundanisq; rebus, actionibus, ſtudijs, cōmercijsq; ſine offenſione Dei uerſandum, agendumq; ſit, ſi terrena iſta omnia negligantur, & pro niſilo penduntur, neq; e corporis, & carnalibus his curis quiſpiam pendat, iſte legi proſectio ſam mortuus eſt, & lex ipſi, neuterq; cum altero quicquā amplius rei habet, nec rationis: ſed qui fidē CHRIS TI ſecuti ſunt, & CHRIS TO ſeſe totos, ac p CHRIS T V M Deo dederunt, hiſce omnibus mundi rebus & mundanis ſtudijs mortui ſunt, quippe qui cuncta abiecere corporea, & repudiauerunt, ſoliſq; in cōſeſſibus ſpem ſuā collocauerunt: in hos ergo imperiū ſam nullum neq; poteſtatem habet lex, ſolurū enim eſt uel diſciſſum uinculum potius corporis, & corporeorū, quo antea legi tenebantur obſtricti. Libere ergo poſſunt ſicut mulier priore uiro or bāta ad uirum aliterum, ſic ipſi per mortem IE SV Chriſti, in cuius omnes corpore, qui CHRIS TI eſſe uolumus, cōmortui cum illo ſumus, à legis imperio liberi effecti conſerre ſe ad alterum cum ipſum uidelicet, qui ē mortuis idcirco excitatus eſt, ut nos unā cum illo quoq; excitati fructum ſam Deo, & nō amplius legi ſeramus, ut ſeruitus deinceps noſtra in his ſit, quæ ſola Deo uere accepta, grataq; ſunt, quæ à dedita illi uoluntate, & ſpe cuiusq; fruendi, poſſidendiq; terrenis penitus abiectis ſtudijs proſiciſcuntur, in quibus ſtudijs terrenis lex imbecillitatis tantum nobis eſt carniſq; directrix.

Quando enim eramus in carne, inſectiones peccatorum quæ per legem ſunt, operabantur in membris noſtris, ut fructum ſerremus morti. Nunc autem ſoluti ſumus à lege morientes in eo, quo cōtinebamur, ut ſeruiamus in nouitate ſpiritus, & non uetuftate literæ.

Q V A S I declarans, quid ſit fructum ſerre Deo, oſtendit quid antea erat ſerre fructum morti: quando carnalem uitam ſequēbamur, inquit, hoc enim eſt quādo eramus in carne, cum carnis deſideria, & commoda magni æſtimabamus, in quibus diſcriminandis, & regendis authoritatem, & diligentiam omnem ſuam adhibet lex, tunc inſectiones peccatorum, quæ per legem ſunt, id eſt, illa intentio, multiplicatioq; peccatorum, quæ per occaſionem legis in nobis facta eſt, quandoquidē per legem & unum a quodq; peccatum maiore culpa cōmittitur, & plura id unum peccata neceſſario poſt ſequuntur: iſtæ ergo inſectiones, pullulationesq; peccatorū operabantur in membris noſtris, quod eſt, membra omnia noſtra ad ſibi ſuccurrendum, inſeruſendumq; aduocabant. In quo attente inſpiciendum eſt uolentibus intelligere, quæ ratione lex anſam præbeat ad grauius, multipliciusq; delinquendum, hoc in his pauciſſimis uerbis ab Apoſtolo indicatum eſt. Id porro nos ſic explicemus: Omne peccatum ſi nulla ſit poſita lex, licet peccatum ſit, Deumq; aut proximum dedecore, damno uel offendant: tamen ſi patritur, atq; admittatur, neq; conſcientiæ morſus graues habebit, ut quod nulla lege reprehenſum ſit, neq; demonſtratum, neq; prohibitum, neq; terroribus admodum perturbabit, nulla illi peccato poena in lege poſita, ſed ipſum per ſe languens, & tacitū, atq; ad ſodiendas ſtimulis curarum mentes noſtras in ſerme terminabitur in ſeſe, expletaq; cupiditate, & libidine ſua conquieſcet: quod ſi accedat monitio, & doctrina alicuius grauis & authoritatem habentis uiri, qui demonſtret & doceat, quā ſit iniuquum & turpe iniuriam proximo facere, idemq; quod ſit aequū, & rectum commoneat, ſuadeat abſtinere à talibus, hortetur ut in pudore, & in officio quiſq; permaneat: hac ſam accepta cognitatioq; diſciplina, ſi quis poſtea contra huiuſmodi præcepta deliquerit, cum peccato grauiore deliquerit, quippe in quo præter ſacrioris culpam, quæ in ſacnore ipſo ſita eſt, contemptus etiā præcepti ſanctoris fuerit additus, quod ipſum per ſe non leue eſt peccatum, tum uero inſueti reſprehenſiones quoddam ueluti rationis acrius ipſum oburgantis, quod eam rem, quam prauam, & nefariam eſſe intelligeret, niſilominus ſuſcepſiſſet, neq; bono in ea re conſilio, ſed incoſultæ potius cupiditati paruiffet. Hæc inſtina rationis reſprehenſio nata ſam ex monitionibus illis, quæ doctrinā dederant, recti, prauiq; internoscēdi, & peccatū magis ut graue ſit, & id magis etiam, ut intelligatur, facit: ut cum duplex quodāmodo & geminatum peccatum

peccatum ex simplici, atq; uno sit factum, cum eius in anima infectio tanq; uibex, & uerberatio quædam illa ipsa insideat conscientie obiurgatio, per quam peccatum ad nos intus perturbandos uegetius redditum est. Quod si præter doctrinā, & suasionē lex feratur, quæ penā peccato mortis, exilij, ignominia; proponat, non ne quot insidiosa in lege posita sunt, tot sunt accessiones magnitudini, grauitatq; peccati, totq; in anima ex peccato ipso oriuntur infectiones, non mortus iam conscientia solū, sed alsidui metus, sed infectæ suspiciones, cū diurnis nocturnisq; sollicitudinibus urgemur, cum penam pertimescimus, cū ut eam effugiamus, aut fraudem aliam aliis quā, aut uim etiam suscipimus, & meditamur, nec peccati tam admisi terrorem sine alio peccato excutere nos posse credimus. Atqui ista sunt pathemata, ut Paulus inquit, peccatorum, quæ in membris nostris operantur, per quæ peccatū nostris membris imperat, ut ad libi succurrendū, & subueniendum omnia præsto sint. Lingua insidando crimina ad periuriū uocatur, oculi, atq; uultus simulationem suscipiunt, manus ad cædem amantur, pedes expediuntur ad effugiū, e corde omnia malitiæ consilia euocantur. Atq; hoc ex amen facinoræ, & scelerum e lege, & per legē in nobis commortum, totos nos corripit, & in seruitutē redigit peccati, ut perturbationibus intellectus animi omnia membra nostra deseruire cogantur. Quorū quidem facinorū multo maxima parte, si lex nulla extitisset, potuissimus facile carere: horū nunc infectionibus uexati, atq; oppressi fructificamus morti: quo enim amplius inuoluimur in peccatis, hoc ius morti malus in nosmetipsos tradimus. Atq; hanc peccati uelut hydram quandam multiplicatā ex uno capite progenie numerosa & produxisse quodāmodo uidetur, & aluisse ipsa lex, cū legi hoc quidem nō sua ipsius omnino culpa, & tamen aliqua culpa ipsius accidit, quæ non hydram hanc fecundam ad plurimos fortis educendos cupiditatē istam ipsam totā elisit ex animo, sed eam quidē cum reliquisset, frānis se quibuscūq; regere posse exillimauit, ut non ultrā q̃ permisissim foret, illa progresseretur. In quo & spe, & opinione sua lex decepta est. Quid enim, dixerit quispiā, qui legem illā tulit, num inopia consilij in hunc errorē lapsus est: minime ille uero, neque adeo labi potuit, sed cū ipse uerbis, sententijsq; humanis, atq; ipso sono, uoceq; literæ terrena, & corporea populo proposuisset, spiritalia sub illis, & diuina uoluit intelligi, ad quæ intelligentia qui peruenissent, nucleumq; tam inuenissent, cortice mox abijcerent, neq; in litera peccati, & mortis ampliatrix, sed in spiritu uiuificatē ad Deum, & ad Dei iusticiam aduiceretur. Quod nos per fidem CHRISTVM uicem facimus, qui liberati à iugo legis & literæ, cupiditatis nostræ morte, hoc est CHRISTO in corpore peccati cōmortui, per quod corpus legi subijciebamur, & per illud in potestate legis tenebamur, ad excitatū à mortuis iam CHRISTVM sine præuariationis nota confugientes seruimus Deo in nouitate spiritus, cuius mysterium modo patefactum est, non amplius in uetustate literæ, quæ exauthorata, & dimissa iam obsoleuit.

Quid igitur dicemus: lex peccatum est: absit, sed peccatum nō cognoui, nisi per legem. Nam & cupiditatē non cognoscebam, nisi lex dixisset, Non concupisces. Occasionem autē capiens peccatum per præceptū peperit in me omnē cupiditatem. Absq; enim lege peccatum mortuum est. Ego uero uiuebam absq; lege aliquādo, adueniente autē præcepto peccatum reuixit, & ego mortuus sum, & repertum mihi est præceptū, quod erat ad uitam, id esse ad mortem: peccatum enim occasionem capiens per præceptū decepit me, & per præceptum ipsum me peremit. Quamobrē lex quidem sancta, & præceptum sanctum, & iustum, & bonum. Quod igitur bonū mihi factum est mors: absit, sed peccatum, ut appareat peccatum per bonum mihi parere mortem, ut fiat præter modum culpabile peccatum per præceptum.

II O C est, ut ab ultimis uerbis incipiamus interpretari, quoniam peccatum, quod per se si non incurreret, neq; ad supplicium uocetur, languidū, atq; incris minime mentem atq; animum meum conturbabat, aduentu legis acris factum est, & ad infernū

dam mihi mortem ualentius. Qua ratione manifestum fit, multiplicatū ex occasione præcepti & maius ac uehementius factum esse peccatum. Nam cū propositum Paulo sit omnibus modis elidere legē, quæ obicem, & offendiculum fidei CHRISTI opponerebat, nec sinebat homines libere, ac soluto animo ad CHRISTVM se conferre, & antè eius inutilitatem noua fide aduēta, superstitionemq; declarauit, & nūc illud quoq; ex ea damnum, detrimentumq; monstrat, quod auctum est per eam potius, q̃ diminutum peccatum, neq; propterea tamen legem quis malam fuisse suscipiat, quip̃ pe quæ lata fuerit, ut remoueret peccatum: sed uitio peccantium animum ipsa præbuit grauius asperiusq; delinquendi. Nec uero uideo, cur tantopere pertimeant in his uerbis Pauli nonnulli sancti uiri, ne arguere legem ipsi, atq; eam tanquā effectricem peccati accusare uideantur, non enim uim, sensumq; Apostoli satis diligenter attendunt, qui quod caute, & honeste de lege loquitur, auribus ludæorum dat, ut ne reprehensione legis nuda, atq; aperta illi incendantur: quæ uero reijcit illā, atq; condemnat, cordibus uere illorum id nititur insinuare. Nihil enim magis ab Apostolo spectatū est, quā ut ab lege tanquā damnosa, inutiliq; ludæi recedentes omne studium pietatis in CHRISTO uno constituant. Atque hoc nos de lege tota dicimus, noxiā iam illam esse, & p̃uersam, in CHRISTO erudentibus, si uniuersa suscipiatur, & quatenus p̃fecta in littera est, a nobis obseruetur, licet partes ex ea aliquot in moris nostri obseruantiam, si pergamus esse carnales, recte translatae sint. Nam spiritualibus nobis, & in CHRISTO plena fide hærentibus in totum inutilis & superuacua est lex. Non enim eadem in illa præcepta, quæ in Euangelio sunt, quando non ad eundem finem, non ad eandem spem utrobique sunt intenta. De quo in priore libro sat diximus. Verum eadem lex, si posthabito sono litteræ ad spiritum, & mysterium ueræ in Deum fidei, posthabendis terrenis omnibus traducta sit, sanctam illam semper & a nobis colendam, uenerandamq; esse prædicamus, quo uno illa modo ad fidem CHRISTI transitus gradusq; est, non ab eadem fide diuersio. Non igitur lex ipsa peccatum est, inquit Paulus, sed est indicatio demonstratiōq; peccati. Non enim noscebam concupiscentiam, inquit, nisi lex dixisset. Non concupisces. Quod est in quadam parte concupiscendi à lege interdictum, nā uniuersam quidem cupiditatem, alit potius, & fouet, quā abijcit lex, quæ semper terrena bona, semper familiaria, & libera, semper pluuia, & rores cœli, ad ubertatem frugū hominibus proponit. Sed uetuit lex, quod iam alterius factum esset, id ab alio quopiam cōcupisci: Nec rem, inquit, nec uxorem concupisces alienam. At per hoc præceptum, & interdictum legis, occasionē capiens peccatum amplificauit in me omnem cōcupiscentiam. quo autem pacto amplificauit? Quia ubi semel esset lapsa cupiditas siue errore, & incuria quadā, siue etiā malitia, quandoquidem ardentius, & pertinacius ad uetita contendere solemus, ubi quidem semel illa ad raptum, & ad libidinem se proiecisset, multorum deinde facinororum comitatu necesse habuit se cōmunire, ac præter priorem illum contemptum legis, atq; præcepti, aliorum quoq; peccatorum, ut iam diximus, ingentem syluā secum trahere, quibus lex occasionem præbuisse uideretur: quoniam absq; lege peccatum mortuū est, inquit. Quid mortuum: non ne & sine lege mortiferum antea peccatum fuit: fuit enim uero, id enim & ē paradiſo Adæ electio, & cōflagratio Sodome, & ipsæ præcipue undæ diluuij satis indicauerunt. Atq; ut ne de peccatis solum uoluntarijs intelligamus, & his quæ à malitia, & certo consilio proficiuntur, illud ipsum peccatum uero, quod ex patre primo Adam domesticum nobis, & natiū factum est, quod uel inuiti, uel ignorantes gerimus, ipsum illud, inquā, peccatum nobis est ad mortem, per quod natura, ut Apostolus ait, omnes filij iræ sumus. Ita semper quidem fuit peccatū causa mortis, sed leni, tacitoq; ueneno sic antea utebatur, ut cum uoluptate quadam delaberemur ad mortem, mortē autem utraq; & corporis, & animæ, quoniā in utroq; inferendæ mortis peccato est potestas. At postq; aduenit lex, quæ & monstrauit, & prohibuit peccatū, poenamq; illi insuper sanxit, tunc exorta sunt quāplurima ex peccato pathebata, quæ nos uar ijs modis perturbarent, metus, fugæ, iacturæ conquiritiōnes, aliorū sollicitationes, fraudes, cædes, insidiæ, periuria, & omnis illa scelerum manus, quæ nocentem animū solita est comitari, insincta motoribus, angoribus, diurnis, no-

nis, nocturnisq; sollicitudinibus, quæ cuncta arma sunt peccati, ad dominandum membris nostris, mortis speciem diu ante nobis, & illius uim, terroremq; ostentantia, ad quam postremo mortē cum fuerit uentum, acerbior etiam illa multo, & terriore excipimur, quàm si ignari, quidnam elicit peccatū, & nihil tale cogitantes ad eam sensim deuenissemus. Illo enim modo certe & quietiorem traduxissemus uitā, & fuillemus morti leniori addicti. At qui tanta hæc acerbitas, multiplicationeq; peccati occasionem, atq; anam ex lege accepit, ex lege autem Moylis, nequaquam enim de hoc dubitandum est, nec quod de lege alia loquatur Apostolus, existimandum. Sola enim ista lex ueram notionem peccati asserbat. Cuius culpam, & crimen sola metiebatur ex ira, & offensione omnipotentis Dei, quod est unum peccare uere, & scelus, culpamq; suscipere. Quoniam absq; lege peccatū mortuum est, inquit. Ego autem absq; lege uiuebam aliquando, quod intelligendum est de illa ætate, in quam ius legi adhuc nullū est, quod nec peccatum in illa, ut peccatum accipitur, & à penis, sanctionibusq; legis immunis eadem ætas est, & libera, cuiusmodi pueritia, & illa principia ineuntis adolescentiæ sunt: idem enim est illa esse sine lege, & legem in ea ius non habere. Quod si ab unius hominis statu, atq; uita ad nationem totam Iudeorum, ratio similis transferenda est, id quod Apostolo est uitatum, & frequens, ab Abraam usq; ad Moysen, si populum Hebræum accipias quandiu egit, & uixit sine lege, tempus illi huius pueritiæ accōmodes, quando in lege nondum eruditus, neq; admonitus ex ea, quid cauendum esset, & quid sectandum, peccatū uim in se nullam, neq; ex eo molestiā animi sentiebat. Viuebam ergo sine lege aliquando, hoc est, securo & tranquillo animo eram, nullis intus ex peccato sumulis, moribusq; urgebar, quippe qui peccatū non cognoscebam, fructumq; hunc uitæ quietioris capiebam. At postquam aduenit præceptū, cepitq; lex habere in me potestatem, reuixit peccatum, & ego mortuus sum. Tunc peccatum accepit uim, tunc ex agnitione ipsā, uitio tamen meo acrius & uehementius illud factum est, multisq; se circum satellitibus instruxit, atq; ego sum mortuus. Exturbata enim pace animi, atq; angoribus, & timoribus similis introductis, criminibusq; multiplicatis, atrox mihi imago mortis representata est, corpitq; in me tanto ante mors uim, & ius suum exercere. Quod idem de cognitione peccati, & turbulenta cogitatio propter hoc ipsum uita testatus est Dauid, Quoniam inquit, iniquitatem meā ego cognosco, & peccatum meum contra me est semper. Comperit enim itaq; præceptum legis, quod datum mihi erat ad uitam, quod ego si euasidissem, uitam eram habiturus, quā & ut adipisceretur, idcirco mihi fuerat traditum; id, inquam, præceptum comperit esse fuisse mihi ad mortem, non ipsum quiddā ex se, neq; ex natura sua, sed meum uitium & peccatum, ex præcepto illo occasionem capiens, decipit me: quibus enim armis utendū erat ad salutem, & quæ propter eam causam erant facta, ut ex illis ego uitā adipisceretur, ipsis illis armis peccatum me interemīt. Nam præceptum quiddā ad eam rem erat datum, ut tolleretur peccatū, atq; ut ex cinderet: quod cum facere non potuisset, coegit illud increbrescere: adiuncta enim resistendi cōtumacia, ac neglectus legis, ceterisq; ad effugiendum poenā criminibus accessitis, & maius, & impotentius factum peccatū est. Proinde lex quidem sancta est, & præceptū sanctum, iustumq;, & bonum; id est, sanctū ipsum quidem ex se, & bonū, & ad bonum finem pertendens, si materē sibi cōmodam, & tractabilem offendiisset. Sed quoniam rebellem, & cōtumacem reperit, non solum ordinē illi, & formā asserre non potuit, sed dedit causam quodam modo turbidit etiam, & deterius se habendi: sic ut sæpenumero in cataplasmatibus usuuenit, quæ eruptionibus pituitæ in corpore imposita, eū nō ad totam pituitā extenuandam uim habeant, sed illius impetū in aliqua parte corporis reprimere conentur, dant ferē causam, & motū pituitæ, ut asperius, & uolentius se eiciat. De quibus quiddā cataplasmatibus, idem quod de præceptis legis dici potest, bona esse illa, & salutaria, & cōmoda, sed ipsam tamen pituitā occasione ex illis interimēdi hominis cepisset eadem similitudine bona lex, & iusta, sanctumq; præceptum, sed quia non uniuersam in animo cupiditatem excidit, aliquasq; eius partes duntaxat, exstinguere est conata, idcirco & commouit magis, exasperauitq; cupiditatem, & occasionem illi attulit animæ maturius, acerbiusq; interimendæ. Hoc sensu in Euangelio Dominus: Si nō uen-

nissim, inquit, peccatum non habuissent. Quid ergo, aduentus Domini causa illis fuit peccati? Minime per se quidem, ipse enim uenerat, ut eos ab omni peccato eriperet, sed ipsorum neglectus, & contumacia, & aspernatio noscenda, amplectenda; & ueritatis grauius in illis peccatum ex aduentu CHRISTI constituit. Ita non id quod bonum est, fit cuiquam mors, sed peccatum potius est, quod id bonum ad detrimentum, perniciosius conuertit, quandoquidem ipsum peccatum contra bonum stando, id est reiiciendo, & conculcando fit longe grauius, & culpabilius peccatum, quam si nullum ex aduerso bonum habuisset, contra quod tenderet, & ex cuius consuetudine irritatum ipsum asperius fieret.

Scimus enim quod lex spiritalis est. Ego uero carneus sum, uenditus sub peccatum. nam quod operor, non cognosco. Non enim quod uolo, id ago: sed quod odi, id facio. Quod si quod nolo, id facio, consentio legi, quod bona. Nunc autem non amplius ego id operor, sed quod habitat in me peccatum. Scio enim quod non habitat in me, hoc est, in carne mea, bonum. Nam uelle adest mihi, facere autem honestum non reperiō. Non enim quod uolo, facio bonum: sed quod nolo malum id facio. Si uero, quod ego nolo, hoc facio, non iam ego id operor, sed id, quod in me habitat, peccatum.

POSTEA QUAM dixerat peccatum ex interdicto, & prohibitione legis animum sibi acquisiuisse, per quam ipsum grauius & deterius fieret, quæstioni tacite nunc occurrat. Potuit enim occurrere aliquis, & dicere, Cur ergo peccatur in id, quod lex prohibet, aut si omnino fuerat peccandum, quid ita data lex est, quæ auctura esset peccatum, & multiplicius id effectura? difficilis sane quæstio. Itaque respondet Apostolus, duasque nostras partes esse ostendit, quarum partium alteri, & probata & accepta lex sit, altera pars sit legi, & parti illi, quæ cum lege facit, contumax & aduersaria. Quarum duarum partium inter se contentionem, atque pugnam exponere conatur, hominem illum exprimens, qui ante aduentum gratiæ Dei, & CHRISTI, in lege Moylis fuit, is enim maxime his certaminibus & præliis carnis aduersus mentem erat expositus. Nec sane in hoc loco legi naturæ locus est, habebat illa quidem in se simulacra quædam certaminum huiusmodi, potius quam certamina, sed ueluti quæ nihil ad Deum penitus referebat: ad coitionem uero quandam hominum retinendam, & conseruandam studia sua dirigebat, & quicquid non esset contra societatem communem, liberum hominibus, & permissum relinquebat, admitteretque libidines, nec ulla uitæ oblectamenta, quæ fraudi modo, & detrimento proximo non essent, ab se, & ab quotidiano cultu, uictuque suo reiiciebat: non est ad uerum, & proprium legis nomen illa lex naturæ applicanda, atque aptanda. Quapropter de lege Moylis oratio tota est. Quam quidem scimus legem, inquit, quod spiritalis est, id est, ei parti hominis edicta, & lata, quæ ex mente rationeque consistit. Sic enim spirituale hoc loco, ut cupiditati, & sensui, quæ magis corporeæ sunt affectiones, opponitur, intelligentum est: qualis interior homo est, qui non uidetur, nec tangitur, quod est proprium spiritus, ut distinguitur ab homine externo, & corporeo, qui iam sensui, & oculis subiectus est. Porro autem mens, & ratio spiritalis pars hominis, quæ sensum omnem corporis effugit, uerius, & dignius ipsa est homo, quam aut caro, aut qui in carne affectus sedem, & locum obtinent, cui ipsi parti potissimum, & principi lex est præcipue lata, quæ instrueret mentem, atque erudiret genere illo scientiæ, per quod prauum illa à recto, bonum à malo, quodque Deo gratum esset, ab eo, quod ingratum, sciret possetque distinguere, & cum illud persequi, quod probari Deo intelligeretur id uitare, quod esse illi odiosum, aduersariumque arbitraretur. Spiritalis est igitur lex, quoniam huic parti lata est, quæ est longe aliena, & dissensiens à corpore, tum natura, tum etiam studiis ferè & uoluntatibus, per quam partem postea etiam in sensus, affectionesque corporis dimanare legis uis & præceptum bene agendi, recteque concupiscendi possit. Sed ut nequaquam fuit difficile uinci à lege rationem & subijci, ita

illud

illud difficilimum per rationem, & per legem, temeritatem carnis contundi, & compriimi. Obstat enim semper hic corporeus homo rationali homini, neque illi dicto patitur audiens esse, & cum in unam partem ab illo discedere iussus est, in aliam, & diuersam nequiter ipse contendit. quod cum facit, non ille menti eripit concordiam, & consensionem conueniendi cum lege, sed in seipso illius uim, & facultatem irritam facit, ut corporeo homini nequeat lex dominari, eò quod is & legi, & rationi cõtumax sit. Hunc utrunq; hominem in semetipso exprimens Apostolus, tanquam uterque loquitur, & nunc se in parte carnis, nunc in spiritus ponit, Nouimus, inquit, quod lex spiritalis est, hoc est menti, & rationi lata, & in ea imperium obtinens. Sed ego homo carnis sum, uenditus sub peccatum, mancipium factus peccati, cui caro ipsa me uendidit. Illa enim tantummodo id cogitans, quo pacto possit explere cupiditates suas, reliqui hominis in me rationem nullam duxit, sed uoluptatis pretio empta dedit peccato me possidendum, itaq; quod facio, non cognosco, cum ego ser uio peccato, nò id agnosco meum, non mei illud iudicij, non liberæ uoluntatis est: non enim, quod uolo, id ago, sed quod odi, id facio. Ita in utroque est uis, cum neque quod uolo, id agere mihi permissum est, & ad id, quod odi, faciendum detrudor. Sed in hac tamen dissensione apparet, si id quod ago, non agere magis uellem, quod ego internus homo uidelet. & ex ea parte qua spiritalis sum consensio legi, & eam approbo, atq; adfecto, tanquã bonam: quod si contra eam ipsam ago, non iam is ego sum interior homo, qui legem frangam, sed est peccatum illud, quod habitat in me. Peccatum quod habitat, inquit, cuius & fomes natura nobis insitus est, seminarium cupiditatu, & seditio: num omnium, quod nequaquam à nobis auellere possumus, & ipsa deinde frequentatio, confirmatioq; peccati, quæ peccandi consuetudine in habitu moris adducitur, etiam contra legem est, & contra mentis rationem ualentior. Atq; illa quidem naturalis carnis hominis ad peccatum propensio præceptum illud legis aspernatur, quod est, Non concupisces. Habitus uero ipse peccandi, reliqua præterea omnia constituta legis, atq; mandata confundit, & dissipat, quod cum inuita, & reluctante ratione fit, quod accidit ferme in ijs, qui scientia instructi ad cognitionē boni, maliq; sunt, ut non prorsus ruant, neq; ad delinquendum projiciant scilicet, sed ut tacita quadam sensum ed pertrahantur, tunc est rationis & uoluntatis cum habitante in carno homine peccato, dissidium, ut uoluntas quidem legem amplectatur, illi q; hærere cupiat, peccatum autem & legi, & uoluntati uim afferat. Non enim, inquit, in me, hoc est, in carne mea, habitat bonum. Nam si habitaret, cum ego bonum uelim, agerem id etiam. Quid ita autem non ago? Quia cum id cupio agere, non inuenio uiam, quæ me eò deducat, & ut alia quadam distrahor, & lumini mentis meæ quasdam intus tenebras offundis sentio, cum illa uaporibus, fumisq; cupiditatum turbata, atque aberrans, neq; consilium pristinum firmum, neq; rectam sententiam amplius tenere scit.

Reperio igitur legem uolenti mihi facere bonum, quod mihi malum apostitum est, condelector enim legi Dei, secundum internum hominem: uero cum aspicio aliam legem in membris meis, repugnantem legi mentis meæ, & captiuum me dudentem legi peccati, quæ est in membris meis. Miser ego homo, quis me liberabit à corpore mortis huius? Gratias ago Deo per Iesum Christum Dominum nostrum. Igitur idem ego mente quidem seruio legi Dei, carne autem legi peccati,

• PERGIT eundem statum demonstrare Iudæi hominis ex lege uitam agentis, in quo ista pugna mentis, & carnis assidua est, neq; ullo pacto potest ad cõcordiam conuerti, quod in illa lege accidit, quia etsi spiritus ac rationē lex instruebat: carni tamen bonam, & magnam partem relinquebat. Nam & diuitias magnificari per mittebat, & connubia etiam plura non interdicebat, ea quæ à Domino Deo peti suadebat, quæ essent carni, corporiq; accommodata, atque apta, ut pluuia, ut fertilitates, ut terræ fructus, ut familiarum, & armentorum sobolem, ac denique uidebatur lex ita Deum

Hebræis

Hebraeis proponere colendum, non ut cum ipsius causa hi uenerarentur, sed ut ad sua terrena optata consequenda illius maiestate, & numine abuterentur. Et si nō hoc uitium omnino erat legis, sed error eorum, qui legem tantum ex uerbis, & literis attendebant, eueniebat quidem illud necessārio, ut permissio semel cupiditati regno, resq; postea cupiditas, ac sustineri, uti uoluisset lex, minus facile posset. Repetio igitur, inquit, legem, quod uolenti mihi agere bonum, malum adiutuū est, hunc, inquit, effectum in me legis, hanc doctrinam sentio, quod scio iam discernere, & distinguere in memetipso aliud esse mei, quod assentiatur legi, aliud, quod repugnet. Quod si non esset lex, nequaquam ego id animaduertissem, sed totus inclinarem ad cupiditatis nutum. Nam recti quidē, & honesti, quatenus cum Deo, & ex Deo ratio illius duccenda est, incogitans fuisset. Distinguo itaq; in memetipso, ex doctrina legis, & docente me lege, quod Dei lege delector secundum internum hominem rationalem, spiritualemque uidelicet, secundum autem externū & carneum, repugno legi mētis meae, quae eadem est & Dei lex, quando ipsi quidem legi Dei, mea mens assentiatur, & ananuit; homo autem in me carneus, captiuum me redigit sub peccatū. Nam quod hoc legis uocabulo, & in membris, & in peccato abusus est, nequaquam id est proprie dictum. Sed ut solemus dicere, Mammonam dominum, ac uentrem Deum, non quod aut dominus ille, aut hic Deus; sed quia sunt, qui illis sese nimium subijciant seruos: sic legem membrorum, & peccati, non quia ista lex, ut quae ē contrariū omnī legum potius sit perturbatio, sed quod à multis peccato & carni nimium inferuiatur. Ex lege itaq; hoc didici, inquit, ut discernere, & nossem, cum cupio facere bonum, malum mihi adiacens, & appositum esse, quod iam antē alijs uerbis dixerat, per legem scilicet esse cognitionem peccati. Iam cognosco peccatum, uideo pugnam, intelligo quid intersit, sed quis est tamen, qui me ex hac eruat, & liberet seditione, atq; pugna? Quis est, qui huic corpori mortis, & carni peccati, hoc est, his corporis & carnis mēte incoelū peccato, ac mortis silentiū, pacemque imponat? Et statim tanquam hic innuens, quod paulo post apertius est dicturus, nō esse hanc opem à lege expectandam, quoniam ea huius serendi auxiliij facultatem nullam habeat, & ad eum se conuertens, qui solus potest iuuare: Gratias, inquit, ago Deo per I E S V M Christum D. N. si enim me liberat Deus, neq; per legem tamen, sed per I E S V M Christum. Nam ego quidem ut Iudaeus in lege spem reponens unus, atque idem cum sim, mente quidem seruiō legi Dei, carne autem inferuiō legi peccati. ut autem per I E S V M Deo seruiō, ne carne quidem subijcor sub peccatum, & ab hac molestissima rixa, assiduāq; contentione sum ereptus, quod in uerbis sequentibus latius declarat.

Nulla igitur nunc condemnatio his, qui in C H R I S T O Iesu, nō secundum carnem ambulant, sed secundum spiritum. Nam lex spiritus uitae in C H R I S T O Iesu liberauit me à lege peccati & mortis. Quod enim impossibile erat in lege, & in quo illa impotens erat propter carnem, Deus suum ipsius filium mittens in similitudine carnis peccati, & ob peccatum condemnauit peccatum in carne, ut correctio legis impleteretur in nobis, qui non secundum carnem ambulamus, sed secundum spiritum.

H I C I V L I V S, Ad eum locum in Paulo uenimus iam, inquit, qui & fuit antea semper, & futurus erat inexplicabilis, nisi summū fidei nostrae mysterium hesternodie nobis Deus indicasset. Nam per Deum ipsum immortalem, quid aut uerbis his pressius, aut sententijs absconditis potis est quisquam cogitare, aut proferre? cum si illud unum dūtaxat hic opponatur, dissilī hic quidē de illa carnis rixa, quam nobis natura agnatam, & pertrahentem nos sub dominatu peccati frangere, & superare non potuit lex, quod cam C H R I S T V S à nobis remouit, atq; abstulit: nullam tamen hic dari rationē, nec causam, quam obrem, & quo pacto hoc ita fuerit factum, praesertim cum experiamur quotidie fere omnes, qui in C H R I S T I etiam fide Deo subiecti sumus, carnem, carnisque peccata in nobis locum habere, si hoc unum, ut dico,

hic obij

hic obijciatur, quæratursq; cur non idem potuerit lex, quæ & cognitionē peccati tradidit, & uitari illud præcepit, & præterea præsentem quoq; poenam nō obtemperanti appoluit, quod potuit. **C H R I S T V S**, qui sine lege, sine ui, sine præsentī terrore damnationis, atq; mortis tantūmodo poenam & supplicium in illum extremum diem differens, carnis tamen peccatū dicitur intermisit, qui uere, & clare respōdeat, & qui in his uerbis Pauli exponendis digitū recte queat progredi, profectō nemo reperias, nisi si quis ad respondendum accedat illius cœlestis mysterij plena notione, intelligentiāq; instructus. Itaq; uideo æstus, laboresq; eorum, qui hunc locum interpretari conati sunt, tanquam in medijs fluctibus manus pedesq; agitantū, quō se aliquando eximere ē tanto pelago, & uindicare in aliquā terrā possint: quorū tamen sedulitas nobis nō est instructiuosa. Fecerūt enim illi suo labore, atq; cura, ut & leuior noster labor, & uehementius in nobis studīū inquirendæ, ac noscendæ ueritatis existeret: uerum illi partim conuersi ad prædicandam magnitudinem diuini beneficii, quod quidē iure, ac merito faciūt, dignasq; in eo Deo gratias, & debita laudum præconia tribuētis, illud, quod unum maxime noster audire, & nosse expetit animus, quodq; unū ad dissoluendas omnes quæstiones aptum, appoliticūq; est, quare hoc gratiæ magis ex Euāgelio nobis cōtigerit, quā ex lege, tanquam cōpertum omnibus prætermittunt, quod ab omnibus maxime ignoratur. Partim quandā uelut rationē reddere se credūt, quod in lege nostro ipsorū arbitrio, & nostris duntaxat uiribus relicti, expertes in ea, eramus eius gratiæ, quam nobis per Christum Deus cōmunicauit, & contulit, quasi non huius ipsius ratio sit querenda, quid ita in lege expertes suæ gratiæ nos uoluerit Deus. Ast ego tua hesterni dei disputatione edoctus, & quoddā summū mihi fidei Christi mysteriū id planē demonstrasti, in quo præiuit nobis Christus, & perspicue uis patefecit, ut cōtemneremus, relinqueremusq; mundanas cupiditates, atq; ea, quæ sensibus percipi, & corpore cōtrectari possunt, in minimis haberemus: appetere autem magis speraremusq; cœlestia, quæ nec cerni possunt, neq; tangi: atq; horū spem potiendorū, in uno Deo totam cōstitueremus, cum & quæ hāc uitæ secta, hocq; Christiana propositum uoluntatis præmia sequeretur, **C H R I S T V S** ipse resurrectione ad immortalē tam uitā, & ascensione in cœlum sua nobis ostendisset: cum hoc, inquam, uerissimum, altissimūq; Christi mysteriū patefactum mihi sit, facile iam ego possim rationē reddere, cur nō potuerit lex: fides autē in Christo possit remeritates, & petulantias carnis in nobis cohibere. Etenim finī cōmutato, & alio inducto genere sanctioris, & uerioris, ac flagrantioris etiā cupiditatis pristina illa carnis cupiditas flexa ad mūdum cōcidat, & intereat necesse est: ut etiā si interdū quali de improviso capti, deprehensiq; in delinquendo labimur, ab illo tamen proposito delinquendi, & ab omni cogitatione in terrenis rebus infixā penitus abhorreamus, atq; ita uel peccatū totū nobis, uel saltem animi seruitus, per quā peccato is subiectus est, sit ablata, atq; erepta: quod tamen contingere nemini potest, nisi cum Christo in carne cōmoriēti, & cum eodem a mortuis excitato, in cuius societate spiritus mox uiuenti. Illud tantū ex te quero, quam obrem Paulus hoc fidei mysteriū, quod Christus est, non ita aperte ubiq; expoluerit, ut omnibus esset in prōptu, neu necesse nobis foret per tot mysticas, & arduas uerborum, rerūq; intelligētiās in id scrutādo & inuestigando peruenire. **Q U O N I A M**, inquam, iuli idipsum, quod fecit Christus, idem illud Paulus in semetipso retulit, atq; ostendit, qui mysteriū fidei & uitæ docuit, & factis, ipse enim terrena item, & mundana omnia contemnendo, & quō alijs esset usui, atq; salutī, salutis suæ ipse & cōmodorum suorū rationē nullam ducendo, tum autē tendēdo ad suprema, atq; cœlestia, illorūq; spem assequendorum in Deo uno collocando, planius multo cognitu, illustriusq; faciebat fidei mysteriū, quā si illud lingua, & uerbis tantūmodo explanasset. Quas quā & satis, ut mihi quidē uidetur, in ipsius epistolis, & scriptis, non modo facta huius doctrinæ semina, sed etiā fruges lectissimæ, & optimæ educitæ sunt: ut in his ipsis uerbis, quę modo recitata sunt, aperte patet, & perspicue, ut cum se dicit spernere omnia, quæ cernuntur, tanquam mortalia, & quæ non cernuntur, appetere, quod ea sint semper pīterna, uel cum ex oppressiōibus spem confirmari fidelī testatur, uel cū gloriatur incommotis, quæ pro Christo plurima perpeffus est, uel cum in hanc sententiā saepe

P loquitur,

loquitur, ueritatem esse in Christo, deponere nos ueterem hominem corruptum, secundum cupiditates, & renouari spiritu mentis, induereque nouum hominem secundum Deum conditum in iustitia, & sanctitate ueritatis. Ac si uerum proferre uolumus, totus potius Paulus mysterij est declaratio, quam ut in eius aliquot uerbis debeamus quærere, uenerarique mysterium. Sed ut ad ea mi frater reuertamur, quæ ad intelligentiam horum Pauli uerborum, quæ tu iure difficilima esse dixisti, apta, appositæque sunt: uides profecto ipse hoc, ut tu inquis, fidei mysterio edoctus, nullo modo potuisse legem, hæc carnis uitia comprimere, iubendo, aut uetando, quæ facillime comprimat fidei uirtus. Cuius importetitiæ, & imbecillitatis in lege illa est ratio, quod lex quamuis spiritualis sit, hoc est, eius nostræ partis causa lata, quam interiorē in nobis hominem dicimus, is enim spiritus est corpori dissimilimus natura, atque substantia: atque ipsa nobis indiget, atque ostenderet, in quo esset error, & culpa, & peccatum, idcirco ut discernereamus, ac uitaremus, instrueret; tamen non usque eo fuit spiritualis, ut nos totos ad ea euocaret, quæ cognata, & propria sunt spiritus. Sed cum in carnalibus, & terrenis nos uersari permitteret, spiritum, hoc est, rationem, mentemque nostram ueluti ministram subiecit corpori, & carni, ut in illius tantum affectionibus, motibusque dirigendis, & gubernandis esset occupata: ipsa autem ex sese nihil sibi coeleste, neque diuinum proponeret, ad quod solum contenderet, & in quo summam constitueret beatitudinis suæ. Itaque quemadmodum auriga, qui frænandis & cohibendis equis appositus est, aut gubernator qui nauis inter fluctus dirigendæ præest, nullam unquam artem tam exquisitam, tam certam potuit reperire, qua fretus, non solum grauis tempestatum casus, sed etiam quotidiana omnium horarum pericula uitaturum se confideret: sic illi Moisaicæ cõgit legi, ut dum sancto illa quidem, sed tamen terreno, humilique consilio aliorum peccatis obuiam ire uult, efficeretur ipsa magis occasio peccati, quando ad carnis uitia, atque culpas, quas tollere illa non potuit, accessit etiam præuicatio. Nil igitur mirum, si nequius lex hominem carnalibus studiis dedit, frænare, & coercere. At fides CHRISTI, quæ hominem totum excitauit ex terra, & à mortalibus, interituriisque bonis curandis, atque expectandis, ad coelestia, & immortalia desideranda bona transtulit, utque horum terrestrium, sordes, ignobilitatemque cõtēpnens illorum diuinorum præstantiam, nobilitatemque ad amaret, doctore Christo persuasit, atque impulit. Quid mirum, si ea nullum peccato, & carni reliquit locum, quod illud in carne considerare, & dominari aduersus spiritum, uitamque posset? Atque cum de Iudæorum statu, & eorum, qui legem colebāt, proximo me dixisset Paulus, rixamque in illis carnis atque mentis sua ipse in persona, ante oculos exposuisset, nunc ad uere Christiani hominis statum, & conditionem demonstrandam se confert, Nulla, inquit, his est cõdemnatio qui sunt in Christo IESU, qui non secundu[m] dum carnē ambulauit, sed secundum spiritum. Nam hi neque legi subiecti, ut qui mūdo, & carni, & terrenis omnibus mortui sunt, nec ius in eos lex, nec potestatem ullam obtinet iudicandi, atque damnandi: sub regnum enim spiritus, & uitæ in Christo Iesu transeunt, quam nimis uitam, neque dare, aut dimittere nobis, neque item auferre potest lex. Non enim absolui[m]ur, neque cõdemnamur per legem, quicunque in spiritu ambulamus. Nam lex spiritus uitæ in Christo IESU, inquit, legem hic non suo nomine appellās, sed uocabulo abutens, ut Moisaicæ legi par uerbum amoris est, & uoluntarium unicuique legis autem est iubere, & uetare, idcirco agere pro imperio, & minas quoque ac metum poenæ adhibere. Lex ergo spiritus uitæ in CHRISTO liberauit me à lege peccati, atque mortis, id est, illa spiritus uitæ, qua ego post obitum mortis cum Christo, per quam mundo, & carni fui peremptus, cum eodem mox Christo ad uitam iustitiæ fuscitatus sum, ut uiuam posthac Deo, & non mundo: ista inquam fuscitatio, per Christum mihi cõmunicata ad spirituale[m] iam degendam uitam, liberum me reddidit à lege peccati, atque mortis. Iam enim in me neque peccato potestas est, nec per peccatum morti, neque adeo ipsi quoque Moisaicæ legi, quæ est his utriusque posita, & ut peccatum nobis demonstret uidelicet atque arguat, & ut peccato mortem poenam, nili cauerimus, irroget. Ab ipsa enim tota lege per hanc iustitiæ uitam iam sum liberatus. Sicut enim Christi mortē in carne illi obitam, ego in uoluntate mea, & in proposito animi imitor, quod carnem meam unā cum illius

illius mortuam peccato uolo, sic & eiusdem resurrectionem imitatione assequor, cum ad spirituales iustitias uitam cum eo ipso unam excitor, atque consurgo. Quo in statu iam mihi consistenti neque peccatum, neque mora, & propterea neque lex potest dominari. Quod enim impossibile erat in lege, & in quo illa impotens erat propter carnem, propter carnem, inquit, impotens erat lex liberare nos à peccato, quod ex primeri non potuit clarius, quam imbecillitatem propter carnem legi attribueret. Quoniam enim lex carnalium suum regnum, & cupiditates suas terrenas relinquebat, illas autem ipsa regere bono more duntaxat, & metu eas poenae ex Deo, atque item ex se moderari nitebatur, ad tolerandum totum ex homine peccatum, nequaquam ea uirum satis habere poterat. Deus uero misso filio suo, in similitudine carnis peccati, uera quidem in carne misit filium suum Deus, sed in hoc tantum simili carni nostrae, quod insitum, inherensque peccatum sicuti habet nostra, illa **CHRISTUS** caro non habebat. Integra enim erat, neque ex Adam producta, e quoniam qui processimus, insectam peccati uitio carnem cuncti retinemus. Ita similitudinem illa in hoc quidem humanae carnis gererebat, ac non eandem omnino carnem, in ceteris uero nihil nostra à carne neque naturae, neque infirmitate illa caro differbat. Nata enim erat & ipsa, atque facta ad externas accipiendas iniurias; unamque in eo, atque eandem cum carne nostra rationem communicabat, ad inferendas autem, & faciendas nequaquam: ad quod nostra nimis quidem prompta, & propenditum praecipit semper est caro, quae non solum extra, uerum etiam intus obrectando rationi graues assidue pugnas, & quotidiana praetia nullo iure cōcitat. Missio igitur in similitudine carnis peccati filio suo, & ob peccatum missio, hoc enim est, quod in Graeco est scriptum, *χρὶς πρὸς ἡμετέρας*, non enim ab eruditis potest de peccato conuersti, sed aut ob peccatum, aut pro peccato, quod tamen utrumque intellectu idem est: sicut in scripturis haec locutio solet accipi, ut in epistola ad Hebraeos: *ἵππου ἀφ' οὗτος τὸν ἡμαρτωλὸν ὅτι προσφέρει πρὸς ἡμετέρας*, id est, non amplius pro peccato sacrificium. Et paulo infra: *ὅτι πρὸς ἡμετέρας ἀπολύσεται* *βοσκή*. Et rursus: *ὅτι οὐ φέρει ζῶον τὸ αἷμα πρὸς ἡμετέρας*. Et apud **LXX**, in Esaiam: *ὅτι ὁ ἄνθρωπος πρὸς ἡμετέρας ἀφ' οὗ ἡμῶν, ὁ φέρει αἰσχρομαρτίαν*: hoc est, Si detur pro peccato anima nostra. Itaque missio filio suo in similitudine carnis peccati, & pro peccato, aut ob peccatum missio, hoc est, quia peccatum erat, quia pollebat, dominabaturque peccatum, ita & missionem filij ab Deo, & modum, quo modo missus; quod in carne simili huic peccatrici carni in mundum est destinatus, & causam, cur eum Deus miseret, misit enim ob peccatum, ut obuiam iret, prouideretque peccato, ne id omnia ad sese traheret, atque conuerteret, ac effectum quoque illius missionis ostendit, quod in carne sua simili carni peccati condemnauit peccatum in carne. Illud enim peccatum; quod propter carnem irritam primum legis in nobis faciebat, nosque sanctis monitis eius, obtemperare non sinebat, illud, inquam, peccatum suscepta carne nostra, & cruci mortisque addicta, in carne ipse peremit, quatenus nos extinctis in carne nostra cupiditatibus deceptionis, totos ad cupiditates transulit ueritatis, ut correctio, inquit, legis impleatur in nobis. Nam & sic necesse est uerbum Graecum, *ἀντικειμένη* correctionem uerati. Non enim intendebat lex nos sic dirigere, ut omnis omnibus mundanis cupiditatibus, coelestis tantum curas, cupiditatesque sectaremur: hoc enim non legis, sed fidei **CHRISTUS** est proprium, nisi & ipsa lex in sensum fidei spiritualiter accipitur. Sed intendebat lex nobis in mundo, carneque uersantibus, modum tamen quandam cupiditatum, & ordinem adhibere, in quo opinione sua longe decepta fuit. Itaque hunc errorem legis, hanc diminutionem illius, tum auctoritatis, tum consilij corripit in nobis fides, quae totos nos ex ipsa carne elect, atque exultit, ut exemplo Christi, & diuinae illius doctrinae documento instructi in spiritu iam deinde, non in carne amplius ambularemus. De quo ad Galatas hanc distinctionem legis, & **CHRISTUS**, Iudaei, & haeretici, & uiriusque statum breuiter offendit: Spiritu ambulate, inquit, & cupiditate carnis non explebitis. Atque hoc Christianum est: mox alterum, quod sequitur iam Iudaicum. Nam caro, inquit, concupiscit aduersus spiritum, spiritus aduersus carnem, opponunturque inter se, ut ne quae uelitis, ea faciatis. Vides ne quod pluribus uerbis paulo ante disputauit, certamen, & rixam in homine ex lege dirigente terrenas cupiditates ante oculos exponens, idem paucioribus ad Galatas uerbis ab eo esse expressum?

Atque ideo etiam ibidem adiecit: Quod si spiritu agimini, non estis sub legem. evaserunt enim ex lege, & imperio legis, qui dñm̃s carnalibus, in quibus maxime elaborat lex, ad spiritum sc, & ad spiritualem vitam contulerunt.

Qui enim secundum carnem sunt, ea quæ sunt carnis student: qui autem secundum spiritum, ea, quæ sunt spiritus. Nam studium carnis, mors est: studium autem spiritus, vita, atque pax. Ideo studium carnis inimicitia est in Deum. Legi enim Dei illud non subicitur, neque adeo potest. Qui autem in carne sunt, Deo placere non possunt. Vos autem non estis in carne, sed in spiritu, siquidem spiritus Dei habitat in vobis. Si quis autem spiritum CHRISTI non habet, hic non est eius. Si vero Christus in vobis, corpus quidem mortuum est ad peccatum: spiritus autem vitæ, ad iustitiam.

PERGIT in eodem Apostolus insistere argumento, ut qui in spiritu sunt, & qui in carne, distinguat, & utrorumq; fructum, finemq; demonstrat: Qui secundum carnem sunt, inquit, qui vias carnis insiliunt, illi ea meditantur, quæ sunt carnis, caro porro in terram est conuersa, & prona, ergo eorum meditatio tota terrena est. Qui vero in spiritu sunt, qui ad naturam spiritus se referunt, quæ nequaquam corporea, neque sensibilis est, illi ea meditantur, quæ sunt spiritus: spiritus autem in sublime se effert, amat, & appetit cognitionem suam, quæ coelestis, & immortalis, & nuda omni corpore est: ergo horum meditatio in cœlo & Deo fixa est. Ita meditatio carnis mors est. Cum enim caro tendat, & inclinet ad ea appetenda, quæ caduca sunt, & diu stare non possunt, eaq; ut cognata, & familiaria diiugat, & ipsa necessario cum meditatione sua, & item illa, ab ea quæ appetuntur corruptibilia sunt, & finī, mortisq; addicta atq; nata. Meditatio autem spiritus, quæ in coelestibus versatur, vita est, & pax. Nam & in his hæret, quæ immortalia sunt, tanquam cognatis, in quibus & ipsa perpetuo uiuit, & pacis fructu potitur, quod neque morbus ullos conscientias sentit, qui lætitiæ animi, quod in uoluptatibus carnis contingit, intus illi faciant amariorem, & cum summo bono, ipso nimirum Deo, pace, & concordia semper iuncta est. Nihil enim uult, quod non ex ipso, & per ipsum, uel potius, quod non ipse Deus sit. Atque ideo meditatio carnis inimicitia est in Deum: auertit enim ab eo, & ad contrarias partes reuocat, atque diuellit, quod est proprium inimicorum, & eorum, qui cupiunt obesse. Contraria porro sunt terrena coelestibus, infima summis, inquinata mundis, caduca immortalibus. Quarum quidem deteriorum cura, & meditatio, quæ carni sua, & peculiaris est, nec unquam subiecta est legi Dei, neque uero etiam potest subijci, ex aduersario enim genere, & penitus alieno tota conhlata est. Itaque qui in ea ipsa carnis uoluntate consistunt, nequeunt Deo placere, quandoquidem his se ad insensas Deo, & inimicas potius dant partes. Sed quod ait legi Dei non posse subijci meditationem carnis, cum de lege Moyſis intelligendum est, quæ in hoc præcipuo uno opere occupata, ut carnem sibi subigeret, nunquam tamen potuit illius feram, indomitamq; naturam ad mansuetudinem, modestiamq; redigeret: tum etiam legem Dei, ipsum illum spirituales uiuendi modum, ordinemq; describit, a quo etiam magis caro remota est. Vos autem estis non in carne, sed in spiritu, siquidem spiritus Dei habitat in uobis. In illis dicitur spiritus Dei habitare, quorum spiritus cum Deo, & Dei spiritu confusus amore fertur in Deum, ut idem uelit cum Deo, & consentiens illi sit. Spiritus enim ille Dei, diuinus amor est. Porro qui huiusmodi sunt, nihil cum carne, carnisq; desideriis, commerciis, aut rationis habent, aut si habent, necesse est, ut tantum se distrahant à Deo, quantum studij, & amoris in carnis studia conferunt. In quibus igitur habitat Dei spiritus, hi non sunt in carne iam illi quidem, sed in spiritu, qui hoc modo sponsor est nobis, & arrabo futurorum bonorum, & beneuolentiæ Dei summi erga nos, ut supra Paulus, & Ioannes alibi, quæ dicit, in hoc scimus, quoniam Deus mansuet in nobis, quoniam de spiritu suo dedit nobis. Quod si quis spiritum Christi non habet, hic non est eius. Nunc spiritum Christi, paulo ante Dei, quoniam unus, atque idem

idem omnino spiritus est, & in eo tamen diuifa est erga nos operatio. Nam spiritum Dei magis agnoscimus in resurrectione nostra ad iustitiam, & in fini ipso rerum diuinorum, æternarumq; quas petimus: Christi autem spiritum, & in hoc, & ite magis proprie in illo, quod canem peccato mortuam continemus. Hæc enim ex parte propria est actio in nobis spiritus Christi, ex qua tamen ad illam alteram partem fit transitus: ideoq; qui hunc Christi spiritum non habet, is non est Christi, & quod necesse præterea etiam est, non est is Dei. Non potest enim surgere ad uitam, & ad iustitiam, qui non prius obierit peccato carnis mortem. At quoniam est spiritus **CHRISTI** & in quoniam inest **CHRISTVS**? In eo, inquit, cui corpus mortuum est propter peccatum: id est, ut ne peccet, mortuum est. Et ad hunc effectum nō peccandi mortuum, & cui spiritus uita est propter iustitiam, quod est, qui uiuit spiritualiter omni bonitati, atq; uirtuti, in eaq; uirtute, Dei iustitiam, diuinamq; bonitatē imitatione assequi conatur. Atq; hic quoq; in his uerbis satis expressum est fidei Christi mysterium, quamquam Apostolus compressit & suo more locutus est. Est igitur is Christi, & in eo Christus est, qui corpus habet mortuum peccato, & spiritum uiuentem habet, nō cuiuslibet curæ, neq; humane cogitationi, sed assequendæ, & imitandæ iustitiæ summæ Dei, ad quam iustitiam cum resurrectione Christi is quoq; consurrexit.

Si uero spiritus eius, qui excitauit **IESVM** ē mortuis habitat in nobis, qui excitauit **CHRISTVM** ē mortuis, uiuificabit & mortalia corpora uestra per inhabitantem ipsius spiritum in uobis.

HÆC accessio ad ea, quæ antè dicta sunt à Paulo apposita est, ut quod de morte corporis, & de uita spiritus mentionem modo fecit, ne exillimarant legentes totū esse quod in **CHRISTI** fide ab Deo nobis offertur sit, & propositum, quod immortales quidem spiritus, & anima futuri essemus, corpore autem mortui, remouet statim dubitationem hanc, & futuram corporum resurrectionem ostendit, causamq; & rationē affert. Quod si spiritus Dei, is enim **CHRISTVM** Deus excitauit à mortuis, in nobis habitauerit, hoc est, si anima nostra proprium domicilium Dei fuerit, si nulla pars animæ diffuset à Deo, neq; in alias, alienos uel amores se deflecteret, sed hærebit omni sua cupiditate, & aspiratione in summo Deo, sic enim illum in se inhabitantem continebit, cum nihil, quod non ex illo sit, spiritus noster cogitabit, aut appetet. Si igitur is Dei spiritus habitauerit in nobis, qui excitauit **IESVM** à mortuis, Deus is ille ipse mortalia quoq; nostra corpora ad uitam excitabit per inhabitantem illum suum in nobis spiritum, qui non patietur corpora in perpetuum lascere, quando ipse Dei spiritus maiore nixu, atq; uis in cælum, uitamq; tendit, quam ut queat in terra à corpore retineri & deprimi: ad eam autem uitam excitabit, quæ cum eodem semper Dei spiritu coherens sit futura. Namq; hæc propria futura est spiritus Dei in nostris corporibus excitatio, siquidem omnia passim humana corpora excitabuntur, neq; in omnibus tamen fuerit inhabitans Dei spiritus. Verum illa corporum uulgaris excitatio immisione animæ in quodq; corpus suæ faciendæ est, quæ cum per se uitam animæ deferat, reuocata in corpus uitam statim suam cum illo communicabit. Sed quæ anima Deo ita coniuncta fuerit, ut spiritum suum aluerit, & cōformarit spiritui omnipotentis Dei, scilicet ipsam Deo habitaculum præbuerit, illa in corpus rediens, non suam solum corpori, sed & illam spiritus Dei uitam insinuat, atq; inferet, quæ erit ipsi Deo similitudine, imitationeq; propinqua. Non uiuet enim modo illud corpus, sed & beate uiuet, & Dei consuetudine perpetua, amicitiaq; perfruatur, quod cæteris corporibus non cōtinget, quæ fuerint animabus tantum suis absq; Dei spiritu in uitam restituta, & repolita.

Quapropter fratres debitores sumus non carni, ut secundum carnem uiuamus. Nam si secundum carnem uiuatis, debetis mori: si autem spiritu actiones corporis perimitis, uiuatis. Quotquot enim spiritu Dei ducuntur, hi sunt filij Dei. Non enim cepistis spiritum seruitutis, rursus in formidinem.

P 3 Sed

Sed accepistis spiritum adoptionis, in quo clamamus abba pater. Ipse spiritus testatur spiritui nostro, quod sumus filij Dei: si autem filij, & hæredes: hæredes quidem Dei, cohæredes autem Christi.

DEBITORES sumus, non carni, inquit, ut secundum illam uiuamus, id est, nisi huius debemus carni, ut ad illius nutum uiuere debeamus: nullo enim illa beneficio sibi nos obstringit, sed inducit potius in fraudem, ut quæ interitum & mortem suis sectatoribus offerat: debemus autem spiritui, à quo uero beneficio, summopere afficiamur, quod ab eo uitam, & immortalitatem obtinemus. Si igitur uolumus uiuere, si nos delectat uita, huncque uiuendi fructum proprium, & perpetuum tenere cupimus, spiritui actiones corporis perimamus, eas scilicet in quibus corpus spiritui repugnat. Has enim si intermerimus, cum hæ nobis mortem accersant, & concilient, mortem ipsam in nobis intereritum habebimus, extabitque, & eminebit spiritus uita, quæ illi semper comes, & coniuncta est, in hoc quidem seculo operatrix iustitiæ, in altero uero æternæ beatitudinis affecutrix. Quicumque enim, inquit, spiritu Dei aguntur, hi sunt filij Dei. Ecce immortalitatis & beatitudinis nostræ rationem. Cum enim necesse sit, ut aut Dei spiritum habeamus in nobis, aut spiritum mundi: si cum spiritu mundi constatum, & conspirantem spiritum nostrum habuerimus, filij mundi nominabimur, & illi erimus tanquam filij patri subiecti, & obediens, aut potius, ut domino setui parebimus, iniqua enim illius, iniustaque imperia & suscipimus, & exequemur, quod est, ut seruientium tyranno, non ut parenti obediendum ministerium. Si uero spiritum nostrum cum Dei spiritu copulauerimus, patrem nobis uere noscemus esse Deum, etenim illius iudicat, atque imperia omnia nobis ad salutem, ad lætitiā, ad uitam esse experiemur, ipsiusque indulgentiam erga nos intelligemus. Quæ Dei nobiscum, ut patris cognatio ex fide CHRISTI nobis peculiaris est. Namque iudæi, qui utrumque & Deum, & mundum adscicebant, duosque sibi dominos confusa mente commiscebant, magis tamen erant filij mundi, quam Dei. Etenim modum quidem amabant ipsum, appetebantque eius bona, atque in illis fructum uitæ constituiebant: Dei autem metu & timore ad suas frenandas cupiditates adducebantur. Ideo enim uerebantur, & cauebant Deum lacerare, ne ab eo terrena possessione priuarentur. Sed tamen quoniam & ipsi spiritu Dei educi ex Aegypto, & in solitudine custoditi, & lege instructi sunt, ne de eis quocumque intelligeretur filios Dei, sicut nos sumus, item illos esse, quoniam & ipsi spiritu Dei quodammodo ducti sunt, ideo subiunxit Apostolus, nos non accepisse spiritum seruitutis, sed accepisse spiritum adoptionis, in quo clamamus, Abba pater, quæ eadem geminata paternæ appellacionis uoce, in Marco ad patrem uocatur IESUS, & utrumque nomen patris est, alterum Syra, Hebræaque, alterum Græca, & Latina lingua, ut Deum communem patrem omnibus esse ostendat. Ac nos quidem in quotidianis nostris ad Deum precibus primo statim effatu patrem illum inuocamus, ab ipso IESU Christo admoniti, ac edocui. Sed & affectus quidam animi est interior, qui Deum non solum nominat sibi, sed cognoscit etiam patrem. De quo etsi hæsterno die non pauca diximus; tamen hic quoque aliqua dicenda sunt, ut uirtutem fidei nostræ, & beneficia IESU Christi sæpius nobis in memoriam reducamus. Pater quidem ergo omnibus nobis Deus est, quatenus semen cognationis, cum illo in nobis obtinemus, quod ad similitudinem ipsius fuimus creati. Sed & Adam pater est omnibus nobis, quod naturam nostram, atque substantiam hunc animalem uidelicet hominem totum ex illo hausimus. Est enim ita de eo scriptum: Et factus est primus homo Adam in animam uiuentem. Homo igitur animalis, hoc est, qui anima, & uita tantum nititur, cuius omnia officia sunt ad eum finem, ut hanc uitam mortalem custodiat, illius terreni hominis Adæ, ut ipse ad Corinthios Paulus scribit, filius est, qui semen præstantioris suæ cognationis cum Deo, aut non attendens in semetipso, aut despiciens, carni, & corpori sese ferendum totum dat, illisque uiuendis & expendis omnem diligentiam adhibet, qui huiusmodi homo mortis domino additus est, sic moriturus, ut non unquam amplius talis exurgat. Sed in ipso homine post aduentum adultæ iam rationis, si diuinum semen illud & cognatio cum Deo fuerit

fuerit animaduersa, & cognita, statueritq; qui animaduernerit, Deum patrem recognoscere, & in illo spes suas ponere, tunc duplex illi uia, & ratio propolita erit, una in lege Moylis, altera in fide CHRISTI. Lex Moylis Deum sic patrem colentibus eum proponit, ut non ipsum tamen filijs, neque illius non uia, & sensibus non percepta bona, sed ea, quæ sentiuntur, & cernuntur ab eo optanda esse doceat, atque ut eorum adipiscendorum authorem sibi Deum uelint esse, illos admonet, quem patria quadam indulgentia erga eos præditum suscepturum illorum curam, tanquam filiorum patrem prædicat, & in promissam terram mel, & lac fluentem illos deducturum, pluuiasq; illis tempestiuas, & fructus annuos producturum. Atque hic primus aditus est, atque ingressus ad tribuendum Deo honorem, tanquam patri, propter quam causam in ueteri scriptura Iudæi filij Dei sæpenumero appellantur, & quidem ab ipso imprimis Deo, ut cum ait: Ego dixi, dii estis, & filij altissimi omnes. Vel cum: Ego filios genui, & extuli, & primogenitus meus Israël. Idem quoque Moyse ad populum arguens, & increpans: Deum qui te genuit, dereliquisti. Et Malachias: Deus unus est, & pater omnium uestrum, quod in persona Dei Hieremias: Patrem uocabis me, inquit, Vel cum dominus dicit de stirpe Dauid: Ego ero illi in patrem, & ipse mihi in filium. Iudæi quoque CHRISTO de semetipsis: Nos unum patrem habemus Deum, Ex quibus omnibus manifestum fit, eos filios Dei iam rite nominari, qui Deum unum authorem suum agnoscunt, & uenerantur. Sed ut contingit in pueris, qui etiam parentes suos nouere, illisq; blandiri, & habere honorem didicerunt, non id tamen agunt parentum causa, neque quod illorum uoluntati penitus uelint esse obtemperantes: sed ut per cultus illos, ac blanditias aliquid earum rerum à parentibus consequantur, quas ætas illa concupiscit, propter quam causam etiam metu, & minis coercendi sunt, ne affectionibus illis inducti, in praua fortasse studia incidant, & malis moribus imbuantur: Sic accidit Iudæis, ut illum spiritum Dei, quem ad Deum unum colendum, cognoscendumq; acceperant, non in amore ac eiperent, sed in metu, & formidine: ideoq; spiritum eum seruitutis appellat Paulus, Amare enim uere non poterant Deum, quem ideo amare præferebant, ut ea, quæ magis amabant, aliena ab Deo, atque diuersa, per eum consequerentur: & in illis ipsis ex petendis ac potius, quæ amabant, ne grauius ruerent, proximisq; sæpe alliderent, penitus erant propositis, minisq; coercendi. Filij ergo illi Dei, sed tanquam pueri effigiem solum Dei inchoatam, ac rudem in seipsis deterentes, qui si postquam uiri facti essent, & animo, & studiis patrem uoluissent imitari, atq; illi penitus se conformare, & tradere, neque extra eum aliorum hereditatem bonorum ex alijs parentibus constituisent querere, uerum & integrum nomen filiorum fuissent meriti. Non enim puerili affectu quoddam, sed stabili grauiq; iudicio Deum patrem percipuisent. Et quoniam ad hanc spem, huncq; finem alebantur de principio ab ipso Deo, atque instituebantur, statim à primo filij uocari cepti sunt. Atque ideo Paulus conditionem nostram ab illorum conditione selungens, ait nos non ita accepisse spiritum Dei, ut is nobis ueluti seruis ad timorem, formidinemq; sit, quemadmodum quidem Iudæis fuit: sed ita accepisse, ut ingenui, & liberi in filios Dei adoptati paternæ uia nomen necessitudinis, & amorem, ac sanctitatem eam, quæ ei nomini debeatur, susceperimus, atq; ut in his adoptionibus, quæ inter homines legibus fiunt, qui ex uno genere adoptatur in aliud genus, emancipatus à priore patre in alterius transit potestatem, nomenq; nouum fert, & mores, gentem sacræq; commutat, fitq; totus eius patris, cui se dedit adoptandus, & ex eo iam pendet, bonorumq; illius expectat hereditatem: sic nos dimisso patre mundo, genus Adæ reicientes renuimus esse animales, illamq; corporeorum, & terrenorum bonorum hereditatem, quæ ab genere illo nobis ueniebat, repudiamus, & abijcimus, solaq; ea bona expectamus, quæ ex Deo, & ab Deo promissa nobis sunt. Ita in nouam familiam, nouum nomen, nouæ, & æternæ hæreditatis spem traducti, ubi non amplius terreni, sed coelestes, non in patrimonio corruptibili, sed in nunquam interituris bonis, spe, & desiderio infixi sumus: tum uero Deum nobis appellamus patrem, tum optimorum filiorum charitate, & studio erga illum accēsi fructus eos pietatis nostræ iam in hac uita capere incipimus, qui tali parēte digni

digni sunt. Nam hoc primum amore, & spiritu altiores efficiamur, & communibus istis humanis studiis, & appetitionibus in cœlum longe eminemus, pacatq; & beati nihil intra nos sentientes, quod intestinæ illi lætitiæ officiat, hæremus cœnti in ipso complexu omnipotentis Dei. Ille uero in suo sancto spiritu nobiscum semper est, & sese nobis demonstrat, regnumq; cœli in animis representat nostris. Quod ipsum est in Luca testatus dominus est, iam intra nos & in hac uita esse, in qua quidem status nostræ beatitudine, in quo animi gaudio conuersi ad Deum creatorem nostrum, & patriam illius indulgentiam erga nos, ueritatemq; eius bonorum, ac admirabilem fructum illorum, in nobis intelligentes, clamamus amoris uoce, atq; cordis, O pater, pater, o uere patrium erga nos animum, atq; amorem gerens. Et quidnam est præterea, quod ab optimo patre & eodẽ patre omnipotente aut sperare amplius, aut uero etiã optare debeamus? Ergo is spiritus, qui nos in hunc sensum rapit, qui ponere nos reliquas mundi curas, & sperare in solo Deo iubet, qui bona illius nobis indicat, atq; impertit, qui beatos & contentos iam in hac uita facit, idem ille ipse spiritus Dei sanctus, qui & ipse Deus, testimonium præbet spiritui nostro indubitatum, atq; certum, quod sumus filij Dei, quando ab illo patre nostro sic tractamur, ut amantius, indulgentius, liberalius tractari nequeamus, cuius quidem spiritus diuini testimonium, spiritus nos siter, qui illi est cõiunctus, & adhaerens sic accipit, ut sese gerat pro filio Dei, cuius tantam erga se ex peritur indulgentiam, ut præ bonis animi, quæ ex illo possidet, mundum, & mundi bona, quæcunq; lingua nūcupare, aut sibi potest cogitatio depingere, tanq; cœnum omnia ducat, & in uno ipso Deo etiam nunc hic uiuens, & terrenis affectionibus etiam nunc pulsatus, constituat summam omnis felicitatis suæ: qui si persuasus est, habetq; exploratū se filium Dei esse, tanti fide testimonij, & tot donis testimonij comprobatus adductus, eidem testi profectò credet, se cum filiis sit, hæredẽ quoq; Dei fore, atq; eorum bonorum hæredem, quorum hereditatem maiorem suum fratrem Christum iam adijisse crediderit: quæ nimirum bona ea sunt, ut surrecturus homo totus & mortuus, & futurus deinceps sit immortalis, idemq; in cœlum ascensurus, & ad dexteram Dei sit confessus: ubi enim caput, ibi & corpus manere est necesse prosequum similiter, & adiunctum Deo, non quidem pari dignitatis æqualitate, sed in capitis sui maiestate. Porro autem caput nostrum est Christus. Credet ergo & confidet certo spiritus noster se ita hæredem fore Dei, ut sit coheres I E S U Christi.

Siquidem unã patimur uti unã & glorificemur. Reputo enim quod nõ dignæ sunt ærumnæ præsentis sæculi, ad eam gloriam, quæ debet reuelari in nos.

S I Q U I D E M, inquit, nostræ fidei professio est, uelle pati cū Christo, ut ad eandẽ cum Christo gloriam etiam unã prouehamur, ac ne nos perturbet mentio patiendi, speratamq; illam tot bonorum lætitiã incommodorũ coniunctione diminuat, subiungit statim sapienter & prouidẽ, reputare se, hoc est subducere rationem, & facere summam, quemadmodum facere soliti sunt, qui calculos, & numeros in summas colligunt, quod est perperẽ ex utraq; parte, & æstimare. Quid est autẽ, quod reputet: nempe hoc, quod omnes huius sæculi molestiæ, omnes ærumnæ, incommoda omnia, quæ cū Christo à nobis subeantur, nõ sunt idonea ad tantũ promerendũ, quantum illis incommotis præmium propositum est: quandoquidem collecta, & coaceruata in unum, si in cõtentionem fuit uiræ gloriæ deducantur, illius longe magnitudine, & felicitate sint inferiora. Quod idem ipse alio loco, Quod nũc nos cõterit excedens leuitate, inquit, æternam excedentem grauitate gloriam comparat nobis non cogitantibus ea, quæ uidentur, sed quæ non uidentur: atq; hoc est spe attollere animum, & diminuerẽ eadẽ opera laborem. Quid uero, num patimur omnes cum C H R I S T O qui in hanc fidẽ uenimus: patimur enim uero, qui si etiam non in uinculis, & plagis, & in omni corporis laceratione, ac supplicio C H R I S T I fidem constanter proitemur, neq; in crucem tollimus, sicut ille fuit sublatu, eo ipso tamen, quod & ad ista parati animo, si accideret, sumus, & in medijs mundi cupiditatibus, atq; curis sustinemus quotidie prælia percontantium nos & dolorum, & uoluptatum, atq; à cogitatione Dei transducere ad se

ad se nitentium, hisq; quoad licitū est, obistimus, & repugnamus, gerimus ipsi quoq; crucem nostram, & abnegantes nosmetipsos, nostrumq; genus pessimum, contendimus, & adnitimur, ut efficiamur filij Dei. Et quoniam longo iam processu spiritū ues hementer extulit Paulus, eumq; habere testimonium spiritus sancti, quod filius Dei sit, disseruit, uitamq; ex eo pendere uno, & bonorum Dei hereditatē, futuramq; gloriam paratam illi esse dixit. Corpus autem & carnem in totum abiicisse uisus est, ne qui forte suspiceretur nihil istam partem apud Deum honoris habituram esse, nec ad immortalitatem aspirare eam posse, ob hancq; causam nec tantum futuræ illi gloriæ fortasse deferatur, quantum opus est, & corporis commoda minus contemnuntur, ueluti quod inique, atq; iniuria his præsentibus priuetur bonis, si id in posterum fructus nullos celestium illorum bonorum est percepturum, reuertitur Paulus ad confirmandum, corpus quoq; nostrum nobiscum unā futurum immortale, & bonorum eorundem cum spiritu particeps, implicat ille quidem, & contortē: sed tamen ut accurate, & subtiliter intuentibus, hic Pauli in hoc loco intelligatur esse sensus, nunc eius audiamus uerba.

Vehemens enim expectatio creaturæ reuelationem filiorum Dei expectat. Nam uanitati creatura subiecta fuit, non sponte, sed propter eum, qui subiecit in spe, quod & ipsa creatura liberabitur a seruitute corruptionis in libertatem gloriæ filiorum Dei.

VEHEMENS expectatio creaturæ, inquit, hoc uocabulum *κρίσις*, quod nos cæterorum opinionem secuti creaturam transulimus, melius nostro iudicio conuerteremus fabricam, habemus quidem uerbum uerbo par cõdere, quod est Græce *κρίσις*, idē in corporeis potissimum naturis, & rebus usurpamus: sed quoniam uocabula, quæ ex eo uerbo ducuntur, ut conditio, ut conditura, inciderent in alienos sensus, mentemq; legentis obturbarent, conditionis loco fabricationē proferimus, cuius uerbi uis cognata tamen est priori uocabulo, atq; propinqua. Igitur his, ut dico, nominibus ad corporum naturam utimur, quibus creatio ut longe communior est, sic ferē etiam est spiritalior. Creare enim animas Deum recte dicimus, cõdere, aut fabricari non ita dicimus. Sed quod *κρίσις* in hoc loco pro omni eo quod fabricatū à Deo est, hoc est pro coelo, terra, elementisq; accipienda sit, quorum unā cum gloriā filiorum Dei sit faciēda creatio, quando ista propter hominem effecta, & fabricata, hominis ipsa quoq; conditionem in utraq; partem sequuntur, ut & laborante eo laborent, & pacato quiescatur sint, multa hic & præclara dēiunt à sanctis uiris, quali nos ut adhortentur acuedas esse nobis uires animi, ut fortius certemus, quibus non pro nobis solum, sed tanquam pro aris ac focis sit etiam decertandum. Si quidem in illam perpetuam gloriam per patientiam, tolerationemq; certaminum postea introducitur, & terram peccato primi hominis execrationi traditam, & celos scēno, laboriq; destinatos, de quibus scriptum est, quod omnes tanquam uestimentum ueterascent, & sicut amictus mutabuntur, in nouam, & perpetuam pulchritudinem nobiscum simul restituentur. Sed ego in eam mentem inclino potius, ut de fabrica corporis nostri intelligendum putem. Nam & cœli ante peccatum Adæ currere circumcirca, & se uoluere institerunt, & feracitas terræ, ac cæterarum rerum opportunitas non tam sibi, quam nobis in labore est uersa. Atq; ut ea etiam ita se habeat, nec enim inficiamur, ne nos quidem, quin cuncta in seculorum sint, & in aduentu magni Dei nobiscum unā nouanda, & in potiore statum commutanda sint: tamen argumenta futuræ immortalitatis nostræ magis ex nobismetipsis, & ijs, quæ in nobis experimur, & sentimus, ducenda sunt, quam ex alienis, ac longe dissitis rebus. Itaq; & hoc uocabulo Marcus in Euangelio pro hominis tantum conditione, & creatione usus est, qui **1 E S V S** discipulis præcipit in illo, ut cunctes in mundū omnem, prædicent Euangelium omni creaturæ, quod est *κρίσις τῆς κτίσεως*. In quo illud quoq; apparet & existit, quæ nobis maxime aduersaria sunt ad uitā, palmamq; contendentibus, & quæ inuincibilem uidentur habere uim impediendī, atq; obstandī, posse ea nō difficiliter à nobis superari,

Q

quan

quando nobiscum ipsa quoque ad eandem gloriam immortalitatis aspirant. Sic igitur se habet uerborum istorum intellectus. Vehemens enim expectatio creaturæ, hoc est fabricæ, & illius in nobis partis, quæ condita corporea est, ipsa quoque expectat, ut accipiat reuelationem filiorum Dei, ut particeps etiam ipsa sit, ut eandem immortalitatem communicet. Est enim *ἐκ τῆς οὐρανῆς* compositum uerbum ab expectando, & capiendi, quod est quasi hanc expectando, ut accipiat. Reuelationem autem, quoniam arcanum consilium Dei de electis suis in illo extremo iudicii die omnibus reuelabitur, & tunc palam in medium omnia proferentur. Atque hoc uerbo sic positum ab Apostolo est, expectari à corpore nostro eandem immortalitatem, cuius quidem expectationis ratio communior illa sit, quod nihil est effectum, & in natura conditum, quin etiam si non ratione, & consilio, at tacito tamen desiderio ad melius semper spectet, & moueatur. Verum cum altera statim existat quaestio, qui possit corpus immortalitatem appetere, quod ad ea omnia potius propensum, præcepsque sit, quæ sunt penitus contraria immortalitati, ut est testis Apostolus, & munitus, omnia subito circumspiciens, & prouidens, occurrit e uelut ignis querentibus, & anteuenit, dicens istam ipsam fabricam partis sensibilis in nobis, corpus, carnemque uidelicet, non sponte sua subiectam fuisse uanitati, sed propter eius crimen, qui illam subiecit, hoc est propter Adæ crimen, qui obedientem illam primo rationi, & ex ea immortalitatem haurire in se paratam, suo peccato, & uitio deiecit ad corruptionem. Nam uanitas in hoc loco Apostolus, uana carnis desideria, & cupiditates inaneis uocat, quæ fructum mortis, & corruptionem afferunt, quas alibi cupiditates nominat deceptionis, quæ quidem efficiunt, ut uanos filios hominum, mendaces filios hominum appellet scriptura, & in imagine non in ueritate transire hominem confirmet. Etenim simul ut caro, quæ nullum suum habet ordinis, nec rationis lumen, ab illa in primo patre nostro cum mente, & ratione concordia diuulsa est, neque quod cuperet, cuiusmodi id esset, cognoscere amplius ipsa potuit, neque in eo ipso quod cupiebat, modum sibi, & finem constituere fuit apta. Sed etsi uanitati, ac corruptioni ex eo, animalis homo additus fuit, retinuit tamen sibi spem, & illud insitum, atque occultum naturæ desiderium non abiiecit, sese cum filiis Dei in pristinam aliquando nobilitatem, & uterem gratiam redintegrandum esse, uel eo etiam maiorem, quod tunc in ipso Adam in acipiti, & lubrico positus poterat & stare perpetuo, si decreuisset, & cadere, si hoc ei magis collubuisset. Posthac uero si fuerit redintegratus ac repositus, & maiorem multo, & in perpetuum stabilem gloriam est adepturus. Ab omni enim tum penitus seruitute corruptionis liberabitur: id est ab ea terrenarum cupiditatum seruitute, quæ illum constructum tradidit corruptioni atque morti, quibus etiam in Apostolo uerbis iudicatur de fabrica corporis nostri fuisse dictum. Non enim cælum, neque terra huiusmodi corruptionis seruilituti sic subiecta est, iudicabitur igitur corpus nostrum à seruitute corruptionis, & in libertatem gloriæ filiorum Dei liberabitur. Erit enim hominis animalis liberatio, accessio eius liberationis, quam ut spiritualis, & filius Dei, regeneratus uidelicet ex Deo, & natus homo consequetur, quæ tunc quidem fuerit libera & secunda gloria, cum extra belli periculum, & huiusce uitæ lapsus, in exurrectione corporum propria & perpetua possidebitur.

Nouimus enim quod omnis creatio conspirat, & congemiscit usque ad præfens: neque ea solum, sed & ipsi primitias spiritus habentes, & nos ipsi in nobis ipsis suspiramus, qui adoptionem in filios expectamus redemptionem corporis nostri.

OMNIS creatio uel fabricatio in hoc loco, & in unoquoque homine totus homo, & in uniuerso tempore totum genus humanum intelligitur, quorum utrunque scire se, & nosse affirmat Paulus, gemere unam & suspirare huius inueniendæ immortalitatis desiderio. Ac natura quidem res sese ita habet, ut quod Paulus alio loco, suspiramus, inquit, & affectamus, nolentes quidem exui, sed superinduit, ut absorbeatur mortalitas à uita, quoniam sic facti, atque conlati ex anima, & corpore in unam rem fuimus,

totum

totum hoc quod sumus, diligamus in nobis ipsis, & incolume, ac saluum totum esse cupiamus. Neque erit quisquam pertentans animum suum, & omnes oculos sensus mentis suæ cogitatione peragrans, quin in semetipso intelligat ferri nos amore, & studio conservandi nos ipsos, atque ita conservandi, ut nec patris in nobis, nec temporis facturam aliquam libenter admittamus. Sumus quidem eo animo, si qui bene, & recte fuimus instituti, ut si alterutrum perdendum sit, corporis pati, quam animæ detrimentum præoptemus. Verum enimvero non est plena, neque integra animi nostri cōsolatio: si tamen amissio corporis facienda sit, hoc desiderium adipiscendæ & fruendæ immortalitatis, ita in unoquoque homine inlitum est, ut neque obliuione, nec contrario studio, aut ratione unquam ulla possit auelli, quod in alijs rebus, quas inaniter, & temere cupimus, nec possumus ullo modo adipisci, facile est providere ratione, ne cupiamus aduersus quidem totam hominis immortalitatem, quominus ea optetur, & anheletur, non vis, non fualio, non consilium ullum, non temporis longinquitas, non studiorum diuersitas potest, non denique ratio, non cuiusquam authoritas obstat, & prohibere. Quod studium si innatum nobis usque eo est à natura, ut nequeat deponi, ne illud quidem simile, aut affine veri est, si ultra id in nobis, & nequicquam ab eadem natura fuisse inlitum. Ad hæc accedit ratio longe fortior, quæ Paulo, & nobis in Deū recte credentibus huius eiusdem rei scientiam corroboraret, quod omnes, qui Deum quoquo modo cognorunt, & ab eo sunt uel inspirationibus & nuntijs ex cælo missis, uel Moylis lege instructi, atque edocti, cuncti in hanc spem terræ mandati, & in se pulchris conditi fuerunt, tanquam denuo reuicaturi, neque amplius postea in mortem essent recassuri, fuerit licet Sadorum factio quædam apud Hebræos, quæ sustulerit resurrectionem, & Paulum de eadem re Athenis disserere incipientem philosophia irriserit, sinque etiam nunc quamplurimi, qui corpori uni excolendo, & saturo do neglecta fide immortalitatis adhibeant curam: tamen aliud in istis lingua, atque moribus, aliud mens ipsa intus, si consulatur, exclamat, præsertim si ea aliquo pacto sacrum rerum, & rationum uel solis auditionibus fuerit imbuta. Est enim in Iob, est in prophetis, & denique penè in omni scripturæ contextu, de resurrectione futura corporum animaduertente. Horum porro prædicatio, & expectatio aliorum, si non uana, sed uera est, ut quæ à summa Dei ueritate profecta, & inspirata sit, scire iam potest Paulus, & cum Paulo omnes qui Deo fidem habemus, cunctum hominum genus in hac spe fuisse corruptioni, & morti ad tempus addictum, ut extremo in tempore cōsurgat ad uitam, nec mortem postea amplius unquam oppetat. Nam aut qui hoc ex Deo perceptum habuerunt, certi spei suæ, & resurrectionis, intelligentesque quid sperarent, tantisper naturæ, & morti concessere, aut si à tanto doctore non fuerunt moniti, nullamque huiusce spei curam, nec cogitationem in animis suis uoluerunt: occultum tamen naturæ, & mutum immortalitatis desiderium abdicare à se non potuerunt. Quare genus omne humanum, & quod mortuum est iam diu, & quod uiuit, suspirat uniuersum, & anhelat ad hanc immortalitatem, eamque ad totius integram hominis, non alicuius certe in homine partis, ut & totum genus, & homo totus ad incorruptionem, & uitam recuperandam contendat. Et quoniam de animo erat persuasibilis, de corpore magis ambiguum, alio etiam ualidiore inter uiuos utitur argumento, quo & animus ipse corpori, & testimonium spiritus sancti huius de corpore spei subuenit, & assilulatur. Non solum, inquit, hæc communis est totius humanæ fabricæ, creationisque expectatio, cuiuscumque denuo esse, & immortalem deinceps uitam agendum: sed & illi qui spiritus primitias habuerunt, quod est intelligendum de patriarchis, & prophetis, in quibus primò cepit operari spiritus sanctus, & nos ipsi, in quibus idem spiritus assiduū sibi iam domicilium constituit, qui non primitias tantum, sed integram mellē spiritus sancti poscimus, quibus ille nō solum flauis, sed flamma, & lumine amorem, & cognitionem summæ ueritatis infudit, & qui adoptionem in filios Dei iam ex parte nacti, pleniorē etiam posthac, & illustriorem eiusdem Dei hereditatem expectamus. Hoc enim sibi uelle iam diximus *ἐν πνεύματι*, quasi expectare interim accipiendo: nos inquam, qui plenitudinem spiritus ex Deo hausimus, quem habemus intus omnis nobis ueritatis certissimum & sponfore, & testem,

suspiramus item ipsi, & expectamus redemptionem corporum nostrorum, quod non faceremus, si hæc nostri pars, non ad obtinendam perpetuitatem, ipsa quoque nata, factaque existeret. Ac ne quis hoc tantum dicat sperare esse, spe autem nostra falli, & decepti nos posse, refutat statim, sic inquit;

Spe enim seruati sumus: spes autem cum cernitur, non est spes. Quod enim cernit quis, quid etiam sperat: quod si quod non cernimus, speramus, per patientiam expectamus.

EA SPES, inquit, quæ de præterito pignus maximum nobis dedit, non se esse fallacem, ut per quam spem, salutem sumus adepti. Nam à primo cum credidimus Deo per IESVM CHRISTVM, & spes nostras à mundo auferentes; in illo omnes collocauimus, & fiximus, statim mercedem spei nostræ accepimus salutem nostram. A seruitute enim iniquitatis & mortis, ad uitam, & iustitiam Dei suimus translati, in genus, & nomen filiorum Dei uenimus. Illa igitur spes, quæ nos, ut alter ait Apostolus, Pauli confors, atque collega, regenerauit in spem uitam, tantumque nobis bonorum cum promitteret, plus etiam dedit, ut quæ dignitatem humanæ nobilitatis, quam omni uitio, & culpa contaminati homines amiserant, cum se resisteretur illis polliceretur, ultro Deos ipsos, & Dei filios efficeret. Illa inquam spes, de futuro nos profectio non falleret, iam tot rebus, & argumentis nobis explorata, & perspecta. Sicuti non sefellit ne tunc quidem, cum ad eam nullo adhuc certo obside illius firmitatis inducti accessimus. At nunc posteaquam per eam nostræ illustratæ mentes, & cognita omnis ueritas, commerciumque cum Deo, & cum spiritu sancto salutis, & beatitudinis nostræ nobis initum est, quid est uel quod minimum dubitemus, quin hanc quoque immortalitatem integri hominis ex corpore, animoque constati, quam pollicetur nobis, sit præstatura: modo patienter, & cum tolerantia expectemus, quod est proprium eorum, qui in Deo, & fide Dei firmiter hærentes, solantur spe illa expectationem suam. Nanque & qui expectant patienter, & qui impatientes sunt, omnes quidem in uitam perpetuam cum corpore simul sunt resuscitandi. Sed illam solam immortalitatem, & ueram uitam sentit Apostolus, quæ electis Dei futura est. Hi enim immortalem uere uitam: qui autem à Deo damnati, & repudiati fuerint, mortem potius immortalem sunt inuenturi. Spes igitur, & in sperando atque expectando patientia, suscipienda nobis est, quando nec spes quidem amplius esset, si quod speramus, id iam teneremus. Atque ut animaduertas altitudinem Pauli sententiarum, & quam obrem hanc spei disputationem interposuerit, perspicere tute, & cum animo tuo considerata, ut intelligas non esse locum calumniantibus ad hanc infirmandam spem, cuius probationem in hac uita, non modo consequi, uerum nec desiderare quidem possumus. Si quis enim contradicat, & asserat sperare nos uana, & expectatione nostra decipi, nempe id ita dicat, quoniam utriusque spei ista uera sit, an ne falsa, in hac uita cupiat experiri, argumentaque ueritatis de hac spe ex his, quæ hic apparent, & cernuntur, duccenda esse constituat. At hoc nihil est, quod minus optari possit. Cupias enim unam, si istud cupias, & uiuere, & mortuus esse. Dum enim in hac uita sumus, in ænigmate sumus, & tanquam in imagine, ac simulacro ambulamus, cunctaque felicitas, & beatitudo nostra spe futuræ uitæ continetur. Quid ergo optes huiusce spei sensibile argumentum, cum si hoc obtineas, quod optas, amplius ipse sensibilis non sis? Itaque spem quidem istam contemnere, & postmittere, atque ad explendos sensus totum conferre te possis. Argumentari autem contra eam ex his, quæ cernuntur, aut testimonium flagitare certum, quod illam tibi ex sensibus confirmet, nullo modo possis, quin continuo repugnantia dicas, & id quod affirmas, simul etiam inficere. Ac quemadmodum si quis marinos fluctus solidam terram cupiat esse, ita tamen, uti fluctus nihilominus sint, ipseque ab illo nauigandi motu, & gestatione non deferatur, is huius sui optati nullam stabilem & constantem habeat rationem, sed sibimetipsi contrarius, & repugnans sit: sic qui futuræ uitæ spem ex his quæ sensibilia sunt, uolunt com-

proba

probari, hi & sentire simul, & non sentire quod desiderant, uolunt: Quando ab omni sensu humano isto uidelicet, & mortali aut spem, aut te abesse necesse est, si sis huius fuisse spei sensum aliquem percepturus. Illa igitur tibi argumenta spei nostrae fidem faciant, quae ex eadem spe ducta sunt: quam cum uideamus in eis rebus, quas in hac uita possumus experiri, promissionis suae fidem nobis praestitisse, quod reuocauit nos a peccati morte, & in iustitiae uitam insinuauit, exceptis aduersariis Dei, & hostibus effecit eius filios: cum, inquam, uideamus spem nostram in Deum tot nobis & tam praeterea promissa expleuisse, eandem certo confidamus ea, quae adhuc supersunt, quae in altera uitam seruata nobis sunt, etiam expleturam, cum horum praesertim, quae iam potiti sumus, illa quae expectamus, quali comitatus quidam, & appendices esse intellegantur, **TUM IULIUS**, Proh Dei immortalis fidem mi frater, inquit, quid est nobis de hoc homine dicendum: utrum cum ex humano, an ex coelesti magis ordi ne statuamus, qui tantos cursus cogitationum, tanta inuolucra diuinorum consiliorum in tam paucis uerbis constringat, & alliget, & cum breue spatium progressus uideatur, coelum, & terras, & maria peragrat: Quod porro pelagus doctrinae, quae uis inaudita coelestis sapientiae non in his uerbis indita, & impressa est? ostendit pene digito nos esse filios Dei, testes aduocat omni fide dignissimos: quippe illos ipsos, qui plane noscunt, intelliguntque ueritatem, spiritus duos uidelicet, & illum Dei, qui est ipsa ueritas, & nostrum, quatenus cum illo copulatus est, hoc est cum ueritate Dei haerens atque coniunctus. Aque in tantam nobilitatem, gloriamque sublati, generantesque Dei cognationem, atque nomen, reuocat nos deinde ad respiciendam conditionem huius uitae, quae addicta sit laboribus, incommodisque perferendis, in quibus nos uerfari aequo animo debeamus, & ad exemplum, ac imitationem **CHRISTI** Iesu aerumnas, & dolores hic libenter pati, ut cum illo quoque una eandem postea gloriam adipiscamur. Tum deinde conuersus ad demonstrandam conditionem nostri corporis, quod fragilitati, & morti uideatur relictum, immortale illud quoque fore confirmat, & in tempore reuelationis gloriae filiorum Dei, etiam ipsum ad uitam perpetuam restituendum esse dicit, atque in una re utraque rem expedit, & ut nos futuros ex omni parte obeat immortales, & ut animum augeat, fiduciamque corroboret, posse nos corporis & carnis cupiditates uincere, cum illa quoque pars nostri in eiusdem expectatione, ac desiderio spei nobiscum, & cum spiritu nostro consentiat. Non enim pergraues esse aduersarios, inter quos de summa rei conuenire esse licitum. Atque ad hanc eorporis probandam immortalitatem, huiusceque immortalitatis spem, non ex his rebus, quae cernuntur, confirmandam, cum illa fieri nulla ratione possit, sed ex eadem spe adminiculandam, ut spes spei testimonio, & certo documento sit, parsque iam adepta expectatae partis faciat fidem, tot, & tam densa aliud in alio intexit argumenta, ut assequi hominis penes sensum cogitatione nostra nequeamus. Ac uideo equidem aliter haec uerba ab alijs exponi. Sed ego facile suscipio rationem istam tuam, creatio nemque, uel fabricam potius, ut tu uis, ac recte quidem, mihi ut uidetur, de ipso tantum homine intelligo, quia is corporis, & sensibilis est, quam nostri quoque partem ad immortalitatem suspirare nobiscum, affirmanti Paulo credo, quippe quae si non aperta uoluntate, ac communi desiderio naturae ad melius ipsa etiam moueatur, ueterumque prophetarum, & sanctorum hominum dictis atque scriptis, ac praesertim Apostolis, & praenuncijs summi Dei fidem de hac re indubitata habeo. Verum illud tamen quaero de ipsa carne scilicet, de qua tota corporis natura, qui non sit contraria, & semper inimica rationi, cum ad extremum usque spiritum nunquam ea turbare pacem animi, neque gerere bellum aduersus rationem desistat: quod si maior aduocanda est autoritas, cur Paulus carnem concupiscere aduersus spiritum, cur idem illius se non posse stimulos, ac molestias propulsare ab sese dicit? Cur dominus illam infirmam appellauit? neque haeridem regni fieri posse saepe testatus est? Cur illa in terram, & mortem nos semper trahit, cum ad coelum, & ad uitam exurgere contendamus? Qua denique illa ratione peruenit, ut maiorem multo hominum partem suarum uanissimarum laqueis cupiditatum allicitam teneat, atque uinctam, si non hoc magnum est in eius natura proprium, ut opprimat semper & suo decore spoliaret rationem?

Quod si hoc illi natura uicium inest, quo pacto illud contrarium inesse potest, ut natura appetat etiam ipsa reuerti immortalis? VITVM, inquam, Iuli carni inest, sed non ut est caro, nam si hoc ita esset, etiam antequam peccasset Adam uitio infecta caro, & rationi aduersaria fuisset, quod non erat ea tunc quidem, antequam ad elum interditi pomii, & neglectiorem diuini praecepti fuit deuentum. At postquam illo crimine corrupta ex pristina sua integritate decidit, ignorantiae continuo tenebris cooperta tota, & ius quoddam, ac arbitrium suarum libere exequendarum appetitionum sibi stulte uindicans, eadem arrogantia nititur aduersus mentem, qua mens, & ratio primo extulit sese aduersus Deum. Sed etsi talis effecta parentis nostri erimine, & propter primam illam culpae labem, in prauos sensus, cupiditatesque est coniecta: insitum tamen illud naturae desiderium non potuit ejicere, quin cuperet ipsa quoque particeps esse honoris. Atque ut ex euidentibus in animo nostro factis atque exemplis, illud occultum in rebus quae carent ratione, naturae consilium melius deprehendamus, uidisti ipse profecto, idque saepius, homines uino, atque ebrietati deditos, qui cum in uno illo studio curas omnes suas, temporaque consumant, idque sumum bonum in uita esse arbitrentur, nihilo tamen minus tacitis interdum confos diuntur stimulis, ut in media ipsa potandi alacritate, ac leticia ipsi sibi displiceant, ac modestorum & sobriorum hominum cupiant esse similes: neque à uino tamen propterea, crapulaque desistunt, sed plenis poculis hilaritatem prouocantes, sentiunt amarum quiddam in animo, quod suauitatem illius letitiae infuset & imminuat. Atque horum corrupta quidem uitio, & consuetudine ratio pergit in ipsum deus decus, sed in eo magis quotidie, magisque ingurgitat, neque ea tamen sine cura, & stimulo, ac dolore tacito potest consillere, cum id quod studet, & uult, sibi intelligat esse exitiosum. Simile quiddam nunc in corpore, & carne ipsa cogita, inanimaduersum illi quidem, & incognitum: sed nobis, qui lumine, & ratione utimur, perspicuum, & euident. Illa enim corrupta, atque infecta prauitatis labe agit, & contendit quidem omnia, quae & sibi sunt ad immortalitatem aspiranti, & nobis, qui pacem, ac concordiam cuperemus, infecta, atque inimica: sed tamen dolore quodam naturae necessario ipsa tangitur, nec intestinum illud desiderium amittit, quin cupiat esse compos immortalitatis: quod quidem desiderium quoniam pro nobis est, uitium autem carnis, ac praesens eius contaminata studium & contra nos, & contra ipsam carnem, pugnemus fortis animo, & praeciemur, tanquam in uniuersum uictores futuri, etiam si in aliqua parte aliquando uitio carnis uicti, peccato succumbamus. PROBO ista, inquit Iulius, & rationem tuam accipio: sed quod restare mihi etiam uidetur ad dubitandum, id ex te exquirō. Etenim si ista futurae resurrectionis in carne quoque, & corpore expectatio cognita Iudeis fuit, hancque eandem expectare, & cognoscere praecipuum prope est fidei nostrae mysterium, idque imprimis & alleuat laborem, & confirmat animum, ut pugnat, & nititur, & sperare uictoriam aduersus carnis uicium debeamus, quid ita illi aut resistere carnis uitijis aequae ut nos, non potuerit, quae de re fatis ante est disputatum, & dictum, aut in eiusdem penae expectatione praemij non eandem ipsi in Deum fidei uiam, & rationem, quam nos, insilire? Quanquam ego ista dum percunctor, ad illud diuinum fidei nostrae mysterium, quod haecsterna die nobis patefactum est, intuens, reperio statim hoc, quae percunctor, dissolutionem. Illi enim sic restitutionem corporum sperabant, ut ad eandem iucunditates, eademque mundi commoda, quae in hac uita faciebant maximi, redituros in altera se confiderent, uxoresque suas, & domicilia, & agros recuperaturos. De qua illorum spe, atque opinione etsi non palam est, neque diserte in Moysis lege scriptum: tamen ex interrogacione Saducaeorum, quae de septē illis fratribus eandem uxorem deinceps ducen tibus, quid in resurrectione corporum futurum esset, dominus illi IESVM sciscitauerunt, quae fuerit Iudaeorum mens, & de futuris bonis expectatio, liquidò potest intelligi. Qui igitur bona haec corporea & terrena tanti aestimabant, ut fructum in illis perpetuae uitae ponerent, non poterant illa ne in hac quidem mortali uita sic contemnere, ut mentes suas ab illis ad Deum penitus auocantes facile resisterent carnis prauijs, atque oppugnationibus, id quod nos melius possumus, qui & diuellimur in hac uita

ab omni

ab omni mundi spe, & iucunditate propter Deum, & in futurum celestia, nō terrena bona expectamus. Ita illi neq; fidem in Deum eādem, neq; parem firmitatem animi ad resistendum carnis cupiditatibus inuenire potuerunt. Nunc lege tu, quæ sequuntur.

Similiter autē & spiritus coopiratur infirmitatibus nostris. Hoc ipsum etenim, quod oraturi Deum sumus, quemadmodum oporteat, nescimus. Verum ipse spiritus intercedit pro nobis gemitibus inenarrabilibus.

HÆC PAULI sensa unum post aliud ipsius quidem more loquendi obfcurior, & implicitior, cum difficilia cognitum semper sunt, tum diuulsa sepe, & interrupta, ut uix coherere possent inter se uideantur. Sed nobis non tam ex uerbis interdum eius, quam ex spiritu, & mente facienda est interpretatio, ut in hoc loco. Quoniam enim de tolerantia, quam in illa spe futuræ gloriæ sustinemus, fuerat iam sapius uerbum factum, ut cum ipsam tolerantiam fortius constantiusq; teneamus, alio quoq; subsidio & firmamento nos instructos demonstrat spiritu nostrum, qui uota, precēsque nostras ita dirigit erga Deum, ut nobis tuta, & salutaria posulemus. Atque hoc monstrato, ad Deum deinde ipsum reuocat omnem nostram facultatem, & consistendi, & tolerandi. Quod ergo hic ait, similiter & spiritum opem ferre infirmitatibus nostris, in eam rationem intelligamus esse dictum, ut duplicem uim habeat. Nam quod spiritus curam suscipit infirmitatum nostrarum, id est, earum, quæ sunt ex parte carnis, & corporis, cum paulo antè positam rationem comprobabat, corpus eiusdem gloriæ socium fore nobiscum. Qui enim aliquando tantam de eo curam spiritus suscipiat, ut & redemptionem illius suspirando desideret, & in infirmitatibus, ac periculis ei opituletur? tum illud quoque efficit, ut hoc quoque fulti, munitiq; subsidio alacrius tolerantiam, & firmitatem resistendi capiamus. Nam quod sepe iam Paulus totum hominem in sese alicui hominis parti cōponit, & tanquam de duobus in uno, & eodem loquitur, nunc hominem totum in spiritu confluens, ut quæ dicit, Nos in nobis suspiramus expectantes redemptionem corporis nostri: nunc in corpore collocans, ut in hoc loco, spiritus opitulatur infirmitatibus nostris, est hoc quodidiano loquendi more uisitatum. Spiritus igitur utrumque facit, & confirmat nos ad perpetiendum, & ferendum, quantum quicquid nos per patientiam expectamus, & fraternam de corpore suscipit curam, ut id ab errorum laphionibus continendo in uiam, semper inducat iure optandæ, atq; expectandæ immortalitatis. At qui spiritus? non enim de isto mediocri est disceptatio. Sed nos missi facientes controuersias, quoniam id tantum proferre, & effari uolumus, quod nobis suppeditat, & inspirat Deus, dicamus nostrum hūc esse spiritum, quatenus is tamen ad Deum conuersus est, & totus aptus, atque dependens ex eo, quod facere ille non potest, nisi cum sancto spiritu sit coniunctus. Et sane propria voluntas nostra, & ratio cum in Deo locata est, sola spe spectat diuina, & immortalia, spiritus est, & eo nomine nuncupatur: quæ si desineat ad mundum, atque carnem, ita caret spiritus appellatione, & nomine, ut rationis tamen, uoluntatisq; retineat, sed sit carnalis, & terrena ratio. Caro porro, & spiritus usque ad diuersa inter se, alienaq; sunt, ut apte, proprièq; loquendo in unum nequeant coniungi. Illa ipsa igitur nostra ratio copulata cum Deo, & nihil planè uolens, quod Deus ipse nolit, est, quæ opem fert infirmitatibus nostris. Nam & cum auocat nos ab eis expectandis, quæ sunt caduca, & corruptibilia, pulchrioraq; multo, & amabiliora ex Deo, quæ appetamus, proponit: mirum illa magnum momentum affert ad constantiam animi, atq; ad uirtutem in rebus uariè mentem nostram labefactantibus, seruandam nobis, ac retinendam, & plurimum in eo quoque nobis conducit, quod desiderantibus nobis orare Deum, & petere ab eo aliqua nominatim, quæ ipsi grata sint & nobis salutaria, quoniam in hoc falli facile possumus, atque adeo sæpenumero fallimur, ipsa ratio, quæ est non sanctus, sed sanctificatus in nobis spiritus, qui tamen sine coniunctione spiritus sancti talis esse non potest, intercedit pro nobis ad Deum gemitibus inenarrabilibus. Atque hoc unusquisque in sese aliquando potuit experiri, ut cum ea optauerit, quæ sibi putaret utilis, rationemq; secum in optando consentientem habuerit, deinde usu, euentuq; edoctus,

edoctus, illa esse pernicioſa, uanitatē ſenſerit, cōuertat ſe cū gemitu ad ſummum Deum, & ante illum proſtratus, ac lachrymans proferat ſimul cum Pſalmiſta, Deduc me Domine in ſeruitam mandatorū tuorum, quia ipſam uolui. & illud, Domine ante te omne deſiderium meum, & gemitus meus à te non eſt abſcōditus. Præſertim cum & ſapienſiſſimi Regis dictum ſit, Viam eſſe, quæ uideatur homini iuſta, & nouiſſima tamen illius tendere ad mortem. Et ſimile item quiddam I E S V S Dominus ſocietate regni quærentibus Zebedæi filijs reſponderit, neſcire eos, quid peterent. Ergo cum quid à Deo nobis petitur nominatim, intentum quidem & cupida eſt uoluntas illius adipiſcendi, ſed ſpiritus eſti ipſe quoque in idem ſtudium inclinans, tamen extimeſcens, ne forte incidat in aliquam fraudem, & pro commodo, ac ſalute damnum, periculum uel reſeruat, poſtulatione illa facta, totam rem rursus permittit Deo, & illum uſurpat. Domini noſtri ſermonem ſic orantis: Pater ſi fieri poteſt, tranſeat à me calix iſte, uerum tamen non quod ego uolo, ſed quod tu. Sic enim orando, & deprecando Deum, quod quoties die tamen in oratione dominica facimus, cum ut fiat Dei uoluntas, deprecamur, iuſtiores ipſi, & ſanctiores, & ad ſpem exoptatæ gloriæ alacriores efficiuntur.

At qui ſcrutatur corda, noſcit quod eſt ſtudium ſpiritus, quoniam ſecundum Deum intercedit pro ſanctis.

DEVS qui ſcrutatur corda, inquit, intelligit, quod eſt ſtudium ſpiritus, quid ſibi uelit, quid optet. Id enim nimirū optat, ut obtineat nobis ab Deo ea quæ ſancta ſunt, quæ illi placita, quæ nobis ſalutaria, non quæ hac aut illa cupiditate affectū nominatim poſtulamur. Pro ſanctis autem hoc loco quadrat ad utrumque, ſiue quoddam ſanctas res poſtulat, & pro ijs intercedit, ſiue pro ſanctis etiam uiris, qui à Deo uocati in ſanctitatem, & in ea firmati diuino decreto ſunt, quo de genere ſanctorum, ac electorum continuo facturus uerba eſt Paulus. Sed & illud quoque attendendum ex his uerbis eſt, quod de ſpiritu noſtro proxime intellexerit, & non de ſpiritu ſancto. Quod enim ait, quod Deus ſcrutans corda, noſcit uoluntatem ſpiritus, ſatis declarat ſe de ſpiritu noſtri uoluntate loqui, quam in ſuo ſancto ſpiritu, ut noſcat Deus, non necesse habet ſcrutari corda noſtra.

Nouimus autem, quoddam diligentibus Deum, omnia cooperantur in bonum his, qui ſecundum propoſitum uocati ſunt.

HÆC iam eſt conſtans, & inuicta ratio noſtræ tolerantie, & firmitatis, per quam quidem rationem omnia uertuntur nobis in bonum, quod ab omnipotente Deo ante omnia ſecula electi, & conſtituti ad poſtendam hæreditatem æternæ gloriæ unā cum CHRISTO ſumus. Quoniam, inquit, Deus ſcit ſtudium ſpiritus noſtri, qui nihil uult, nec poſtulat ab eo, niſi quod ipſi gratum, & ſibi ſit ad gratiam illam, quam habet apud Deum, conſeruandam utile, quod eſt amantiſ, & uere diligentis Deum. Ideo hiſ, qui hoc modo diligunt, qui omnia ſua bona ad Deum referunt, & in eo uno conſtituunt, quos propoſuit Deus ante initia temporum effecere ſuos, & in illis collocare gratiam, & benedictionem ſuam. Hi enim ſunt, qui ſe totos conferunt, & inſiſtunt in ipſum Deum, atque in illo amore, & in illa fide permanēt, quod eſt ex Dei propoſito eſſe uocatos. Sicut in alio loco; In CHRISTO, inquit, IESV hæreditatem ſortiti ſumus, præſinitum ſecundum propoſitum eius, qui omnia operatur. Hiſ inquam, talibus omnia & aduerſa mundi, & proſpera in bonum cooperantur, arctiusque cuncta conſtringunt neceſſitudine, & amicitiam inſitam illis cū Deo, ut diuelli ab eo & abripi nullis periculis, neque terroribus, nulla externa ui, nulla, ut ipſe mox dicturus eſt, humana aut angelica potentia queant. Atque hæc quidem Pauli mens. Sed nos & illud addimus, non tantum recte facta, aut fortiter ſuſcepta propter Deum incommoda, ſed laſpius etiam ipſos, & peccata interdum corporis, hiſ ad incrementum gratiæ proficere. Non enim eripi hi Deo, ſemel ab eo conſtituti, atque electi, qui Dei nomen in frontibus ſuis ferant, ſed tantum in ſe concuti, & labefactari aliquando poſſunt, ut uel oculum aliquod in ſe ipſis deprehendant uitium, quod minus antea animaduertant, eiſque medeantur

medeantur, uel ut humilitatem animi in magnis Dei muneribus teneant, neq; se ad superbiam, & inanem animi elationem patiantur attolli, uel etiam ut casu illo admoniti, atq; docti ad minus confidendum sibi ipsis, & ad implorandum magis Deum redeant diligētiore. Ita enim & Petro trina filij Dei negatio plus humilitatis in posterum, & amoris erga magistrum suum contulit: & acerbitas Pauli, qua depopulabatur CHRISTI seruos, maius pōt de CHRISTO illius testimonio pondus, & maiorem addidit auctoritatem, eademq; in illo effecit, ut acrisse animo deinde offerret se laboribus, resisteret periculis, omniaq; ad Deum, & proximū quæ pertinebant, studiosius obiret, quod ueterem culpam apud Deum suam nouis quam plurimis officijs posset delere atq; extinguere. Atq; horum nos duorum principum testimonio, cum innumerabilia alia se offerant, hic contenti erimus. At quid ita his uocatis Dei, ac diuinæ uoluntatis proposito ad tantum decus electis in bonum omnia cooperantur, ut etiam quæ obesse & lædere nata sunt, reddantur illis commoda, atq; bona: acceperationem, & magnitudinem diuinæ prouidentię simul attendet;

• Quoniam quos prænouit, & prædefiniuit conformes imaginis filij sui, ut sit ipse primogenitus in multis fratribus. Quos autē prædefiniuit, hos & uocauit, & quos uocauit, hos & iustificauit: quos autē iustificauit, hos & glorificauit. Quid igitur dicemus ad hæc: Si Deus pro nobis, quis cōtra nos?

T O T A ratio eius, quod dixit, omnia diligentibus Deum cooperari in bonum, & aliorum etiam, quæ paulo pōt in hanc eandem sententiā dicturus est, ex eo nimirum dependet, quod sic ab Deo statutum fuit, & diffinitum. Namq; quod attinet ad partes nostras, nihil in nobis stabile, nihil perpetuū habemus, iactamurq; semper incertis studijs & uoluntatibus. At quod fixi, atq; firmi in hoc bono habeamus, ut nunq; separemur ab Dei gratia, ipsius Dei proprium donū est, propria deliberatio: statuit enim ipse æterno ex principio, quos erat uocaturus in suam iustitiā, & gloriā, eosq; prædefiniuit, ut essent fratres, & consortes I E S U Christi, quatenus homo est CHRISTVS. Nam ut homo ipse etiā adoptatus est, ipsa porro adoptio imago est naturalis generationis, & cū, qui est natura filius, is qui per consensionē legibus adoptatur, similitudine quadā generis imitatur. Prædefiniuit ergo Deus quos prænouerat, ut cōformes essent imaginis filij sui, qui ut Deus, natura est Dei filius, ut homo adoptione filius. In adoptione ergo fratres futuri erant, & in hoc genere fraternitatis CHRISTVS, qui natura est Deo unigenitus, in adoptione futurus erat primogenitus. Multos enim fratres adducturus erat ad Deum secū, simul & ipsos in filios Dei adoptandos curaturus. Neq; uero alia de causa ipse in mundū uenit, & cum patre Deum natura haberet, hanc quoq; ex adoptione cognationē suscepit, quæ est certe nō egebat, nisi ut quos naturæ genere non poterat, adoptionis iure plurimos fratres haberet. Itaq; ab Deo patre & ille missus, & hi prædefiniti, ut esset cognatio ista adoptionis frequens, atq; multa, in qua & primus filiorum Dei, & inter fratres caput esset CHRISTVS. Atq; hoc est, quod magnū, excellensq; mysteriū in tam paucis uerbis inquit Apostolus, cū dicit, Vt esset ipse primogenitus in multis fratribus. Nā & rationē aduersus CHRISTI, & in electione prædeterminatione consiliū Dei cōprehēdit. SANE! I T A est, inquit Iulius, & quo plus progredimur in huius hominis dictis, sententijsq; expendendis, hoc maior subit animos nostros admiratio: non quidē unde ista in eum deducta sint, sed quomodo ipse tantam ex Deo affluentiam altissimorū consiliorū capere potuerit. Sed nimirum Deus in illo arcana suæ sapientiæ hominibus aperiebat. Verum mi frater, quod tibi est hic, aut in proxime sequētib; necessariū faciendum, elige utro in loco malis de prædeterminatione ista, siue prædestinatione Dei, ac de libertate arbitrij nostri disputare, atq; disserere, & utrū nos ex nobis aliquid afferamus ad cōsequendam filiorū gloriā, an totum potius à Deo sic accipiamus, ut nullæ nostræ in eo partes sint. Scis enim ipse quanta, & quā difficilis sit de hæc re questio. Cum si omnia prorsus ex Deo nobis sint ita diffinita ab eo, & destinata, quæ quidē spectent ad uirtutē, & gratiam adipiscendam, ut deliberationem nostram ipsa impellant, nihil

R omnino

omnino loci nostro arbitrio reliqui esse uideatur: Sin autē e contrario merita nostra gratiam Dei antecendant, omnē ab Deo proflus benignitatis, & clementiæ gloriam auferamus. Quorū hoc posterius ut magis impium sit, illud primum aliquanto certe durius. Ac mihi quidē sapius iam reuerſo ad conſideranda ea, quæ in utranq; dicuntur partē, & rationum momēta perpendenti, liquere adhuc nō potuit, niſi q̃ Pelagiā nam impietate ſine ulla dubitatione deſellor, qui tantum meritis noſtris nobis, ac nō beneficiæ ſummi Dei ſeramus acceptum. Sed ex altera quoq; parte, etſi ab ea ſtat doctōr omnīū maximus, idēq; grauiliſſimus, & ſanctiſſimus uir; tamen durū admodum mihi uidetur, quodq; illabi non facile queat ad ſenſus noſtros, ſi omnino à nobis niſil ſit, quod ualeat ad obtinendam gratiā, in pari conditione cunctōrū ita quōſdam à Deo eligi, ut ceteri in calamitate, & damno deſtituātur. Etſi enim iuſte omnes reiſe cimus eō, q̃ natura filij iræ ſumus; tamen ut in ortum & naturā tales produceremur, nullæ noſtrę apud Deum antea preces, nulla interceſſer at flagitatio. Sed ipſe cum ſua bonitate nos lucis, naturęq; participes facere inſtituiſſet, cur ſubito mutatus bonitas ſuam, occaſionem noſtri exitij eſſe uoluerit, diſpicere eſſe non poſſum. Vt iuſtitiam, inquit, etiā ſuā demonſtret in iſs, quos deſituit, ſicut in illis, quos eligit, oſtendit bonitatem. At quo pacto iuſtitia ſit, ſi niſil ego delinquens, in hoc ipſum er cor, & producor in lucem, ut damnāduſ ſim, meiꝝ exitij, atq; damni ipſa Dei creatio inſtitū, & cauſa ſit: Deinde hancine illi in Deo appellant iuſtitiam? quali ulla in Deo præſtantiōr iuſtitia ſit, q̃ ipſa bonitas. Itaq; Græci, & doctores Latini reliqui, quibus ueritas addidit authoritatē noſtrā, meo iudicio moderatores, qui ſic nobis aliquid tamen reſlinquunt, ut totum, quod habemus uirtutis, & meriti, ad Dei gratiā nihilominus referant, quorum neq; doctrina ſilōrū eruditione, qui ſecus ſentiunt, neq; religionis ſanctitas ſanctitate eſt inferior. **MAGNUM**, inquā, concuſum accerrimarum diſputationū excitat mi frater, & magnum mare cōmoue, cum hanc diſſiciliſſimam omnium quæſtionē, & ſi uerum fateri uolumus, penē inexplicabilem à nobis uis tractari, etſi eam quidem deſſugere honeſte nō poſſumus. Locus enim iſte fert, & corꝝ expectatio, qui Paulum noſſe cupiunt, hoc imprimis poſtulat, ut aliquid de hac ipſa re in mediū proferamus, quando explanationem Pauli ſumus profeſſi. Verum ut ſtatim de principio notam tibi faciamus ſententiā noſtram, nos de illorum numero ſumus, qui aliū quid etiā in nobis eſſe poſitū uolunt, quatenus tamen cum illis conſentire ſine fraude, & ſine detrimento ueræ fidei poſſimus. Atq; ut tu modo ipſe dicebas, ſi in pari conditione omnium noſtrū hi ab Deo eligantur, alij reiſcantur, nō poſſe à nobis diſpicī, neq; animaduerti Dei iuſtitiaſ ſic illud addo, ne in eodem quiddē ſacō intelligi à nobis eius ſapientiæ, ſi nulla cauſa, ac ratione diſcrimen faciente, alios improbet, reiſetq; ad interitū, alios ad ſalutem, & gratiā ſuam recipiat, cum iſto agere modo, atq; operari cauſus potius, q̃ conſilij eſſe uideatur. Quanquā ſic nos loquentes in illam fortaiſſe ſanctimus petulantia, ut uideamur quali regione reſiſtere uelle Deo, & in diſquiſitionē illam, atq; ad iudiciū accereſcere, quod nullo modo intendimus, ſed proſtrati animo, & corde ante ipſum, ueniamq; ab eo, & miſericordiā poſcentes, ipſum precamur ſupplices, ut uerba noſtra ipſe dirigens facultatē nobis det, quō illi tam in oratione, q̃ in uoluntatis ſtedio placere ualeamus. Cupimus enim inueſtigare, quid uerum ſit, neq; id ſolum, ſed quod cū ueritate pietatem quoq; præterea erga Deum habeat cōiunctam. Tibi uero mi frater, etſi te aſſenſorē nobiſcum eiſdem ſententiæ habemus; tamen dicendum erit cōtra aſſerctiones noſtras, ſicubi tibi minus recte uidebimur loqui, quando unum hoc ambo adnitimur, ut quod uerū ſit, id cōprehendamus. **FACIAM** ut ſubes, inquit, quamobrē aggredere ad dicendum, **PRIMUM** hoc te rogo, inquā, num tu Pelagium quicq; ſenſiſſe recti exiſtiſtes, qui merita noſtra præcurrere diuiniæ gratiæ, & beneficiæ uoluit, uel prouiſa antē à Deo prædiſtinniente electos ſuos, uel poſt operibus iam ipſis probata eidē, & cognita. **MINIME**, inquit, exiſtimo, nec mihi uidetur quicq; potuiſſe dici iniuſtius. **QUIPPE**, inquā, cum duo ſtatim uulnera

uulnera sententia ista accipiat immedicabilia, ut ego arbitror : primum, quod gratia Dei si ita sit, non est amplius gratia, sed debita operæ merces, nihilque benignitati, & gloria summi Dei in eo est reliquum; quare de re à Paulo, & à nobis hesterno die satis dictum fuit: Alterum, quod antequam in gratia, & amicitia apud Deum simus, cœlum iam, & beatam in cœlo uitam demeremur, quod non modo contentibus Deū rite, ac legitime, quod dūtaxat in CHRISTO IESU facere hominibus datum est, uerū etiam uirtutē & Dei cultū ex philosophia amplectentibus cōtingere est licitum. Si quidem dignitas tanti meriti non ex Deo nobis: sed à nobismetipsis inuit: quo nihil est nostræ imbecillitati incōgruentius. **ITA** serēs habet, inquit, & est illa supbia, insolētiq; sentētia. **ET TAMEŃ** ille, in quā, nescio quid spectauit. Non enim reperiēbat, quo pacto de Dei iustitia alios sibi diligente, prater eunte alios, seipsum, & cogitationes explicaret suas, nisi merita priora ex parte nostra poneret: sane parū attendens aliam in summo principe, aliam in datis ab ipso iudicibus iustitiā, & distributionis rationē existerē, quā illa principis soluta legibus in ignoscendo, & in obligando muneribus ac beneficijs, magis quā in puniendo, mercedemq; reddendo cū præstantior ipsa in sese est, tum principis fama, & maiestate multo dignior, qui quos accipit, quāuis perfidiosos & improbos, non supplicio statim, neq; poena, sed cum beniuolentia, & cū humanitate accipit, facitq; eos ipsi se dedentes sua comitate, eximiatq; bonitate & fideles, & probos: hanc ut dico diuinæ magnitudinis gloriam Pelagius non uidit: quā si uidisset, non omnem illius beneficentiam ad merita nostra cōtraxisset, neq; nos tanq; alteros deos dantes prius illi, ut posset recipere, quasi ex aduersum Deo cōstituisset: qui si tantopere hanc meritis nostris tanq; ponderibus examinātam Dei iustitiā amplexabatur, misere ricordam Dei, quā liberat peccatores, quo in loco relinquebat: An si qui male meriti de Deo sunt, hi Dei clementia & uenia sæpe habentur digni, qui nihil meriti in neuitiam partē sunt, non eiusdem sæpe liberalitate benignitatēq; perfructur: Imo uero ego hoc amplius dico, eosdē saepenumero esse, quibus ignoscat Deus, peccataq; plurima, & culpas graues cōdonet, & in quos maxima monumenta cōferat & gratiæ, & liberalitatis suæ, hocq; esse proprium infinitæ iustitiæ, & bonitatis summi Dei, & quo illius gloria maxime luget, atq; eminet, nisi quidem cōuertere se ad Deum, & ueniam ab eo petere in partem meriti ponendum est. Quod si ita est, humanæ leges omnes inique late sunt, quæ delinquentibus non ueniam, quā postulant, sed poenam, quā merentur, peccato & crimini uolunt esse propositam. Verum nos Pelagium cum sectatoribus suis relinquamus iure à sanctissimis uiris fractum, atque conuictum, De illis nunc uideamus, qui in cōtrariam, diuersamq; sententiam ita discessere, nihil omnino ut in medio nobis reliquerint, nihil ut potestati nostræ, ne in uoluntate quidem ipsa permiserint: sed Deo omnia prorsus ita ferri uelint accepta, ut in omnibus, quæ conuoluntatis sit, usq; ad quidem, ut ipsos primos afflatus cogitationum nostrarum, non à nobis, sed à Deo pelli, & moueri putent. Quæ sane sententia in maximas item ipsa incidit difficultates: primum, quod non iustitiā solum istam in Deo distribuēte cuiq; quod cuiq; cōuenit, sed illam etiam liberalitatis, & beneficentiæ gloriā, quam maxime amplexatur, uidetur imminuere. Quid enim potest esse in eo beneficio dignitatis, quod casu, non cōsilio datum esse uideatur: Consilium autem quod, si in pari prorsus omnium causa, hi sine ratione certa illis præferuntur? At Dei uoluntas summa ratio: num omniū est, fateor, sed summam tamen in Deo, infinitamq; rationem aliquid sine ratione facere, absurdum est. Non est nostrū, inquit, indagare tam alta: cur alia tot & tanta indagamus, & querimus: Est ne igitur rectum aliquid in nobis, quod nobismetipsis, ac non Deo ferre debeamus acceptum: nihil earum quidem rerum, in quibus hære iam meritū, & laus operis potest: aliquos tamen ad eas res uoluntatis motus in nostra dicimus esse potestate, alioquin nostri arbitrij libertatē, quā asseris tu idem, quo in loco obtinemus: Quoniam peccare possumus, inquis, & id uelle nostrum est, recte autem uelle agere non nostrum, sed ex Deo. Ita ne uero liberum tu arbitriū illud uocas, quod ad unam tantum partem ita astrictum est, ut in altera iuris nihil omnino, nec facultatis obtineat? Quid autē si peccare uelle possumus ex nobis, non ne etiam

possumus non peccare uelle ex eisdem nobis: Aut si id non potest, non tam profectio possumus peccare uelle, q̃ necessestario peccare uolumus. Necessestati porro quæ lex, aut quæ præscripta poena est: At enim ex cōtaminato genere oriundi ipsa iam natura ad interitum facti sumus, ut quos prætermittit, neq̃ ad se reuocat Deus, ij cōque rendi causam nō habeant. At ego uideo in futuro mundi iudicio nō ita laturnum sententiam CHRIS TV M Iesum, qui illud iudiciū pro patre exercebit aduersus eos, quos est damnaturus, ut ita proferat: Quandoquidē uos ex infecto genere Ade producti estis, culpamq̃ & uitium parentis uestri cōtraxistis, ob eam rē uos æternis ignibus cruciandis trado, nō ita proferet: Sed quid dicit: Ite maledicti in ignem æternū, qui cum elurientem me uideretis, nō paussistis: cum nudum, non uestiistis: cum infirmum, non subleuastis. At hæc non cōmunia generis humani, sed peculiaria singulorum hominū sunt peccata, quæ idcirco illis præcipue tunc exprobrabuntur, ut ne in illo acerbo cruciati animi, & dolore audeant illi Dei implorare misericordiam, quam alijs ipsi implorantibus denegauerunt. Iam ista horum sententia omnem prorsus ad bonum arbitrii nostri cōsentium nobis auferentium, non ne omnia uidetur reuocare ad necessitatem: non ne bonis mētibus scrupulosa est: non ne extinguit studium uigilandi, & adnitendi: animosq̃ nostros retardat, atq̃ detinet, ne labore, ac diligentia, quoad possumus contendamus: Quæ etiam his recentibus hæreticis occasione præbuit, ut de seruo iam, nō amplius de libero arbitrio audere cōscribere. Impie illi hoc quidem, ut pleraq̃ alia, nec ueterum in eo doctorum pietatem, & sanctitatem, sed sua tantum religionis omnis euertere studia insequentes: ueritatem qui in autoritate sanctissimorum hominū se putent delitescere. At enim multa sunt scripturæ testimonia Deo omnia attribuentis, quibus refragari ualde iniquum sit. Ego iniquum cōfiteor esse, & refragari scripturæ testimonio, & negare omnia attribui Deo bona oportet: Et ramen ego hoc dico deuitata hæc iniquitate nō nihil quoq̃ libertati nostri arbitrii loci, ac muneris reliquum esse. Verum quæ sunt ista tamē scripturæ testimonia, quibus necessario assentiri debeamus? In Euangelio, inquit, CHRIS TV M I est discipulos alloquens: Non me uos elegistis, sed ego elegi uos. Et alibi: Nemo potest uenire ad me, nisi pater meus traxerit eum, Et: Vobis datum est nosse regnū Dei, cæteris in parabolis. quæ omnia, & alia item multa declarant donum Dei esse, quicquid in nobis ad Deum rite cōuersum est, quod nos pie, planeq̃ constitemus. Nam & electio nostra ex Deo est, siquidem antē ille nos elegit, quā in natura editi essemus, & applicatio ad CHRIS TV M, cognitioq̃ regni coelstis, & beatissimæ uitæ assuequendæ spes, dona Dei nobis sunt, & ea quidem primaria, & maxima: sed tamen illa nobis collata uolentibus. At nos nō elegimus, sed fuimus electi, nempe uolentes, siue in præsentia tunc cum fuit facta electio, siue iandiu, si illa facta est ante mundi seculat: quoniam in ea futuri uoluntate præcogniti fuimus, ut pareremus uocati, quos enim præcognouit, hos prædistinguit. Et quanto planior, ac solutior Pauli ista deductio est, ipsa etiam erga nos beneficia, & decretū, deliberationemq̃ summi Dei ad præcognitionem in eo futurorū reuocantis, cum quo cōueniens caput Apostolorum Petrus, electos hos eosdem uocat secundum præcognitionē Dei patris in sanctificatione spiritus. Quid ergo, quod ex æterno tempore is deliberat, & eligit, causā ne est in nobis, qui id meriti tanto post sumus: minime, neq̃ ullum nostrum electionem Dei de nobis puocat meritum, sed causa diuini illius cōstitutū, ipse est Dei præcogniti. Quid porro præcognoscit: futuros nos ministros sui gloriificandi nominis, nō uirtute nostra idoneos, nō meritis, nō ingenij, aut animi facultatibus, quæ in nobis nullę nō ab Deo sunt, siue illæ cōmuni, siue proprio beneficio nobis datæ, sed eo uno aptos, aut, ut plarius etiam loquar, ac cōmodos, quod unum in nobis situm est, inductione animi uidelicet ad nō aspernandum, neq̃ repudiandum mādara, & uocationes summi Dei. Hoc præcognitio in nobis, quod faciles ductu erimus, tum Deus sapienter unā, ac liberaliter bonum suū omnibus impertire cupiens, diuinorum suorum beneficiorū iam inde de principio nobis digna cōstituit fore receptacula: nec tamē propterea in nobis meritum gratiæ Dei anteuenit: sicut nec solū quidem, aut area ipsa sola ac cōmodatione suū uim habet ullam promerendi, nisi abuti uocabulo uelimus, ut ædificum in ea nobile extruat

meritum planè ex Deo est, sed quod, nisi obedientiam nos nostræ voluntatis, tanquam flammis filium diuinæ contextendi prudentiæ subiunctam teneamus, hæsurum in nobis non sit. Cuius rei signum maximum, quod in medio cursu rerum bene gerendarum auerti retro, & resiliere possimus. Quod si possumus resiliere, possumus etiam non resiliere; & aut est utrumque in nostra potestate, aut non tam arbitrio libero, quam necessitate resiliemus. Quod si hoc ipsum, quod nolumus resiliere, uel quod uolumus in obedientia perstare (unum enim atque idem utrumque est) nequaquam à nobis, sed ab Deo tantum est, cum sine poenitentia sint dona, & uocationes Dei, ut alio loco scriptura ait, qui fieri poterit, ut qui semel fuerit in bonam uoluntatem inductus, resiliat postea, retroque se conuertat, nisi Deum pomiteat uocationis suæ, quod tam existimare est nefas. Est igitur aliqua nostra in actionibus rectis cum Deo una cooperatio, minimam quidem ad agendum partem ipsa conferens, derum aliquam tamen. Quemadmodum Paulus ad Corinthios: Abundantius, quam omnes illi laborauimus, non autem ego, sed gratia Dei mecum, inquit. Et Petrus: Ideo fratres studete firmitatem uestram uocationem, & benedictionem efficere, hoc est, estote in obediendo constantes. Et cum legitur: Dedit eis potestatem filios Dei fieri, his qui credunt in nomine eius. Dedit eis potestatem ut herent, inquit, non statim fecit filios, quoniam ab eorum parte credulitatem, & uoluntatem requirbat. Aut cum dicebat **CHRISTVS**: Fides tua te saluam fecit: quod mulieri dictum importunius instanti, quam præsertim initio dominus repellabat. Et, Si potes credere, omnia possibilia credenti, cum statim clamans pueri pater cum lachrymis, Credo domine, inquit, subueni in credulitati meæ. Et cum cæcitati eorum, qui non credebant, in synagoga irascebatur. Et cum dicebat: Qui sermones meos audit, & credit mittenti me. Et, Qui uult uenire post me. Et, Si uis saluus fieri. Et cum paterno illo cordis affectu super Hierusalem fleuit. Cum si ciuitas illa ad credendum nullas suas partes allatura erat, non tam flere super illam opus fuit, quam ut crederet imperare. Et ad Thessalonicenses Paulus: Dignetur uos uocatione Deus noster, & impleat omne propositum bonitatis: id est, quod bene proponitis perficiat, & impleat in uobis. Quanquam ex libertate arbitrii, ac motu nostræ uoluntatis in nobis posito, neque certius asserere exemplum, quam de ipso Adam possumus, qui cum nondum filius iræ esset, neque naturæ uulso ad malum impelleretur: uita tamen sibi mortis proposita, in deteriorem uolens partem se demisit: neque autoritate illustriorem, quam Salomonis, qui in Proverbijs: Huminem, inquit, à Deo fuisse relictum in manu consilij sui. & quod euidentius adiungit: Seruaturus illum mandata, si uoluerit. & item: Apposita fore illi ignem, & aquam, uitamque, & mortem ante oculos, & utrum uolet, atque utroq; manus tenderet, id illi iri datum. Et item: Hominis sunt præparationes cordis, & à Domino est responsio linguæ, moxque adiungit: Verte ad Dominum opera tua, & confirmabuntur cogitationes tue, magisque item perspicue: Cor hominis cogitabit uiam suam, Dominus autem diriget gressus eius. Jam præter dicta, & testimonia scripturæ, quæ plurima sunt, ipse mos, ordosque catholicæ Ecclesiæ non ne aliquid esse à nobis, & ex uoluntate nostra indieat: Quid enim aliud cohortationes, quid præcepta, quid minæ, quid obtestationes superiorum, & autoritatem habentium, aut doctorum etiam nostrorum sibi uolunt, nisi ut nos tanquam uoluntatis nostræ dominos in meliorem, & sanctiorem conuertant partem: aut quem alium ad finem **CHRISTVS** Iesus carnem hominis accepit, docendosque, & conuoluendo in mundo est diuersatus: labores, ærumnas, ludibriaque pertulit: morte, & cruce affici se passus est, ac nihilominus humilitatem illam, patientiamque suam mirandis illis diuinitatis operibus inuicem distinctis, nisi ut commonesciendo, & rectum in cœlum iter commonstrando, hominum uoluntates ad se alliceret, & per se in Deo patre collocaret: Quæ si per se moueri, nisi eo iubente non poterant, cur per tot infractus operum, & laborum, ac non uoce ipsa, iussuque diuino mundi conuersio protinus ad Deum facta est? Verum ut aliquando finem faciamus disputandi, atque id concludamus, quod nobis uidetur æquum, confiteamur illud primum, omne bonum in nobis ex Deo esse. Nec tantum comune hoc, & natura omnibus datum, quod mentis, & rationis participes facti sumus,

mus, totq; præterea instrumentis, ad nostrum munus obeundum ab ipso Deo locupletati, atq; ornati: hæc enim diuina esse prorsus in nobis beneficia nemo uel mediocriter sapiens dubitauit unquam: sed de his in præsentia non agimus; de illis loquimur bonis, quæ post exortum, & constitutionem nostri à nostræ arbitrio uoluntatis proficiscuntur, ut hoc uelimus potius, quàm illud: huic magis consilio, quàm illi acquiescimus, hoc enim propriū iam est uniuscuiusq; opus, propria animi inductio, quæ si ad Deum, & Dei partes se dederit, in illo genere bonorū constituitur à nobis, quæ sola uere sunt, & in sacris literis appellantur bona, in quibus diserte sanæ, ut eq; dicitur, omne bonum nobis à Deo esse, ut non solum actio, neq; uoluntas, consiliumq; duntaxat, uerum prima etiam illa cogitationis cōmotio, si ad sanctitatem, & fidem se conuertat, ex Deo nobis moueatur, & inlit, uerum alio, atq; alio modo. Nam cum Deus dupliciter causa bonarū rerum sit, uel ut effector, & ipse agens, uel ut finis, resq; desiderata, priore quidem modo quicquid facit Deus, ipse est actio, & opus eius proprium, nihilq; eo nos à nostra parte asserimus, quæ ratione, per uoluntatem, & consilium omnipotentis Dei, quicquid est in nobis perfectum, & consans in amore erga ipsum, & in rebus asperis pro ipso perferendis, prosperisq; temperandis, quicquid firmitatis in bono proposito, quicquid fidei, rectæq; religionis obtinemus, id totum à Deo nobis auctore ita datur, ut agnoscere debeamus nos facultatibus nostris id asperare non potuisse, nisi Deus nos in illa gratia, & gloria ipse suis pene manibus collocauisset. Atq; hæc prædixitio est, & uocatio ab Deo, & glorificatio nostra. Sic enim ab eo electi ante constitutionem mundi fuimus, & ex illo omnem diuinarum bonorum copiam suo ipsius solo beneficio, non meritis ullis nostris ante cunctibus habituri essemus. Verum quæ Deus finalis rerū causa est, & ad eum, ut ad summum bonum mentes nostræ mouentur, nostra hætenus uoluntas, & cogitatio, & prima illa atq; inchoata actionum nostrarum consilia ex Deo quoq; ita sunt, ut nihilominus libera sit nobis facultas illum appetendi, aut auerfandi. Non enim tunc ut mouens, atque impellens auctor ipse est, & principium uniuersarum nostræ uoluntatis, sed ut appetitus, & desideratus: magnum quidem tum quoq; momētum asserens ad inclinandum nos, atq; allicindum, uerum tamen uim non adhibens, quin possimus diuertere in partem aliam, atq; desistere: neq; ita imperans, ut sit necessario nobis parrendum, sed uelle nostrum in nobis tunc est. Itaq; adduci, & attrahi nos permittimus, si tamē uolumus. Ex quo apparere iam arbitror, quæ sit huius difficilissimæ quæstionis non improbanda solutio, quæ idcirco tot doctorum mentes impeditas adhuc tenuit, quòd hanc finalē causam in Deo cum agente illa, atq; efficiente in unum misceuerunt, neq; distinguere inter se, & separare sunt conati. Nos uero prædicamus, Deum esse in nobis omnium bonorū causam, etiam uoluntatum, primarumq; cogitationum: sed si qua sunt in nobis perfectiora, longiusq; progressa bona, tota ea ab Deo prorsus nobis existere, neq; esse in illis quicquā in quo nobis assentari, aut ad partes id nostras dedere debeamus: Principia uero bonarum cogitationum, & uoluntatum ex Deo ita existere, ut nostri quoq; tamen arbitrij illa sint, ut cum ad ipsum tanquam ex petendum, ac exoptabile bonum nosmetipsos sponte uertimus, magnam quidem uim in eo, illi cūq; nos trahendi inueniamus, sed quo tamē libertas animi nostri nō constringatur. Quòd si etiam apertius & enodatius res ante oculos est ponenda, sic uolo te mihi frater existimare, non eandem uim esse liberi in nobis arbitrij, quæ in Adam fuerit primo nostro parente. Ille cum creatus liber, & ab omni prorsus dominatu solutus, potestatem integram, utrò se uellet flectendi, inclinandiq; haberet, mundum Deo anteposuit, eumq; sibi Dominum potius adscuit, sponte & uoluntate sua, tantum leui horratu carnis sue, hoc est, Euæ, id agens: qui si idem sese ad partes Dei uertere uoluisset, planè potest hoc poterat, pleno & libero sue uoluntatis arbitrio, quoniam ita erat factus à domino Deo, sibiq; ita ipsi cōmendatus & traditus, ut integra illi de se ipso potestas in utraq; partem esset. At postq; ille, dimisso Deo, mundum sibi dominum potius adoptans, hanc nobis reliquit prauis iudicij sui hæreditatem, ut insiti omnes mundo & amoribus illius dediti, animales tantum (ut ad Corinthios scribit Apostolus) homines nasceremur, longe deterior facta est nostræ libertatis conditio, Nam potes

tas pri

fitas primum nobis penitus erepta est, ad Deum rursus ex nobismetipsis assurgens
 di, atque nitendi: quod in hoc terreno luto infixi, obrutas, atque demersas vires
 nostras habemus, quas nequeamus explicare, nec euoluere. Voluntati autem nos-
 trae uix tantulum relictum est, quantum interdum in medijs mundi cupiditatibus
 atque curis: aliquid meroris & poenitentiae interueniens respiciet eam paulisper, &
 desiderare melius quiddam, quod tamen ipsa non cognoscit, acit: in quo tamen desu-
 derio breue tempus commemorata, rursus in mundi studia & cogitationes terrae reuolu-
 uitur, ita liberum arbitrium nostrum, quod in Adam integrum fuit, atque plenum,
 in nobis deinde transfusione peccati fractum & comminutum, potestate quidem ad
 Deum sese ex seipso applicandi, & suum summum bonum in eo percipiendi, peni-
 tus priuatum est: uoluntatis autem exiguum quiddam habet reliquum, quod neque
 ipsum tamē alte niti sua uis, nec diu perseuerare in bono proposito potest. In hoc ergo
 statu consistentibus nobis, cum non solum natura originis peccati infecta, sed uolun-
 tas quoque nostra tanto ante praecurrentibus bono consilio sensibus, & cupiditatibus,
 quae antequā lumen rationis adueniat, iam mundo sunt addictae, eumque nobis domi-
 num duplicato iure constituunt, & ob generale nostrae originis uitium, & propter
 peculiaria cuiusque propriaque delicta, quis erit tam inuisus rerum aestimator, qui ali-
 quid nos omnino posse, aut etiam planē uelle quod bonum sit, hoc est quod ad uer-
 rum bonum potiundum, qui Deus est, pertineat, sine ope Dei, & quidem sine magna
 ope ac peculiari spiritus sancti dono audeat affirmare? Non possumus quicquam
 per nos, quod ex eo genere bonorum sit, quorum est fructus in coelesti & sempiterna
 uita requirendus. Ac ne uolumus quidem plenē, ut illa recte debeat appellari uo-
 luntas. Sed id nobis datum uel potius relictum est, ut in moderandis terrenis affectibus,
 & in eo humano bono, quod est modestiae, mansuetudinis, equitatis, temperan-
 tiae, aliquam tamen nostram potestatem teneamus: siquidem huiusmodi bona in terra
 ram nihilominus cōuersa sunt, & ad terrenos aliquos fines respiciunt, non in Deum
 prorsus sunt directae & collatae. Quam tamen potestatem sic teneamus, ut nec sine aliis
 quo propinquiori, quam communis natura fert, Dei auxilio, a quo omnis potestas
 est, ad meliorem uitae ordinem possimus illam conferre. Sed hoc Dei auxilium non
 est ex eo genere, de quo institimus loqui. Quare dehinc uideamus qui sit processus
 in nobis, & quomodo ad Deum ut ad nostrum solum bonum adiungere nos ualeamus.
 Ac primum in hac turba & colluione cupiditatum terrenarum uersantibus
 nobis, atque ea sola bona agnoscantibus, quae ex mundo adesse possunt, nulla est cogi-
 ratio, nullus interioris animi sensus, qui surrepere nobis nostro consilio possit, ista
 esse omnia nihili facienda, atque alia bona potius nobis requirenda, quae penitus ab
 oculis, ab auribus, ab omni sensu tactuque corporis remota sint, quorum non sit in hac
 uita ulla unquam nobis accipienda possessio, sed ea & sola fide credenda, & sola spe
 expectanda sint: proposita nobis à summo Deo, ut si illum toto corde amplexi fueris-
 mus, nostraeque ad eum potiundum desideria omnia, & relictis his mundanis amoribus,
 contulerimus, ipsum illum Deum, qui omnium bonorum est fons, unā cum bonis
 omnibus, quae ab eo fonte emanant, in praemium & fructum fidei de eo nostrae simus
 habituri. Atque hoc hactenus doctrina est: sic enim docemur atque instruiur & ex li-
 teris sacris, & à Doctoribus sanctis. Oportet autem uocem docentis & praedicantis
 antecedere, ut mens nostra ad suspicandum quicquid istud sit quod docetur, adducatur.
 Non enim (ut Paulus inquit) creditur in eum qui non fuerit auditus. Hac edita
 uoce, & CHRIST I nomine inducto, quod in eo uno (ut diximus) haec uox in nobis fa-
 lulis est operatrix, ipse enim CHRISTVS, haec uniuersa est ratio dare totū se Deo,
 & cū mundo nihil quod à Deo seiungatur, cōmercij omnino aut cognationis habere
 re, qui audierint auribusque perceperint, partim nec ad animā quidem suam allabi pa-
 tientur, quod carnalibus studijs curisque oppressi locū non habent in animo, neque habere
 uolunt, ad tantas, & tam nouas accipiendas cogitationes uacuum, eamque doctrinam
 cum irratione, aut etiā cum iracundia respuent, quae quidē longe maxima fuerit mul-
 titudo, praesentē enim mundum dominum multo plures colunt & amplectuntur, quam
 absentē (ut illis uidetur) Deum. Partim autem aliqui, si qui fuerint in his ipsis mundi
 uolupta

voluptatibus aliquanto temperatiores, aut ad audiendum & intelligendum dociliores, aut ita humano consilio arbitrioq; assueti, ut rationi non admodum repugnent, absintq; in contumacia animi & arrogantia, ita audient uerbum Dei, ut statim in illis motus aliquis animi ad credendum & cupiendum se inclinatis exoriantur; qui quidem adhuc motus imperfecta uoluntas est: nondum enim constituitur, nec in eo quod uelle ceperit, satis firmatur, qui etiam motus à Deo ut fini nobis proposito cietur & nascitur, non enim cum Deum finem dicimus, omnem ab illo uim agendi & mouendi segregamus. Imò uero magna est in cunctis finibus, in ipsoq; præcipue Deo, ad mouendum insita facultas: quippe qua cœlesles primum orbis, ac per eos deinde omnia à Deo ut desiderato fini commouentur. Hoc itaque modo auditis & declaratus Deus nos mouet, quia appetitum quendam incitat sui potestatem: uerum ita mouet, ut suadeat & alliciat, non ut afferat ullam uoluntati nostræ necessitatem: retinet enim uoluntas adhuc libertatem in eo suam, habetq; in potestate, utrum fores aperire pulsanti uelit, an eas per contumaciam & obstinationem præcludere. Atq; hic est spiritus sancti primum ille assilatus, atq; illa lentis blandaq; aspiratio, tanquam solem aurora antecedens, quam præuenientem gratiam appellat Augustinus, sine qua ne prima quidem illa rudisq; uoluntas moueri incipit: quæ in hoc tamen libera est, quod si magis uult, potest non moueri: & non mouetur, nisi ipsa consentiat. Potest enim (ut diximus) & auertere se, & non auertere: in quo cardo est sequentium & actionum & uoluntatum. Atq; hæc uoluntas quidem nos nostri aliquid asserimus, simplicem illum nutum uoluntatis distinxat, eumq; continenter spiritui sancto suggerimus. At uero ubi firmiter uelle, & iam operari ex firma uoluntate incipimus, totum in nobis agit Deus: nostræ enim cōfides nullo modo aspirant: qui autem aspirent, cum si uelimus ex Deo agere & operari, nosmetipsos prorsus abnegemus oportet: sic enim ipse dixit: Qui uult uenire post me, abneget semetipsum, & tollat crucem suam, & sequatur me. Qui ergo totum se repudiavit & abiecit, aliumq; hominem penitus induit, & ex animali factus est spiritualis, is poterit dicere illis uiribus sese animalibus & proprijs boni quæquam ex eo genere agere, quod ad spiritualia consilia sit directum. Deus est, mihi frater, Deus nostra actio tunc & uoluntas, & operatio, & ex Deo spiritus sanctus, qui in nobis spiritum diuinæ charitatis cum accenderit, supra hominem nos attollit, & illo Adæ filio in nobis extincto, cœlestis supremi patris nos comprobat esse filios. Qui quidem spiritus sanctus quo modo ex Deo uero nobis inlit, & diuinorum præmiorum ceterisq; sit sponsor, hesterno à nobis die asstatum fuit dictum. Quamobrem demus nos omnipotenti Dei nomini debitam gloriam, ac subijciamus illi corda nostra, totosq; que nos aptos ex eo pendere ita intelligamus, ut uitia quidem nostra sint: omne autem bonum, & omnis uirtus, & omnis apta ad promerendum actio, ex illo tota sit, nullamq; nostram partem in sese habeat: quicquid autem libera uoluntate cogitamus atque suscipimus, id solum ita nostrum, ut magnas eius quoque partes deo attribuamus, ut aut ab eo, aut non sine eo omnia nobis bona, etiam bonorum initia constare sit necesse. INTELLIGO, Iulius inquit, & uere mihi antea hallucinanti in hac quæstione ardua, & difficili nunc primum datur aliis quid cernere, in quo oculus mentis meæ conquiescat. Video enim hanc distinctionem tuam ita conseruare Deo suam gloriam incolorem, ut tamen nobis nostri libertatem arbitrij non auferat, etsi illud quoq; intelligo uoluntatis huius nostræ Deum cum ei liceat, non modo illicitum, & inuitamentum, ut finem, sed etiam ut mouentem, & impellentem dominum esse, quod est in Paulo nostro patefactum, quem inuitum & reluctantem per uim traxit Deus ad cognitionem sui. Atque ista quidem uoluntatum & cogitationum principia uoluntia se cum amore ad finem Deum, & se tanquam flumen ut tu modo dicebas, illius sapientiæ, operationisq; subijcientia, nimis tum illa sunt, quibus à Deo in futuris sanctis tanto antè præcognitis firmitudinem ab eo, & deliberatio hos seligendi, sibiq; reseruandi, in quibus, & per quos suam omnipotentem gloriam in cæteros postea demonstret, quæ iam electio, & prædestinatio causa deinceps est, non ut finis, & appetitus, sed ut agens ipsa, atque efficiens, ut tot in ipsis electis diuina beneficia eluceant. Verum reliqua etiam apud me nonnulla,

S de hac

de hac ipsa prædeterminatione, seu prædissinitione dubitatio est, num hi sic electi, & diffiniti ab ipso Deo peccare postea possint, & sese ab Deo, & ab illius amore auertere. Si enim possunt, quoniam est prædeterminatio? Si non possunt, quod abijt tam subito conditionis nostræ infirmitas? aut quid illi mereri iam præmij, aut mercedis queunt, si nequaquam ex se, sed ex Deo in bonis, & sanctis operibus continentur? **P B C C A A R E** possunt, inquam, luli, nec imbecillitatis humanæ conditio ad impatibilem firmitatem in illis conuersa est, atque adeo etiam peccant, & peccabunt. Quis enim est usque eò in cœlum oculis animoq; intentus, qui si pedibus per terram ambulet, non offendat aliquando in aliquem lapidem? Veruntamen illis sua peccata non usque eò ualebunt, ut ad interitum eos, & cum Deo inimicitiam deducant, semperq; ratum erit, quod à Deo de illis fuerit diffinitum. Atque ipsi quidem ex sese, suaq; impotentia, & labi, & ruere, & pessum ire penitus possunt; neque ut non possint, operabitur in illis Deus, neque efficiet, ut sint ipsi ex seipsis impeccabiles: uerum ipse excubij filios custodiens suis, & quæ ad deiiciendos illos idonea essent, sua potestate propulsans, uimq; & impetum frangens uenientium, tutabitur assidue electos suos, & finet quidem eos interitum labi, ut suæ infirmitatis admoniti, Dei in se gratiam maiore amore complectantur; capi autem, & obrui, ab seq; abduci nunquam sinet. Sic enim scriptum est: Qui habitat in adiutorio altissimi, in protectione Dei cœli commorabitur. Et de Dauid suo Deus: Inueni Dauid seruum meum, oleo sancto meo unxi eum, manus enim mea auxiliabitur ei, nihil proficiet inimicus in eo, & filius iniquitatis non nocebit ei. Quid ita uero nō nocebit, cum & is sit Dauid, cui possit nocere? Quoniam manus mea, inquit, opitulabitur ei. Et ad Abraam Deus: Ne timeas Abraam, ego clypeum ante te gero. In Euangelio etiam, quā dominus de Antichristo uerba faciens, eius aduentum, operaq; prædicit, fraudis plena & impietatis, tot illum signis asserturum potentiam, & auctoritatem suam exponit, ut si fieri possit, erraturi etiam sint electi, tanquam illi quidem per se errare possint, sed à Deo custodiantur. Quo etiam minus hi ferendissimi, qui ad libidines, & intemperantiam uia omnia referentes, quō ijs solutiore animo indulgeat, dicitur soliti sunt, si prauiderit eos Deus esse damnandos, quoniam effugere Dei præscientiam non queunt, uelle sese interim his mundanis uoluptatibus perfrui, ne in utroque seculo incommoda, & mala perpeti cogantur, quasi uero non ista horum oratio factis comprobata ipsorum damnationis causa sit, aut quicquam illorum ad interitum præuidentia Dei afferat, præter solam cognitionē. Sed hæc quæ in scholis quotidie disputantur, prætermittenda nobis sunt. De meritis dicendum, cum nulla sit hominis uirtus, quæ sua uis niti, aut tam alte aspirare ad cœli præmium possit, necesse esse Deum eundem, ad quem tendatur, tendentibus adiutorem, & ducem ad semetipsum inueniendum, potendumq; existerē. Nunc ad ipsam uerborum Pauli expositionem reuertamur, qui confirmare illud uolens, quod antè præmiserat, omnia diligentibus Deum cooperari in bonum, rationem dicti sui totam ita à Deo, & deliberatione Dei deducit, ut nescio quid paruulum nobis tamen relinquat, quod est in principio positum tanquam fundamentum & solum, ad sustinenda Dei dona. Quoniam quos præcognouit, inquit, hos & prædissinuit, ut appareat aliquid nostri in nobis à Deo præcognitum, in quo ipse suum opus beneficiæ collocaturus iam inde à seculorum initio sic decernat, & statuat, atque hæc ambo ante omnia tempora. mox autem in tempore, Quos autem prædissinuit, hos & uocauit; & quos uocauit, hos & iustificauit. Ecce primum Dei in nobis quod appareat beneficium, & prima gratia ipsa iustificatio, per quam digni à Deo iam deinde efficiamur, qui ipsius gloriam mereri debeamus. Itaque subiungit statim, Quos autem iustificauit, hos & glorificauit. Non enim talem gloriam, nili iustitiz merito nobis uindicamus. Porro ipsa iustitia Dei donum est, ergo omne meritum ex Dei munere obtinemus. Quis ergo dubitabit, cum hæc ita sint, quin omnia Deum diligentibus cooperentur in bonum? etenim si Deus pro nobis, quis contra nos? si ipse defensor, quis oppugnator noster erit? Aut si etiam oppugnabimur, quæ contra diuinam omnipotentem defensionem humana, & fragilis consistet oppugnatio? Atque ut quod dixit, de electione, & glorificatione nostra, quam adhuc in spe obtinemus, ex ijs, quæ iam

accepimus

accepimus, confirmet, sic argumentum interrogando facit.

Qui utiq; proprii filij parcus non fuit, sed pro nobis omnibus tradidit illum, quomodo non & cum ipso omnia nobis largietur?

QUI IN re summa, & sibi omnium charissima prolixè, & largiter liberalis erga nos Deus fuit, cum unigenitum filium suum tradidit pro nobis in hanc humanam infirmitatem & mortem, is quod sibi quicquam residui faciat, quod nobis non communit, nequaquam est exstimandus, sed maxima concessa re, etiam ea, quæ minora sunt, quæ illud filij donum primarium consequuntur, nobis libenter est donaturus. Qui enim filium dat, amore nostri inductus, etiam filij gloriam dabit, etiam nos pro filijs diligit, & paternam erga nos capiet voluntatem, qua hæredes nos faciet coeles situm omnium suorum, immortaliumq; bonorum.

Quis criminabitur electos Dei? Deus est iustificans. Quis erit condemnans? CHRISTVS mortuus, magis autem & suscitatus, qui & est in dextera Dei, qui & intercedit pro nobis. Quis nos separabit à dilectione Dei?

HOC IDEO dictum est, quoniam magna erat inter multos admiratio, quidnam sibi isti nouæ religionis introductores uellent, & suspicio quædam eiusmodi ducta ex communibus hominum malitijs, & cupiditatibus, aliquid eos sibi querere lucræ, & auctoritatis, quod fermè nouantibus res solet esse propositum; tum autem illa magicæ superstitionis inuidia, de qua heri in nostri sermonis exordio diximus, Christianum nomen exortens grauius insequabatur, quibus rebus fiebat, ut quæ uerbum fidei alioquin non aspernabantur, ad profitendam tamen eam redderentur tardiores, uel iam professam, cum pudore quodam dissimulare conarentur. Quorum timorati ista Pauli libertas, & uis animi ardens in Deum, atque illius amore inflammata mens alacritatem, & fiduciam addit, quasi ita arguat: Electi à Deo fuimus, & in eius iustitiam gloriamq; uocati, huiusq; ipsius spei firmitatem ex ijs, quæ iam ab eo nobis tradita sunt, obtinemus. Qui enim proprium suum, unigenumq; filium largitus nobis est, quo pacto non largietur cætera, quæ à tanto amore illius erga nos expectanda sunt? & nos inepto pudore quodam, metuq; ignominie apud imperitios, à prædicando palam ipsius Dei nomine, & apud omnes glorificando abistemus? detrahant qui uolunt de nobis licet, & grauium criminum nos insimulent, nonnullorum etiam commissorum antè forsan & patratum, quid nobis obest ullius tam criminatio? Illa nempe peccata baptismo, & fide erga Deum abluta sunt. Deus est, qui nos iustus facit, & qui tales nos esse iudicat. Quis alius nos tam condemnat? non moueamur ullius insimulatione, non deterreamur ignominia, quin hunc primum gratiæ Deo habendæ actum, & hanc primam uocem testem nostræ uicissim erga illum beneuolentiæ mittamus, ut palam, & libere ipsius sanctum nomen profiteamur. Multa sunt fortassis proposita pericula, CHRISTVM annunciantibus: uerum ea metueri non est amoris. Ille mortuus est pro nobis, in quo est absolutio à criminibus nostra, ut iam insimulatores contemnere debeamus. Ille etiam magis nobis exurrexit, in quo nos sumus à Deo iustificati, ad iustitiam quippe cum illo exurreximus. Ille sedet in dextera Dei, quam eandem gloriam adituros nos confidimus. Ille apud Deum interuenit, & instat pro nobis, ut stabilis & firma sit electio nostra, & ipsius Deum de nobis prædissinitio: & cum hæc ita sint, tamen ne erit quicquam, quod scrupulum nobis aliquem, dubitationem uel afferat, quasi diuelli possimus ab amore omnipotentis Dei? & quidnam erit istud? Sic enim ista proferit Paulus, tanquam coram repto numine, & totus igne diuini amoris sit flagrans,

Afflictio: an angustia: an persecutio: an fames: an nuditas: an periculum: an gladius: quemadmodum scriptum est: Quoniam propter te in mortem

S 2 tradimur

tradimur tota die, reputati sumus uelut oues occisionis. Sed in his omnibus superuincimus per eum, qui dilexit nos. Confusus enim sum, quod neque mors, neque uita, neque angeli, neque principatus, neque potestates, neque insistantia, neque futura, neque altitudo, neque profunditas, neque ulla cōdita res alia poterit nos separare à dilectione Dei, quæ in Christo IESU domino nostro.

HABCEST firmitas à Deo electorum, & prædissimulorum inuicta, atque constans, in omni rerum humanarum turbine, ut ui nulla conuelli, neque proferri possit, quæ tota ipsa in Dei amore statuta est, in Dei amore, inquam, inter ipsum, & nos mutuo. Sic enim semper intelligendum est, cum in ueris, sanctisque amoribus alter siue altero amor esse non possit, quanquam hoc præcipuum sit in Deo, cum, sicut alio loco à nobis dictum est, eodem spiritu sancto, qui est Dei amor, in cordibus nostris inhabitante, & ipsius amorem Dei erga nos sentimus, & ipsi erga Deum amore conflagramus, ut ab illius amore tamen amor noster exoriatur. Quocunque igitur loco de Dei amore in Paulo scriptum est, ita uti ambiguum uideatur, de utro sit intelligendum, de utroque accipiatur, quando ambo ex eodem fonte, & ex uno spiritu sancto sunt profecti. Atque hic quidem Paulus non multitudinem solum malorum commemorat, quæ nos ab Deo uideantur posse separare, neque separant tamen, sed in eo etiam magis confirmant, hoc enim est, quod ait, Sed in omnibus his superuincimus, per eum, qui dilexit nos, qui sic amore nostri inductus, & quia nos amauit, constituit, & prædissimulauit, ut essemus ab eo omnino inseparabiles: hoc est enim superuincere, non modo non diuelli, sed magis etiam cum Deo, ex incommodis conglutinari. Non solum inquam calamitates, & pericula, & angustia, atque ipse gladius, quod omnino extremum est, de quo in psalmo xlii. dictum, Quod propter te necamur omni die, reputati sumus ut oues occisionis, non distrahunt nos à Deo, neque auerunt, sed neque alia ulla uis, aut potestas, siue ista humana, siue celestis sit, siue etiam tempus ipsum futurum, aut præsens, siue quæ supra sunt, siue quæ infra, siue tota hæc mundi creatio, quam uidemus, siue præter hanc aliqua præterea ulla sit: confido, inquit, quod nihil horum unquam poterit nos seiuungere ab amore Dei, quem in Christo Iesu domino nostro gerimus: quod ideo addit in Christo IESU domino nostro, quoniam sicut in ipso Deus nos elegit, & prædissimulauit maiori fratri nostro, & spiritualis familiæ principi futuros comites, atque in eodem ipso, & per eundem amoris sui documenta nobis maxima tribuit: sic nos in ipso eodem Christo Iesu, & gratiam Deo habemus, & amorem eius agnoscimus, & Deum ipsi quoque uicissim diligimus, atque hæc Apostoli tot rerum aggregatio, quarum uis, & multitudo non tamen diuellere nos potest à beneuolentia, & coniunctione summi Dei, quasi mentis impetu quodam & excessu facta est, ad eum finem, ut demonstretur, quanta sit stabilitas diuinorum decretorum. Nam quod angeli & principatus, alijque illi spiritus coelestes studeant nos separare à summo Deo, ne cogitare quidem fas est, sed quod ne possint quidem, si id studeant, uerissime est dictum. Nulla enim omnino creatio creatoris consilio, uel tantulum moræ affert, nedum ut queat diuina consilia frangere, aut peruertere, & in hoc percurso tantarum rerum id à Paulo est quæsitum, ut probet omnia diligentibus Deum cooperari in bonum, æternaque Dei decretis sanctos suos eligentis & diffinientis immutabilia semper esse, illiusque constituti, & decreti, quo quis à Deo in iustitiam, & gloriam selectus est, amorem semper ministrum, & conciliatorem existere, qui & Deum fecit, ut is nos sibi diligeret, & facit nos ut propter ipsum cætera omnia paruipendenda esse existimemus. Multis igitur, & præclaris habitis sermonibus, in quibus de fidei CHRISTI uirtute & ueritate est dictum, transit rursus ad Iudeos, & arguendos, & consolandos.

Veritatem dico in Christo, non mentior, attestante mihi conscientia mea in spiritu sancto, quod mœror mihi est magnus, & assidua lamentatio cordi meo. Optarim enim egomet anathema esse à Christo pro fratribus

fratribus meis, cognatis meis secundū carnem, quicunq; sunt Israëlita, quorum est adoptio, & gloria, & testamenta, & legis latio, & cerimoniz, & promissiones, quorum sunt patres, & ex quibus est CHRISTVS, quantum ad carnem, qui est in omnibus Deus benedictus in secula. Amen.

CVM proxime amoris sui erga Deū Paulus indicia maxima exposuisset, ut quē ab illo nulla uis, nulla potestas, nullum incommodum posset auertere, nūc suæ quoq; in proximum beneuolentiæ, & charitatis ingens testimonium affert, planē illud retinens, quod est in utraq; scriptura, & laudatum, & præceptum, ut amet quisq; proximum suum sicut seipsum. Et ad Iudæos quidem cōsanguineos, & fratres suos sermonem habiturus, eorumq; duritiem, per quam ad CHRISTVM conferre se reueiebant, & ex lege ueteri in fidem nouā migrare, argumentis, & testimonijs ipsorummet scripturæ reuertatur, præmunī sibi de principio aditum, & uiam, quō ad illos coarguendos mollius, & minore illorum cum offensione accedat, habeatq; animos ad audiendum paratior. Et quoniam Romæ credentium Ecclesia ex utroq; genere constabat, & Iudæorum, & gentium, ad communem illum coetum scribens omnibus significat, quanto ipse amore, quo studio procurandæ, atq; optandæ salutis feratur, & moueatur erga cognatos suos. In quo & prudentia Pauli ita postulabat, ut faceret illos ad descendum priores, quando quod optimo animo sit, maiore ad persuadendū affert uim, minusq; etiā si displiceat, cōturbat. Et reuera sic se res habebat, ut in maximo ipse dolore, mœreoreq; esset, quō uideret genus suū à summo illo bono, quod ostentat illi, & propositum imprimis erat, pertinacia quadā duritiæq; animi, & errore mentis abalienatum esse, quem suum animi dolorem magnis testibus confirmat CHRISTO, & conscientia, & spiritu sancto. Ac CHRISTVM quidē ut Deum testem aduocat, Veritatem dico in Christo, sic enim usurpatur in communī more loquendi. Veritatem in Deo loquor, quod est, testem meæ ueritatis facio Deum, in quo attestatur mihi cōscientia mea, neq; ea cōscientia, quæ alicui meæ affectioni aut odio, aut amorī præbeat testimonium, in quibus animi perturbationibus sæpe accidit, ut etiā si se errare conscientia ipsa non putet, nihilominus tamen erret. Sed ea cōscientia, quæ in spiritu sancto ueritatis testis est, quæ Deum sibi propositum, & illum sanctum, uerumq; amorem fraternæ erga proximum charitatis adiuncum habet. Quod porro uerum est istud, quod tanta Paule cōfirmatione præmunis: Quōd, inquit, mœror mihi est magnus, & assidua lamentatio cordi meo propter fratres meos, hoc enim adijciendum est, ut plenum sensum habeamus. Deinde addit: Optauerim enim abdicari ipse à CHRISTO, quō illi reciperentur: hoc enim est anathema esse à CHRISTO. Aliud enim est, Deo esse anathema, quod consecratū, & dicatum Deo est: aliud ab Deo anathema, quod est ē sacro, & religioso cictum: quo uocabulo etiā nunc in ijs, qui ē consortio fidelium efficiuntur, Ecclesia utitur. Ast ubi tuus ille amor erga CHRISTVM Paule, cui omnia modo posteriora longe ducebas, in quo solo inhærebas, à quo nec uitam, nec mortem, nec coelum, nec terram, nec presentia, nec futura posse te abstrahere, tanta cū fide, & asseueratione profitebare: nili quoddam eiufmodi postulabas, quæ in illo dolore animi, & nube mœrentium cogitationū, quas pro fratribus suscipiebas tuis, sincero quidē te hoc corde optare cōpellebat, ut diuelleres à Deo & CHRISTO, fratrum tuorū causa: sed eo magis postulatio illa ad Deum te, & ad CHRISTVM arcte constringebat. Postulabas enim, non commodum aliquid tuum, quod seorsum à Deo tibi uelles adesse, sed maiorem, & celebratiorem postulabas Dei gloriam, fratresq; tuos saluos, atq; incolumes cupiebas, in quo sanctius uidentior Dei apparuisset gloria, si ad ueram fidem omnes illi perducti essent. Illi enim primi à Deo fuerant filij appellati, illi in eam gloriam uocati, ut gens sancta soli, & populus electus, & Dei hereditas esse censerentur: illorum erant pactiones, & testamenta Dei, utraq; nimirum, & primum uetus illud, quo terræ illis data est, & istud secundum, quo cœli eisdem possessio est promissa. Illis data lex, & quemadmodum Deum colere rite deberent, cerimoniz ueteris religionis traditæ, & factæ promissiones ab summo Deo in eorum patribus, qui cuncti ex illo genere extiterunt: ex quo

etiam genere deniq; fuit CHRISTVS, quantum ad carnem attinet, qui quod ex Deo est, ipse Deus est benedictus in omne seculum. Hi ergo quibus spes tot bonorum fuerat olentata, & ex quibus, eorumq; ex scripturis, & patribus fides Christi nacta primum auctoritatem, maioribus deinde ex se, ac illustrioribus signis uirtutis, & miraculorum, & sanctissimorum morum in toto terrarum orbe coruscabat, cum ipsi ad fidem minus prompte accederent, neq; sibi facile illam persuaderi sinerent, obicem quendam, & offendiculum ponebant in ipso limine credendi, quod aduentibus afferret hæsitacionem. Dubitabant enim nonnulli, & insiscebant, cum illos ipsos qui festinare, & ingredi, & scire ista maxime deberent, intuerentur dubitantes, atque ita nomini sancto Dei, & libero processui illius gloriæ impedimentum quoddam afferebatur. Ergo idem Dei amor, qui Paulum totum rapuerat ad sese, qui nusquam eū alibi ueram rationem boni sui ponere permittebat, adigebat eiusdem animum Pauli magnitudine quadam inauditi amoris, ut id interdum optaret, quod est unum omniū maxime contrarium amorī. Nihil enim magis optat is, qui amat, quā ut minus tuū ametur. At tantum Paulus in amando Deum progressus fuerat, ut pro illius magnificatione gloriæ passurus uideretur æquo animo, se ab eo non redamari, & tamen quod optabat, extra omne periculum optabat. Nam ut laqueorum natura, & comprehensio eiusmodi est, ut quo effugere magis coneris, hoc illicatus artius tenearet: sic quicquid propter amorem fit, etiāsi uideatur ex amore uelle elabi, in ipso amore tamen fit id constantius. Quid autem reuera, num hoc Paulus optabat, ex cedere ipse ex amore Dei, quod cognati sui in gratiam reciperentur? Hic est respondendū, ex affectu illum doloris uere hoc optasse, ex consilij, & rationis iudicio nequaquā. Nam cum affectionum natura ea sit, primū ut officiant semper consilio, & cogitationi, deinde ut in una re diu nūquam permancant, fit, ut ad quācūq; affectionē te dederis, illa tibi & ueras res offerre, & cupiditates tuas iustas facere uideatur: quæ mox si affectione extincta ad rationis iudicium reuocentur, inanes & præposteræ fuisseprehendantur. Aliud porro est ex cōsilio rationis, aliud ex affectionis motu aliquid optare. Stare in amore Dei Paulus, & iudicio mentis semper uolebat, & cum per affectū quocūq; animi in eam cogitationē ferebatur, illa tunc ardentia, & magna proclamabat, Quid nos ex amore Dei abstrahet? num mors, num uita, num homines, num angeli? & cætera. In quibus memorandis paulo ante quasi in spiritu, & igne perbaccatus est. At cum illi affectu aliquantisper sedato in aliam curam eum de fratribus suis dolor, & cogitatio pertrahebat, tunc alio affectu delatus, atq; incitatus, illorum salutem præoptabat, & de sua negligēs esse uidebatur. Contigit hoc idem Moyse amico, & famulo Dei erga ipsum Deum, ut cum eum iratū populo, & excidiū illi, interneconemq; minitantes, placare, & deprecari Moyses niteretur, inueniretq; difficiliorē, inter medias præces in hanc uocem prorumperet, Si dimissurus es domine iram tuam populo tuo, dimitte: sin minus, dele nomen meum de libro, quem scripsisti. In eo enim affectu tunc positus, ut de periculo suorum esset sollicitus, quorum salutem faciebat maximi, paupers in obliuionem suæ salutis uenerat: & tamen nullo periculo, quod postulabat, postulauit, quippe cum causa ea, propter quam id petebat, causam eidem Deo grauiorem præberet, diligendi eum magis, atq; probandi. Atq; idem Moyses, qui tunc pro populo ad Deum se de libro uitæ deleri postulabat, post populum pro Deo adorantem idola interficiebat. Attamen Paulus CHRISTVM & spiritum sanctum testem animi sui, & uoluntatis aduocat, ut appareat eum utre sic sentire, & loqui, aduocat enim uero, sed tristitiz animi suæ, & doloris, quem de fratribus suis capit, uocat testem, quo reuera ipse uehementissime cōmouebatur. Quod autem mox subiungit de optato suo in quo salutem suam donare, & concedere salutem fratrū suorum paratus est, id iam non CHRISTI, nec spiritus sancti testimonium est, sed affectionis animi sui erga fratres indicium. Nam quod ad ludæos attinet, omnis profecto Dei omnipotentis beneuolentia & inclinauit de principio ad illos, & deinceps semper donis, promissionibus, præcipuūq; studio erga illos declarata est, sicut & testamentum omne uetus, & noua scriptura pluribus locis ostendit. Nam & CHRISTVS ipse aliquoties dixit, testatusq; est, se tantummodo missum ad oues Israël, quæ perierant, & se non

tio. Ac ne Iudæi respondeant, se tamen nō ex alijs electis ab Abraam filiis, sed ex ipso Isaac fuisse progenitos, qui non solum carnis, sed promissionis filius extiterit, remittit, quod semper agunt, à spirituali generatione ad carnem, corpusq; traducant, confutatis illos protinus adiecto de filiis Isaac eiusdem scripturæ notabili testimonio.

Necq; hoc solum, sed & Rebecca ex uno uentrem ferens Isaac patre nostro, nondum enim genitis, necq; cum fecissent quicquam bonum, aut malum, ut secundum electionem Dei propositum maneret, non ex operibus, sed ex uocāte, dictum est illi, quod maior seruiet minori, sicut scriptum est: Iacob dilexi, Esau autem odio habui.

IN OMNI ueteri testamento plurima posita sunt, quæ aduentum filij Dei seruaturū genus humanum, & gentium uocationem, nouamq; legem spiritus in cordibus scribendam, nō in literis, partim uaticinijs, & prædictionibus, partim figuris, partim ipsa rerum gestarum historia admonent, & ostendunt, inter quæ id quod ad futuram adoptionem gentium, repudiationemq; Iudæorum pertinebat, sæpius qui primogeniti parentibus suis fuerant, è capite generis exclui minoribus natu fratribus loco, & honore primi ordinis concesserit: quod iudicium euident, & uaticinium semper fuit, Israël primogenitum Dei filium alteri post se genito de honore primo decessurum. Ac ne hoc fortuitum, aut obscurum cuiquam uideri possit, in ipsis principibus nominis, & generis Iudæorum, patriarchis uidelicet, & ducibus omnibus ferè usus contigit, ut qui primi eos parentes fecissent, patrumq; nomine appellauissent, ex filiorum ipsi priorum loco exciderent, posterioresq; fratres suos cernerent in primū honorem generis accersitos, atq; sublato. Nam & Abraam cum Ismaelem primū filium extulisset, Isaac secundum illi prætulit: & Isaac duobus filiis geminis uno sortu sibi natis, cum qui posterior exierat, primū heredem constituit. Et Iacob, non Ruben solum primogenitum, illo honore deiecit, Iudamq; in eius locum induxit, sed & postea cum accessisset ad Aegyptum, senexq; oculis captus, filios Ioseph sibi in liberos adoptaret, uenturūq; omnibus prædicaret, formati in modum crucis brachijs, & dextra manu supra caput Ephraim, qui minor natu erat, eiq; sinister astabat posita, & sinistra supra Manasse primogenitum Ioseph, ad dextrum latus translata, per illam crucem ordines, gradusq; permutans signo clarissimo futurarum rerum ita mirabilem filium in benedictione antetulit, ut illo admirabili uaticinio apertissime ostenderet posteriores Dei filios, quos crux illa distinxisset, multo maiore in honore, & gratia apud Deum futuros. Talia igitur exempla nunc proponens Paulus indignatibus Iudæis, & iniquo animo ferentibus se posteriores quodammodo à Deo habere eos, & gentes esse in primum honorem gratiæ uocatas, quoniam quod de Abraam dixerat præferente Isaac Ismaeli poterat habere aliquam apud Iudæos obiectionem, iuxta id in illis accidisse, quorum alter de ancilla natus esset, posterior de libera, sese autē omnes ex liberæ filio Isaac natos esse, repetit rursus rationis suæ uim in ipso itē Isaac, qui cum esset ille electus ab Abraam filius, duosq; ex eadem uxore Rebecca liberos uno partu sustulisset, prius egressum in lucem ex matris utero Esau, & posteriorem secutum Iacob: tamen non tam is quidem sponte, quam diuina prouidentia compulsum minorem filium maiori præposuit. Ac ne humanis ista attribueretur euentibus, hominumq; forsitan autoritas parui esset, adiungit diuturnum de eadem scripturæ testimonium, inquiens, non solum hoc factum fuisse in Abraam, & in illis duobus non de eadem matre liberis, sed etiam in ijs, qui ex una matre, unoq; patre sunt editi, Namq; Rebecca uxor Isaac cum ex uiro uno conceptum haberet, quo quidem conceptu geminos parturiebat, atq; illos inter sese in utero colluctantes sentiret, audiuit ex domino, antequam illi in lucem prodissent, antequam quicquam boni fecissent, aut mali, audiuit, inquam, quod maior seruiet minori. Et in alia scriptura Malachie propheta idem dominus dicit, Iacob dilexi, Esau autem odio habui: quæ sunt ab Apostolo inducunt ad comprimendam alteram illam Iudæorum querelam, quæ se primo à Deo genitos, post reiectos, & gentes in primum honorem filiorum introductas non me-

diocri

diocriter conquerebantur, detrahendū tentabant de omnipotentis Dei fama, atq; gloria, tanquam is iniquum quippiam, & inexpectatum egisset; ostēdit enim Paulus ita solum agere Deum, cum ipse bonum ita factū atq; rectum, diuino suo consilio esse iudicat, cuius iustitiæ, & æquitatis veritatem ipse ante seculum omne cognoscat, nos postea euentis rerum edocti perspiciamus. Atq; ita duabus iam quærimonijs ludæorum elisis, atq; abiectis, una, qua querebantur fidem illis promissionum à Deo non fuisse seruatum, quando eam Deus Israël præbisset, gentibus perfoluisset: in quo responsum ab Apostolo est, Israël esse semen, & filios promissionis, non generationem carnis. Altera, qua secundos filios primis prælatos esse grauiter ferebant, quod in ipsorum principibus, & patriarchis ostendit Paulus Deo fuisse usitatum. Nunc ad asperiores multo, & grauiorem quælam tertiam confutandam maiore apparatu se confert. Dicerent enim ludæi, id quod & dicebant, & non sine causa dicere uidebantur, Quid ergo, nobis gentes antelatae sunt, eo quod meliores nobis sunt? num illæ nobis fuitiores, aut continentiores: Num in uno Deo colendo diligentiores? quæ ipsæ non nouerunt, atq; adeo ne nosse quidem curauerunt: nos & nouimus, & prædicamus, & colimus: hæcne igitur gratia nobis honorum operum relata est? ut ab his, qui solas suas cupiditates explere pro dijs sibi, & pro eligione habuerūt, nos, qui multa nobis inest ipsi facienda, patiendaq; præscripsimus, qui pluribus rebus propter honorem Dei, & legis ab Deo nobis late abstinemus, in præmio apud Deum, & in honore uinceremur? Huic grauissimæ, acerbissimæq; quærimoniæ, quæ tota nixa est honorum fiducia operum, in quibus ludæi sibi multum arrogabant, respondet nunc Apostolus, opera semper hominum aspernans, & gratiam Dei, gloriamq; magnificans, electionem illam Dei ex ipsius deliberatione, & proposito, quo uno modo maxime rata ea, & permanens deliberatio est, ac non ex nostris operibus pendere. Itaque ante natos Jacob, & Esau, antequam boni quicquam ex illis, aut mali fuisset editum, Deum sic elegisse Jacob minorem fratrem, ut maiorem illi Esau in seruitutem dederet, & quod etiam apertius, & significantius dictum est, in propheta, antequam uterq; eorum nasceretur, Jacob Deo dilectum fuisse, Esau autem odio habitum. Et quoniam huiusmodi responso ea erat, quæ in multas, & magnas incurreret difficultates, magisq; exulceraret eos dolore, qui ex postulatant de Deo, & cōqueriebantur, quam leniret, idcirco insinuat diutius Apostolus, & cōmoratur in ea, nunc sibi ipse obiciens, quod ab illis intelligebat iri obiectum, nunc obiecta dissoluens,

Quid ergo dicemus? num iniustitia apud Deum? absit. Moyse enim dicit: Miserebor, cuius misereor, & miserebor, quæcūq; miseror. Itaq; nō uolentis, neq; currentis, sed misereantis est Dei.

QV I D mirum, inquit, si dixi tibi electionem Dei, quam de nobis facit, ex ipsius proposito, non ex operibus nostris esse aptam? nō est hæc iniustitia Dei, non enim habet ille, quibus præmia hominum iure debeat, quandoquidem omnes filij iræ nascimur, nec solum parentis primi labe, & uitio, sed nostris deinde quicq; peccatis peccatissimis inquinati. Nec est cur quisquam ex operibus sibi ardeat, & ueluti pro suo iure petat, ut honoris apud Deum, & præmiorum fiat particeps. Sed hi eliguntur, hi non eliguntur, quia horum Deus misereatur, non illorum. Dei enim eligere, miseri certe est, quia nullius opera tanti sunt, ut mereantur: & non miseri, Dei est reijcere, quod omnium opera magis promerentur. Quemadmodum Deus ipsemet in cōmunis peccato filiorum Israël, qui uisulū aureū in foliudine adorauerant, Moyse dicit, se misereatur, quorum tunc misereret, & non miserturum, quorum nō tum misereret. Quanquam hoc secundum non sic diserte pronuntiatum à Deo, sed ex priore illo necessario est intellectum. Quod si ita sit, adipisci gratiam, & dignum præmio fieri, nō uolentis est, neq; currentis, quod à gymnicijs certaminibus est inductum, & pro omni conatu recte agendi, omniq; bona operatione ponitur, sed misereantis est Dei, ut quicquid honoris, ac loci apud Deum obtinemus, non operibus id nostris, nostraq; uoluntati, quam hic certe Apostolus innuit esse nostram, sed Dei ipsius proposito, & misere-

ricordatē tribuamus. Et rursus in alio scripturæ loco.

Dicit enim scriptura Pharaoni, quòd in hoc ipsum suscitauit te, ut ostendam in te potentiam meam, & ut annuncietur nomen meum in omni terra.

HOC EST Dei iam non misereantis, atq; ideo nec eligentis, quod Pharaoni conrigit, quem non solum excitauit Deus, ut offerret se ille spectaculum toti mundo mirabilem, & potentie summi Dei; uerum etiam ad hunc ipsum finem Deus illò se excitasse testatus est, ut ostenderet ipse in eodem illo, uim suā, gloriāq; nominis sui in orbe toto diffunderet. Et quoniam prior dubitatio nondum soluta est, etenim si miseretur Deus, quorum illi uidetur, cæterorum uero non misereatur, nulla autē apparcat huiusmodi differentie causa, nisi sola uoluntas præpotentis Dei, de duobus alterū uidetur necessario consequi, ut aut iniustus Deus sit, huc magis quàm illi sine ratione fauens, aut nostra, qui delinquimus, peccata minime sint plectenda, quando ipso Deo uolente sic perpetrata sunt, quod proxima de Pharaone scriptura uidetur indici: idcirco Apostolus insinuat iterum, & sibi metipse has dubitationes opponit.

Igitur cuius uult, misereatur, & quē uult, obdurat. Dices igitur mihi: Quid etiam nunc queritur? uoluntati enim eius quis resistit? Imò o homo, quis es tu ex aduerso respōdens Deo? Num dicit fictile ei qui inexit, Cur me scisci huiusmodi? an non habet potestatem figulus luti ex eodem mixto faciendi hoc quidem in honorem uas, hoc autem in despiciatum?

PRIMA ista uerba Apostoli sunt cōcludentes ex illis scripturæ locis, quòd omnia nostra ex electione, & proposito Dei sunt, non ex operibus nostris: Quando ipse Deus, quorum uult, misereatur, & quos uult, obdurat. Nam & ipsimet Deus in Exodus Moysi dicit: Obdurabo cor Pharaonis, ut ne dimittat populum meum, Et quoniam acris obiectio exoritur, quid ergo nos porne meriti sumus, cum quid delinquimus, aut cum ad cupiditates nostras toti delabimur, si Deum sic uolētem tanquam auctorem culpe, & criminis habemus, cuius uoluntati non possumus non parere: Hoc responsum hominum uelut in indignatione, atq; ira loquētium, ipse quoq; commotus eorum petulantia Apostolus asperius refellit, ut discant modesti & reuerentius de summo auctore omnium bonorum Deo, & de immensa, ac inscrutabili illius sapientia loqui: Tu quoniam es, inquiens, qui sic audacter, & superbe tanquam par pari, & nihil illi concedens respondeas Deo? An hoc modo figulum interrogant fictilia, Cur me non honestum, neq; exornatum uas, sed incomptum, despiciabileq; sciscisti? Nonne figuli est potestas ex eadem creta fingendi uas cuiuscumodi uelit, siue mens illud paratum uelit esse, siue sterquilinijs? Enim uero Deus maior multo figulo est: & tu homo præ Deo luto etiam es contemptior: quare ergo temeritas te aduersus Deum concitat? exquire potius cunctanter, & uenerabunde harum rerum rationem & causam, & ostendetur tibi, quàm sic proterue in reprehensionem Dei erumpas, quare ratio ea est,

Si autem uolens Deus ostendere iram, & notificare, quātum possit ipse, tulit in longanimitate multa, uasa iræ accommodata in interitum, atque ut notificarer diuitias gloriæ suæ in uasa misericordiæ, quæ præparauit in gloriam, quos & uocauit nos non solum ex Iudæis, uerum etiam ex gentibus, sicut & in Osea dicit: Vocabo non populum meum, populum meum: & non dilectam, dilectam: & erit in loco ubi dictū fuit eis, Nō populus meus uos, ibi uocantur filij Dei uiuentis.

PAVLVS ut est contextus sententijs, & implicitam ferè unam cum altera cogitationem proferens, soluere quidem incipit obiectas quæstiones, sed antequam inferat conclusionem, in alteram statim probandam rationē insinuat, legentibus relinquens prioris

prioris concludendi, & stabiliendi argumenti cogitationem. Erant autem quæresæ, & quæstiones ab Iudeis partim, partim à quibulvis mortæ, atque illatæ. Iudeorum illæ propriæ: Vna quòd hîdem illis eorum quæ promiserat, non uidebatur præstitisse Deus. Cui respondit Apostolus, non omnes esse Israëlitas qui dicantur Israëlitzæ, sed Israëlitzæ spiritualibus, & ex uerbo Dei profectus promissiones suas fecisse Deum, eisdemq; illas persolueret, ac persoluisse. Altera, quòd cum ipsi primogeniti Dei filij iam antè existissent, à secundis liberis uenientibus in adoptionem honore, & gratia omni apud Deum uincerentur. In quo ostendit Paulus quòd facti in se segregant, & tanquam iniquum, ac nouum còquerantur, Deum in patribus ipsorum & primis illis generis principibus omnibus fere diu antea fecisse, ut primogenitos illorū filios principatu generis deieceret, & minores fratres in deiciorum locum substitueret. Sicut in Ismaele, & Isaac, in Esau, & Jacob, diuino consilio fuit demonstratum. Tertia iam quærimonia Iudeorum grauissima illa erat, quòd cum ipsi & legis iustitia edocti, & operibus bonis meriti essent, ut maiore multo in honore apud Deū esse deberent; à gentibus tamen, quæ neque iustitiam, neque legem antea cognouerant, neq; Deo uero honorem ullum habuerant, in adoptione nouæ gratiæ anteirentur. Quam illorum conuersionem refutat Apostolus ea ratione, quòd non ex meritis nostris, neq; ex operibus gratiæ apud Deum nobis gradus acquiratur; sed ex Dei ipsius miseri cordia duntaxat, & uoluntate, quam rationem ex longe diuerfa conditione duorum fratrum Jacob, & Esau iam inde ab Deo illis destinata, anteq; in lucem n̄ prodijissent, & ex scripturæ testimonio duplici cõfirmat. Et hæcenus quidem Iudeis nominatim est responsum. Quoniam uero postrema ista respõsio nouam rursum, & perdifficilem excitabat quæstionem, nec illam magis ab Iudeis quàm à cæteris, ad eam quoq; dissol uendam aggreditur Paulus. Diceret enim quilibet: Si nihil est à nobis, & Dei omnia subiecta uoluntati sunt, quid de nobis conqueritur, si minus ipsi probi, integritq; sumus, si uoluptates nostras aut emolumenta illius honori, & cultui anteposimus. Hanc obsecutionem primo refellit, asperius arrogantiam contundens istorū, & ex cūmulo figuli offendens, non debere eos tam superbe in disquisitionem huiusmodi summum Deum accersere. Deinde hac etiam eam responsione dissoluit, non esse causam exprobandi quicquam Deo, nec prauis cupiditatibus propterea indulgendi, quòd uideamur id quasi necessariò sic Deo uolente facere, quandoquidem non est ista culpa in Deo posita, sed in nobis. Pharaonem enim longe iam antè accommodantem se, ut fieret uas depicationis atq; iræ, & semetipsum ad interitū concinnantem, posteaq; diu, & multum pertulisset, eiusq; extremam amentiam Deus patienter expectasset, ut uidit occasionem existeret aptam, qua produceret illū in medium, & quasi in aciem atq; in certamen contra se pertraheret, quòd declararet omnibus in illo uim & potestatis, & magnitudinis suæ, atq; item ex altera parte, ut patetfaceret, notasq; redderet diuinitas gloriæ suæ in ea uasa misericordiæ, quæ præparauerat ipse ad gloriam, hoc est in eos homines, qui sese quidem aptauerant ipsi, quoad in illis fuit, ut essent misericordiæ receptacula, aut certe non se ad iram & interitum accommodauerant; uerum quos imprimis ipse Deus ex æterno principio ad gloriam ipse suam electos, & prædestinatos præparauerat. Nam nos quidem per nosmetipsos ad gloriā non possumus præparari, Deo opus est & diuino auxilio, atq; adeo ex Deo totum est, quòd effici mur apti, per quos ille suam gloriam omnibus hominibus ostendat, à nobis aliqua initia quidem bonæ uoluntatis, ut præparari ad misericordiā apti simus, profici scuntur: sed neq; ea sine Deo tamen, ut antè dictum est: ipsa autem præparatio ad misericordiam diuine gloriæ Dei opus est, & non nostrum. Igitur inquam si fuit tum occasio Deo idonea, atq; opportuna in utranq; partem sic se demonstrandi, ut in illo potentiam, & uirtutem, in his gloriam suam & misericordiam indicaret, quid est, quòd tu arbitrere (hoc enim deest sententiæ, ac conclusioni, & supplendum est) tuis sceleribus, & peccatis excusationem tibi ex Dei uoluntate prætendendam esse non ille uult, neq; creat tuum crimen, sed cum te iam præfigatum penitus, perditumq; cognoscit, excirat in medium, utiturq; tanquam uase proiecto, atque inutili, neque amplius uult ullam suam admonitionem denunciationem uel periculum ullum poenæ atq;

exitij metū ad poenitentiam tibi aut ad spem implorandæ misericordiæ ualere. In quē sensum & ab Deo Moyli dictum est se obduraturū cor Pharaonis, ut ne uidentes uiderent, & meditantes ne intelligerent, ac conuerterentur, & ipse sanaret eos. Non enim eos Deus, qui tenebrarum hlij iam effecti sunt, quicūq omnem uim, & potestatem rationis, ac uoluntatis, suæ improbitati, & libidini penitus subiecerunt, ad lucem amplius, & ad salutem erigere uult, hoc est, ut conuertantur, ulterius expectare: sed cum occasio adest, atq; opportunitas, qua poenam illorū ad gloriam sui nominis, & ad exemplum, doctrinamq; bonorum proficere posse intelligit, tunc productus in spectaculum, tanquam in harenam, dignisq; supplicijs damnatos ueluti feris obijcit, ut in utroq; appa-
 reat magnitudo gloriæ suæ, & in plectendo perditos, & in miserendo his, qui se para-
 tos, & idoneos ad accipiendam misericordiam præbuerint. Porro autem hi sunt, qui non ex Iudeis tantum sunt ab ipso Deo, sed ex gentibus uocati, qui non carnis, sed promissionis filij, uerusq; Israhel sunt. Quod denuo aduersus Iudeos est prolatum, qui se unos arbitrabantur Dei electione dignos, gentes autem reliquas tanquā pollutas, atq; impuras ab omni Dei cura, & providentia opinione sua abdicabant: quam eorū opinionem Apostolus aliquot scripturæ testimonijs deinceps refellit, ex Osee primum, apud quem Deus: Vocabo non populum meum, populum meum inquit. Quod quidem manifeste de gentibus est dictum. Et non dilectam, dilectam, congrega-
 tionem, ecclesiamq; uidelicet, quam in amore non habebam, amaturus mox sum. Et erit, quemadmodum dico, scilicet. Quid autē erit: Quod d quo in loco dicebatur. Non populus meus uos, in eo uocabuntur loco, non modo populus, uerum etiam filij Dei uiuentis. **HIC IVLIVS.** Est planus hic mihi uidetur Apostoli sensus, inquit, ta-
 men cum ad ea quæ paulo ante disputata à nobis de libero arbitrio nostro, deq; Dei in nobis iudicio uoluntateq; sunt, aliqua hic à Paulo posita aduersari uideantur, peto à te, ut regrediare paulum ad hæc ipsa diluenda, quæ usq; eō nihil in nobis positū esse constitutum, per quod Deus hos illis in eligendo habeat potiores, ut nec ipsius Dei in discernendo, seligendiq; sapientiam, nec arbitrij nostri libertatem uideantur relin-
 quere. Etenim obsecro quid est, quod de Iacob & Esau scriptum, antequam essent ge-
 niti, antequam boni quippiam, mali uel fecissent, ut ex electione propositū Dei manes-
 ret, & non ex operibus, sed ex uocante, unum esse alteri in seruitutem fratrem dari, &
 alterum dilectum Deo, alterum odio habitum, nisi quod uoluntatem Dei in illorū
 utroq; non modo fors, & conditio uitæ, sed diuersa etiā studiorum & uoluntatum su-
 scepio secuta est: Aut quid aliud indicat, Miserebor cuius miserebor, & Non uolens
 tis est, neq; currentis, sed misericentis Dei. Et rursus: Cui uult miseretur, & quem uult
 obdurat, non ne nos totos ita ex Deo pēdere, ut nullam in partem ex libero arbitrio
 nostro, sed tantum impellente ipso cōmouere nos ualeamus: Quæ quāquam mihi du-
 riora, & multis implicata difficultatibus uidentur, egoq; pristinam tuā opinionem &
 sententiam illam leniorē uidelicet, magis probo, quā aliquod initium nostræ uolunta-
 tis nō quidem sine Deo, sed tamen nec sine nobis statuebas positū esse in nobis: tamē
 quoniam & ab hac parte multi stant docti homines ac probati, resq; digna cōsidera-
 tione graui est, peroptatum feceris mihi, si adhibueris diligentia, quo ista, quæ hic ab
 Apostolo aduersus liberum arbitrium dicta esse existimantur, nō tamen talia omnis
 no esse, neque facultatem libere quod uelimus eligendi auferre nobis intelligantur.
FACI s, inquit, Iuli, quod discere cupientū maxime proprium est, ut nullū uerbum
 uelis in Paulo nō bene examinatum ac perpensum præterire. Nam nec ille in tantis
 celestium mysteriorū explicationibus uel unam minimā literam in scribendo sine con-
 sideratione maxima disposuit. Sed tamen hæc, quæ hic à Paulo sunt posita, non mihi
 ita obstare libero nostro arbitrio uidentur, ut illud tollant. Quin, et si Dei potestas
 in nobis est, quæ certe est, ut nihil absq; eo rectum, neq; nobis salutare suscipere, aut
 exequi possimus: tamen uolūtatem nostram liberam teneamus. Vt enim paulo ante
 dixi, uelle certe à nobis quadam ex parte est, siquidem Dei in nobis operationi & ipsi
 cooperamur, itemq; in nobis est moliri nonnihil atq; contendere, ut tanquam manus
 Deo porrigentes subleuemur ab eo primum, deinde recti cōstituamur. Verum ita se
 habet

habet omnis nostra sollicitudo, ut inanis, & uacua ipsa per se sit, nisi gratia Dei, misericordiaeque aduenerit, quae illam compotem uoti, atque ipsi Deo gratam faciat, & acceptabilem. Non enim est uolentis, neque currentis, sed miserentis Dei. Quod si uelle, & currere nihil omnino ex nobis, sed ex Deo totum esset, non magis ellect dictum miserentis esse Dei, quam uolentis: quippe cum uelle, decretum, & constitutum in se habeat, misereri uero, opem, atque auxilium, uoluntasque Dei libera, & absoluta in se sit, misericordiae uero ad illud hominem aspectum referat, cui miseretur. Etenim uolentibus sibi opem & misericordiam tribui, miseretur Deus. Nam cum sub seruitute peccati nati nos simus, neque nostra ope, ex illo, nostrisque uiribus emergere, atque ejicere nosmetipsos queamus, uolumus quidem ex nobis etiam & adnitimur, ueruntamen ad confurgendum Dei omnipotentis ope indigemus, qui tendentes brachia ad sese, corpusque agitant, ut euoluantur, misericordia sua adiuuat: ignauos uero, & desides neque quicquam agentes, quam obrem debeat subleuari, in ipso luto infixos, perditosque relinquit. Nam quod Paulus sic ponit, ut secundum electionem propositum Dei maneret, non ex operibus, sed ex uocante, in hunc mi frater modum debes intelligere, atque adeo necessarium sic intelligendum est, ut quoniam, quae uentura sunt circum electos & uocatos Dei, ea à Deo prouisa, & praediffinita iam sunt, non sit eorum euentus, atque decursus humanis actionibus permittendus, quae fragiles, & mutabiles suapte natura si ducerent ipsae, & regerent decreta Dei, nullum eorum stabile, & immutatum linerent: uerum quod non mutant illa, quod rata, firmaque sunt, quod nullo unquam tempore euentu suo frustrantur, hoc est non operum nostrorum, sed electionis, & uocationis, & propositi summi Dei. Ergo quae circa duos fratres euentura Deus tanto ante prouiderat, atque ut ita euenturent, decreto ipse suo imprimis diffiniuerat, ille quidem praecognitis ambobus, sic iam tum disposuit, & diffiniuit, ut maior minori frater seruiret fratri, ipseque diligere alterum eorum, alterum odio haberet. Verum est id ad eum quocumque finem ab Apostolo inductum, ut quod adsciscerentur gentes in filiorum nomen, ipsi autem priores filij eijcerentur, non nouam aliquam ludaei mutationem animi: sed uetus & stabile decretum in omnipotenti Deo esse intelligeret, apud quem in decernendo, ac constituendo nullum tempus est, neque praeteritum, nec futurum, sed omnia una, atque simul in eodem uniuersae aeternitatis momento illi sunt praesentia, quae diffinita semel à Deo nullum tempus deinde, nulla uis, nulla nostra actio possit infringere, aut uariare: quo etiam sensu dicitur, se miseretur, cui iam miseretur, ut inuolabile constitutum Dei esse perspicias. Nam quod obdurat, quem uult, tunc quidem dicitur obdurare, cum desperatum iam hominem, & in uitio suo penitus perditum producturus in spectaculum aliquod, in quo aut seueritas Dei ad unius poenam, ceterorumque disciplinam, aut uis, & potestas, & magnitudo eiusdem aduersus superbos, & impios ostendenda sit, non patitur amplius moram ullam, neque damnato dat locum respirandi, ac resipiscendi, quod in Pharaone fecit, quem tamen ipsum cum se obduraturum antea praedixisset, potentemque manum suam in illo exerciturum, quot tamen modis (o clementiam inenarrabilem) quibus castigantibus, & monitis, quanta cum patientia, & longanimitate ab illa impia uoluntate deducere est conatus: quoties illi ispiramenta incommodorum praebuit: & tanquam illi crederet affirmati dimissum ab eo iri populum, plebemque manum suam, & uerberantem tantisper ab eo amouens, ab illa duritie animi stauit reuocare: usque adeo alienum à Deo est, ipsiusque bonitati, & humanitati contrarium damnare, aut nocere, aut malefacere cuiquam, nili nos ipsi nobismet ipsam extremam pestem illius ab alienatae operis accerseremus. An existimamus aliud esse causae, cur homines impij, & scelerati in hac saepe uita sic sustineantur: est hoc consilium, & admirabile elementa omnipotentis Dei, qui perfert prauos ut resipiscant, semperque omnibus adest, ut excipiat malos, si forte uelint illi, atque insituant boni fieri, & bonos, atque electos scuto ueritatis, & decreti sui circumderet, & protegat, ut ne terreantur à timore nocturno: à sagitta uolante in die, à negotio perambulante in tenebris, à incursu, & demonio meridiano. Et quoniam in natura hominum parum est firmitatis, non ex operibus illorum, sed ex electionis suae decreto stabile Dei propositum in suis electis glorificandis maneat. Sed ne diutius euagmur, redcamus iam ad Pauli uerba,

à quibus discessimus. **I M O' V E R O** miſerater, inquit Iulius, non hoc eſt uagari, ſed certo in loco conſiſtere, cum iſta de Deo, & cogitamus, & loquimur, illuſcꝑ inſinuatam uim bonitatis & recordatione noſtra ſæpius, & prædicatione uſurpamus: ſed tamen tu ad inſtitutum reuertere.

Eſaias autem clamat ſuper Iſraël, Si ſit numerus filiorum Iſraël, ut hære na maris, reliquæ ſalutæ ſient. Sermonem enim conſummans, & corripiens in iuſtitia, quoniam ſermonem compendioſum faciet dominus in terra, & ſicut prædixit Eſaias, Si non dominus Sabaoth reliquiſſet nobis ſemen, ut Sodoma facti eſſemus, & ſicut Gomorra ſimiliter fuiſſemus.

D V O hæc teſtimonia hic inducuntur, ad oſtendendum non Iſraël, nec quæ Iſraël, ſed ſolos electos Dei ſaluos eſſe: & tamen ſpirat in illis fidei noſtræ myſterium. Dicit enim in Eſaiâ Dominus, Quantumuis numerofus, & multus ſit Iſraël, non cum uni uerſum, ſed reliquas ſaluas fore: quod indicat, & denotat electorum ex Iſraël paucitatem. Quod ſi Iſraëlis, hoc eſt populi Iſraëlitici ſalus & promiſſio, & gratia propria eſſet, non reliquæ Iſraëlis, ſed uniuerſus Iſraël ſalutem inueniſſet. At quomodo reliquæ ſalutæ: quia, inquit, Dominus eſt (hoc enim intelligendum) terminans, & corripiens ſermonem in iuſtitia: quia, inquit, ſermo domini omiſſis tot controuerſijs, & obſervationibus, & contraſtibus Moſatæ legis, breue faciens, quod neceſſe eſt, ſalutis totam rationem in una fidei iuſtitia ponet, atq; concludet. Nam legis iuſtitia, ut quæ in uarijs curis, & actionibus, & liſibus de humanis rebus appetendis, dirgens diſcꝑ uerſantur, plures ipſæ quoq; & uariæ neceſſarij ſunt. Vna autem eſt ad ſalutem iuſtitia, quæ ſola apta ſit, nihil omnino uidelicet tribuere rebus humanis, & ad ea ſola bona, quæ cœleſtia ſunt, ſpe, & cupiditate contendendo ſeſe omni cum fiducia totum Deo permittere, qui ſermo eſt Domini, & ipſe **C H R I S T V S**: hæc iuſtitiam ueram, & ſingularem qui obinet, quam ex ſola **C H R I S T I** fide Deo donante poteſt adipiſci, nihil cæteris legis iuſtitijs indiget, neq; in tot chartis, librisq; euoluendis, ſed in hoc ſolo fidei tenendo ſaeramento ſpem certâ ſuæ beatitudinis retinet. De quo idē Eſaias: Quoniam ſermonem, inquit, compendioſum faciet dominus in terra. Ergo illi, qui ex Iſraël electi ſunt, reliqua omni neglecta, poſthabitaq; multitudine in hoc ſermone breui ſunt ſeruati, uel quod ſpiritu eum ſancto edocti prouiderunt, & crediderunt, uel quod ab Deo in eorum, qui promulgaturi illum toto orbe terrarum erant, ſemen & ſtirpem ſunt relictī. De quo item Eſaias, Niſi dominus Sabaoth reliquiſſet nobis ſemen, ſicut Sodoma, & ſicut Gomorra ſimiliter cecidiſſemus. In quo indicat propheta ut eſſet ſemen eorum, qui uerbum compendioſum ſuſcepturi erant, hoc eſt, ut conſecrarentur patres, auiq; corū, qui fidem **C H R I S T I** accepturi, atq; ut tanquam ſemen ad ſpem exoptatæ frugis retinerentur, ſecirco cunctum reliquum Iſraël à Deo ſuſtentatum fuiſſe. Non habet igitur Iudæus, cur tantum conſidat generi, & nomini Iſraël, aut cur ad promiſſiones illas Dei tantopere attendat, quando non ut ex Iſraël, ſed ut ex eligente, & uocante Deo quiſq; ſalutem, & gratiam adipiſcitur: ideoq; nec mirum eſt illam, & ſalutem, & gratiam etiā gentibus fuiſſe datam.

Quid igitur dicemus? quando gentes quæ non ſectantur iuſtitiam, apprehenderunt iuſtitiam; iuſtitiam autem, quæ ex fide. Iſraël autem ſectans legem iuſtitia, ad legem iuſtitia non euasiſt. Quid ita? quia non ex fide, ſed ut ex operibus legis. Offenderūt enim in lapidem offentionis ſicut ſcriptum eſt: Ecce pono in Sion lapidem offentionis, & petram ſcandali, & omnis credens in eo non confundetur.

G E N T E S, quæ de iuſtitia minime antè laborabant, quæ ſolam uitam illam reſtam, & congruam eſſe exiſtimabant, quæ eſt animo ſuo gerere morcm, & cupiditates ſuas paſcere: ita tamen uti cum ipſis unâ uoluptatibus incolumitatis, & ualitudinis & apud

& apud præstantiores animo etiam dignitatis ratio duceretur, hæc repente fidei iustitiam, hoc est breuem illum sermonem sunt amplexæ, suasque ipse omnes et terris transulerunt in cœlum, & ad Deum penitus et mundo commigraverunt. Iudæi uero, qui legem iustitiæ sectabantur, non perueniunt ad iustitiæ legem, quoniam in breui illo sermone non crediderunt, nec ut anteferrent illum uerbo lægi Moysi in animum induxerunt: sed in ipsis multiplicibus, & uarijs legis operibus agitati, atque iactati, infirmasque, & tenues consecrati iustitias, quæ laborem animi, corporis, & permagnum, nullum autem fructum illustrem, neque cogitationem ueræ gloriæ adferebant, ab ipsa comprehensione ueræ iustitiæ, quæ ex CHRISTI fide est, aberrauere. Offenderunt enim, inquit, in lapidem offendiculi, quod certe non debebant, cum ab eodem illo Esaia tanto ante prænunciante admoniti fuissent, politurum Deum inter ipsos lapidem offensionis, & petram scandalis: qui etsi eos esset à ueteri lege in nouam hanc uocaturus, & ab uilitatis iudicijs, ac purgationibus, & cerimonijs legis in simplicem, & inauditam iustitiam inducturus (hoc enim ei at lapidem esse offensionis) quādo omnis uetus mos probatus patrum, auorumque iudicio, ac præsertim etiam auctoritate Dei confirmatus, noui ritus, atque moris maiorem, illustrioremque ueritatem, atque iustitiam non nisi à probis, & omnia æquo animo auscultantibus hominibus sinit agnosci, ut maior multo pars contemptu, & contumacia quadam in ipso statim initio ab omni cura cognoscendi, & intelligendi se auertat. Sed etiam nouam, & insolitam simplicis iustitiæ legem in illo breui sermone erant audituri: ei tamen si credidissent, fidemque CHRISTO Domino habuissent, nulla eos uerecundia, nulla poenitentia erat exceptura. Nam & propheta idem ait, Et omnis credens in eo non confundetur.

Fratres propensio quidem mei cordis, & deprecatio ad Deum pro Israël est in salutem. Testimonium enim illis do, quod zelum Dei habent, sed non secundum cognitionem. Ignorantes enim Dei iustitiam, & propriam iustitiam quærentes statuere, iustitiæ Dei non se summisserunt. Finis enim legis CHRISTVS in iustitiam omni credenti.

RVRSVS Iudæos accusaturus, qui fidem CHRISTI suscipere renuebant, & apud communem Romanæ ecclesiæ cœtum, in quo non pauci erant ex Iudæis creditibus, cum horum ipsorum, qui crederant, nimium tamen legis studium, tum aliorum obliuatum in non credendo animum argumentis, & auctoritatibus conuellerentur, ne incurrat odium, atque iram generis sui, ne uel ipse inimico potius animo, quam beneuola uoluntate aduersus eos uideatur agere, præponit indicia suæ in illos beneuolentiæ, ut quicquid dicturus de eis, & in eos est, in bonam partem ab illis potius accipiat. Nam & propenso se corde in eos esse dicit, & omnem pro illis deprecationem, quā ad Deum uratur, ad salutem illorum spectare, ac pertinere: præterea dat illis testimonium, quod zelum Dei habeant, quod uellent ipsi quidem, ac euerent gratum facere Deo, & sese illi adungere, atque applicare, quæ sunt probæ, & piæ uoluntatis indicia: sed errare illos ex ea parte, quod quo id pacto oporteat agi, non plane bene nouerint. Atque hæcenus quidem non est eorum uisum, si cupiunt illi quidem, uerum ignorant uiam. Est enim ignorantie excusatio apud æquos, dum uoluntas bona adit, uenia digna. Verum quod iam graue illorum crimen, & inexcusabilis est error, id quod ignorant, ne patiuntur quidem se doceri, ultroque docentibus, & monentibus infesti, & intractabiles sunt, quanquam hanc illorum propriam culpam profectam ab iniquitate animi, & ab contumacia non palam, neque aperte coarguit Apostolus: sed cum modesta, & humanitate ad arguendum aggreditur: Vellent quidem Deum, inquit, sed ignorant modum adipiscendi, quippe qui Dei iustitiam non cognoscentes, & in sua ipsorum iustitia, quæ ex legis sibi operibus conatur comparare, plus fiduciæ poenentes, non summittunt sese iustitiæ summi Dei: hoc est, boni ipsi ex se fieri contententes, spem bonitatis suæ totā Deo non permittunt. Non enim de illo sic arbitrantur, etiam si nullam ipsi partem bonitatis attulerint: illius tamen infinita bonitate, & clementia, si de eo ita senserint, atque crediderint, se saluos futuros.

ros. Etenim finis legis CHRISTVS est, uel ut spectatus ipse, & propositus à lege, ad quem lex tota tanquam ad ultimum, summumq; contenderet, uel ut legis perfectio, qui addiderit legi, quod ex se lex habere non potuit. Illa enim cum gratiam ac beneuolentiam cum Deo in multis, & magnis laboribus, sollicitudinibusq; quæreret, non gloriam in ea re Dei, sed operam, & meritum nostrum intendebat. Fides autem & CHRISTVS, id in quo lex laborabat, neq; assequi poterat ipsa, omni cum facilitate, compendioq; perfecit, ut non operum tantorum obitu, neq; sudorum, sed sola credulitate, & fiducia in bonitate Dei salus nobis, & uita continuo pareretur. Et hæc est ipsa fidei iustitia, quæ credentibus donatur, quæ cum hominibus salutem à Deo quærentibus faciliior est, & planior, tum Dei bonitas in ea, & magnitudo ipsius gloriæ magis illustratur. Nihil enim de honore diuinæ iustitiæ, atq; clementiæ labores nostri & opera, illustratione decerpunt, quæ tum decernerent, si fructum salutis, quem percipissemus, non uniuersum Deo, sed nobis quadam ex parte acceptum referremus. Ergo in lege uelle insistere, in eaq; permanere longe nobiliorem, & potiore rationem inueniendæ salutis reijci, & aspernatur, gloriamq; Dei, & magnitudinem illius potestatis, clementiæq; diminuit. Quod tu iudææ si ignoras, cur te doceri non pateris, & qui id ostendit, ac declarare tibi uolunt, non eos æquo animo auscultas? Finis itaq; legis CHRISTVS est, ad adipiscendam ueram, plenamq; iustitiam, quæ solum credentibus datur: sudantibus autem, & laborantibus absq; fide, est interclusa, quando isti habere potius in seipsis uolunt, quo cōfident, neq; inducunt animum totum Deo committere, & sese illius penitus iustitiæ, ac bonitati summittere.

Moyse enim describit iustitiam ex lege, quod qui fecerit hæc homo, uiuet in ipsis: ex fide aut iustitia sic dicit, Ne dixeris in corde tuo, Quis ascendet in cælum? hoc est ad deducendum CHRISTVM: uel quos descendet in Abyssum? hoc est ad CHRISTVM à mortuis reducendum. Sed quid ait? Prope te uerbum est in ore tuo, & in corde tuo: hoc est uerbum fidei, quod prædicamus, quoniam si cōsiteris in ore tuo dominum IESVM, & credideris in corde tuo, quod Deus ipsum excitauit à mortuis, saluus fies. Corde enim creditur ad iustitiam, ore autem confessio fit ad salutem. Dicit enim scriptura, Omnis credens in illo, non confundetur.

ITERVM hic comparat iustitiam legis cum iustitia fidei, & illam legis cum opere rosiorem, & laboriosam magis, cū Dei honori & gloriæ minus tribuentem, tum etiam haud ita ueram, nec synceram esse ostendit, ut est fidei iustitia. Quæ ergo est legis iustitia? Nempe quam Moyse sic describit, postquam præceperat, quæ essent seruanda, quæ agenda, & à quibus esset abstinendum: Homo, qui hæc fecerit, inquit, uiuet in his: ut & in faciendo labor, & quod uicturi essemus, non Deo id, sed labori nostro ferremus acceptum: cumq; in factis, & operibus iustitiam constitueremus, in ijs eam poneremus, quæ ueritatis ex sese expertia æque ad simulationem, ac ad synceritatem sunt parata. Iustitia uero fidei, & in solo corde plena est, & fiducia tantummodo in bonitate Dei à nobis postulat, salutisq; nostræ uniuerfam laudem, & gloriam uni Deo attribuit: atq; hoc est præclarum continuo, & cuidens: tamen quoniam iudæis insolitum est, ac nouum, semper in ipsis operibus, & obseruantis legis, cura, animoq; occupatis, quò illis planius id, & facilius cognitu efficiat, assertor opportunissimum ex lege testimonium, in quo fidei, & iustitiæ ex fide imago quædam illustris ab eodem Moyse est expressa: Is enim in Deuteronomio, iam ad moriendū uicinus, legemq; populo cōmendans, cum hortaretur omnes, ut sequerentur rectam uiam domini, illiusq; præcepta, & mandata seruarent, cauere neq; ne prauaricatores, & ex leges effecti inciderent in execrationes non seruatz legis, tum addit: Si forte eos Deus tanquam contumaces, & minime sibi deditos eijceret ex donata terra, ac per orbem terræ in uarias gentes dispergeret, fore ut in eandem terram restitutus esset illos, ac ad priora, & uberiora etiam bona reducturus, si reuersi essent ipsi ad dominum Deum suum, toto

corde tuo, & tota anima tua; continuoq; subiungit: Quia mandatum hoc, quod præcipio tibi Israël, hodie non occultum à te, neq; longinquum est, non in cœlo est, ut dicendum tibi sit, Quis pro nobis ascendet in cœlum, & detestet illud ad nos, atq; ut audiamus efficiat? & faciamus illud. Et nec trans mare est, ut sit dicendum, Quis trans fretabit pro nobis mare, & id nobis referet, facietq; ut audiamus? & faciemus illud. Namq; propinquum est tibi maxime verbum hoc, in ore tuo est, & in corde tuo, ut facias illud. Si reuerfus fueris ad dominū Deum tuum, Moyses inquit, toto corde tuo, & tota anima tua, quod iam nō operum, neque laboris, sed tantummodo cordis actio quædam est, proxima illa tibi, atque adeo insita in ipso te, ut ad eam suscipiendam, & efficiendam nō ex summo cœlo detrahendum tibi quicquam, neq; trans mare accersendum sit. Hanc sententiam Moyses tanquam descriptionem, & formam veras in CHRISTO fidei usurpans sibi Apostolus, & in CHRISTO constituens, fidem CHRISTI eisdem penē verbis, cuiusmodi sit, demonstrat. Non enim (ait) necesse est, si CHRISTO debeas credere, ut sic dicas in corde tuo, Quis ascendet in cœlum? quasi CHRISTVM inde nobis deducturus, ut credamus eius ē sinu, & confortio Dei patris ad homines descensum, & susceptam pro nobis ab eo hominis carnē. Aut rursus, Quis descendet in Abyssum: hoc autem, ut CHRISTVM nobis ē mortuis reducat, noscamusq; eius resurrectionem. Non enim tanta tibi cōquisitione, nec tanta circūitione est opus. Sed quid ait fides? Prope te verbum est in ore tuo, & in corde tuo, Hoc est verbum fidei quod prædicamus. Quodnam id credō? Quoniam si cōfiteberis in ore tuo dominum IESVM, & credideris in corde tuo, quod Deus eum suscitavit ē mortuis, saluus fies, quo quid tibi potest esse facilius: aut promptius? Non hic labor, non opus, nō diuturna, & dura quæritur inuestigatio, sed animi tantum transductio, & conuersio mentis ad credendum, & confitendum, etenim corde creditur ad iustificandum. Solum enim cor iustificationem accipit, sola vera est cordis credulitas, & fides CHRISTI si vere suscipiatur, corde suscipitur, statimq; veram fidem diuinā illa iustificata concomitatur; ore autem cōfessio fit ad salutem, eo quod non est satis occultum, & cōpressum fidei verbum retinere, sed pierendum est, sed in medium producendum, ut & alios doceas, ac cohorteris; et si tua actio inter immanes homines, & barbaros minus etiā libera tibi sit: nō tamen nomen Dei omnipotentis & dominī IESV Christi nō ore tuo celebrandum, & glorificandum est, quandoquidem si eius apertam, & liberam confessionem repressam metu contineas, habeas profecto aliud quid, quod plurius arbitrere, uel existimationē inter homines, de qua loānes, Magis, inquit, gloriam apud homines, quā apud Deum quæsiuerunt, uel incolumitatem corporis, atq; uitam, ex quo minime vere fidem recepisti, si illa tibi aut pudenda, aut poenitenda esse uideatur, uel certe imbecillam, & infirmam illam obtines, ut non habitura sit perseverantiæ præmiū, in qua præcipue est salus: ita corde credere ad ueritatem pertinet, ore autem confiteri ad perseverantiā, & firmitatem. Quorum ex primo iustitia, sanctitasq; cōparatur. In secundo salus præcipue polita est, quam quidem in cōfessione oris, fidei firmitatem significans scriptura per Esaiam ait: Et omnis, qui credit in illo non confundetur: quod est, intrepide, & constanter id ager, nec infamiam ē apud ueritatis ignaros, aut supplicium apud crudeles uerebitur, sed audas iter, & libere de Deo & hīc CHRISTI pronuntiabit: sicut & in Euāgelio CHRISTVS: Quem mei puduit fuisse coram hominibus, inquit, eius & me pudebit coram patre meo. Quoniam autem dixit propheta, omnis qui credit in illo, non confundetur, uerbum illud, omnis, Apostolus cōtra Iudæorum opinionem & spem continuo interpretatur.

Non enim est distinctio Iudæiq; & Græci. Idem enim Dominus omnium abundans in omnes inuocantes ipsum, Omnis enim qui inuocauerit nomen Domini, saluus fiet,

quod Iudæi arbitrabantur, gloriæq; sibi ducebant, Deum cœli proprium suum esse Deum, id & alibi supra, & in hoc loco Apostolus non tam ratione quidem, quæ euidens ipsa quoq; & manifesta est, quā authoribus prophetis consutat, qui diuis

tias bonitatis Dei omnibus hominibus affatim suppeteret intelligentes nō restrinxerunt earum largitatem, & affluentiam in solis Iudeis. Itaq; & Esaias dixit, Omnis qui credit in illo. Et Ioēl, Omnis qui inuocauerit nomen eius. Quo quidem loquendi modo uterq; Græcos à Iudeis non distinxit, nec separauit: nec uero in lege, aut in operibus legis, sed in fide, & cōfessione, quæ est diuini nominis inuocatio, salutem nostram posuit, quasi duorum prophetarum coniuncto testimonio affirmans, quod antè dixerat, Corde credi ad iustitiam, ore autem cōfessionem fieri ad salutem.

Quomodo igitur inuocabunt, in quem non crediderunt? Quomodo autem credent in eum de quo non audierunt? Quomodo autem audient absque prædicante? quomodo uero prædicabunt, si nō missi fuerint? sicut scriptum est. Quàm speciosi pedes euangelizantium pacem, euangelizantium bonā? At non omnes obedierunt Euangelio. Esaias enim dicit, Domine quis credidit auditui nostro? Ergo est fides ex auditu, auditus autem per uerbum Dei, sed dico an non audierunt? Imò in omnem terram exiuit sonus eorum, & in fines orbis terræ uerba eorum.

Quod studium Dei, zelumq; Israëlitarū habebant, pauloante dixit Apostolus, uerum non recta cognitione in eo se gerebant. Peccabant enim in pluribus. Primum, quod iustitiam fidei non accipiebant, quæ & facilius multo, quàm illa legis, & præstantior longe, ac Dei gloria dignior est. Deinde, quod Deum cunctiorum dominum ad suam ipsorum unam nationem cōtrahebant, in hoc quoq; illius maiestati, & nominis derogantes. Deinde, quod gentes ceteras præ se contemnebant, & ueluti pollutas aspernabantur, nequaquā ne in hoc quidem imitantes clementiam, & bonitatem summi Dei, cui se deditos esse fatebantur, qui ut suorum operum, & effectuum fructus ac cōmoditates, ita semetipsum omnibus propositum, atq; appetitū esse uult. Etenim ille solem suū, & sydera, & rores ac pluias omnibus hominibus cōmunes iubet esse. Postremo, quod multis rebus, & indicij testimonijsq; admoniti, ea, quæ ignorabant, minime intelligere, sed per cōtumaciam, & nequitiam animi ignorare uelle perseuerabant. Ac superiores quidem ignorantie uenia aliqua fortassis dignæ, hæc uero postrema inexcusabilis omnino erat. Toties igitur rationibus, argumentisq; edocti, toties prophetarum cōiuncti testimonij, nequaquam adhuc dimissa contradicendi pertinacia, ut se ad omnia sigillatim opponebant, sic opponentibus ad singula respondet Apostolus, dense, & cōplex ille quidem, sed ut sit illius nobis sententia latius explicanda. Erant sane ista omnia dubitata, quæstionesq; Iudeorum aduersus Apostolos. **CHRISTI** hortantes, ut acciperent nomen Domini, & inuocarent illud, atq; in una illa inuocatione spem maiorem salutis suæ ponerent, quàm in elaboratis, atq; fucatis operibus legis, quæadmodum & à **CHRISTO** edocti fuerant, & ab ipsis tunc docebantur. Opponebant enim illi cōtra apostolos cum alia multa quidē de lege, & operibus legis, & de Deo peculiari ipsorum Deo, Abrahamq; primo Iudeorum patre electo Dei, cui, & ipsius generi soli factæ essent ab Deo tantarum rerum, donorumq; pmissiōes, & similia pleraq; quæ cuncta toto decursu apostolici sermonis usq; adhuc dissoluta sunt. Nunc illud item opponunt, quod ad cōuersionem imprimis gentium pertinet, quas sub illo uerbo, Omnis, Ioēlis prophete scriptura comprehendit, quæ ille dicit, Omnis qui inuocauerit nomen domini saluus fiet. Ad eas enim missos ab Deo apostolos Iudei nō credentes sic contradicunt, & argumentantur, si cum nec inuocauerit possit Dei nomen illius, in quem nō creditur: nec in eum credi, de quo nihil audiat: nec audiri uero nisi prædicetur, sed nec prædicari, nisi is, qui prædicat, à Deo ipso met huic prædicandi officio delegetur: in hoc extremo esse hæsusos, neq; antè ad habendum fidem de uocatione gentiū se accessuros, quàm plane nouerint delegatos ab Deo esse istos, qui nouæ fidei regulam nominent Euangelium. Huic enthymemati in ipso quoq; extremo, & tanquam nodo dubitationis occurrit Apostolus, Esaiam statim aduocans, sic dicentem: Quàm speciosi pedes euangelizantium pacem, euangelizantium

zantium bona: Videndū enim est, inquit, quid nos tandem annuncimus, non ne pacem, sed tantum inter homines, sed cum ipso Deo non ne bona, non interitura, & fugacissima, sed solida, & sempiterna: Qui porro habitus nobiscum: quæ species annuntiandi dicimus, per omnes gentes, nusquam domiciliū stabile retinemus, vagamur, peragramus, in hoc unū opus intenti, atque addicti, ut hominibus amicitiam cum Deo conciliemus, ut uitæ æternæ in omnium mentibus, ac uoluntatibus, spem, desideriumque inseruiamus. Qui ergo sunt pedes euangelizantium pacē, euangelizantium bona, nisi eorum qui & pacem illam, quæ tutissima, & tranquillissima est, & bona ea quæ præstantissima, omnibus hominibus annūciant, & prædicant, quicquid itē à prophetis prædictum est, à gentibus iam audiuntur, & ad cultum uestrum Dei nationes exterarum adducunt, qui orbem terrarum pedibus assidue perambulantes, nullo uisquam ut proprio in loco commorantur: qui si & à propheta pronuntiati, & à Deo missi sunt, si pacis, & bonorum euangelium prædicauerunt, si id non iam inauditum, immemoratumque fecerunt, si fidem omnium etiam gentium ad credendum prouocauerunt, credatur iam nomen domini à ludæis, & inuocetur. Ita quod ludæi a primo ad postremum sic deducuntur, ut in postremo ipso insisterent, arcemque inibi suæ iniquitatis & pertinaciæ facerent, ipsa illorum arce capta, & solo æquata Apostolus à postremo ad primū facili cursu probationis redarguendo peruectus est: nec tamen adhuc desistit cōtentione, semperque molitur aliquid per uicacia, ut ne optimis uictis rationibus acquiescat. Resiliunt enim rursum ludæi, atque obijciunt: Si uos à Deo missi, & à propheta predicti Euangelium Dei annūciatis, cur non credunt omnes Euangelio: Quos refutat euangelio Paulus, scripturam illis pretendens, & inquit: Non ne uos Esaiam prophetā ab Deo missum admittitis: Cur ergo ille dicit, Domine quis credit auditui nostro: Quod si necesse esset ab omnibus credi, quodcumque apostolorum, & prophetarum præconio à Deo esset denūtiatum, non ille sic uerba illa posuisset. Atqui illi etiā minus, quam nobis credebatur, illius enim monita & præcepta non modo nihil quicquam ludæis profecerunt: uerum ipsi ultro præceptanti, & monenti sine aliorum utilitate fuisse exitiosos & multorum mentes ad cognitionē Dei trahimus: & si pro CHRISTI fide obeunda nobis mors sit, illam alij etiam compluribus doctrinæ & salutis fore cōsidimus. Verum idcirco non necesse est ab omnibus credi uerbum Dei, & suscipi, quia fides, & credulitas hominū arbitrij, & liberi animi est. Restabat ergo, ut qui parati ad credendum essent, præconium euangelij auribus perciperēt, ut ex auditu ipso uerbi Dei, fides in illis cōstitueretur, Cui etiam rei ample, & largiter prouisum est. Siquidem in omnē terram exiit euangelizantium sonus, & in omnes hinc terræ uerba eorum: nisi forte Israel solus non audiuit, qui non modo in recentibus præconijs apostolorum, & in euangelistarum, uerum & in prædicationibus, ac uaticinijs legis, & prophetarum tritas iam habet aures ad exaudientem si uelit, & statim intelligendū sonum euangelij, de quo Apostolus prosequitur.

Sed dico num non cognouit Israel: primus Moyses dicit: Ego ad æmulandum prouocabo uos in non gente, in gente stulta irritabo uos. Esaias autem audacter agit, & dicit: Inuentus sum israhel, qui me non querebant. Manifestus factus sum israhel, qui me non interrogabant. Ad Israel autem dicit: Tota die expandi manus meas ad populum non obedientem, & contradicentem.

GENTE S, inquit, ex hoc tempore audiuerunt, & nouerunt euangelium, ludæi ex priscis temporibus. Primus enim Moyses, & alter Esaias prædicant illud, atque ostendunt. Nam in Deuteronomio Deus iratus Israelitis, quod se in falsis dijs illi prouocassent, & in uanitatibus irritassent, uoce Moysis sic de eodem populo pronuntiat, Quod cum uicissum esset ipse in non gente ad æmulationem compulsurus, & in gente stulta ad iram prouocaturus, quod nunc eueniebat, cum & gentes à Deo in gratiam recipere, & eam rem ludæi ualde iniquo animo paterentur. Esaias autem apertius loquentem Deum inducit, & de gentium studio, atque applicatione ad se: De ludæorum uero insolentia, & perueritate sic distinguentem: Inuentus sum israhel, qui me non querebant: Manifestus factus sum israhel, qui me non interrogabant. At hoc uidebatur utrūque

Iudei facere, & querere semper Deum scilicet per functiones, operationesq; legis, & illum illiusq; mandata cognoscere. Qua de re Barachias: Beati sumus o Israel, inquit, quoniam quæ placita sunt Deo, manifesta sunt nobis. Et neutrum tamen illi effecerunt: sed gētes, quæ nullum antea laborem, nullam sollicitudinem, atq; curam ad querendum Deum noscendumq; adhibuerant, quæq; in omnia contraria Deo studia diuersæ abierant, statim, & facile oblato sibi Deo se totas ad illum cōtulere. Breue enim compendium uerbi Dei, non longos illos logos legis didicerūt. Israel uero, qui anfractus, & circuitiones præceptorum, ac operum sectatus est, nō modo ad utilitatem, & fructum summi præcepti nō peruenit, qui fuit **CHRISTVS**: uerum ne passus quidem est, ea de re admoneri se, & doceri. De quo idem apud Esaiam dominus: Tota die expandi manus meas, inquit, quod amantis est, & paterno animi affectu in finem, & complexum suum inuitantis Dei, imagoq; in eo ē cruce pēdentis **CHRISTI** prorsus expressa. Expandi manus, inquit, ad populum non parentem & contradicentem, quod est nō leuitare solum, & uerordia quadam auersum, sed per nequitiam etiam, & per cōtentionem mihi fe opponentē. Ex quibus omnibus tum prophetarum testimonijs, antiquaq; legis autoritatibus, euāgelijq; præclaris, & illustribus doctrinis, atq; euentis, tum gentium facilitas ac obedientia ad inueniendam Dei gratiam, tum peruersitas Iudeorum ad eandem amittendam merito ualuisse cognoscitur, iureq; illæ adfctæ in nomen, & genus filiorum Dei, hī eiecit, & repudiati ab eodem Deo intelliguntur, neq; Israel tamen ipse ut Israel repudiatus est. Sic enim de eo loquitur:

Dico igitur, num repulit Deus populū suum? Absit. Nam & ego Israelita sum ex semine Abrahæ, tribu Beniamin: nō repulit Deus populum suū, quem præcognouit. Non ne scitis in Helia quid dicit scriptura? Quædam dum alloquitur Deum aduersus Israel, dicēs: Domine prophetas tuos occiderunt, & altaria tua euerterūt, & ego relictus sum solus, & querunt animam meam. Sed quid dicit ei oraculum? Reliqui mihi ipsi septem millia hominum, qui non flexerunt genu simulacro Baal. Sic igitur & in hoc tempore residuum secundum electionem gratiæ fuit. Si autem gratia, non iam ex operibus, quoniam gratia, non amplius est gratia. Si autem ex operibus, non iam est gratia: quoniam opus non amplius est opus.

RODEM Iudeos Apostolus, quos uidebatur penitus ab Deo repulsos, atque abiectos ossidere uoluisse, rursus nūc restituens, ut intelligatur nō ipsum Israel, neq; semē Abrahæ fuisse à Deo repulsum, sed qui ex illo genere, illaq; natione aduersus fidē **CHRISTI** cōtumaces perstitissent, fiduciāq; spei suæ in lege potius, & in operibus legis, quàm in Dei gratia ponere perseuerassent, hos esse, qui cecidissent ex gratia, & beneuolentia summi Dei, neq; amplius in promissionibus ad Abraham factis comprehensi essent, exemplo ex seipso probat. Non populū, qui antea populus Dei appellaretur, neq; semen Abrahæ à Deo esse eiectum: quādoquidē si ita esset, & ipse qui est ex illo semine, eiectus unū fuisset, sed de illo populo saluos fuisse factos, quos prænouisset deus. Quæ quidē cognitio in eū modum accipiēda est, quo utimur in scripturis. Nam si simpliciter cognoscere accipiat, omneis planē Deus cognoscit & bonos, & malos. Si uero illa cognitio animorū est coniunctio, & beneuolentiæ indicium, solos Deus cognoscit bonos: quem in sensum dicitur, Ego cognosco meas, & cognoscunt me meæ, & ex contrario, Discedite à me omnes operarij iniquitatis, quia ego non cognoui uos. Hæc itaq; ratio positū in hoc loco est: Non repulit Deus populum suū, quē præcognouit. Et supra: Quos præcognouit, hos & prædestinuit. Ac præcognitio quidem (debet enim occurrere ipso initio statim dubitantibus, & uiam facilem ad intelligendum reddere) præcognitio, inquam, Dei, futuram hominum propensionem, & quali parabilitatem quandam ad credendum, & amandum Deum prouidet. Prædestinatio uero tota gratia Dei est, neq; quicquam in illa nostræ operæ inesse, aut partem intelligitur. Nam quod ego factis uoluntate, & animo paratus ad fidem in Deum accipiendam

accipiendam sum, mei est illud iudicij, & mei liberi arbitrij, idq; ante omnia tempora praeuidit in me, & praecognouit Deus. Sed hoc nihil etiam nunc est, doctor accedat oportet, & iteneris recti demonstrator, qui mihi portum salutis, & uitae ostendat. Neq; tamen hoc etiam satis. Volens enim & cupiens uiam bonam insilire, & stationem tenere eam, quae mihi felix, & tuta sit propolita, multis tamen ab ea mente perisculis, multis obsecris uoluptatibus, multa deniq; cum iucundarum, tum molestarum rerum uarietate abstrahor, atq; auertor. Ergo his tot malis, tantisq; discriminibus, quae imminere in nos undiq; nosq; proturbant, & auferunt nobis ipsis, opem fert Dei uoluntas, & praediffinitio, quae gratiae tota est, quae id, quod nostrum solum est, flexum mentis scilicet & inclinationem liberae uoluntatis tot diuinis muneribus uestit undiq; & confirmat, ut quod est ex nobis, minimum quiddam sit, nec meriti rationem ulla ex parte obtineat. Illa uero Dei liberalitas, & praediffinitio integram in se continet totius gratiae laudem. Illa ergo praedestinatio, & Dei gratia septem illa millia uirorum sibi ipsa conseruauerat, qui uel regis impij metu, uel exemplo tribulium, & popularium suorum licet bona erga Deum uoluntate essent: statuum tamen louis adorauissent, nisi illorum imbecillos animos, & infirmas mentes gratia, & electio Dei corroborauisset: quae gratia omnis quidē ex ipso Deo est, donumq; eius liberale, & proprium, quod nullo à nostra parte merito, sed à diuina beneficentia totum proficiscitur. Sed ut redeamus ad exponendum: Non repulit Deus populum suum Israël, & semen Abrahae, ut illius semen, sed gratiam Dei non agnoscentes, & in lege operibusq; pertinacius haerentes, hos nimirum repulit: qui si ex tanto hominum numero, & frequentissima natione forsitan pauci esse uideantur, regredere animo, & cogitatione ad praeterita, & intelliges non solum in CHRISTI fide accipiendam, sed in ueteri lege seruanda paucos tum quoque à Deo fuisse diffinitos. Etenim sic ipsemet grauius accusant populum Israël Helix respondit, se reliqua adhuc fecisse sibi septem millia uirorum, quae ante louis simulacrum genua non incuruauerint. In quo animaduerte gratiam, quod sibi ea ipse fecerat reliqua, & intueri paucitatem, quod ex innumerabili populo multitudine septem tantum millia salua facta sunt. Sic, inquit Paulus, in hoc tempore, quod ē populo Israël ad fidem CHRISTI accessit, residuum est ex multitudine reliqua, quod per electionem gratiae Dei effectum est saluum. Sicut enim tunc illa septem millia ope, & patrocinio suo Deus ab errore contemnit: sic hoc tēpore & apostolos primū, ac discipulos reliquos, quos CHRISTVS adhuc uiuēs sibi ipse delegerat, & deinde post CHRISTI mortē exurrectionemq; priora illa tria millia, ac deinde alia quatuor millia, postea etiam alia quaedam millia, quae Deus praecognouerat, & sibi ipse delegerat, ac in patrocinium suum iam inde aeterno ex principio susceperat per electionem diuinā gratiae ex innumerabili multitudine non magnus hominum numerus ad fidei, & salutis portum perducti sunt, non ex operibus ipsorum, quod quidem aduersus Iudaeos opponitur: Quoniam gratia, & donum Dei nō ex operibus est, inquit: non, inquam, ex operibus est gratia, neque illa, quae aeterno ex principio eligendo, ac praediffinendo antecedit, nec uero quae post productos nos in naturam protegit semper, & comitatur. Nam si operibus dona Dei tu promeritus sis, euanciscit statim gratia, totumq; quod tibi à Deo datur, non tibi donari ab eo, sed reddi potius uidetur, in quo tu ut iusticiae & uirtutem tuam constituas, Dei liberalitatem, gloriamq; extinguis. At haec uera est uirtus, & benignitas, & gloria summi Dei, gratis conferre munus suum, & bonitatis suae magnitudinem in propria liberalitate, beneficentiaq; constituere. Gratia porro, & opus sic inter se contraria insociabilia sunt, ut si ex operibus, non iam amplius gratia sit gratia: si autē sit gratia, opus iam amplius opus non sit. Non enim utriusq; stare potest simul: sed alterutrum tantum adesse necesse est, idq; incomitatum ab altero, atq; solum.

Quid igitur: quod quaerit Israël, hoc non est potius, electio autem posita est, reliqui uero caecati sunt, sicut scriptum est: Dedit eis Deus spiritum compunctionis, oculos ut non uideant, & aures, ut non audiant usq; in hodiernum diem. Et Dauid dicit: Fiat mensa eorum in laqueum, & in captiui-

tatem, & in scandalum, & in retributionem ipsis: Obscurentur oculi eorum ne uideant, & dorsum illorum semper incurua.

QV I D est igitur, quod cōcludo, & statuo? hoc inquit, quod id quod querit Israël, potius eo ipse non est: electio autem est posita. Ast quamobrem non potius: non ne uolebat non conabatur: non ad Deum studio, & uoluntate se ferebat: non ne hi, qui huiusmodi existunt, illi ipsi sunt, quos præcognitos antea Deus sibi ipsi solet distingere, atque eligere peculiare? Cur ergo isti in electione non sunt comprehens? Quoniam sibi ipsi nimium consili, sunt: quoniam et si illi Deum uerum querere se prædicabant, illum ipsum tamen externis, atque alienis operationibus, non puro, neque humili corde quaesierunt, quæ est uia querendi, & inueniendi Dei unica. Cuius rei cognitionem illi cum se optime tenere, & scire arbitrantur, opinione sui elati, ac tum mentes, cæterorum doctrinas, & monita sunt aspernati: neque id solum, sed docentibus quoque ipsis, & recta monstrantibus infestis, inimici intrachabilesque existeret: electi uero, finis eius qui quærebatur ab universo Israël, pauci homines uidelicet, & ex magno numero reliqui ac reliqui, per gratiam Dei potiti sunt, qui cum Deum corde bono, & uoluntate appetcerent, monstrantibus uiam ad eum perueniendi attentio, & facili ad obtemperandum animo auscultauerunt. Non enim opinionem suimet, & de seipsis, suamque scientiam, ac doctrinam persuasionem tanquam murum opposuerunt rectiora admonitionibus: Sed cum & ipsi per operum legisque obseruantias, ad Deum interea niterentur, breuiore sibi, & tutiore multo fidei uia demonstrata, libenter, ac prompte in eam se dedere, cum illi inflationes, sibi ipsi maiorem in modum chari, atque iucundi, in uetere instituto manerent oblinati, nec rationem ullam aduersantem opinionibus suis uel auribus modo admittere sustinerent. Etenim est hoc præcipuum, & maximum inter probas animas, prauasque discrimen, quod qui faciles ductu ad Deum sunt, ubi ullum de Deo audiunt proferri uerbum, ex templo attentis, docilesque expectant, num quid exponatur quod ipsis queat esse doctrinæ, ac emolumentum, quodque in eis pietatem, & studium Dei adaugeat, idque si cuiusmodi inueniant, gratantes, ac lecti in cordibus suis reponunt. Qui uero agunt secus, qui suimet opinione induci uidentur sibi ualde esse sapientes, ut non doceri ipsi ab ullo uelint, sed alios semper docere, hi non men Dei, quod in sermonibus usurpant, non ad ipsius Dei gloriam, sed ad suam ipsorum ambitionem, quæ summius cōuertunt: ideoque maxime in operibus uersantur exteriusque, legemque scriptam mordicus tenent, neque in illo intestino, occultoque homine uere requirunt Deum: quod si facerent, cum ipsi intus humiles essent, tum cuiuslibet bene suadenti ad obtemperandum parati, & dociles: sed in eo qui cernitur, oculisque est homo expositus, quasdam tanquam Deum colentium similitudines appingunt. Cui porro externo homini inter homines cæteros se ostendenti doceri, ignominia est, castigari conuictus, & cælli autem, & coargui iniuria morte acerbior. Enimvero qui tales sunt, cum uideantur Deum querere, Deo tamen non potiuntur. Atque hi sunt, qui ne putentur eguisse aliorum monitis, falsum suum potius cum pertinacia defendunt, quam aliorum uerum amplectuntur: Inimici omnibus à se dissentientibus, qui non modo alienam doctrinam aspernantur, & cōtemnunt, sed ipsos quoque doctiores acerbos & capitali insequuntur odio. Quemadmodum Iudæi & in CHRISTO antea fecerit, & tunc in Apostolis CHRISTI, ipsosque præcipue Paulo faciebant, quos cæcos fuisse dicit Apostolus, eo quod illa uana, & arrogans de semetipsis persuasio aciem mentis in illis, animique oculum occæcauerat. De quibus Esaias: Dedit eis Deus spiritum compunctionis, oculos ut ne uiderent, & aures ut ne audirent usque in hodiernum diem. Quod postremum adiectum ab Apostolo est, usque enim eius ad ætatem Iudæi in eadem manebant cæcitate, & ignorantia, Sed & hæc ipsa Esaiæ sententia non ex uno prophetæ loco decerpta est. Atque hic spiritum compunctionis Esaias stimulos inuixit, & obtestationis uoluit significare, qui pungunt eos maxime, & fodiunt, quos gloriam apud homines, exsultationemque querentes in eo maxime ambitio, & uxor male habet, quod quam ipsi opinionem, & laudem ab hominibus querunt, alios melius uident, non id cogitantes, neque spectantes adipisci: qui quidem stimuli cuiusmodi sunt, ut

sunt, ut oculos, & aures ad intuendam, audiendamque ueritatem nequaquam suo sinant uti iudicio. Porro hos illis stimulos per occasionem dedit Deus, non dedit opera in illis insequi, sed dum aspirat, & subuenit ope diuina conatibus eorum, qui uerum cum charitate, & sinceritate prædicant uerbum uitæ, idque non ad commodum, neque ad utilitatem propriam, sed ad audientium fructum, salutemque conuertunt. Horum ex ipsa cõtentione & comparatione cor æstuare malvolentia, stomachus odio repleti, ipsi ra-
bie quadam inuidiæ, obreclationisque accendi, ut si eunder denisus in Apostolos, ut plagis, & cõtumelijs appeterent, seditionibusque agitarant, omnia denique permissere-
rent, quo ne illis esset in eis claustratus locus, in quibus ipsi ab incolis & quasi sub-
& sapientie opinionem aucuparentur. Atqui tales semper Iudæi & uetustioribus se-
culis in patres, atque prophetas, & tempore postremo in Apostolos existere, hodieque
adhuc sunt, idem illi ipsi pleni perfidiæ scilicet, & iniquitatis, quo animi morbo qui
aguntur, neque oculis rite utitur, neque auribus. Quod autem ipsi itum compunctionis
hoc loco, stimulum inuidiæ denotauit Esaias, audi & Dauid ad Dominum loquen-
tem, Ve psallat tibi gloria mea, & nõ compungar. Quæ psalmographi sententia de-
clarat gloriam eam, quæ in unoquoque ad Deum referatur, inuidiæ stimulos non sentiret
si autem ad seipsum quis referat, sentire. Iam & de eisdem Iudæis Dauid, Fiat mensa
illorum in laqueum. Quod quidem non imprecantis est, sed quæ futura sunt, prou-
identis prophetæ. Atque hæc illis mensa, bona sunt seculi, quæ illi imprimis expetunt,
& quorum amore correpti incidunt in laqueum, & in captiuitatem, & in offensam,
siue hic spiritualiter uelimus intelligere, in amissionem gratiæ summi Dei, siue etiam
corporaliter, quod propter bonorum mundanorum studium, aucti à Deo, & ab eo
in captiuitatem gentium, & seruitutem traditi, ne adhuc quidem, oculos aperire ad
perspicendum uerum, nec eos attollere ad intuendum Deum possunt.

Dico ergo: Num offenderunt ut caderent, absit, sed ipsorum casu salus
est gentibus, in prouocando ad æmulationem ipsos. Si autem casus ipsorum,
diuitiæ sunt mundi, & diminutio ipsorum, diuitiæ gentium, quanto magis
plenitudo ipsorum?

CALLIDE, & sancte in his uerbis Apostolus licet Iudæos consolari uideatur
gentibus tamen totam laudem ascribit, pleciatque alternam quandam relationem, ut
& Iudæis, & gentibus conferta inter se, & communicata, fidei, & salutis utilitas appa-
reat. Non enim Iudæi, inquit, cum offenderunt, & in peccatum lapsi sunt, id secutum
tantum est, ipsi ut caderent: sed illud magis euenit, idque à Deo magis prouisum spe-
ctatumque est, ut lapsus illorum salus mundi existeret. Nam illi & in **CHRISTO** Iesu
cruci affigendo redemptionis humanæ mysterium absoluerunt, & in fugandis, exter-
minandisque Apostolis fidei uerbum in omnes gentes disseminauere. Errauerunt Igi-
tur, non ut ipsi caderent, sed ut ceteros illorum error cõseruaret. Et rursus, quoniam
illi sua culpa minus idonei effecti sunt ad agnoscendam fidem **CHRISTI** uerita-
tem, cum intuerentur tanto cum studio à gentibus adscisci, & comprobari, æmula-
tione quadam & ipsi prouocati ad inspiciendam rem, ac melius considerandam se
refferent, ex quo in eos postea salus posset à gentibus redundare. Ita Iudæorum
lapsus, atque error gentibus quidem recta, & ipso primo progressu profuit gen-
tibus autem in Iudæos, tanquam ex reperculsu resiliens, potest prodelle. Quod si ca-
sus ipsorum, diuitiæ sunt mundi, si quod illi obtrusi, & immixti, ac tanquam bonis
suis spoliati sunt, id gentibus ad opulentiam cessit: quanto magis si ipsi quoque ac-
cesserint, & ad exemplum gentium se conformauerint, ut **CHRISTVM**, & fidem
CHRISTI illarum exemplo prouocati accipiant, hoc gentes faciet gratiæ apud
Deum, & meriti locupletiores:

Vobis enim dico gentibus, in quantum quidem ego sum gentium Apo-
stolus, ministerium meum glorifico, si qua prouocem ad æmulationem meam
carnem, & seruicem aliquos ex ipsis. Si enim abiectio illorum reconciliatio
mundi

mundi est, quæ erit assumptio: nisi uita ex mortuis? Si autem primitiæ sanctæ, & aceruus: & si radix sancta, & rami. Quod si quidam ex ramis defraeti sunt, tu uero cum oleaster esses, insitus fuisti illis, particepsq; radices, & pinguedinis oleæ factus, ne insulta ramis. Si uero insultas, non tu radicem fers, sed radix te.

Q V O D tantum laudis attribuerat gentibus, & tam acriter, ac uarie contragebat Iudeos, utrunq; nunc uolens ad temperamentum quoddam redigere, gentibus se testatur, ea dedisse præconia, ut quoniam ipse gentium esset destinatus Apostolus, ministerium imprimis suum cohonestaret, in quo & gentiū sibi allicit beneuolentiam, quatenus earum se proprium ministerium dicit, & excusationem ad Iudeos comparat, qui nō ægre debeant pati tantum eum tribuere gentibus, cum his ipse officio, & munere prædicandi sit addictus. Neq; tamen omnino Iudeos suos cōtemni uult. Adijcit enim nō solum se collaudare gentes, ut honestet ministerium suum; sed etiam ob eam rem, ut laudibus illis carnem suam, quod uerbum affectum amantis in se habet, plusq; cōtineat, quam gentiles, quam necessarios, quam cognatos, ad æmulationem eiusdem accipiendæ fidei prouocet, si quo pacto aliquos illorum queat conuertere, & seruare. Qui si ob incredulitatem à Dei gratia repulsi, & abieci, cōciliationem tamen mundo cum Deo attulerūt, quid facient assumpti ad eandem fidem, & in Dei gratiam, ac beneuolentiam reduci? Non ne uidebuntur per uos quodam quasi miraculo ó Gentes uelut ex mortuis iterum redditū uiuentes? Quod alto profectò cōsilio in laudem gentium profert Apostolus, innuens uim fidei. Si illorum enim per incredulitatem abiectio uobis per fidem gratiam Dei cōtulit, non ne assumptio eorūdem maiorem uobis gratiam eiusdem Dei asseret: cum iam hanc in uobis fidei potentiam cognouerit sitis, quod ex mortuis estis facturi eos uiuentes. Ac ne forte uideantur dici repugnātia, si reiecti Iudeorū salus fuit mundi, qui possit idem esse redintegratio: intelligendum est, nō eodem modo reiectos salutem mundi fuisse, & futuros assumptos: sed ut reiectio per occasionē locū, & accessum præbuit gentibus: sic per exemplū, & æmulationē fides Gentīū salus ut resipiscant, occasionem est allatura: quo in utroq; cōsilio Dei, & ex malis bona, & bona item ex bonis producētis, primum summūq; cernitur, & ubiq; semper extat ipsius gloria, & gratia. In gentibus uero ipsis, atq; Iudeis, quod ex facto gentium exoritur ad incitationem, & prouocationem Iudeorū, id in gentibus quidem uirtutis & meriti speciem aliquam præferet, in Iudeis autem penitus nullam. Ac ut repugnantiam, quam diximus, melius dissoluamus, nō hæc assumptio huiusmodi, quæ Iudeos ante reiectos recipit, sed si illi statim initio ad CHRISTUM se contulissent, neq; cōmisisissent, quamobrem reijcerentur, saluti id, & lucro, & locupletationi mundi fuisset aduersatum. Incluso enim in Iudeæ fidei CHRISTI mysterio, uel nequaquam, uel seruis ad gentes Dei liberalitas, & gratia se effudisset. Atque his dictis, ne omnia gentibus tribuere uideatur, præcedit Apostolus ad ornandum genus suum certis laudibus, quæ nō in ipsos tamen, sed in patres ipsorum, & in honorem generis, nominisq; redundent, quo accessiōnem etiam illorum ad fidei cultum iure amplificaturam mundi diuitias ostendat. Si primitiæ, inquit, generis mei sanctæ fuerūt, & aceruus est sanctus: & si radix sancta, sancti & rami, duabus similitudinibus uolens denotare familiā illam, quæ ex authore generis p̄bato, atq; sancto prouducta sit, etiam si nō suis ipsa operibus digna inueniatur, parentū tamen causa in honore esse debere. Et ne gentes laudatæ à Paulo, atq; dilectæ minoris fortasse æstiment Iudeos, quam par sit, in secunda illa similitudine radices, arborisq; insinens, egregiam texti argumentationem, quamobrem Iudeis deferendus honor, & ratio tota in aliis qua exultatione habenda esse uideatur. Quandoquidem illa tanquam oleæ arbor est, gentes uero reliquæ tanquam oleastri, quæ in ueram, & naturalem oleam insitæ, omnem suæ in melius mutatæ conditionis dignitatem ex aliena radice, & planta accipiunt. Ac sanè oportuit ex uera olea defringi ramos, si ramos alios oleastri in ea inseri decuit. Neque enim fuisset peregrinis, & adsciticijs surculis locus, si naturales, & domestici

domestici in sua arbore integri permansissent. Veruntamen habet uim istam insitio, ut qui ex aliena arbore insiti rami sunt, radicibus, & uiribus hospite arboris sustineantur, coalescentes in eandem totius corporis qualitatem. Itaque radix, & planta Hebraici generis ipsa est, quæ succum, & uim nouis suppeditat ramis, ut fructum deinde illi ex sese iustitiæ per hdem possint efferre. Est enim radix Abraam, & David; truncus CHRISTVS; succus uero, & spiritus, fides ipsa, ac iustitia: atque ibi arboris totius author, & propagator Deus. Non ergo contemnenda arbor in ramis suis, quæ in radice, & trunco tanto honore digna est.

Dices igitur, defraçti sunt rami, ut ego infererer, probe, infidelitate sunt defraçti. Tu autem fide stetisti, ne alte sentias, sed uerere. Si enim Deus naturalibus ramis non pepercit, ne qua tibi nec parcat. Aspice igitur bonitatem, & seueritatem Dei, in cadentes quidem seueritatem, in te autem bonitatem. Si permanferis in bonitate, quoniam & tu excideris: & illi item, si non permanferint, in infidelitate inferentur. Potens enim Deus est rursus inferere ipsos. Si enim tu ex naturali excisus es oleastro, & præter naturam insitus in bonam oleam, quanto magis hi secundum naturam inferentur in familiari olea?

PERSTAT in similitudine insitionis, & arboris, illudque discrimen, & iudicium summi Dei, quo ludæos ille excidit e uera olea, & gētes ex oleastro abscissas in ipsam ueram oleam inferuit. Non ludæis, neque gentibus, sed fidei dicit, & infidelitati fuisse datum, ut ludæi quorum radix, & planta bonæ arboris propria, ac domestica erat, tanquam stolones, & rami inutiles abscinderentur, propterea quod non utebantur succo trunci, atque radicis. hoc est, in fide Abraæ, & CHRISTI, ad Deum non nitentur. Atque in eorum abscissorum locum translati ex oleastro surculi infererentur, qui in ipsa ingenua, & naturali olea coalescentes, geniales illos succos biberent ex radice, ipsique alerentur, quos naturales prius rami respuissent, in seseque attraherent, atque in substantiam, ac uiriditatem conuerterent suam fidei ex Abraam, & redemptionis ex CHRISTO nutrimentum. Itaque non est ludæi, neque Gentilis, sed fidei, & infidelitatis facta distinctio, quæ eadem fides mutare, & traicere conditionem illam in alternas, & contrarias partes potest. Nam & qui insiti sunt ex aliena arbore in nobiliorem arborem propter fidem, nisi hi in fide illa ipsa manserint, ipsi quoque excidentur. Causam enim cur excendantur, accersent sibi infidelitatem. Et qui propter infidelitatem e propria arbore fuit defecti, si ad fidem se contulerint, facilius etiam & melius in familiarem plantam inferentur.

Nolo enim uos ignorare fratres mysterium istud, ut ne sitis apud uos metipsum sapientes, quod cæcitas ex parte Israël facta est usque eo, donec plenitudo gentium introeat: & sic omnis Israël seruabitur, quemadmodum scriptum est: Veniet ex Sion liberans, & auertet impietates à Iacob. Ex hoc ipsis à me pactum, quando abstulero peccata eorum,

ISRAEL est populus omnis Hebræorum carnalis ex Abraæ semine oriundus, & Israël est populus spiritualis ex fide Abraæ progenitus, & natus: est autem cæcitas carnali populo Israël ex parte facta, ut introiret in semen fidei Abraæ plenitudo gentium, & sic uniuersus spiritualis Israël, salutem adipiscatur. Nam si de carnali Israël seruando uolumus intelligere, quanta portio erit populi Hebraici, & uniuersi generis Iudæorum ætas illa, quæ in aduentu Helix extremo iam instante mundi iudicio seruabitur: Sed ut totus plane seruaretur Israël, permisit Deus ludæos in CHRISTVM, tanquam in lapidem offendere, ut offensione illa ex suo loco pristino dimotus lapis in caput anguli discederet: sicque illis cæcitate quadam rectam uiam non tenentibus, & e semita cadentibus, gentes succederent, quæ in lumine ueritatis oculis melius figerent, & ad populos reliqui orbis eadem lux funderetur. Atque item deinde, ut cõcursus

gentium ad Christum, ueraciter in Deum fidem, frangeret animum, & pertinaciam Iudeorum, plurimosque eorum ad eandem fidem adduceret, alto mysterio Deus composuit, & dispensauit. Cui prouidentiae, & mysterio Dei omnia sunt attribuenda, non a quopiam sibi ipsi. Non ergo nec gentes nimis glorientur, quod est, ne nimium sibi ipsae sint sapientes, ne attribuant hoc ingenio, & intelligentiae suae, si in fide accipientes Iudaei ipsae praecluserunt. Id enim prouissum in illis, & datum a Deo est, Iudaeisque permisi hallucinari, ut ad gentes ipsas uerum lumen accederet, neque ob eam rem ualde contemnunt Iudeos. Etenim idcirco ipsae adfuit in gratiam, & amicitiam cum Deo sunt, ut suo exemplo Iudaeis afferant studium eiusdem emulandae fidei, & salutis. Atque ita diuersis modis, & rationibus in utroque misericordiam suam exercet Deus, & ut ex cecitate Iudeorum gentibus lumen ostendat, & ex illuminatione gentium aditum inueniat Iudaeis miserendi, atque parcendi. Nam autoritas prophetae Esaiæ ab Apostolo inducta, hoc sibi uult, quod conclusio & exitus uniuersae salutis spiritualis Israelis, Israel ipse carnalis futurus est, ut & agminis sancti atque electi, ductor Israel, & idem etiam coactor sit futurus. Namque fides primo & orta a Iudaeis, & ab ipsis non paucis suscepta est. Post cum electione, & repudiatione eorum, qui ex carnali Israel fidem CHRISTI non admiserunt, ad gentes emigrasset, rursus introductis gentibus ad eum electorum numerum, qui ab Deo est praefinitus, inde in eosdem ipsos Iudeos tempore extremo est redundatura. Huius nunc & rei, & temporis facit propheta uaticinium: Veniet ex Sion dominus: hoc iam principium est germinantis fidei: & auertet impietates ab Iacob, a spirituali auertet: qua quidem criminum & impietatum abstercione non Iudeos solum comprehendit, uerum etiam alienigenas, qui per fidem in ipsum Israel inserentur. Deinde uero ad carnale semen iterum reuersus, non iam relinquit in omni Iacob & spirituali simul, & carnali, quod sit amplius peccati, impietatisque auertendum. Etenim extremo illo tempore, quo ad iudicandum filius Dei uenerit omnium omnino electorum numerus explebitur, neque erit amplius macula aliqua in Iacob. Et hoc est ipsis pactum meum, dicit in eodem propheta dominus, quod mox Apostolus suis uerbis ex persona domini interpretatur. Quando abstulero peccata eorum, inquires. Dominus autem in propheta populo suo sic loquitur. Hoc est pactum aduentus mei ad uos: id est, Tunc ueniam ad uos, tunc praestabo de meo aduentu id quod nunc patiscor, tempusque mei accessus ad uos tunc fuerit, cum non relinquam amplius in Iacob, quod debeat abstergi, cum omniū fuerit ordo, & numerus conclusus electorum, cum & Iacob spiritualis fuerit completus. Cuius, ut diximus, spiritualis coetus, uerique Iacob & principium, & finis ille Iacob carnalis futurus est, quem in fine seculorum anteueritens dominus Helias instruet, & quae sunt salutis, ac fidei, edocebit. Ac ut Apostolus uicissitudinem istam commentis ab Israel ad gentes fidei, & rursus ab eis ad Israel reuertentis clarius ponat ante oculos, sic persequitur.

Secundum quidem Euangelium inimici propter uos, secundum autem electionem amabiles propter patres. Impoenitenda enim sunt dona, & uocatio Dei. Quemadmodum enim & uos quandoque non credidistis Deo, nunc autem consecuti misericordiam estis horum incredulitate: sic & isti nunc non crediderunt misericordiae uestrae, ut & ipsi misericordiam consequantur. Concluit enim Deus omnes in incredulitatem, ut omnium miseretur.

GENESIS, inquit, electum a Deo Hebraeorum in ipsis patribus amabilem semper est eisdem Deo, neque unquam reiecit illud, aut reppulit ab se Deum. Nisi si quos ex numero illo, nomine inidelitatis abiecit. Nam ipsam quidem nationem habuit semper in gratia, & in amore. Non enim poenitet Deum beneficiorum suorum, nec uocationis unquam suae, quorum exitus semper nationi Iudeorum liberalis, quam seuocauit ex reliquis nationibus, unamque sibi delegit, suisque coelestibus tum beneficijs, tum etiam aliorum semper beneficiorum promissionibus largiter persecutus est. Sed in hoc recente Euangelij dono, quo nullum maius, neque salutarius generi humano ab ipso

ipſo Deo potuit concedi, tantisper ſe auelli ab ſuis Iudæis paſſus eſt, ut hæc ſimultas Deo cum illis, adiutum gentibus patefaceret ad conſequendam apud eundem Deum miſericordiam. Hic occurrit quiſpiam. Quid? non ne Iudæos ſimul, & cæteras gentes eodem dono miſericordiæ pariter comprehendere, & cõplecti Deus potuit? aut quid attinuit tantisper reiſci Iudæos, quoad gẽtes ingrederentur? Hic nos, etiam fortaſis aude daceſt eſt, cõſoliorum Dei dare uelle rationem; tamen uenerabundi, & timidi dicamus, fruſtra uideri potuiſſe ſummum Deum delegiſſe ſibi propriam Iudæorum nationem, ſi ea, quæ illis ſcorſum beneficia promitteret, communiter cæteris erat præſtaturus: Sed cum illi ea non recipere, atq; adeo potius aſpernarentur, cauſam oblatam Deo honeſtiſſimam, & optimam, ſuam benignitatem & miſericordiam in omnes homines effundendi, quod ille tamen ſic futurum ſua infinita ſapientia præuiſiſſet; certe quiſdem ſic factum eſt, ut repellentibus Iudæis uerbum **C H R I S T I**, & illud ex ſuis finibus ex terminantibus in reliquis orbis terræ regiones fidei ueritas extenderetur. Inimici ergo Iudæi tantisper Deo dum Euangelium gentibus cõmunicatur, uerum ipſi propter ſe, & propter patres ſuos amabiles, atque ita amabiles, ut nec uocationis, hoc eſt, electionis, nec ſuorum in eam gentem beneſiciorum Deum poſcitis. Ac ſic uos o ex teræ gentes, inquit, quæ antea non credebatis, neq; Deo fidẽ habebatis, ex Iudæorum incredulitate, inſidelitateq; occasione nactæ eſtis credendi, & per fidem miſericordiam à Deo conſequendi, uocataq; eſtis ad eiſdem Dei, non notiſſiam ſolum, uerum etiam cognationem; ſic Iudæi, qui antea Deum uerum noſcebant, atq; colebant, tuncq; egerẽ minime miſericordia uidebantur, in inſidelitate & ipſi, incredulitatemq; delapſi ſunt, ut ipſis quoq; neceſſaria hæret à Deo miſericordia. At cuiuſmodi iſta inſidelitas Iudæorum, quia non crediderunt ueſtræ miſericordiæ, inquit, in quo licet inſuerti ſingularẽ acumen, & admirabilem ſapientiam tanti Apoſtoli, quid eſt enim hoc, quod ait, non crediderunt miſericordiæ ueſtræ, niſi quodd non putauerunt ueram eſſe in Deum fidem illam, ueram Dei erga homines miſericordiam, cuius eſſet gentibus, & alijs nationibus copia facta, quãdo ipſi ſibi ſolis, nominĩq; & generi Iudæorum ſoli, omnia Dei beneficia, & cœleſtes diuitias omnes debitas eſſe arbitrabantur: quæ opus peculiaris apud Deum gratiæ, & in illo Hebræorum populo arrogantia non modo in contumacijs aduerſus **C H R I S T V M** Iudæis, uerum etiam in conuerſis, & uenientibus ad fidem longo tempore permanſit, ut uix poſſent credere, ſibiq; perſuaſum habere, gentes tali diuinitus beneficio eſſe communicatas. Concluſit enim Deus omnes, inquit, in inſidelitatem, ut omnium miſereretur. Sicut & antea dictum eſt, Concluſos omnes ſub peccatum, ut in omnibus Deus gloriam, & iuſtitiam ſuam oſtenderet. Atq; hæcenus mi frater explicatis ab Apoſtolo fidei noſtræ myſterijs, & ueritate Chriſtianæ religionis penitus patefacta, atq; in aſpectum mentibus noſtris prolata, ſtatuendum nunc tibi eſt, utrum aliquid putes reſidere poſſe ſcrupuli, & dubitationis in cordibus eorum, qui hæc ipſa attente legerint, accurateq; conſiderauerint: an uero, id quod ego de principio dixi, conſtare plane incipiat, quicunq; Paulum legerit, eumq; & in manibus crebro, & in cogitatione, ac mente aſidue geſſerit, itemq; dicta eius, atq; ſcripta non ad ſuas odio nonnunquam, aut amore corruptas opinionẽs, id quod hæretici ferme agunt: ſed ad ueritatem, & ſpiritum ſcribentis fuerit interpretatus, fore illum non tantum uerbo & ſimulatione: ſed pietate integræ, & ſanctis moribus, ac deniq; reuera Chriſtianum. **S T A T V T V M** ſandudum eſt, inquit, planeq; extat hoc imprimis doctore fidei **C H R I S T I**, atq; magiſtro, omnes non modo de ſide ipſa ambiguitates, & controuerſias, quæ ignaros intimi myſterij interdum torquent: uerum etiam errores animi penitus fore ſublatoſ, ut cui in amore Paulus, atq; in delitijs fuerit, ad ſingularis illi totius uicæ munditiæ, atq; integritas, aut certe animus uacuuſ, ac liber ab inteſtinis uſijs ſit futurus. Etenim amabo te mi frater, quid eſt tam altum & arduum, quod iſte maximus Apoſtolus non nobis planum, facileq; reddiderit? quid tam abditum, quod non patefecerit? tam abſtruſum, quod non inueſtigauerit? ut uideamur nunc quidem nos in medijs ipſis diuinitatis conſilijs ambo fuiſſe uerſati. **A T Q V I M I** frater, inquam, non ſic ſe res habet. Sed accidit Paulus, quod ſolet uſu uenire ijs, qui oceanĩ maris magnitudinem magis nauigando, quàm

è littore præspectando soliti sunt admirari. Nam qui uno illo aspectu tantummodo permouentur, cum oculis eorum finis nulla, sed tantum immensitas aquarum se obijciat, concipiunt illi quidem in animo uasum quiddam, & late se fundens, ipsaq; etiam cogitatione formidolosum, sed tamen quod aliquando confici, & peragrari posse uideatur, quippe quorum simplex est, & unica admiratio. At qui se intro iniecerunt, qui longe ingressi sunt, qui pernauigauerunt, atq; in remotissimas oras, ac regiones nauibus, cursibusq; prouecti, eandem semper faciem interminabilis pelagi conspexere, quoq; enixius contenderunt, studiisq; certauerunt, ut peruenirent ad ultimum, tanto illis longiora semper, & difficiliora ad conficiendum occurrerunt maris spatia: hi sunt, qui non unam, sed plurimas concipiunt admirationes, qui sæpe etiam silentio cogitationes suas premunt, cum satis intelligant si quid de illis rebus loqui uelint, non se minimam earum rerum partem ulla oratione esse assecuturos: sic Paulus noster licet alte ingressus in consilia summi Dei, licet ad ea peruectus intelligendo spatia, quod nemo fortassis alius unquam, licet adiutus, ac refertus gratia, lumine, spiritu sancto, tamen quo plura, maiora, præstantioraq; cognouit, quo factus est illorum altissimorum arcanorum magis particeps, hoc magis intelligens illam infinitam diuinæ mentis altitudinem nullis humanis cogitationibus, ac ne angelicis quidem posse peruestigari, in eam prorumpit merito uocem, in quam & nos uirā cum illo adorantes Deum prorumpamus, ut exclamantes admiremur.

O altitudo diuitiarum, & sapientiæ, & scientiæ Dei, quā in inscrutabilia iudicia eius, & inuestigabiles uia eius! Quis enim cognouit mentem domini? aut quis consiliarius eius fuit? aut quis prior dedit illi, & retribuetur ipsi? Quoniam ex illo, & per illum, & in illum omnia: ipsi gloria in secula. Amen.

* HIC IVLIVS: Recte mi frater, inquit. Fons etenim est ipse omnium bonorum inexhaustus, & perennis, ante quem non est quicquam, nec post ipsum futurum est, omniaq; ex illo, & per illum sunt, atq; retinentur, ac ad eundem conuersa, atq; intentia sunt, cui iure, & merito omnis debetur gloria, neque præterea cuiquam alij, in Christo IESU domino nostro, & in sancto spiritu. Amen. Nunc quoniam satis huic diei datum est, surgamus deambulatum, quod hoc hilariore faciemus animo, quod difficilimis locis huius epistolæ iam enodatis, atq; transactis, crastinum diem laxiorem, & liberiorem habituri sumus, in quo de Christianis duntaxat moribus quaeretur.

RECTE admones, inquam. Cumq; surrexissetis, finem fecimus de his rebus disputandi, ac loquendi.

LIBER TER- TIVS



TERTIO HVIVS à nobis institutæ disputationis die cum bene mane surrexissemus ego, & Iulius frater, tamq̃ ad rem diuinam essemus parati, nunciatum nobis subito à statore nostro est, Augustinum Triulrium Cardinalem sancti Adriani, hominem summa nobilitate, summaq̃ prudentia, tum autem his præterea ornamentis ingenij, doctrinæ humanitatis præditum, ut ille honos, & fortunæ decora, quæ alioquin in illo permagna erant, minorem tamen partem in eo ornando obtinerent, cum ab hostio de nobis percontatus esset, an essemus in ista, aperta ianua in hortos ingressum esse, rectaq̃ ad nos tendere, & esse unâ cum eo Gulielmum Bellaium, quem Langeum cognomine uocabamus, legatum Francisci Christianissimi regis apud Pontificem Maximum. Quod ille legationis munus atq̃ officium tanta cum dignitate, elegantiaq̃ gerebat, ut facile appareret artes eas, quas liberales dicimus, quibus ille apprimè erat eruditus, ubi ad egregiam naturam se applicuerint, nihil omnino relinquere, quod desiderari debeat in eo, qui illas comprehendat. Igitur horum nos duorum amicissimorum nobis, & summorum hominum aduentu improviso commoti, cum uestimenta prope sumphissemus, ut procederemus illis obuiam, offendimus eos ad interius uiridiorum septum iam appropinquantes. Qui simul ut nos uiderunt, amiceq̃ inter nos consalutauimus. **AVGVSTINVS:** Num tibi uideatur, inquit, nomine me compellans, hodie fatis mature è lecto surrexisse, dum te ipsum querimus, cupimusq̃ sermonum huiusmodi uestrorum esse participes: tamen hoc quidem uerè cor, ne scilicet à nobis factum sit. Nam ut tu scias, heri uesperis cum pueros tuos obuiam habuissemus, quæsissemusq̃ de eis, ubinam esset, & quid rerum gereres, ij nobis renuntiabant, te cum Iulio fratre tuo alteri iam hic diem esse, multasq̃ quotidie diei horas secreto in disputationibus, & literis cum eo consumpsisse, & esse quoq̃ hunc diem eidem operæ destinatum tertium; quod ubi audiuimus, constituimus statim ego, & Langeus hodie summo mane huc conuenire ad te. Fecimus enim illam coniecturam, quæ si bene morem utriusque uestrum nosco, nos profectio non faller, ubi essetis uos, non posse ibi de rebus, nisi ad doctrinæ studia pertinentibus agi, quod & tempus hoc uacuum negocijs id de uobis polliceri uidebatur, & scimus ubicunque adest Iulius, ocium ibi à literis, & silentium esse non posse. Quod si aduenimus tempore, ut aliquas saltem partes hesterni uestri sermonis excipiamus, habebimus occasionem, & huic dici magnam gratiam: Sin minus, illud saltem assequemur, ut in hac amoenitate, & lætitia, quæ huic loco profectio singularis semper est, uobiscum unâ familiariter hunc coneramus diem. **TVM EGO:** Vellem Augustine, inquam, nostris ut sermonibus non tam interfuisset tu quidem, quam præfuisset: magnis enim certè de rebus inter nos egimus, uerum nos haud magni. Atqui illa tale ingenium, quale tuum est, atque illiusmodi excellens iudicium requirerant. Sumus enim in Paulo, & in altissimis illis diuinæ erga nos beneficiæ mysterijs uersati, quarum te rerum semper per studiosum cognouimus, etsi non tam fortè alle ingenio in illis opus est, quam Dei auxilio, cuius cum ex alio genere consilia, & ea longe remota sint à meditationibus humanis, absq̃ eo ipso Deo deductore, & monitratore, ne aspirare quidem ad illa hominibus licitum est. Verum partes quidem ex adhuc resstant, quæ sunt de moribus, & quo pacto agere inter se Christianos homines, ac uersari cōueniat. Quarum rerum etsi facilius uidetur esse explicatio, est illa tamen eiusmodi, & his referta sententijs, atq̃ præceptis, ut non è fonte quouis, sed ex illo coelesti manasse nihilominus, ac profluxisse intelligatur. **GAUDEO:** inquit ille, ad quascunq̃ uenerim partes, & aduentum gratulor. Sed tu Iuli nunquid huius huius disputationē sic præterire passus es, ut tota ea defluerit: an si recte ego te

noui, ea potius habes notata omnia, atq; descripta: quæ mecum communicæes, & in illis etiam differas interdum doctorum hominum concilijs, quorum in pari tecum ætate, ac studio tua tamen uirtus, industriæq; excellit. **HIC** ille paulum cū erubuisset, erat enim ingenuo pudore quodam, & singulari modestia præditus. Facis tu quidem perhumane semper, inquit, Triulti optime, quæ cæteros libenter, & prolixe laudas, tuamq; istam præstantem, atq; eximiam grauitatem, & sapientiam, cuius eget semper ope, & præsidio res publica, etiam decorandis hominibus impertis, si qui tibi uideantur paulo accuratius in bonis artibus insudare, quorum me esse de numero non inficior, nerum maiore tamen labore, & studio, quàm ingenij facultate. Sed quod requiris ex me, num annotauerim, & collegerim, quæ à fratre meo in disputando his diebus exposita sunt, non fuisse illa arbitror ex eo genere, quod contemni debuerit, etenim ut rem melius intelligas, scito me, cū diu, & sæpe in Pauli ea epistola, quæ ad Romanos scripta est, scrutanda, atq; executienda fuerim uersatus: nunquam tamen ante hesternum diem, & nudius tertius, in abstrusa illius, & intima sensa, atq; consilia pernetrare potuissē. Quod nunc nobis nostra ope si contigisset, mirarer. Quid enim, ut fratre meo audiente, & hoc scēte æquo animo dicam, lumen nos, qui audiamus ista nobismetipsis attribueret; Sed cōcigit singulari Dei beneficio, qui nisi ipse lumen mentis nostris prætulisset, nunquam in tantarum consideratione rerum, quæ excellētatē magis, quàm obscuritate caliginem nostris oculis offundunt, atq; obijciunt, aut intueri rectis oculis, aut stabili uelutigio insistere potuissēmus. Ac sunt quidem omnia à me, quod perebas, noctium uigilijs scripta, atq; collecta, tibiq; cum uoles, communicabuntur, necnō & cæteris harum rerum studiosis, & amantibus uiris. Verum illud tamen doleo, te principijs non interfuisse, qui ad extrema accesseris. **TVM ILLE:** Sane uellem affuisse, inquit, sed tamen haud multum fuerit iacturæ, quādo est quiddē, ut te audio dicere, unde illa accipere statim possimus. Quid: inquit **LANGEVUS,** cum sol iam se explicauerit, serenūq; nobis, & splendidum hunc apportet diem, sumus ne passuri, bonas horas sic prætereire, ut non euelligio, quæ ab his in differendo reliqua facta sunt, audire studeamus: nam ego quidem cupiditate cognoscendi ita incensū sum, postquam intellexi Paulum, & Pauli scripta uobis in manibus esse, ut tēpus omne, quod intereedit, nimium longum iudicem. Fui enim, & sum huius unī summo Apostolorū, & maximo ita semper addictus, ut uidear mihi plus ex huius doctoris lectione diei unius, quàm ex assiduis, & diuturnis cæterorum omnium uolucrationibus, ac studijs opis mihi, atq; præsidij ad beatam uitam comparare. Et reuera ita est, in hoc enim uno, præcipue lita sunt, quæ & ad cognoscendam uim diuinæ bonitatis, & ad nostram mentem in Deo constituendam maxime sunt apposita. Sed tu, inquit, cum in me intueretur, si quid etiam nunc est, quod per te Deo, & religioni sit tribuendum, quæso id cito persoluito, ut quamprimum te nobis dedas, qui diuinæ rei quod faris sit, operati, hic te interim opperibimur inambulantes. Quod cum constitutum, atq; ita factum esset, increbescēte iam die, atq; sole, in sylvam nos contulimus. **HIC EGO:** Deus, inquam humanissime Triulti, & tu Lange optime, omnium creator, conditorq; rerum, & solus bonorum nobis author, cum mūdum hunc ex nihilo ut esset, effecisset, eumq; uarijs potissimum animantium frequentasset generibus, non alia profectō ratione magis adductus est, uti ita faceret, quàm bonitate. Bonum enim quod nō tam in ipso, quàm ipsemet erat, communicare uoluit, ut essent primum, quæ non antea erant: deinde eiulmodi ut essent, qualia poterant esse, plena quæque in genere suo, atque perfectā, nihil ut eis denegatum appareret, quod eorum capere natura, & sustinere potuisset, quod tamen ipsum proprium est bonitatis. Sed hanc ille benignitatem, & uariam, atque diffusam dispensationem sui boni, non ex æterno tempore rebus impertiuit, quemadmodum uetus uidetur philosophia uelle astruere: Sed certo quodam ex principio & rei, & tempora in naturam ab eodem Deo producta sunt, alioquin non fuisset eius libera, nec uoluntaria bonitas: aut quoniam esse, & uideri cognata sunt, magnāq; est coniunctio ueritatis, & luminis, talis ea certe uisa non fuisset. Cursus enim ille rerum perpetuo sibi succedentium, & à nullo primo ortu procurretium, semperq; ante se alias res habentium, non liberam

liberam potestatem eius unde ille effluunt, atque manant, sed necessitatis cuiusdam uinculis adstrictam sine ulla dubitatione arguere uideretur. Deus autem unus est, cui & semper esse, & ante omnia esse conuenit soli, idque uniuersis, atque simpliciter, hoc est, non ut hoc quidem modo ante esse, illo autem minime dicendus sit, qualis natura quidem prius sit, non autem tempore, sed omnino, & sine exceptione ante omnia esse prius, ut sit post illum principium etiam temporis. Verum hæc, quæ forsitan rconditiora sint, & longiorum postulent orationem, in aliud tempus reicienda sunt. De illis dicamus, quæ nostris sermonibus magis sunt coniuncta. Nam cum Deus, ut exposnere cœperam, uaria genera creasset animantium, eaque singula peculiaribus naturis suis, atque officiis insignisset, cætera quidem omnia dimisit ab sese, & in stadium uitæ, tanquam in rectam lineam deducta, cursum suum agere iussit, cuius ad finem cum peruenissent, ueluti transactis partibus, quarum causa in naturam uenerant, ad nihilum hunc suum conciderent. Homini autem soli mentem, & rationem dedit, per quam si ipse se respicere, & quid sui esset muneris, atque officij existimare recte uellet, non ad anteriora semper tenderet. Is enim motus, atque cursus ut finem spatij in sese, sic & currentis interitum habeat, necesse est. Sed uolueretur potius in quandam quasi orbem, & semper ad eundem Deum, unde profectus esset, se reciperet, quod hac una ratione agendi, & se mouendi, cum perpetuo agere, & moueri licitum est: tum uero immortalitas in eo, & beata uita continetur. Et reuera si quis acutius inspicere conetur uim, & naturam mentis ac rationis, aut si uerbo ex Græco ducto magis uti placet, essentiam, is intelliget orbem illam quandam esse, non ea figura, quam oculus perspicere, sed quam intueri ratio ipsa possit. Quæ enim ualentia sunt maxime, eademque immortalia (de spiritualibus loquor, & his, quæ ab omni natura corporis secreta sunt) omnia sunt eiusmodi, ut eorum formam, atque essentiam nulla res corporea referret alia, quam circuli imago possit. Itaque & Deum summum, atque omnipotentem, coelestes globi, quos sphaeras Græci dicunt, maxime referunt, ut qui illius infinitam naturam similitudine corporis quodam modo infiniti, & perpetui, ac nunquam desinentem uim gubernantis omnia, atque regentis, perpetuitate sui motus imitantur: & ratio ipsa nostra, atque mens, tum ex sese maxime agit, atque operatur, cum circulo agitur. Cuius rei certum indicium, quod quæ uera sunt & salutaria animi consilia, ea non aliud quippiam profectio sunt, quam processus rationis sic extra se tendentis, ad id, quod occurrerit, ut cum deliberet, sit ne illud sibi suscipiendum, nec ne sit, quod appetit: non tamen in eo statim acquiescat, sed circumeundo prius omnia, & circumspiciendo redeat rursum ad sese, orbemque totum compleat. In quo decursu toto atque obitu, si nil confragosum, aut infestum offenderit, tum libere animo, & cupiditate suæ gerat morem. Quæ quidem una agendi, & consulendi ratio boni est iudicij, & ueræ prudentiæ propria, cum qui non ita agunt, ac ut primum ab se egressi sunt, in eo protinus, quod appetierint, immorantur: hi aut leuitate ridiculi sint, aut affectio num impetu effrenati, atque præcipites. Sed in hoc ipso mentis opere atque officio, magni interest tamen, quo pacto orbis agatur. Etenim si mens ipsa ex sese orta, sua tantum uis, & uirtute niteretur, neque haberet aliud præstantius supra se, ad quod sibi cognatum, & accommodum cum se applicuisset, fieret ipsa quoque maior, atque præstantior: recte nimirum illa ipsam se finem rebus constitueret, & cum sibi ipsi satisfecisset, omnis esset numeros uirtutis, & sapientiæ probe consecuta. Quo in genere maiores illi ueteres Itali, atque Romani antequam Deum, & CHRISTVM cognoscerent, maxime elaborauerunt, ad seipsum etenim omnia referentes, cum dignitatis, & authoritatis, & potentæ suæ primam ducerent rationem, cæteris sic imperandum esse hominibus existimauerunt, ut omnia commoda ex illis ad sese tamen reuerterentur. Atque hæc, ut dico, humanæ prudentiæ ratio, si potentiam, & gloriam apud homines spectes, habere speciem quandam uidetur illustrem, atque amplam, & præstantibus dignam animis, quam cæteri semper omnes maiorem in modum mirati sunt, qui cum eadem assequi cuperent, non eodem tamen consilio, nec tam ex celso animo ad res gerendas se contulerunt. Sed si uerum hominis bonum, & uera dignitas attendatur, quoniam istiusmodi ratio sibi ipsa confidens, & ut tantum sua mixta ab illo summo bono, qui

no, qui Deus est, auellitur, & neq; illum, ut principem sui boni recognoscit, neque ad eundem, ut ad finem sua consilia refert, manca ea, & imperfecta imprimis existimanda est, eadem mendacii magis, quam ueritatis particeps, ut quæ orbem quidem agere, & circumducere uideatur, cum à se exorta, redeat rursus ad sese: sed quæ primam tamē, & potissimam sui boni, & suæ sapientiæ partem extra se relinquar, & neq; unde oportebat, incipiat circumagi, neq; eo, quod maxime est opus, reuertatur. Alterum est genus humanæ mentis non tam superbium quidem, neq; tam insolens, quam hoc, quod modo dixi, sed tota sui ratione abiectius, quod item ab Deo alienum, & proficiens ab sese, nullum tamen orbem ducere, nec in rebus appetendis, aut etiam declinandis ad se rursum respicere laborat: uerum rectā tendit in terram, & in terrenis inquinamentis, ac sordibus totum se prouoluit, & implicat, nihil omnino, neq; ad dignitatē, neq; ad studium laudis referens: sed unam tantum spectans illam animi uoluptatem, quo pacto cupiditates suas, quæcunq; illæ sint, exaturet, atq; expleat. Quod genus si mille brutorum esse uoluit magis quidem, quam hominum. Sed hæc duo genera quæ commemorauimus non probanda, ut considerantibus cōtinuo apparet, ab Deo ambo auulsa sunt, nullamq; cum summo bono cōeunt societatem. His porro contraria altera duo, iam sanctiore consilio respiciunt ad summū Deum, sed inter se tamen præstantia, & dignitate differunt. Vnum est eorū, qui ab Deo ipso progredientes, & suorum ortus, principiaq; bonorum illi referentes accepta, decurrunt tamen rectam suam, neq; curant ad eum ipsum, unde profecti sunt, postea amplius reuertit: sed uelut uerso solo cum se in aliam ciuitatem dediderunt, & alteram sibi gentem ipsi adiciuerunt, tanquam è magna patria in ignobilem coloniam missi, domicilia suarum fortunarum in terra consueuerunt, terreniq; ex coelestibus effecti, habent quidem gratiā illam Deo, quod sibi ab eo dari, & donari illa existimant: ipsum tamen Deum ut summum suum bonum, & suæ finem atq; extremū beatitatis non intelligunt. Qua in religione, & mente natio ludæorum fuit, uerū Dei colens illa quidem, & sanctum illius nomen adorans, non tamen circulo se ad eundem referens, neq; ipsum, ut bonum suū, sed ut authorem sibi mortalium horum bonorum semper uenerata. Neq; illa tamen in hac Dei cognitione princeps, sed & qui in ipsis naturæ primordijs, à creatore Deo primi producti sunt, quicq; post propius à generis humani origine abfuerit aliquot seculis in ea mente consistunt, ut ab Deo peterent, quæ sibi petenda esse arbitrarerent, & accepta illi ferrent, quæ adepti essent: sed ut illa tamen forent, quæ concupiebant, terrena omnia, atq; mortalia. Post uero sensim, atq; obscure hac uarietate rerum tot, atq; tantarum, quæ aut oculis cernuntur, aut à sensibus cæteris cum uoluptate percipiuntur, animos, mentesq; occupante, & uniuersum hominē ad se abripiente, disiunxisset se penitus ab Deo humanum genus, omnemq; illius cultum, atq; memoriā in se ipso obliterasset, nisi admirabili suæ sapientiæ arcano præpotens Deus eximiam sibi retinisset ludæorum nationem, in qua, tanquam in materia rudi quidem adhuc, & impolita, sed tamen hærente quadam ex parte in cultu uerū Dei, dolando ipse, & poliando ex primeret aliquando illam absolutissimam, & perfectissimam humanæ mētis rationem, quæ est in eo, ut & à Deo egrederemur, & ad eundem Deum rursus nos conuerteremus, orbemq; illum conficeremus, in quo omnis uirtus, & omnis sapientiā, & omnis diuini boni possessio continetur. **HIC AVGVSTINVS:** Præclare tu quidem, inquit, mihi ordiri Sadolete uisus es, & initium nostri sermonis à re magna ducere. Hæc enim omnis oratio, si rite conlector, eō tendit, ut hanc summam, & absolutam hominis rationem in fide **C H R I S T I** solum esse intelligamus, quippe quæ una nos eō maxime reuocat, unde sumus profecti, atq; ita iubet decurrere orbem istum, quem tu apte nimum, atq; apposite intulisti, ut quæcunq; peragremus, aut peruagermur, in ipso tamen principio, eodemq; finē, qui Deus est, semper uoluntate, & proposito maneamus. Sed tu cur tantum alte exorsus sis, aueo scire ex te. Non enim hæc ad mores pertinere uidetur oratio, sed ad illa arcana potius, atq; mysteria, de quibus heri inter uos fuistis locuti. **Q V I A I N Q V A M,** cum de eis moribus agendum sit, quorum est tractatio huius sententiæ propria, præponi ista oportuit, quæ faceret intelligentiā sequentiū faciliorem, & simul uobis ut exponerem **C H R I S T I** mysterium

sterium, quo fidei nostræ perspicua ueritas intelligitur, idcirco illa à me inducta sunt. Namq; & de moribus sic suscipere debetis, non esse mores nostros ex eis generibus uirtutum, quæ uel à philosophia traditæ, uel à claris, & potentibus uiris in rebus gerendis antiquitus usurparæ sunt. Et mysterium CHRISTUM illam uiam habet, ut eo non cognito, ne cætera quidem satis cognosci possint, quæ sunt ad fidem nobis, & ad spem adipiscendi Dei necessaria; in cuius quidem sensum mysterij, illiusq; intelligentiam nos nudius tertius inopinatò uenimus, cum tanquam diligentes, & seduli uenatores exoprati boni odorantes uestigia, in ipsum cubile repente diuino munere incelsissemus. AGE PORRO, inquit ille, & ipsum hoc mysteriū nobis explica, namq; operæpretium quidem, ut te audio, fuerit id cognosse, ex quo ad cognoscenda reliqua facilius aditus fiet. FACIAM equidem, quoad potero, inquam, & eundē supplex Deum deprecabor, ut qui nobis princeps ad inuendam uiam hanc fuit, idem sit deducitor ad conficiendam. Sed tamen ad superius argumentum redire nos oportet, ut consentiamus omnes, & confiteamur, nihil esse perfectum, nec sapiens, neq; adeo uerū, aut summi boni compos, quod non hoc orbe sit circumactum, ut exeat ex ipso Deo, & rursus ad Deum redeat, totoq; illo flexu, atq; decursu finem, atq; ultimū omnium suorum bonorum exoptet semper, atq; appetat ipsum Deum. CONFITEMUR VIM est, inquit, etenim quid dici potest uerius? ATQVI hæc ueritas, inquam, ut commemorabam modo, ante aduentum, & mortem CHRISTI ignorata omnibus fuit, nisi siquos Deus occulta suæ sapientiæ ut in hanc cogitationem, mentemq; iniecit, ut intelligerent huius uirtutem mysterij, Christumq; uenturum præuideret, quod in patriarchis, & prophetis credimus fuisse factum. CREDIMVS, inquit, & certe ita factum est. EST AVTÈM, inquit huius mysterij tota uis, ut quoniā orbem illum sic agere debemus, ut nihil in medio cursu nos remoretur, quod alio finis proposito detorqueat nos à summo bono, atq; impediat, quo minus intenti semper, & audi ad Deum ipsum contendamus, in quo uno uera nobis bona, eademq; immortalia statuta sunt, reliqua omnia mundi oblectamenta sic debemus tanquam prætereuntes libare, atq; attingere, ut ne in illis cura, aut studio animi aliquo simus infixi, quandoquidem quantum in illis amoris, diligentiæq; ponimus, tantum de illa beata cura detrahimus, deq; diuino amore illo diminuiamus, in quo omnis nobis spes ueræ & sempiternæ felicitatis est reposita. Quod si etiam res asperæ, atq; aduersæ nos urgeant, illam nobis expeditiorem, & tutiorem uiam ad beatum portum perueniendū esse existimemus. Atq; hoc cœlestē, salutarēq; consiliū uitæ nobis mortalis in hunc modum agendæ, atq; expectandæ ex Deo immortalitatis, non CHRISTVS nobis dedit. Non enim sic de illo, ut de uno quodam homine, existimandum est, cuius ore, & lingua locutus nobis fuerit Deus. Hoc enim & per prophetas, & per quosuis nuntios potuit effici. Sed CHRISTVS ipse totus oratio est Dei loquentis nobiscum, nosq; admonentis, atq; docentis, ut contemnamus bona mūdī, atq; in se uno spes nostras constituamus. Nō enim Latino sermone, neq; Græco, neq; rursum Syra, aut Hebræica lingua loqui censendus Deus est, sed illo modo loqui, qui tantæ dignus auctoritatis, & maiestatis sit, ut agendo potissimū, faciendoq; loquatur, sitq; idem in illo & actio ipsa, & oratio. Atq; ut comparatione quadā notius faciam id, quod dico: Quæ admodum cœli nihil aliud perfectio quam administratio Dei sunt regentis, & gubernantis illo circumactu uniuersa, quippe qui neq; materiam ullam habeant, alioquin essent corruptibiles, neq; rursus pura, & simplex forma sint, nō enim moueretur, sed tantum modo sensibiles actus quiddam diuinæ uirtutis existant, nequaquam ipsi, cum aliquid quiddam per se essent, ad hoc deinde officium gubernandi, munusq; adhibiti, sed quod illorum effectio & natura, ipsa est gubernatio: sic CHRISTVS ipse uox & sermo est Dei patris omnipotentis, reuocantis homines ab hoc mortali seculo, & ad seipsum eos pertrahentis, simulq; illis demonstrantis tanquam uerbo, & oratione suas sic dura illa, & laboriosa CHRISTI uita, ciuilemq; ad extremum cruce, atq; morte ad omnium salutem, doctrinamq; suscepta, uoluptates mundi, & uitæ huius illecebras, ut quæ falsam speciem boni, nobis obficiendo maxime à uero bono, & ab Deo nos deducunt, à nobis esse præ Deo contemnendas, solamq; illam uitam appetendam.

quæ cuiusmodi futura sit, in exurctione CHRISTI à mortuis nobis est patefactum, quæ illis est proposita, qui in hac agenda uita CHRISTVM imitari, hoc est, Dei uerbo obtemperare uoluerint, cuius uoluntatis in nobis ac sententia baptismus professio est. Atq; hoc nobis CHRISTVS non tam à Deo mysteriū attulit, quàm fuit ipse mysterium: sine quo ad Deum quicunque adiungere se cupiunt, illudere sibi metipsi, & non tam Deum quærere, quàm spernere uideantur. Etenim si orbis ille re specius, & reuerſionis in summum Deum, quem in CHRISTO duntaxat à circumſpectu recte diximus, non est hæere in medijs, neq; ab illis nolle diuellī: sed in eo est, ut instemus, & urgeamus susceptum cursum, quod exoptatum ad finem ueniamus, quicunque Deo dedere se instituunt: atq; hi nihilominus mundum, & mundi bona cōplectuntur, cū falluntur opinione sua, atq; iudicio, tum repugnantia certe suscipiunt. Qui uero ita Deum, & summum bonum appetunt, ut fordeat illis mundus, nullusq; amore, cum eo tanquam glutino cōtineantur, his uel ignaris, atq; inopinantibus per CHRISTVM & fidem CHRISTI accessus ad Deū est. Agere enim hoc ipsum fides CHRISTI est, ipseq; omnino CHRISTVS Dei est, hoc nos docetis, & sic ut agamus præcipiens oratio in unius hominis facti, atq; instituti uita, atq; morte, necnon & eiusdem à mortuis exurctione, in cœlumq; ascensione ad omnes homines palam, tanquam clarissima uoce habita, atq; prolata. In quo quidem CHRISTO, & humanitatem simul, & diuinitatem agnoscamus, eumq; non tam doctorem huius mysterij, quàm mysterium ipsum, intelligimus. De quo Paulus ad Colossenses: Oeconomiam datam mihi à Deo, in uos, inquit, ut consummarem sermonem Dei, mysterium reconditum à seculis, & generationibus, quod nunc patefactum est sanctis eius, quibus uoluit Deus patefacere, quæ sint diuinitæ gloriæ mysterij huius in gentibus, qui est CHRISTVS, in uobis spes gloriæ. Sed quoniam est à nobis de his rebus copiosius primo die actum, omniaq; tum demonstrata, atq; dicta, quæ ad huius mysterij explanationem pertinent, quæ se meus frater habere dicit relata in uolumen, atq; descripta, petitis ab eo, siquid nunc à me, dum breuis uolo esse, dictum sit obſcurius. Hæc quidem à me idecirco præposita sunt, ut quoniam de Christianis moribus est dicendum, intelligeretis eorum disciplinam & tractationem, non ex eo genere esse, quod ab se in unoquoque, aut etiam in nationibus quibusdam ab auctore Deo exortum atq; egrediens, in terram totum mox demersum est. Abiectū enim & sordidum imprimis est hoc genus, neq; ulla in eo de moribus rectis, atq; honestis ratio uera, aut cogitatio continetur, neq; rursus ex genere illo existeret altero, quod progrediens ab se, & ad seipsum reuertens maxime superbum, atque elatum est, nullamq; potiore ducit rationem, quàm potentia, & dignitatis, & amplitudinis suæ. Quod quidem genus est specie quadam humanæ uitæ, atque prudentiæ splendidius multo uidetur, quàm illud primum hominumq; oculos, & studia præcipue in se conuertit; magis tamen etiam remotum à Deo, & à summo bono est, uel potius Deo ipsi infestum atq; cōtrarium. Suum enim regnum quoddam separatim sibi facit, seq; alterum è regione constituit regem, qui se illi altissimæ potestati non sumus mittit, cuius uoluntate, & nutu condita sunt omnia. Atque hæc est illa pestifera, tumensq; superbia, quæ & angelos primum deiecit è cœlo, & sæpe homines prosperis rebus corruptos in eandem perniciem trahit, qui quidem in ambitu honorum, & in mundanis opibus studia, & spes suas collocauerunt. Quid ergo est? De his moribus tractaturus Paulus est, qui illi generi hominum cōueniunt, quod ex Deo natum, rursus se recipit ad eundem Deum, qui orbis ueræ uitæ, cœlestisq; sapientie nimirum CHRISTVS est: qui si ita auulsus fuit à mundo, ut nihil unquam quod aut deleat in hac uita, aut illecebris capiat, non modo uiuixerit, aut detorſerit illius mætem, sed ne uoluntari quidem arriſerit, usq; adeo intento ille cursu, & defixo in Deum animo ferebatur, sciens, ut Ioannes inquit, quod ab Deo uenit, & ad Deum uadit: nobis quoq; est filium Dei imitantibus conandum, ut quoad possumus, ab omnibus quidē mundi uitijs, & amore nimio rerum terrenarū abſtineamus: sed si interdum pragmat uat caro, quæ in nobis imbecilla est, eadem in CHRISTO uas fuit diuinitatis: si inquam, adigimur nonnunquam carnis uitio, ut labamur, atq; offendamus, ab illis

certē

certè refugium maculis, quæ animum ipsum inficiunt, penitusq; cum auertunt, atq; abstrahunt à summo Deo, uel etiam aduersus Deum essent, atq; attollunt, quo qui ab genere peccati letalius nullum est, cuiusmodi superbia est, & nimia animi confidentia. HIC AVGVSTINVS. Et si ad ea quæ de moribus dicenda sunt, audio animo properabam, inquit, ut ad quas tractandas partes fortuito fueram appulsus; tamen facie te pater Sadolete totum diem hunc in his sermonibus consumere: Ita meum animum commouet, atq; afficit, hoc quod abs te prolatum est CHRIS TI mysterium, de quo à te dictum quidem est concilius, quoniam tantæ rei magnitudo postulat, ut rursus tamen quod nobis in præsentia fuerit satis, præsertim eum habeamus unde hauriamus largius: liquidem hæc Iulius scriptura se diuigenter persecutum esse dicit. Sed ego agnoscens clementiam & benignitatem summi Dei, qui eorum mentes quod illum cum amore quaerunt, maiore sui intelligentia semper ielercit & illuminat, clarius intueri nunc incipio, quod antea pia tantummodo persuasione credebam: sicut enim uerbo ponebatur, ita accipiebatur à nobis, unam spem salutis esse per fidem CHRIS TI in Deum credere: nunc liquido perspicio, et tum id ita esse, ut cõtradiçionem non possit, planamq; & perspicuam uideo esse ueritatem, neminem omnino posse, nisi per fidem CHRIS TI ad Deum se conferre: quandoquidẽ CHRIS TVS ipse uerbum Dei est, neq; eo pacto uerbum, quo prædicat uetus scriptura factum esse uerbum Dei ad Micheam prophetam, uel ad Hieremiam, uel ad Isaiam, quo quidem modo aliud est Dei uerbum, aliud is, qui illud enunciat propheta. Sed CHRIS TVS uerbum Dei ipsummet est, Dei, inquit, hoc tuo ore nos docentis, si salui, & beati esse uolumus, appetenda esse sempiterna bona, & contemnenda mortalia, ut sit uerbum Dei, idem quod ipse Deus: in quo quidem uerbo & doctrina simul sit, & actio, id est, ut id uerbum, quod nos docet, idem etiam deducat in immortalem uitam. Deducat autẽ, non ut monstrator solum neq; doctor: sed ut dicebas ipse, Patrumq; in eo testem adducebas, ut huius ipsius deductionis mysterium, ipsaq; quasi deductio, cum illius sanguine, & morte consecutus simus, ut natura hominis quæ antea ab Deo auersa & illi insensata erat, in CHRIS TI corpore fuerit cum eodem Deo reconciliata, indeq; tota deducatur humani generis redemptio: carnis enim inimicitia cum Deo, quæ nos in terra fixos detinebat, rebellesq; & contumaces efficiebat aduersus Deum, in CHRIS TI carne per obedientiam soluta est, qui carnem ipsam primum in se, & ex deinde in omnibus à seruitute rerum terrenarum abstractam Deo penitus subiecit, sanguinemq; & uitam suam factus Deo usq; ad crucis mortem obediens, pro salute nostra effudit. Verum hanc mysterij tam sublimis ueritatem nunc quidem tanquã in peristromate nobili quasi præteriens aspicio: Post uero ubi dabitur spatium ista ipsa iubilantius, ac curatiusq; contemplandi, spero omnes eius partes clare mihi, ac lucide sese ostensus ras. Nunc tu Sadolete pertexe reliqua, atq; has meas interpellationes ego animo patere. QUID NI patiar, inquam, quibus præsertim maiorem in modum delecter? Non enim me admodum laboraturum intelligo ut uobis ea tradam, quæ in animo ipse intus habeo concepta, cum uos orationem penè meã intelligentia uestra antea enatiati, quanquam hoc quidem ingenij tui semper Triultus fuit, neq; de Langeo nostro secus esse intelligo. TVMILLE, Perge tu modo, inquit, noliq; ex silentio meo conijcere quid ego intelligentia assequar, & quid non. Illud scito, planè me cõprobare ea, quæ abs te dicta sunt, maiorib; suspicari, quàm ut breui ista oratione possint exponi, tum uero expectare idem ocium, atq; tempus, quo cum Triultio, & Iulio eadẽ ista ipsa diligentius consideremus. POST QVAM igitur, inquam, hoc primũ nostri fundamentum sermonis positum à nobis est, CHRIS TVM uerbum esse Dei docentis nos, atq; hortantis, ut ceteris posthabitis rebus omnibus, ad ipsum nos amore, cordeq; adiungamus, spemq; cunctam beatitudinis nostræ in ipso uno cõstitutam, illud quoq; alterum substruendum nobis est, ut de ipso amore erga nos præpotentis Dei, deq; ea cura, quam pro nobis ille, & pro salute nostra suscepit, aliquid cõmemoremus, qui filium suum consortem secum diuinitatis, & in quo sibi maxime pater Deus placet, miserit è sinu suo, atq; ex sanctissimæ semperq; purissimæ uirginis utero, nullo uisibili coitu se admittente, sed spiritu sancto eas gerente uices, accipere cõ ho-

minis carnem uoluerit, moriēq; & cruci affigi sit passus, ut carne illa in filio perempta, quæ à peccato omni aliena semper fuit, nos redempti in illo sanguine, & doctrinam Dei in CHRISTO imitantes, in carne nostra peccatum interimeremus, mūdīq; & nīdī appareremus coram Deo, Christosq; à mortuis exurgente, in uitam simul cum eo non corporis adhuc quīdem, cū ea quoq; nobis mox immortalis aduentura est, sed in uitam modo iustitiæ, & ueræ cum Deo amicitie, ac cognationis excitamur, cum ut tāta ab Deo beneficia acciperemus, quibus maiora esse amabō que possunt nullis à parte nostra meritis, uel potius male ipsi de Deo merētes, sola eiusdē Dei bonitate, atq; clemētia & de erroribus nostris misericordia, simus allecuti. S A N B' ita est Langeus inquit, & ea re quidem plurimum illi debemus, ut si non impij pensus, & inhumani uelimus esse, gratiam nostram, & tanti memoriam meriti nulla unquam obscurare debeat obliuio. A T Q; V I inquam, ne aliam quidem ipse gratiam à nobis repetit, quā ut amorī suo erga nos mutua ipsi uoluntate respondeamus, quod ipsum nobis etiam est emolumento, atq; bono. Itaq; Paulus explicatis antē, atq; enaratis CHRISTI, & fidei mysterijs, de quibus bīduo hoc à nobis est disputatū, huc nunc conuertitur, ut posteaquam docuit, quid de Deo, & fidei mysterio sentiendum sit, doceat etiam deinceps, quo pacto erga Deum, & propter ipsum Deum inter nos nobis sit agendum, cuius tempus esse iam uidetur, uti uerba audiantur.

Adhortor igitur uos fratres per miserationes Dei, ut si sistis corpora uestra hostiam uiuentem, sanctam, beneplacitam Deo, rationalem cultum uestrum, & ne configuremini seculo huic, sed transformemini renouatione mentis uestræ in explorando uos, quid sit, quod uelit Deus bonum, & beneplacitum, & perfectum.

A' M Y S T I C I S ad moralia transiturus, fratrumq; imprimis cōtentiones ante oculos habens, quæ præcipue ex Iudæis ad CHRISTI fidem conuersis, & tamen quæsum etiam uel ambitionem suam spectantibus oriebantur; etenim docere alios omnes, illi, & sibi auctoritatem magistrorum arrogare, legemq; semper proponere, & quodammodo cæteris dominari meditabantur, quod quidem erat, non Deo, & CHRISTO, sed mundo sese cōformare, ac dedere; huic primum malo mederi uult, precibusq; & monitis erga eos agit, Dei misericordias, hoc est, quotidianas eius benignitates ad ignoscendum peccatoribus secum aduocans, per quas & prius illi salui in CHRISTO facti, & quotidie habent ex omni facinore, & culpa paratum in Dei clementia & bonitate perfluum. Per eas igitur obtestatur ut gratos Dei tot beneficij se ostendentes, rationalem, & uerum cultum exhibeant eidem Deo, non autem hunc fucatum, & studium magis huius mundi, quā Dei in se continentem. Quanquam hanc alteram partem obiurgatricem eorum culpæ, ne eos palam coarguere uideretur, reticuit Apostolus, dissimulataq; ultij mentione eos tantum in parte bona eos hortatus est. Et quoniam hi, ad quos scribebat, bona pars Iudæi, aut institutis Iudæorum pleriq; imbuti erant, idcirco eos docens, & admonens per comparisonem quādam priorum ex lege sacrificiorum ad sanctum, & immaculatum Deo præstandum sacrificium illos hortatur. Nam in Moyse lege uictima, quæ Deo offerebatur, ut mūda esset, & integra, omnis ab illis, qui illam offerebant, diligentia adhibebatur, primum ut toto corpore esset sana, non pforas, non lichenas, non id genus morbum ulum habens; deinde ut non auribus mutila, non cauda decurtata, non aliqua infecta notabili macula esset, talemq; illi hostiam sanctam, & mundam, & Deo acceptam arbitrabantur, atque in corporeo illo sacrificio Dei sibi ueniam, & gratiam reconciliare meditabantur. Nos uero qui omne sacrum, quod Deo offerimus, abducimus à corporeis, & ad ueritatem, spiritumq; transferimus, illis externis uictimis omissis, nosmetipsos Deo potissimum dedicamus. Hortatur igitur Apostolus ut sistant corpora sua, non aliena, hoc est non hircorum, aut uitulorum, hostiam uiuentem, non morti addictam, quod in illis uetustis & Mosaiæ sacris fiebat, sed uitæ meliori, & uegetiori paratam, quod quidem in Christiano sacrificio iure euenit. Etenim si tunc in aliena

in aliena morte uitam sibi quisque ex misericordia Dei procurabat, quanto magis nunc semetipsum hostiam sistendo, atque offerendo iustiore Dei misericordia uiuetur propius, atque interius ista oblatio corporis sui pariat in unoquoque sibi ab Deo uitam, quam possit dissimulare, & aliena oblatio, eandem in illo uitam reparare. Sed hæc hostiam, quam offerimus Deo, corpus nostrum uidelicet, quamquam eam uiuentem, & uiuentem nos, ludat in ultul, aut arietis corpore morituram sistebant, cæteris tamen rebus similiter atque apud illos, accuratam, & selectam esse conuenit, ut sancta sit, & ut Deo bene accepta: quod continget, si ut illi in omni parte integram, atque mundam: sic nos & ab eis uitis, quæ totum hominem occupant, & ab eis, quæ in parte aliqua suscipiuntur, immuncem, ac nitidam Deo offeremus. Atque ut ostendat, quantum interuallum sit inter sacrificia Iudæorum, & nostra, subiungit breuiter hostiæ nostræ conditionem, rationalem esse cultum Dei, non corporalem. Quæ enim illi in corporibus mundis, & sordidis offerebant, nos in spiritu, & ueritate sanctitatis Deo consecramus. Itaque illa sæpe sacra, & illas uictimas aspernabatur Deus, nostrum autem sacrificium nunquam aspernatus est. Talem igitur hostiam suadet nos offerre, quæ sit cultus Dei rationalis, non corporeus: quod rite fiet, si nostra ratio in colendo Deo non ad mundum spectauerit, sed ad ipsum Deum. Nam qui in ipsis quoque sacrificijs, & cultibus omnipotentis Dei ad mundum conuersi sunt, laudemque humanam ex religionis studio aucupantur, hi maxime impio, & detestabili scelere ueritatem in simulationem quæruunt conuertere, seculoque isti maxime configurantur: hoc est, figuram huius seculi in se accipiunt, fallacem, insidam, uariam, oculis tantummodo, & opinionibus seruientem: quæ cum eadem sit instabilis, transietque figura, & figmenti modo, nos quoque secum unâ in eundem fluxum corripit, falsisq; bonis illectos, & captos ueluti fluctu super fluctum, sic super merorem uoluptate, & penitentia super uoluptatem uicissitudinibus uarijs ante obruit, quam potuerimus, quid uerum nobis bonum sit, aut in quo portu tuto consistamus, experiendo cognoscere. Etenim quid aliud est, quod ait scriptura, In imagine pertransit omnis homo. Et, Dormierunt somnum suum. quodq; alio loco Paulus, Transiit figura mundi huius, nisi cum hi, qui huic seculo configurantur, decurrant suam ætatem in simulacro & imagine, debere nos mentis nostræ nouatione transformari, ut uitam nostram collocemus in bono stabili, & in ueritate, qui est ipse Deus: Nouari enim mens nostra recte dicitur, cum omisso hoc iam trito, & uetusto calle mundani gressus, in quo omnia ficta, & fucata transeunt, in unius cultu, & adoratione Dei uera uoluntas, & uerum studium ponitur, & sunt hæc præcepta tamen memoratis antea CHRISTI mysterijs apta, & congruentia. Quid enim aliud fides nobis CHRISTI imperat, quam ut deposito uetere homine, qui secundum mundum, & seculum hoc factus est, nouum alterum hominem ex Deo natum, & in ueritate factum induamus: Sed hæc adoratio, & cultus unius Dei non semper uere ab hominibus, sed nonnunquam etiam specie falsa usurpatur, quod duobus ferme modis fit. Sunt enim qui terrena ista magni æstimantes, quæ seculi huius nomine denotantur, & in quibus opum, & potestatum, necnon humanarum cupiditatum, & certaminum strepitus ingens est, & anhelitus, speciesq; sonora quædam oculos feriens, auribusq; eadem tinniens, cum se iidem ad uisibilem Dei cultum, & uenerationem conuertunt, transferunt eundem mundi sonum, atque eandem pompam ad illius sanctum nomen inuocandum, atque adorandum, ac cum honore ipsius Dei, sui quoque nominis celebritatem esse conuictam uolunt, popularemque ambiunt admirationem, ut existimentur in colendo Deo opulenti imprimis esse, & perliberales, quod genus cultus, & sacrificij ab illa Iudaica religione non est dissimile. Illi etenim in externis quoque ritibus & sacrificijs, oculis magis & sensus hominum, quam corda ipsa seriebant, neque in oblatione hostiarum, tam ipsi Deo, quam legi, & cerimonijs quærebant satisfacere. Alij longe contraria, & deteriore ratione ipsum Dei humilem cultum præferebant, atque se à mundo dissimiles esse simulantes, nihilominus ficta illa religione quæstus sibi, aut rumufculos ab hominibus suffragantur, quod genus in societate imprimis difficile, & morosum est. Etenim hi sunt, qui cum se sanctos, & inaccusabiles haberi uelint,

ceteros ipsi non desinunt quacunq; de causa accusare & reprehendere, dantq; consilium non rogati, suamq; doctrinam, & auctoritatem passim ingerunt: & si non continuo sibi parcat, scelus magnum clamantes, contentionem inter fratres, & dissidia nituntur conferre. Quos omnes hortatur, & monet Apostolus, ut ne configurarentur huic seculo, sed transformatentur renouatione mentis in explorando, & degustando, quod maxime bonum uelit, & sibi acceptum habeat Deus, qui certe illud uult, quod & ab ipso profectum est, & ad eundem tendit: hoc est, ut in eo quodcunq; agitur, aut suscipitur, non aliud genus boni ullum spectetur, nisi id, quod probatum Deo, & eidem gratum intelligatur atq; acceptum; hoc est, iterum ut interpretemur, ut in omnibus, quæ agimus, quæq; consecretur, semper nobis ante oculos propositus sit Deus, nusquamq; ab eius nutu, & uoluntate deflectamus. Illud enim uerum est bonum, & uere placitum deo, quod in eo ipso ut fini, & solo bono consistit, necq; est laus be ulla mundi adiuncta pollutum, & inquinatum, quod est proprie, ut alibi Paulus ait, sanctificatio nostra. Eam porro assequi non possumus, nisi mentē nostram in aliam formam nouemus, quæ ab huius seculi figura longe remota sit, totamq; ex ipso Deo formemus, & ex ueritate, & spiritu sancto. Sicut in psalmo scriptum est: Et spiritum rectū inuoua in uisceribus meis. Hoc enim ita si egerimus, statim intelliget ipsa mens nostra semet esse debere, quæ seipsam dedicet Deo, quæ sese illi offerat, uotaq; & sacrificia, & dona Deo debita intra seipsam contineat omnia: neque hoc solum, sed omne etiam suæ pietatis præmium, omnem rationem boni sui, in uno ipso Deo collocet, atq; constituat. Hoc enim est mente renouari, quod in fide CHRISTI totum positum est, ueterem hominem exuere, & nouum fieri, formamq; nouam spiritus & ueritatis induere, quæ antiquis seculis fuit ignorata, & desicere à uetustis, quæ mundana, & corporca scilicet sunt. Inueterascunt enim quæ sunt corporis, atq; quod alibi Paulus, hoc est in nouitate spiritus, non in uetustate literæ ambulare.

Dico enim per gratiam datam mihi, cuiuscunq; existent in uobis, ne plus sapiat præter id, quod oportet sapere: sed sapiat ad temperantiam, sicut unicuiq; Deus impartiuit mensuram fidei. Quemadmodum enim in uno corpore membra multa habemus, membra autem omnia non eandem habent actionem: sic multi unum corpus sumus in CHRISTO, singuli autem inter nos membra.

QUOD modo commonuit, ut ne configurarentur huic seculo, id nunc loquitur expressius ab eo fratres errore reuocans, in quem nonnullos eorum lapsos intelligebat, qui religionem CHRISTI & professionem Christianæ humilitatis ad ambitionis studium, & ad elationem animi conferebant: quoq; maiores ipsi, atque eminentiores inter fratres uiderentur, cum pollicebantur de se plura, quam præstare poterant: cum autem ad suam potestatem, suumq; iudicium contemptis cæteris regimē, & administrationem rerum nitēbantur reuocare: quorum duo hæc uitia infesta præcipue cōsensionis, atq; concordie, ostentationis unum, & alterum ambitus, duabus præclara rationibus Paulus castigaturus, ne in id ipse incidere arrogantie uitium, quod est in illis reprehendendus, uideatur, primum agit cum eis lenissime, deinde proponit se hoc docendi, monendiq; officium suscipere non temere, nec propter arrogantiam, sed per gratiā, quæ sibi data sit, nempe apostolatus, & legationis à summo Deo, ut sit ipse cum uniuersis CHRISTI mysterij, tum eorum morum, qui Christianæ fidei conueniunt, omnibus hominibus, & prædicator, & doctor. Præcipit ergo ut ne quis sapere cōstendat plusquam oportet, sed unusquisq; hætenus sapiat, ut ne prætereat temperamentum, quod quidem temperamētum sibi quisq; ex ea intus animi fiducia admetiatur, tum quæ impartiuit illi Deus. Fidem enim hic pro fiducia posuit profectò Apostolus, quod idem & infra facturus est, quā dicit, Omne quod ex fide nō est, peccatū esset: id est, omne quo quis magis se ostēdat quā conscius ipse sit posse à se præstari, id peccatum esse: quippe quod crimen in se contineat, semper quidem mendaci, sæpe auaritia, nonnunquam etiam ambitionis. Verum hæc fiducia animi, interiorq; conscientia, quæ

quæ sæpenumero propter ignorantiã, & simplicitatem eorum, inter quos uersamur, efficere, & consequi multa posset non sua uis, neq; ueritate freta, sed illorum imbecillitate, qui facile inducerentur, quo quidem casu non fiducia esset, sed fraus, atq; astutia: hæc, inquam, fiducia tunc demum uera, rectaq; est, & ueram mensuram accipit, si eam accipiat à summo Deo, & sese illi approbet, ipsumq; præ mentis oculis habeat. Fidere ergo nostrum sanctum, uerumq; in eo potissimum existit, cum illa fiducia à Deo uniuersitatis dimensa est, cum est nixa ueritate, cum non ex errore hominum se metitur, sed sui ipsius bene conscia tota ad Deum cõuerfa est, habetq; eum sibi finem propositum, in quo humilitas animi cernitur, & illa modestiã, ac temperantiæ uirtus, quæ solis nobis, qui in CHRISTVM credimus, planè nota, animaduersaq; est: ab hominibus uero, qui sunt mundi, penitus ignoratur. Mundus enim qui in eo totus est, ut uideatur res esse, nõ uti ita sit, tantum quonq; postulat ingerere se, atq; agere, quantum cæteris persuadere potis est, siue eos fallere, atque inducere arte ualeat, siue etiã cogere, uimq; asserere, semperq; illi mundi opinionibus magni, & præstantes uiri existimati sunt, qui ut superiores cæteris essent, quoquo modo uincere, atque efficere ualuerunt. At non hoc à nobis postulat aut expectat Deus, sed omnis nos diuina ratio, & CHRISTI Iesu domini nostri actio, atque admonitio ad humilitatem animi, & ad paupertatem spiritus conuertit, ut summi se semper, & modice de nobis ipsis sentiamus: sic & nos docet in Euangelio CHRISTVS usq; adeo de nobis nihili clare sapere, ut cum omnia recte, ritèq; egerimus, nihilominus inutiles nos feruamus tum quoque confiteamur. Et in monte rursus ad discipulos uerba faciens, beatos eos imprimis uocat, qui sunt pauperes spiritu: neq; ipse tamè ea abiectiõne animi esse nos uult, ut non audemus talentum nobis creditum exercere. Ignauia enim id crimen, atq; desidia, non humilitatis est, neq; moderationis studium, sed ut caueamus ne supra id, quod decet, & quod oportet, & curam nostram studemus extollere, & operam. Sapere ergo oportet ad temperantiã, quod duobus modis fit, uno modo cum in eo, quod promittimur, nequaquam plus promittimus, quàm quod præstare cum integritate possumus, sed tantum, quantum fides cõscientiæ nostræ, & ex Deo ducta, dimensaq; fiducia suppeditat. Altero, cum in nostro munere, officioq; insistimus, neq; alienas curaciones inuadimus atq; usurpamus. Hoc enim ubi fit, graues ibi, acerbèq; querimoniz, & assidue inter fratres excitantur contentionēs, corpusq; ecclesiæ dilcinditur, quod ad huiusmodi corporis similitudinem uno CHRISTI spiritu uegetatũ, & altum habet tantam membra quidem uarias in se operantium facultates, sed ita inter se distincta, ut in diuisis singulorum actionibus una omnium communis procuretur salus. Quod si membrum unum aliquod aliorum sibi membrorum functiones usurpare contendat, iam confusio in corpore, & ordinis & societatis fiat perturbatio. Quemadmodum ipse ad Corinthios scribit: Si totum corpus oculus, ubi auditus: si totum auditus, ubi olfactus: aut si essent omnia unum membrum, ubi corpus? Malus ergo, & seditiosus homo ille est, qui in societate & certu omnia ad se, & ad suam authoritatem conatur attrahere, cæterisq; antecellere uult, etiã in quo minime est officio à Deo ipse delectus, neq; ille seruit CHRISTO, sed ad mundum præposita quadam ambitio nesciuoluitur, regulamq; suæ facultatis non ex Deo metitur, neq; ex cõscientia, sed ex errore reliquorum, & elatione animi suã, à quo uitio ut maxime uelint abesse, fratres suos admonet, & obtestatur Paulus.

Habentes autem dona secundum gratiam datam nobis differentia, siue prophetiam secundum portionem fidei: siue ministerium, in ministerio, siue qui docet in doctrina, siue qui hortatur, in hortatione.

HÆC SINE dubio dona omnia sunt Dei. Ut enim quis aptus, atque idoneus ad quancũ rem magnam, præclaramq; sit, Dei totum benignitati, & gratiæ ascribitur. Et dantur quidem ista à Deo: exercentur autem à nobis proportionē cõscientiæ, quantum quisq; ex Deo fidei, aptumq; se & commodum ad exercenda illa intelligit. Siue ergo prophetiæ donum à Deo obtinuerimus, in illa nos exerceamus, sed usque eo, quoad cõscii nobis sumus ab Deo fuisse impartitum, ne uē falsos illos prophetas ueteres

ueteres imitemur, qui captandæ humanæ gloriæ causâ, ea prædicabant, quæ sibi inco-
gnita esse ne ipsi quidem nesciebant. De quibus ueri prophætæ in scripturis tam gra-
uiter conqueruntur. Quod si prophetiam sic accipiamus, ut declarationem obscuriorum
in scriptura locorum, id est, abditorum mysteriorum reuelationem, cuiusmodi
quibusdam in locis uidetur accipere Paulus: in omnibus tamen eadem fidel, hoc est
conscientiæ mēsurâ adhibenda est, ut ne plus polliceamur, quàm conficij nobis sumus,
posse nos præstare. Sic etiam in ministerio regula eadem teneatur: præclara autem ser-
mō est etiam exercitatio ministerij, ut fuit elemosynis, cibisq; dispersiendis Stephano,
& Nicanori, & alijs quinq; ut Paulo, & Timotheo in ferendis ad sanctos Hierusalem
Græcorum, Macedonumq; donis, atque subsidij, ut Petro, & Joanni per concilium
Apostolorum missis ad Samaritas. Nam & egregiam comitatem eiusmodi adminis-
tratio requirit, & insigne prudentiam, in qua tamen quisq; tantum, se exhibeat,
quantum ferre idoneus est: sic & in docendo, & in exhortando fines eos quisq; teneat,
intra quos possit uerti, ne uel plus se ostentando in uitium arrogantiae, ambitionisq;
procurrat, idemq; in suo, non in alieno uersetur munere, atq; officio. Atq; hæc, ut dis-
ximus, dona omnino Dei sunt. Spirituales enim sunt uirtutes: quæ autem sequuntur,
partem in se habent nostræ etiam uoluntatis, animiq; inductionis.

Qui impertit in simplicitate, qui patrocinator in diligentia, qui misere-
tur in hilaritate, dilectio non simulata, odio habentes, quod prauum est,
agglutinati bono, fraterna dilectione inter uos amâtes, honore alius alium
anteuenientes, studio impigri, spiritu seruientes, Domino seruientes, spe gau-
dentes, in angustia tolerantes, in oratione perseverantes, necessitatibus lan-
ctorum communicantes, hospitalitatem sectantes.

Q. V. I. partem dat, hoc est, qui alium secum participem facit, qui rem aut consi-
lium, aut operam suam proximo impertit, atq; communicat, id agat simpliciter, & li-
beraliter, ne uel manum, animumq; restringat, neque astute ad se aliquid referat, sed
illius tantum causâ, quem ope sua subleuat, ad commodandum illi, & ad ferendum
auxilium adducatur, neque spectet in eo quàm minima opera, aut impensa facere id
possit, sed ut quàm optime illi consulat. Hoc enim est communicare, & participem
facere in simplicitate, quod ea simplex & mens est, & manus, quæ aperta est. In quo
genere communicandi, & impertiendi maxime ingenuum, & come est, pertinetq;
imprimis ad simplicitatem ita communicare te alteri, ut non eò quod illum adiu-
ues, tibi esse maior, sed quod per illum tibi occasio benigne faciendi oblata sit, gra-
tiam quandam tu illi debere uideare. Qui uero patrocinator, diligentiam adhibeat,
ut curam suscepti muneris non solum corpore, sed studio etiam animi strenue exes-
quatur, fidem que suam præstet, siue ille sponte suscepto negotio pupillis, & ui-
duis tutandis adsit, ægrotisq; curandis, siue etiam suffragio cæterorum simili offi-
cio alicui, aut muneri sit præpositus. Sic enim omnis curatio, omnisq; patrociniatio
Christiano homini, Deoq; rite seruienti gerenda est, non ut ea domesticum ad com-
modum, sed ut ad salutem & utilitatem eorum, quibus moderatur, prorsus tota con-
feratur. Misereri autem in hilaritate, est effectum misericordiæ iucunde, hilaritq; præ-
stare: qui animi habitus cum adest miserentibus, non modo hi non fugiunt misericor-
di tempora, sed appetunt etiam ultro ea, atque insectantur. Quod si ne apud gentiles
quidem illa pietas probabatur, quæ coacta erat, & mœsta, ut etiam uulgari illorum
proverbio circumferretur, neminem, qui pietatem caueret, esse piū: quanto magis
nobis hæc terrena bona libenter communicantibus, ut in cœlo multiplicata alia, &
longe præstantiora consequamur, conuenit cum uoluptate, ac læticia hanc mercedem
commutare, subuenireq; egestatibus aliorum, ut cœlestibus ipsi diuitijs reddamur
affluentiores. Itaque & alibi Paulus: Non ex tristitia, inquit, aut ex necessitate, hilas-
rem enim datorem diligit Deus. Et in Euangelio dominus: Beati misericordes, inquit,
quoniam ipsi misericordiam consequentur. Et beatum est uocat David, qui respicit su-
per egenū, & pauperem, quoniam in die mala liberabit eum Dominus. Et uere si uolu-
mus

mus existimare, ista maxime in dando, subueniēdoq; hilaritas regni nobis coelestis est conciliatrix. Nullum enim graue facinus, nullum atrox delictum hærere posse uidetur in natura eiusmodi, quæ ad benignitatem, & ad misericordiā erga pauperes propensa sit, nec uero altare magis ad imitationem Dei prope acceditur, quàm miserendo, benignēq; faciendo. Hæc est uirtus maxime Christiani nominis propria, hæc una nos cum Deo præcipue cōiungit, hæc facit, ut uere fidem adepti, & ueram ex fide iustitiam à Deo consecuti esse uideamur. Etenim quinam alius tuit introitus, aut quod principium beneficentiæ, & bonitatis Dei erga nos, simul ut sperare in eo, & cōfidere per IESUM Christum cœpimus, quàm misericordia, & per misericordiam diuinorum bonorum effusa nobis, & liberaliter facta largitio? Nos uero quo pacto eandem Dei benignitatem, & iustitiam in nosmetipsos imitando transferimus, & ex eadem diuinæ bonitatis forma sumus insigniti, si non efficiamur & ipsi misericordes? Quæ deniq; uirtus, quod institutum uitæ, quæ actio in illo summo, seu totiq; iudicio, in regnū, & partem electorum Dei nos introductura est, nisi quod egentium, & calamitosorum in hac uita fuerimus miseri? At non cuncti diuites sumus, nec qui queamus aliorum difficultatibus subsidio esse, ne perturbare animo, affectum tuum Deus accipit, de facultatibus uere existimat, & simul in memoriam redi anuis illius, ex Euangelio, quæ cum duos æreos minutos in templum contulisset, facile omnium opes, & dona superauit. Nulla est uirtus, quæ quidem Christiana sit, quæ non omnibus sit communis. Nam neq; Deus ipse, qui est unus nobis uersa uirtus, cuiusquæ est proprius Deus, sed omnium cōmunis, quicunq; eum appetunt, uoluntq;. Verum et si tanti est in homine Christiano misericordia, ut ipsa introitus quodam modo, & uestibulum ad imitandum uere Deum esse uideatur; tamen & ea ipsa uirtus, & cæteræ omnes in principe uirtutum charitate continentur. Porro est charitas dilectio non simulata, neq; tamen hoc satis. Potest enim esse etiā in malis dilectio: sed est charitas dilectio in bonis non simulata. Itaq; adiungit ad dilectionem huiusmodi, ut odio habeant prauum, non id tantum deuitent; & agglutinati sint bono, non solum id sectentur, hoc est, ut nunquam accedant ad malum, à bono nunquam recedant, additq; ut fraterno amore inter se diligant, quādoquidem fratres iam sunt, nō ex uoluntate carnis, neq; ex uoluntate uiri, quā quidem ratione non omnes inter se cōiuncti esse possunt: sed ex eodem patre Deo renati, & progeniti, quod est sanctissimum, & maximum ueræ germanitatis uinculum. Quo autē fraterna hæc necessitudinis inter eos cōiunctio firmior habetur, sapiens, & salutare dat documentum, ut alium alius in honorando antecedit, quæ est concordia, & pacis arcta cōnexio. Namq; existimare honorem sibi potius deberi, quàm alteri præstandum esse, nequaquam Christianum, neq; adeo fratrem num est. Habet enim fraternitas summam æqualitatem, quam euestigio turbat, atq; infringit, qui sibi plus arrogat, quàm alteri ipse paratus sit deferre. Et tamen ista superbia, & fastus quali rudimenta prima sunt, appetere honorem ab altero libentius, quàm alteri habere, quibus à CHRISTI hinc nihil est alienius. Sequitur ut studio impigri esse debeamus, spiritu seruētes, quæ sunt certa indicia firmati tam in bona parte habitus nostri, cum quod agimus rectum cum uoluptate id agimus, ex qua deinde quidem uoluptate, ad libentius, sepius, studiosiusq; id agendum nostra excitatur, accenditurq; uoluntas. Sed ut in his omnibus domino seruiamus, nō nostræ uidelicet utilitati, neq; gloriæ, sed ad dominum Deum omnia referamus; quod si ad nos quoq; aliquid referendum sit, id ex eo genere bonorum sit, quæ sperare tantūmodo in hac uita: assequi uero nullo pacto, nisi sola sperandi lætitia & uoluptate ualeamus, istiusmodi bona sunt coelestia, & sempiterna, quæ hæreditate patris nostri Dei in futuro seculo sumus adepturi. Ex omnibus igitur studiis operationibusq; nostris, quas propter Deum illius honori, & nomini inseruiētes suscipimus, nihil omnino ad nos quod præfens bonum afferat, sed tantummodo bonorum spem futurorum, & ex ea spe gaudium quidem præfens ac lætitiā conuertamus. Hanc porro spem cōsequitur tolerantia rerū difficilium, cum aut fortuitis calibus, aut hominum iniurijs oppressi, atq; uexati, eadem futurorum bonorum spe, quorum per alienas iniurias eripi nobis adeptio non potest, nosmetipsos cōsolamur, in quo alternis quodam modo adminiculis, & patientia ipsa

tia ipsa spem magis confirmat, & spes fuleit, corroboratq; patientiam. Nam & supra dixit, quod patientia probationem cōficit, & probatio spem. Fui mius enim tunc certe speramus, cum tacito in rebus aduersis nostri periculo, hic quoque intelligimus Dei opem nobis, atq; auxilium ad tolerandum fortiter aduersa non defuisse. Atq; ex his, quæ iam nobis præbuit, ad ea, quæ restant donanda ac largienda, obfidem cum nobis suam beneuolentiam, uoluntatemq; dedisse. Et quoniam qui spe suffulsi gaudent, illa identidem in animo uolunt, quibus sperandis, cogitandisq; lætantur: ideo comitem huius quoq; spei, & ex spe lætitiæ addidit orationem, in qua perseverantes sunt, qui illa æterna bona, & eorum auctorem honorum Deum adamauerunt. Sæpe enim colloqui cum eo, & desideria sua exponere illi, quem quis amet, iucundum imprimis, & optabile est. & est hæc maxime crebra, ac continens oratio. Neq; solum ferre nos, & tolerare difficilia, sed in illis etiam communicare cum sanctis uiris hortatur, & admonet, qualis si immunes ipsi esse possumus, nolimus id tamen, sed præoptemus magis in societate sanctorum ærumnas terre, & perpeti, quam separati liberi, & pacati uiuere, quod uel cordis affectu, uel re etiam ipsa, & opere præstare debemus. Hoc faciunt, qui sua omnia uenundantes, præcia ad pedes Apostolorum deferbant, qui uincidos, & male uexatos fideles CHRISTI, sua cura, & ope, & obsequio subleuabant, cecis, & peregrinantibus comites se adiungebant, qui illos deniq; certare cum dolore pro CHRISTI nomine cum uiderent, ultro se quoq; ipsi in idem certamen suscebant, atq; offerebant. Iam hospitalitatis amor, diligensq; sectatio cæteris ante dictis uirtutibus consentanea est. In qua Lot, & Abraam egregium studium adhibuere, Abraam quidem usque eo, ut non modo uenientes hospites hilare exciperet, uerum etiam ad diuertendum, & ad cōmorandum precibus obsecrationibusq; cogeret; cuius quidem humanitatis uterq; eorum dignum a Deo præmium est cōsecutus. Atq; omnes quidem adhuc commemoratæ uirtutes cum præclaræ sunt, & Christianæ, & hac protectione dignæ, quæ cœli tantum studium, & immortalitatis suscipit, nulli autem terrenæ curæ, neq; interituræ rei est affixa: tum uero, quæ sequuntur etiam magis ex intimo faciliario fidei, & religionis nostræ depromptæ sunt, nullamq; omnino habent cum uisitatæ hominum uirtutibus communionem.

Benedicite instantibus uos, benedicite, & ne execramini, gaudere cum gaudentibus, & flere cū flentibus: idem alius de alio uicissim lentientes: non alta spirantes, sed humilibus simul inclinati. Ne este sapiētes apud uosmet ipsos. Nemini malum pro malo reddentes: procurantes honesta coram omnibus hominibus. Si heri potest, quantum est in uobis, cū omnibus hominibus pacē seruantes. Non uosmetipsi ulciscētes dilecti, sed date locum iræ: scriptum est enim, Mihi ultio, ego rependam, dicit dominus. Si ergo esurit inimicus tuus, pascē eum: hoc enim agens, carbonēs ignis accruabis in caput eius. Ne uincere a malo, sed uincere in bono malum.

IAM benedicere maledicētibz, & benignum esse aduersus eos qui te insectantur, commodeq; de illis, & ad illos loqui, necnon bona omnia optare ijs, qui tibi mala inferant: uisusq; de gaudia tua, & moerores ita ad aliorum affectus accommodare, & flere, ut ex illorum conuersionibus animorum, atque sensibus, tua pendeat affectio, quodq; cōmunis est, & tanquam uniuerse dictum eodem erga proximum affectum animo esse, quo ipse erga semet proximus affectus sit, ppiæ Christiani hominis uirgines sunt prioribus non usquequaq; intellectæ seculis, quas illa per fidem CHRISTI nobis ex Deo infusa, & ad imitationem eius suscepta iustitia palam proposuit, & demonstrauit. Neq; earum usum, & cognitionem iustitia legis tam exprimere potuit, quam adumbrare. Nam & illa dixit, si incideris in bouem inimici tui, aut asinum errantem, reducito eum, & si sub onere succumbentem aspexeris, subleuato. Ac humanitatis quidem officium illa inimico exhiberi uoluit, ut esset ad tollendas inimicitias occasio: uirtus uero Christiana est, nullum omnino habere inimicum, sed ut ita consociemus

confociemus cor nostrum cum corde proximi, ut in unū quasi cum eo sensum coeamus: quæ tamen uirtus illud mysterium fidei, & CHRISTI necessario consequitur. Etenim cum eorum, quæ ex hoc mundo sunt, nihil omnino nostra magni inter esse putemus, sola illa iudicemus, & ex petamus bona, quæ nobis ab Deo in altera uitæ pposita sunt; nulla ex his rebus cupiditate immoderata, nullo impetu animi perturbamur, quo minus piam, atq; inuiolatam pacem cū proximo, & fraternæ charitatē necessitudinis teneamus. Itaq; & possumus iniurias insectantiū placare ferre, & illis loqui, atq; optare bona, qui nos afflictos, & oppressos uolunt, quando illi nihil nobis auferre possunt eorum bonorum, quæ sola nobis chara sunt, & quæ unice appetenda ducimus, quinimō eos auide cupimus ipsi relipiscere, & sanam illis mentem à domino Deo deprecamur. Ac ferre quidem conuicia, & iniurias insolentium hominum, atq; inimicorum etiam philosophorum non nunquam est reddere autem pro conuicijs laudationes, & beneficijs maleficia compensare, hoc non cuiusuis aliorum, sed Christiani tantummodo & animi, & instituti esse potest. Ita & in Mattheo dominus, Diligite inimicos uestros, & orate pro persequentibus, & calumniantibus uos. Cum autē gaudemus cum gaudentibus, & flemus cum fletibus, omnem funditus liuorem, & maleuolentiam ex animo efficiamus, ut inuidcamus omnino nemini, qui floreat, & abundet, siue uirtutis laude, siue etiam opibus, & apud homines autoritate, atq; fama. In quo enim maxime rationem boni ponimus, in mutuo uidelicet inter nos. Deī amore, atq; nostro, scimus nos in eo si uelimus à nemine posse superari. Nec uero ipsum hoc bonum nobis solis appetimus, sed cupimus ceteros quoq; omnes illius nobiscū esse atque participes. Atq; ut animum immunem ab inuidiæ labe retinemus, facileq; eosdem gaudio cum gaudentibus communicamus: sic ad miseria aliorum animo transigimur, moeroremq; nostrum, & lachrymas cum incontinentibus coniungimus: etenim hæc affectio imprimis naturalis est, neque Deo aduersaria, sed animis digna misericordibus, qui ad subueniendum, & opititandum calamitoso propensi sunt, qui tunc uere Christiani sunt, uereq; fideles, si quas ipsi calamitates, hominumq; iniurias, corporis morbos, fortunarum amilliones sortiter, & constanter in se ferunt, eas in proximo suo nequeunt immoto animo ferre: sed ad conspectum, & sensum hominum calamitosorum misericordia collabuntur. Et sanè gaudere cum gauditis probum, & pulchrum, sanctumq; est, animiq; ab omni labe, & infuscamento maleuolentiæ puri mundici proprium. Flere autem cum fletibus perhumanum, & mite. Oportet autem nos si hæc implere recte, & consequi omnia uolumus, hinc re animos nostros ex aliorum uoluntatibus, atq; animis: cumq; affectione nulla ipsi propter nosmetipsos perturbemur, ex alienis tamen animorū per motionibus affici, ut idem uicissim inter nos sentiamus, & proximorum unusquisque prosperitates, atque ærumnas, nihil de suis interim laborans, reputet suas. Sic enim & lætitijs proximorum gratulando simul cū illis, lætandoq; augebimus, & diminuemus, ac subleuabimus moerores condolendo. Quod si hoc fiet, ut ex affectibus aliorum, non ex nostris afficiamur, omnibus alijs perturbationibus ex animo nostro excisis, atq; electis, duobus tantum modis impellemur, lætitia ex proximis rebus secundis, & ex insensis misericordia, læsci enim & inuidere, & odio habere, & cupiditate adigi, affectus sunt eorum, qui sibi ipsis afficiuntur, non proximo. Sequitur, ut ne alta nobis proponamus, ne ad magna, quæ mūdi sunt aspiramus, ne administrationes rerum publicarū, ne magistratus, honores, imperia, ne gloriam appetamus: sed in paruis, & obscuris, & ignobilibus mundi libentius cōstitamus, nec solum extrā debemus esse humiles, sed nobis etiam ipsis & intus exigui. Est enim hoc illi finitimum, & simile, à quo cauere nos admonet, ut ne simus nobis ipsis sapientes: id est, ne ita ipsi nobis placeamus, ut egerē minime aliorum consilio arbitremur. De his & alio loco scriptura, Vehijs, qui sibi ipsi sapiunt, & coram seipsum sapienter scientes. Hos & grauius increpat ac refellit Salomon: Vidisti ne, inquit, uirum sapientem in oculis suis: scilicet de insano maior, quam de eo est. Et nimirum putidi isti omnes, & molesti imprimis sunt, ac in cortu, & conuentu ceteros fastidientes, quod præcipue uitium consensionem auferit, & concordiam de ecclesia. Nō enim isti membrum se esse pati possunt, sed caput, uel potius ex sese corpus aliud conantur fa-

eere. Ita & pauperes ut essemus spiritu, nos hortatus est CHRISTVS, Nemini malum pro malo, ut reddamus: in quo lex contraria, quæ oculum pro oculo & dentem pro dente rependi iubet: idcirco ea non est ad ueram Dei iustitiam, quam postea fides CHRISTI consecuta est, suo munere peruectæ, Nihil quidem huiusmodi omnino in Euangelio est, ut procuremus honesta coram hominibus, ut neminem exemplo malo lædamus, & exemplo bono cunctos ad uirtutem, & ad iustitiam prouocemus, ut habeamus pacem cum omnibus, quantum in nobis est: hoc est, ut neq; excitandis, neque alendis contentionibus, & discordijs ulla à nobis ansa, ullus fomes præberetur. Cum omnibus uero tam fidelibus, quàm etià infidelibus: quod idem ad Corinthios, Sine offensione elite ludæis, & gentibus, & ecclesiæ Dei. Et quoniam hoc fortasse facilius factu sit, non præbere causam, neque initium iræ, fugereq; rixandi, & altercandi occasiones, illud quod est difficilius, nominatim interdicit, ut neque etiam læsiti iniuria & prouocati de ulciscendo cogitemus. Sæpe enim usu uenit, ut qui discordijs causam non dederunt, offensione tamen primo accepta iram deinde, & odium diutius ipsi foueant, nutrantq; dissidia, quæ alij intulerunt. Sed ut non esse autorem dissensionum communioris prudentiæ est, sic acceptam iniuriam non persequi eminentioris uirtutis. Dare igitur spatium iræ nos suadet, & concitos illos animi motus primo cohibere, deinde in totum permittere Deo, qui iustissimus ultor est eorum, qui iniuria læsi sunt. Ac cum tanta quenquam esse constantia, & firmitate animi, ut iniuria nō moueatur, maximum uideri possit, addit tamen aliud maius & multo admirabilius, ut eos ipsos inimicos nostros, qui nos læserunt, qui damnis & ignominijs nos ut afficerent, operam omnem impenderunt, inopia & necessitatibus oppressos ope nostra subleuemus, ut pascamus famelicos, ut sitientes potu recreemus, ut prestemus deniq; illis in egestate eorum, & penuria, officia amicorum, & beneuolentium hominū. Quod quid memorari potest iam diuini? Atque hæc sunt non documenta solum Christianiæ fidei, sed monumenta etiam in nobis Dei bonitatis, quibus ad tantæ, & tam præcelsæ uirtutis cognitionem atq; usum, illo donante sublatis sumus: quanquam est hoc præceptum traditum idem à Salomone, & totidem penè uerbis à Apostolo relatu, ut esurientem pascamus inimicum, sicut in caput illius prunas acuerimus. Quid ergo interest, quæsierit aliquis, si ex lege quoque præcepta huiusmodi habentur, aut quomodo hæc erunt Christianiæ fidei propria? Illud nimirum, quod ea data illis sunt ad terrenam pacatius traducendam uitam, nobis ad immortalem alicui illam acquiri rendam; & apud illos rationem quandam prudentiæ humanæq; sapientiæ continent, apud nos diuinæ uirtutis, & bonitatis. Vt enim diximus, nos nō inimico tantum commodare (id enim iubet etiam interdum lex) sed inimicū ultro diligere iubemur, quod nobis, qui iniuriam nullam agnoscimus, per facile est: illis uero mundi bona sectantibus prorsus difficilissimum. Et tamen in ipsa quoque ueteri lege quædam interdum existunt scintillæ, tanquam CHRISTVM & euangelium patcfacere uolentes; sed tenues eæ, & imperfectæ, ut hoc ipsum, quod de pascendo inimico protulit Salomon, Christianum planè uideretur, nulli finis in eo appareret, non obsequium, & gratificatio erga Deum, sed ipsius inimici rubor, atque confusio: quæ etià ratio ab Apostolo quoq; per occasionem inductæ autoritatis posita est; nō tamen ut recunda inimici, ut finis ab eo, sed quod placitum sit Deo præcipue spectatum est. Igitur hæc ple nâ, & propria fidei nostræ præcepta sunt, quæ non auribus solum percipere, sed omnibus animi sensibus cōprehensa teneamus, si uere CHRISTO sumus dediti, & fideles. Quæ quis unquā quæso inuenit Philosophus? aut quæ animis hominū sapientia insinuauit? quæ priscæ literæ, qui mores, quæ rerum, aut temporis cōuersio huiusmodi genus prudentiæ, huiusmodi genus uirtutis, humanitatis, liberalitatis, cōperantiæ, aut usu docuit, aut præceptis, legibusq; monstrauit, ut statueremus opes, facultatesq; nostras inimicis æque nostris ac cōiunctis & familiaribus debere esse paratas: Et tamen si uere existimare uolumus, hæc una ratione maxime tolluntur discordiæ ex societate, iræ sedantur, odia placantur, firma, & fidelis cōsensus constituitur: ita animo ab hisce perturbationibus uacuo, atq; soluto herere planè in Deo nostra mens, & si ui beato gaudio illius suauissimæ, & longe nobilissimæ contemplationis permittitur. Nam quod

addit

addit Paulus eos, qui sic fecerint, ut pascant, & alant esurientem inimicum, prunas ignis in caput illius accendunt, eo pertinet, ut futurus ille sit sui ipsius obiurgator acerrimus, qui iniquitatem suam tali humanitate cognouerit remunerari. Itaq; rubore, & conscientia, & mortu animi perurgebitur, maioresq; ipse exiget à se pomae erroris sui, quam ad irati inimici arbitriū fuisset perfoluturus; quod quidem illi cedere poterit ad correctionem, emendationemq; prioris sententiae, nobis uero, si qui ita egerimus, insignem ea res apud Deum gratiam, & singulare solatium iam periclitae in nobis fidei erga Deum allatura est. Ad hoc idem ualet etiam quod sequitur, ut ne uincamur à malo, sed uincamus in bono malum, quod quidē maiorem semper boni, quam mali esse potentia indicat, cum possit quidē ab alterius malo bonū nostrum nō uinci, nunq; autē possit hoc, ad quod hortamur bonum, nō alienum malum uincere, HIC LANGEVS, Præclara nimirum, inquit, & egregia morum documenta præbet nobis Paulus, atq; ut tu modo Sadolete dicebas, non cum aliorum legibus, institutisq; communia, sed propria nostrae fidei, atq; ex sanctissimis deprompta Christianae religionis adytis, in quibus hoc uideo ab ipso præcipue quæri, ut omnium nostrorum cōsiliorum, atq; factorum cōstans, & solida ratio, quæ ex solo Deo, & ex interiore cuiq; conscientiae iudicio spectanda est, ad mundi opiniones, & studia ne probabatur. Nam quemadmodum flumen cum peruenit in mare, amisso fluminis nomine, & natura, naturam illam accipit, qua cum permixtum iam, atq; confusum est, ipsumq; simul maris subit appellationem; sic mihi uidetur uereri Paulus, ne si uera uirtus, & ea, quæ ex Deo suscepta est, ostendere se instituerit uel paululum opinionibus hominum atque studiis, proprium statim uirtutis nomen amittat, sitq; nō amplius Christiana uirtus, sed popularis, itaq; illam ipsam tanquam cassissimam uirginem ab omnium oculis aspectibusq; semotim sedere domi in intimis penetralibus iubet, sua ipsam ueritate, conscientiaq; contentam, Deumq; sibi unum, & semper proponentem, cui placere soli, & se probare studeat: omnem autem ab hominibus famam, omnem externae cōmendationem laudis sedulo deuantem, ne si forte oculis sermonibusq; se dederit, ab Deo paulatim segregata, & ex integritate sua deducta corrumpatur. Sanctam hoc consilium, & salutaris sententia pfecto est, uti ita semper in ueritate maneamus, ne opinionibus uanis auferamur. Sed si est libere dicendū, quod sentio, nō uirilem in nobis uirtutem, institui uideatur Paulus; sed uirginalem quādam porius, & timidam, omnis offensuscularis, & omnia undiq; pericula metuentem; quæ si huiusmodi sit, sibi quidem forsitan illa satisfaciatur, & sit seipsa cōtenta; ad commodam autem, & utilitatem aliorum parum fructus, & emolumenti afferre uideatur. Atq; ut quemadmodum ego intellego, apertius uobis sententiam meam exponam, Cum duo sint hominum genera, quæ Deo recte seruire studeant, unum eorum, qui in solitudinibus, aut in locis ad hanc ipsam rem factis semoti ab usu, & familiaritatibus multorum placatam sibi, & tranquillam eligunt uitam, suosq; sermones, & consilia non cum hominibus, sed cum Deo ipso conferunt; Alterum, quorum robustior est animus, & ad omnes fluctus rerum humanarum subeundos, ac sustinendos aliquanto fortior, qui sese cum ceteris hominibus dedunt, qui in populo uersantur, qui instrumentum illarum, quas ab Deo acceperunt uirtutum, non domi inclusum continent; sed proferunt ad usum, utilitatemq; communem, offeruntq; sese temporibus, atq; periculis; saepe tracundis aliorum, saepe calumnijs, saepe improbitatibus, saepe ignominijs, damnisq; expositi; horum inquam, duorum generum, etsi utruq; sanctum est Deoq; rite seruienti, nempe ego tamē magis hoc probauerim, quod coelestes illas ex Deo opes, quas possides, nō repositas sibi soli, sed cunctorum usui, & commodo uult esse propositas. Etenim mihi quidē hic uideatur propius se ad Deum illum ipsum intuendo, imitatioq; adiungere. Porro ipsius Dei cum bonitas illa sit, ut ea in se primum infinita & immensa, in omnium deinde hominum, atq; rerum salutem, utilitatem, cōmodumq; diffundatur; sic qui bonum suum reliquis impartunt, hi mihi uidentur diuinam illam bonitatem apta quadā inter homines imaginis similitudine melius referre. Atq; hos ego, ut longe alijs antepono, sic non contemno ne illos quidem, qui sese in silentium, & in solitudinem abdiderunt, res motiq; ab omni lactatione populari, & tanq; in portum ex fluctibus delati, quietam,

& securam ducunt uitam, in eius quem unum præcipue adamauerunt, cōtemplatione Dei perpetuo inherentes, tuta hæc & beata ratio degendæ uitæ, ac toto suæ ætatis decursu pacatior longe, atq; dulcior: sed quam tamen celebritate nimia illam appetentium frequentari non expediat. Etenim quid cæteris fiet, si omnes qui ad Deum strauerint se conferre, illud unum iter, & illam ad coelum perueniendi uiam fuerint ingressi? quis populum reliquum bonus author reget? quis uulgo moderabitur? quo pastore uigilanti, & fideli custodientur oues? quis aut certare pro iustitia, aut arguere improbitatem, aut iniquitati obuiam ire, aut tueri innocentiam conabitur? sint sancti isti, qui ab cōmunis uitæ strepitu, atq; concursu seiuncti sunt, qui ab mundo se abalienauerunt, suntq; ad Deum unum mente animoq; conuersi: sint beati, sint ipsis propemodum angelis, ut dicitur, pares: ego hos nimirum illis præpono, qui uersari æqualiter cum reliquis constituerunt, qui morem illum præcipue secuti sunt, quem à quotidiana cōsuetudine uiderunt approbari, & cum externos cultus corporis, ordinemq; totius uitæ similiter atq; cæteri suscipere, ac sectantur: in ueritate tamen, & integritate animi, & in ipso Deo præter cæteros permanserunt. Nec uero CHRISTVS dominus hoc præcipue genus, & hanc sectam hominum sese cōmuni uitæ deditum, atque accommodantium non maiore aliquanto honore est profectus, cui cum Petrum anteculit Ioanni, iusq; eximie illi authoritatis, & curam, relictus nemq; ouium suarum attribuit, satis palam indicauit negociosam se, & laboriosam uitam, huic tranquillæ, seriatq; præferre. At enim labi isti facilis, & offendere periculosius, & sepius abduci ab optimis institutis queunt. fauer: sed quis est sibi ipse tam confidens, aut tam fortiter de cæteris audacterq; existimans, qui statuat hominem quocunque è genere uitæ, quacunque è ratione, alienum à periculis, & ab offensis hominibus esse? fragilis est natura nostra, & uoluntas infirma, ut quam non solum impetus, & turbines externarum rerū, sed tacitæ ipsæ sæpe cogitationes quatiant, atq; peruellant: quæ tamen dum in fini ipso constanter hæreat, ut ad Deum semper, & ad primum bonum sit directæ, in cursu ipso interdum si prolabatur, nequaquam illi in partem peiorem est uertendum: aut ubi, quando uel erit diuinæ misericordiæ locus? An uero ista uirtus misericordiæ tanta, & tam eximia, iners penitus in Deo, & uacua censenda est: iam qua liti sui parte, aut sibi melior, potentiorq; est, aut nobis commo dior, atque communior? cum si misericors ipse non sit, nos salui esse nequeamus: sin autem nos perpetuo innocētes, illius inanis uideatur esse misericordia. At ea illi præcipuam gloriam, nobis autem certiorē semper salutem præbuit, quibus non integritate, & innocentia nostra, sed Dei clementia semper magis est nitendum. Quam obrem nemo quidem me ab hac uita occupata, & populari illaratione deteruerit, quod eam dicat laphionibus, & periculis magis expolitam esse: ut enim hoc ita sit, tum fructus quidem ea certe ex se fert in aliorum salute procuranda uberiores, tum ipsa duplici Dei præsidio munita est. Nam & uim illam recte agendi, recteq; sentien di hoc magis accipit ab summo Deo, quo ad difficiliōres multo res, & ad duriora uitæ impedimenta dimouenda conuersa est: & siquid aliquando titubauerit in cursu, errandq; deliquerit, per eiusdem Dei misericordiam purgata, atque absterfa, sic splendidiōr, quam ulla humana accuratioe aut diligentia potuisset splendescere. Quod si ita est, neque ego secus esse existimo, quæso quamam ratione Paulus, & tu cum Paulo Sadoletæ consentiens, omnem paulo antè Dei omnipotentis cultum ita ad spiritum, & ad mentem redigebatis, ut nihil prorsus externis cerimonijs, nihil oculis, nec auribus, nihil communibus hominum sensibus reliquum faceretis: an omnis omnino religio, omnis adorandi, uenerandiq; Dei cerimonia in ipsis intētis, abditisq; cogitationibus, & in tacita sola uoluntate constituenda est, neque est extrā sis tuis aliquid, indiciumq; proferendum, quod inclusam nostram pietatem erga Deum, ad oculos spectantium traducat, & deferat? Quid sibi ergo templa ista uolunt, quæ tanto, & tam magnifico opere ubiq; ferè gentium, quæ Christianum nomen in honore est, facta, atque ornata extant? Quid alsidue in illis Deum personantium, & pro populo rogantium sacerdotum preces? quid ipsi ordines, gradusq; sacerdotiorum, quid aræ, quid ignes, quid uestes luculentæ, & uariæ, atque (ut poëta inquit)

quit) auro, ostroq; rigentes: quas dum ad sacrificandum Deo se apparant, more solennius, atq; præfco induere sacerdotes solent, neq; putant fas line illis in mylticis sacris tractandis Deo se offerre. Cantus uero, & uoces, & tibiae, & ij mphoniam chori celebrantes, tum autem minorum maioribus assuetudines, inter parca mutua ceruicium ins flexiones, amplexus, comprecationes, pacis oscula, quæ cuncta à communẽ Ecclesia non adscita modo, atque recepta: uerum etiam præcepta, atque insituta omnibus sunt, non ne perspicue indicant cultum, & religionem iustum Deum, non solum in spiritalibus, & intimis adorationibus: uerum etiam extenis in ceimonijs suscipi, & adhiberi oportere: Nam illud quidem credi nullo modo potest, quæ spiritu Dei catholica Ecclesia regatur, eam ad hæc agenda, atq; insituenta nullo bono consilio, sed inani, & irrita ratione fuisse motam. Itaq; ego nouos hoĩe hæreticos, qui nus per exorti omnia perturbauerunt, non alio magis nomine esse detestandos censeo, q̃ quodd ritum hunc omnem, & communem Ecclesiæ cõsuetudinis certumq; quæ in ordine quodam, & in pulcherrimo more sita est, suo quiddo loco, & suo tempore agendi, nec non ad agendum sic se unumquens, uti legibus præscriptum est, aptandi, atq; apparandi, miscere penitus, & confundere iunt eonati: ut cum hoc externum nostræ pietatis testimonium sustulissent, sc̃q; ea ratione ab hominũ oculis, & animaduersionibus quali in occultũ, & abditum recepissent: tum demum licentius gererent se erga Deum, atq; intestinas uoluntatis arbitrium, quod iam à populi cõspectibus absconditum esset, ad quas uellent, tuto cupiditates conuerterent: atq; ij tamen hæc Pauli uerba nos ad interiores cultus Dei semper reuocantis, & ab externis ostentationibus auocantis, suis temerarijs opinionibus prætendunt: quæ equidem uerba si sic præcile ins telligantur, eum magnam ea profecto perturbationem morum solennium, & statore, in Christiano populo paritura sint, lenius, & cõsideratius interpretanda censeo. Rursus & alio loco, quæ præcipit Paulus, ut ne sapiamus plus q̃ oportet, sed sapiamus ad temperamentum, ne ue de nobis plus, aut de facultatibus nostris profiteamur, quàm quantum cõfessij sumus posse à nobis prestari, atq; ut hanc ipsam cõscientiã, non opatione elata, atq; inani, sed diuina ueritate metiamur: habet nimirum ista præceptio rationem illustrare, & splendendam, quod hoc semper, & imprimis prouidet Apostolus, ne ad ostentatione nostrĩ, & ad aucupandam populi famam delibamur, omissoq; Deo, & ueritate in imaginibus uanis, atq; umbris inistamus. Sed tamen si, ut uerbo positum est, ita nude intelligat ur, multa accedant necesse est, quæ sint societati hominũ, & recte institutis cœtibus, conuentibusq; damnosa. Quod sic mecum quæso considerate. Ac primum totam huius Pauli sententiæ accipite ambiguitatem: etenim ita quæro, Quàm metiri iubemur ex Deo facultatũ nostrarum cõscientiam, utrũ eam ut comparatam cũ Deo ipso metiemur, an ut ad homines cõuersam: Si ut erga Deũ, obsecro quis nostrorũ est, aut cunctorum omnino hominũ, modo is à mente sua, & à bono consilio penitus nõ sit derelictus, cui possit corã Deo aliquod suæ facultatis, & puræ, integræq; cõscientiæ uestigium reliquum uideri: qui nõ in illa infinita ui, atq; uirtute, si seipsum aduersus illam spectet, atq; expendat, omnes suos sensus, omnes intestinas animi cogitationes disperdi longe sentiat, & obrui, unaq; cũ psalmo exelamet, atq; proferat, Ego sum uermis, & nõ homo, opprobrium hominũ, & abiectio plebis: Non enim cuiquã est in oculis Dei libi iure placēdi, aut de se bene existimandi locus, quod ut aduersus solem omne lumen tenebræ sunt: sic nosmetipsos Deo si comparemus, omnis ueritas humana mendacium est, & uitium, atq; labe, omnis nostra integritas: in tanto enim intervallo, quantum inter nostram, & Dei bonitatem interest, quod profecto immensum, & imperagrabile est, quæ tantopere ab Deo, & tam longe discedit ratio, ea non amplius in se ipsa consistere, sed ad contrariam rationem adiungere se uidetur. Quare nemini est erga Deum de facultatibus suis, & de cõscientiæ fiducia quicquam existimandum, aut confidendum. Sin autem ut ad homines nos conuertimus, & nosmetipsos illis exhibemus, ita debemus esse cauti, ne plus de nobis alijs polliceamur, quàm quantum idonei sumus præstare, ne ue falsas in uilis de nobis opiniones exerceamus, sed fiduciam nostram suscipiendi aliquid, aut pmittendi ex Deo, & ex ueritate cõscientiæ metiamur, quod magis sentire uelle uidetur Paulus, ne sic quidem mihi uidetur

uideatur ista ratio simpliciter, & uniuersè accepta posse consistere: etenim multa sæpe usu ueniunt necessario, in quibus & uideri meliores quàm sumus, & plus ostentare, ac profiteri, quàm ualeamus, & uirtuti nostræ, & bono mori, & cõmuni utilitati conducit, atque expedit. Vt uerbi causa, in magistratu si quis constitutus sit, siue cum honoris gradum is obtineat, ex quo præcepto tantummodo, atque exemplo populum docere, & in uiam ueræ salutis inducere iubeatur, quales ferè sunt curationes Ecclesiasticæ, atque potestates: siue etiam ius & auctoritatem habeat uindicandi in impios probos, & terrore, ac metu hominum uitia, & facinora comprimendi, cui est potestas et gladius uindex delictorum ab ipsis legibus datus, quæ ego à uobis, si utrumque imperium & hoc seuerum, atque uehemens, & illud moderatum ac mite, hac niti resgula, & ad conscientie interioris ueritatem dirigere omnia, atque agere instituerit, num nam multa non uideatis inuectum iri damna, & detrimenta Reipublicæ? Primum qui in Ecclesiastico ordine constitutus, aliqua se macula, & labe delicti affectum fenderit, quo ore audebit ceteros monere, atque hortari, ut se integros præbere Deo, & sacrificium iustitiæ illi studeant offerre, cum ipse ad conscientiam suam respiciens minus se idoneum doctorem ullius esse uirtutis cognouerit: quis libidine aliqua contaminatus, ad castitatem: quis amore pecuniæ æstuans, ad abstinentiam: quis elatior, ad humilitatem: contumacior, ad facilitatem: iracundior, ad lenitatem alterum recte poterit hortari: aut denique, quoniam rarum omnino, & penè inauditum est hominem quenquam existere, qui non peccato aliquo proprio laboret, & ad suum, ac peculiare quodpiam uitium non sit propensus, quis reperietur tanta animi confidentia præditus, si idem Paulo assentiri uoluerit, atque auscultare, qui audeat partem ullam, curamque suscipere docendi ceteros, atque instituendos: cum etiam si nullius culpa grauioris conscius sibi ipse sit, communem tamen conditionem infirmitatis humanæ horreat, atque ex timetate necesse est, illamque grauissimam offensionem reformidet, quæ ipsum quoque Paulum sollicitum imprimis habebat, ne cum alijs prædicans uerit, improbus ipse reperiat. Quod si ita sit, & hæc est Apostoli in hunc modum accipienda sententia, mitto reliquos gradus, ordinesque Ecclesiasticos, quibus Ecclesia tota distincta, ornataque est, tametsi omnes quidem illi ad exemplum, doctrinamque bene agendæ, & ad unius Dei studium dirigendæ uite populo cuncto propositi sunt. Sed tamen mitto ceteros, Episcopatum ipsum specimen innocentie, normam totius uirtutis, magistrum fidei, pietatis, religionis, quisquam erit omnium tam impudens, tam audax, tam confidentia, temeritateque proiectus, qui aut ipse sibi petere, aut alij gerendum, administrandumque offerre, & suadere sustineat: quod quidem munus, & quæ curatio tanquam non ex hominum numero is sit, qui illam gerit, atque exercet, sed tanquam Deus, qui securus periculorum suorum, alienæ salutis custodem se profiteatur, ita ceteris consulere intendit, quasi qui ea præditus est, ab omni ipse cura, & sollicitudine de se uacuuus, id solum curare debeat, ut alienis morbis, & offensionibus medeatur. Ac si illud tamen reliquum factum fuisset, ut quoniam quorum flagitia aperta, manifestaque sunt, horum in monendo, atque arguendo alios inanis est auctoritas, illis saltem liceret, fasque esset, qui labe suas occultas continere potuissent, aliorum persequas, & notas coercere, atque in docendo, ac reprehendendo, tales fors se ostendere, quales profecto intus non essent, ut grauiores auctores scilicet, & meliores esse, quàm re uera existerent, populo uiderentur: esset tum quoque exemplo & monitioni, & doctrinæ superiorum erga inferiores aliquis relictus locus. Nunc uero, cum omnis huiusmodi actio, omnisque professio ad interioris conscientie fidem, & regulam redacta sit, quis erit, cui non expediat, atque adeo cui non necesse sit de scipio tantum laborare, de ceteris nullam curam gerere omnino? quod si fiat, & sibi priuatis omnes consulant, Reipublicæ autem nemo, sublatu statim ordo de uita, & temeritatis uindex magistratum auctoritas perempta penitus sit, ex quo necesse sit omnium legum, atque morum interitum, & perturbationem magnam sequi. Quod si non licitum est Christiano homini plus de se foris ostendere, quàm quantum intus se ualere intelligat, primum cur episcopis, & ceteris Christianæ religionis antistitibus adiuncta est iurisdicctio, cum episcopatus ipse humilitatē, & pietatem, & cultum unius

Dei,

Dei, Iurisdicção seueritatem, & ex seueritate metum improbis, nocentibusque resquirat. Metus porro ut afferatur hominibus maleficis, facinoræque coercerentur, si ne necesse sit maiore quodam strepitu, & apparatu, quàm quanta sit nostræ potestatis uis, oculos spectantium, & sensus reliquos perstringere, & occupare. Quod maxime in prophanis imperijs intueri licet, quæ fastum, & auctoritatem suam externis insignibus, atque ornamentis maxime adaugent, ut uideantur hominibus formidabiliores, quibus si lex ista imponatur, ut ne se ostendant populis, ne ue maiores res, & robustiores, quàm re uera sint, apparere cæteris studeant, sæpenumero eueniat profecto, ut malorum hominum uis, nullo metu coercente congregata, atque collecta, consensione bonorum, & ut magistratuum efficiatur potentior. Sed quid ego ista sigillatim colligo, cum liceat mihi uno in loco simul complecti omnia, atque prorsus ferre: si illud dicam, quod necesse est dici, simulationem, & dissimulationem in omni uita tantam uim obtinere, ut sine illa nec agi quicquam recte, neque ordine admitti nistrari gubernatio ulla possit. Ac de dissimulando quidem uideo mihi ab omnibus concedi, etiam qui sacris doctrinis instituti, & præceptis Dei obediunt. Nam cum crimina hi sua tegere, occultareque iubentur, si qua forte ab sese etiam suscepta sint, eare quidem, ut ne proximum suum, quem simulatae foris bonitate in officio continent, si dissimulationem deponant, delinquendi, malo exemplo insuper lædant, atque corruptant. Tum uero qui egregijs uirtutibus ornatos se intelligunt, suntque innocentes, & integritate insignes, contra tamen ipsi de se loqui, & ueras à cæteris laudes auersari coguntur, ut ne incident in elationis uitium, & populari gloria plusquàm satis opus sit, ducantur: ex quo & illud Euangelicum recte se habere uisum est, quomouemur à Domino, ut cum etiam omnia sedulo impleuerimus, dicamus tamen de nobis ipsis, quod serui sumus inutiles. Simulatio uero ad singulas penè res si non adhibeatur, quid est tandem omnium rerum, quod possit ad operatum exitum, finemque perducere? Nullum est uitæ communis commercium, nullum pactum conuentum, nulla communicatio, nullum bellum, pacis uel foedus, nullum consilium. Nec uero amicitia, societatis, connubij conciliatio est ulla, quæ si simulatio penitus abs sit, concludi rite queat aut confici. Multa enim uerbis simulata oportet, multa etiam factis, si ad nostrorum consiliorum rationes, & exitus cupimus peruenire. Atque ut in connubijs conciliandis, quoniam de his modo mentio facta est, eos qui interpretes sunt sponsalium pacificendorum multa nunciare citro, ultroque oportet, quæ ad mouendum, & persuadendum sunt idonea, ut de sponso, & de sponsa omnia bona loquantur, & utroque uirtutes in maius prædicando augeant: uita uero si qua existunt, extenuent uehementer: aut si patiat res, dissimulent penitus, atque tegant: cui etiam rei munditia, elegantia, cultus, uestitusque corporis seruiunt, & les nocinantur, idque præcipue agunt, ut uideantur omnia uenustiora esse, & pulchriora profecto, quàm reapse sint. Sic omnis tractatio, & communicatio uitæ, hominumque inter ipsos conuiuius, & participatio ueluti nuptiarum, conciliatio quædam est simulationum, & dissimulationum inuolucris quibusdam, & tanquam lenocinijs fucata, atque illita, quæ si ad circumueniendum proximum intentæ essent, equidem haud negarim improba esse, & ab ipsis legibus, magistratibusque uindicanda. Verum cum nil confici probe, neque ex hominum usu, & communis uitæ commodo tractari apte queat, si simulatio omnis ablit, & dissimulatio, sique tota personata ferè uita, plus in uultu, & gestu, & omni corporis habitu de se ipsa ostendens, quàm quantum intus gerat, atque possideat uirum, & facultatis, nequaquam ego putarim uitio dari debere, si quis sapere plus studeat ad populum, & inter cæteros, quàm fortasse sapiat sibi, uimque, & potestatem suam maiorem foris ostendat, quàm re uera illa sit, atque id tamen agat cum ad salutem bonorum, tum ad terrorem, & poenam improborum, nisi Paulus nimirum hanc modestiam, temperantiæque animi, & fugam totius ostentationis illis tantum locum se conferunt, ibique separati à populo, & ab hac uitæ agitatione communi disiuncti, Deo uni in pace, silentioque deseruiunt. In his enim planè confiteor hæc instrumenta ciuilis, & negotiosæ uitæ, quæ in simulando, & dissimulando sita sunt, super

uacanea penitus, & inutilia esse. Quod idem de externis censeo cerimonijs, atque his observationibus, ac ritibus, qui in Ecclesia palam adhibentur, quandoquidem his hominibus talibus, quos Græcis uocabulis monachos, eremitasq; appellamus, quorum quondam sanctitate, & frequentia Aegyptus imprimis enituisse dicitur, cum Deo uno ratio solum sit, qui puram tantummodo, & synceram postulat ueritatem, omneq; quod præterea est, inane, & uacuum esse ducit. Nobis uero in turba, populoq; que uersa sanctibus illa est uitæ ordine degendæ suscipienda ratio, ut quoniam homines sensibus fere magis, quàm intelligentia, mentesq; mouentur, ea inter eos rerum gerendarum instrumenta nobis aduocemus, quæ ad suadendum, & dissuadendum maiorem quâdam ostentationem foris præferant, quàm contineant intus ueritatem, si proprium recte agendi, ordinisq; uiuendi modum & tenere ipsi uolumus, & cæteris tradere, atq; insinuare. **QVAB CVM DIXISSET** Langeus: tum Triultius, qui attentissimo animo omnem exceperat illius orationem, ad me conuersus, Quàm diserte, & copiose Langeus, inquit, ea de quibus dubitabat in Paulo, oratione persecutus est, nec uero ego aliter de eo unquam existimaui, semperq; ita sensi, quicquid hic dicere instituisset, cum non modo id fortiter, atque prudenter, uerum etiam ornate, docteq; esse dicturum. Noui enim excellens huius ingenium, noui etiã studium. Quamquam hæc quidem laus cum fratribus ipsius communis est. Sunt enim omnes ex eadem disciplina ad omnem uirtutis excellentiam instructi. Ex quibus uideo à te plurimum Sadolete diligi, maximoq; opere probari eum, qui mihi quoq; & omnibus mirifice probatus est, Ioannem Bellaium Episcopum Baionæ, cuius præstantissimum ingenium, & uirtus, & fidelitas apud regem magno iam in honore est: estq; illi aditus ad omnem amplissimam dignitatem merito patefactus. Sed ut de hominibus loqui omittamus, ueniamus ad ea, quæ ab isto dicta sunt. Duo enim uideo Langee à te fuisse posita, unum quod cultum hunc omnipotentis Dei, & obseruantiam sanctæ religionis non in spiritu tantum, & ueritate, quemadmodum semper uelle uidetur Paulus: sed in externis quoq; ritibus, & cerimonijs recte adhiberi putas, in quo ego tibi nimirum assensum, istaq; signa, & indicia Christianæ pietatis, quæ ab interlina ueritate egressa oculos, & sensus hominum foris impellunt, in communem Ecclesiæ morem inducta uehementissime probo, audaciamq; & temeritatem horum hæreticorum coarguo, qui ista percurbare, confundereq; sunt conati. Alterum illud tuum est, quod cum Paulus neminem sinat in suscipiendo aliquid, aut in pollicendo plus de se profiteri, quàm præstare sit idoneus, uelutq; ut unusquisq; à conscientie suæ lege, atq; fide ne tantus lum quidem discedat, tu simulationem, & dissimulationem in uita non modo commodam, atq; sanctam, uerum etiam necessariam esse affirmasti, quippe sine qua (sic enim es locutus) nec geri, aut administrari unquam recte, nec ad optimos exitus perducere possit: quod uideri cuipiam fortasse possit Pauli esse uerbis, sententiæq; contrarium, quamquam de isto possit uideri. Nunc de externis cultibus, cerimonijsq; dicamus ea, quæ ad rem putamus pertinere. Non enim nescij sumus ubique ferè locorum Paulum ita conuellere, clidereq; cerimonias, ut nullam omnino partem in pietate colendâ, nullum eis locum relinquere uideatur. Nam & Moyse legem semper infringit, & eleuat, quæ tota ferme est in cultibus, & ritibus cerimoniarum occupata, & totos illos mores sacrorum, holocausta uictimarum, ornatus templorum, & facerdotum, cætera quoque in lege sancta, atque præscripta, cuncta propemodum reijcit, quæ quidem sunt hominum sensibus, aspectibusq; exposita, cuiusmodi circumsisio est, & sabbatorum obseruatio, & ciborum, dierumq; distinctio. Atque ita reijcit, ut in uno illo cultu, & conuersu ad summum Deum, quo se effectori tantum suo applicat interior, & rationalis homo, omnem sitam esse ostendat ueram aduersus Deum religionem, atque fidem. Non ignoro, inquam, ista, Paulumq; uelut fortem athletam maxime contra legem decertasse intelligo, ut illius autoritate delecta, alibi quàm in templo, & legis cerimonijs, Dei colens & metuens homo, suam esse salutem locatam intelligeret. Sed nos hanc rationem sic exponamus, ac primum illud dicamus, quod & maxime uerum est, & imprimis necessarium, totum hunc cultum omnipotentis Dei, totam pietatis uiam, ac religionis, per quam homo cum Deo reuera coniunctus est, &

est, & illius numini, ac maiestati deditus, in mente, & spiritu, & in ipsa intestina uoluntate consistere. Et enim si hæc ipsa sola satis est, quæ nos cum Deo copulet, atque coniungat, cætera autem, quæ extrâ sunt, si ab hac mente, & uoluntate deferantur, nihil omnino sunt omnia, neque quicquam, quod ullius sit momenti afferunt ad promerendam gratiam, & misericordiam summæ Dei. Quis dubitet, quorum unum idoneum per se est ad agendum aliquid, & conficiendum, alterum uero sine illo ad eandem rem præstandam nullam uim habet, quin eius, quod oportet agi tota uis, & potestas posita in eo sit, quod solum per se ad id efficiendum est accommodum? Nec uero Paulus solum, in hoc spiritu semper, & in hac ueritate mentis insistit. Sed & Samaritanæ mulieri Dominus diligenter percunctanti, utro potius in loco adorare Deum conueniret, in monte ne eo, in quo præci adorauerant patres, an in templo Hierosolymis, respondit neutroibi amplius Deum adorari oportere, sed uenturos adoratores, qui adoraturi eum essent in spiritu, & ueritate. Quo responso plane ostendit sibi non esse cordi locorum religiones, neque rituum ceremonias: sed mentis, cordisque affectum qui mentiri sibi ipse, & simulando suscipi non potest, ab se præcipue queri. Cui ergo rei, dixerit quispiam, ceremoniæ istæ sunt, gradusque ordinum, & cœtus templorum, & genuum flexiones, & symphonizæ in templis, & thuribula, aut quem pietatis fructum afferunt, si sunt à Domino, & à præcone Domini Paulo repudiata, atque abiecta? hoc enim esse arbitror, quod turbatores Ecclesiæ induxit in fraudem, uel potius fraudi illorum, & temeritati animum præbuit, quam nacti ipsi, sibi uisi sunt, non tam ceremonias (has enim haud ita grauiter oderunt) quam Ecclesiam catholicam, cui sunt inimicissimi, ornatam ceremonijs, & sese in illis insigniorem exhibentem posuisse euertere, ad nihilumque redigere. Quibus nos dicamus: Quod cum mens & ratio in hoc nobiscum corpore simul conclusa sit, atque ita diuino numine copulata, ut quoad Deus idem, qui nos effecit, & condidit, hanc ipsamet animæ, corporis que functionem diremerit, uinculumque mortalis uitæ dissoluerit, debeat ea inætre totam hominis molem regere, & sustinere, illamque secum, in quam ipsa cunque partem se uerterit, trahere, atque conuertere, nequaquam esse abhorrens, neque alienas piæ, ac religiosæ menti habendas ceremonias, quibus dominam suam rationem corpus tendentem ad Deum, & ad illum propius applicare se cupientem, suis & ipsum motionibus, suis compositionibus, & figuris, suo habitu, gestu subsequi conetur, quippe quod capiti, & duci suo obsecundans ad imperium illius præsto sit, paratumque se exhibeat. Quod si mens nuda esset ipsa in sese, & nullo membrorum inuolucro irretita, aut etiam si iuncta, & implicata cum corpore, sola tamen agere per se, & sine corporis adminiculo moueri, ac niti ad summum Deum posset: essent fortassis externæ corporis gestiones ad colendum, & uenerandum Deum minus necessariæ. Cum uero illis imaginibus rerum corporearum, quæ per uarios sensus in anima imptellæ corpoream semper menti, & cogitationi nostræ suggerunt naturam, ratio ipsa ita nitatur, ut quàm diu in hac uita sit, his tanquam fundamentis, & gradibus sublata, sic demum scandere in cælum, & se constituere in summo bono possit uideatur: cumque illæ ipsæ imagines, quæ menti Deum contemplanti subseruiunt, eadem sint corporis, & membrorum dominæ ad ducendum illud, atque faciendum in quam uisum fuerit partem, quis est tam auersus à uero, qui has in corpore, & motu corporis ceremonias, mentis iudicio, & uoluntati parentes, illiusque ueritatem, & sinceritatem consequentes, alienas esse à pietate audeat dicere? cum præsertim eadem ueritas, quæ animum, & uoluntatem erga Deum commouit, corpus uero cum uoluntate, eodem motu impellat, unamque ac inter se connexam secum trahat feriem, & mentis Deo se summittentis, & corporis mentem tanquam dominam sequentis. Quod si in omnibus planè agendis, tractandis, considerandis que rebus, corporis consensu, & ministerio animus utitur, num in adorando, & uenerando Deo illius tantum reiiciet societatem, consensumque nihil duceat? & hac una in re agenda duntaxat ab illo se segregabit? Qui est ab Deo Dominus ipse corporis est creatus, corpus tamen ab eodem auctore factum, atque compactum, socium secum eiusdem humilitatis, & erga Deum obseruantiz nec debet repudiare, lute itaque nos, neque id

natura solum, sed cōsilio etiam per bono ita motum mentis, motionibus corporis affectu-
 quimur, ut siue animus peccati, & culpæ conscius prostrat se, atque abijciat coram
 Deo, corpus eundem gestum, eundemq; actum subeat, atq; conficiat, siue agendis pro
 accepto beneficio gratijs mentem ad Deum, cogitationemq; tollamus, eandem ad
 Deum sublationem uultus, oculi, manusq; sequitur: siue quid quoquo modo studeat
 animus, atq; decernat repente, tanquam in speculo, sic in corporis motu, illud intesti-
 num animi cōsiliū, uoluntasq; cernatur. Iam illæ pectorum percussiones, capitum
 inclinationes, genuum inflexiones, quæ passim in communi Ecclesia adhibentur, imi-
 tationes sunt, & simulacra animi uarios in se affectus erga Deum suscipientis, quæ si
 falso, & per simulationem usurparentur, essentq; ementita, atq; ficta, maximum nimi-
 rum hoc erimen, & nefaria improbitas conscelerata mentis existeret. Sed si ita habet
 se intus res, si est uoluntas conuersa rite ad Deum, si animus, si mens, si ratio in ipso
 Deo uere collocata est, cur repellamus corpus à pietatis huius, atq; aduersus Deum
 uenerationis consortio, quod præsertim huic rei factum, natumq; est, ut præceptioni-
 bus animi, & imperijs, eius opera, & ministratio semper parata sit. An cum & ipsum
 in partem gloriæ, & immortalitatis uenturum aliquando apud Deum sit, non in hac
 uita cupiditatem quoq; eius rei suam aliquibus signis præferet: Non gratias agere
 conditori suo: non illum colet, quibus poterit modis, ac uenerabitur: Non est protes-
 tio ne corporis quidem ipsius humilitas, ac reuerentia Deo ipsi ingrata, qui se ita colit,
 atq; appeti ab omnibus creatis rebus uult, quantum est in unaquaq; re naturæ ad id
 faciendum, & facultatis, in quo tamen genere corpus præsertim humanum naturis
 cæteris antecellit, ut quod etiam si ipsum ratio non sit, domestica tamen ratione, atq;
 mēte regatur, ac moueatur. Itaq; ipsum iure spiritus sancti templum appellat Paulus,
 idemq; cum assiduas preces, obsecrationesq; exigit ut omni tempore fundamus ad
 summum Deum, non ne mētem in illis precibus e suis peneralibus sedibus egressam
 in uocem, & in labia iubet progredi: corporisq; sibi usum, & ministerium aduocare.
 Nam quod detecto capite uiros, uelata coma mulieres in Ecclesia uult esse, non non
 ad externas iam id pertinet cerimonias: leuium uero, & decimarum Deo dicatis,
 percussioq; pectoris, necnon deiectus oculorum in terram, orisq; demissio, quæ sunt
 cuncta in publicano illo ueniam sibi à Deo deprecante per Dominum IESVM
 CHRISTVM exposita, & comprobata, non ne in corpore propè necessario suscipi: tum quia
 cum Deo rationes suas pie conferentis: Quanquam quid ego singula colligo potius,
 quàm illud uniuersum proloquor, cultum & uenerationem summi Dei cum in ani-
 ma, & in corde uere susceptus sit, etiam in corpore propè necessario suscipi: tum quia
 corpus animam, tanquam imago semper sequitur, tum quoniam æquum, rectumq;
 est, ut tota nostra creatio, quæ ab Deo simul effecta, compactaq; est, simul etiam au-
 thori suo & cōditori agat gratias, cum præsertim, si ueritas ea, quæ animum in Deum
 commouit, eadem & corpus ad affectus animi imitandos moueat, non queat extra-
 neum, neque alienum dici, quod ductum ab animo, & eadem cum illo ueritate confusa
 tum in unam, atque eandem conuenit operationem. Sed de his corporis gestibus, &
 cerimonijs, quæ sunt animi motibus, & uoluntatibus adiunctiones, non tam acris for-
 tasse apud litigiosos homines quæstio sit, etsi hæretici prorsus eas omnes repudiassent
 uisi sunt, cultumq; & studium omnipotentis Dei, in una tantum fidei professione pos-
 uisse: Veruntamen non tam forte illi in his obijciendis insistant. Illæ sunt ab illis in
 contemptum, atq; irrisum cerimoniarum præcipue uocata, quæ longius etiam à cor-
 pore progredientes, in sacramentis ecclesiasticis, in ordinum distributionibus, in ap-
 paratu, in tempore, in cultu, & ornatu corporum, denique in toto illo ordine, quid, à
 quo, quo tempore, quo uel pacto suscipi, agi, tractariq; conueniat, posita, & constituta
 sunt. De quibus si uelim singula enucleate persequi, dies me deficiat. Nam & ho-
 norum gradus omnes hi susculerunt, ut non parem solum sacerdotem Episcopo, sed
 Christianum hominem quemlibet sacerdoti esse constituerint. Ex quo omnis illis nō
 modo distinctio ordinum, sed ratio etiam, religioq; consecrandi, per quam uarijs mo-
 dis, & ritibus ipsi ordines discernuntur, habentq; diuisas inter se, & separatas potesta-
 tes, penitus repudiata est, & id, quod maxime nuntur, & quod præcipue anhelant,
 regale

regale summi pontificatus sacerdotium ex catholica Ecclesia conati sunt auferre, quamente, & quo consilio, satis ipsi de se indicant, qui leuibus quibusdam argumentis, & rationibus innixi, cum graues aliorum, & solidas rationes audire non perferant, ea temeritate, uelaniaque feruntur, ut ingerendis contumelijs, clamoreque profundendo maleuolentiam maxime expromant suam. Nihil enim, neque euidentius est à Christo IESU Domino nostro, nec populus fidelibus salutaris constitutum, quam ut unus dux, & unum caput communis Ecclesiae sit. Quod, si publici commodi ratio est ducenda, ceteros omnes in fide una, & ueritate, & bono ordine contineat, cum id quidem alta ratione non modo recte fieri, sed omnino fieri nec possit. Si uero uis altioris mysterij attendenda est, quemadmodum corpus reliquum militantis in hoc seculo, & quasi peregrinantis Ecclesiae ad illius, quae in coelesti patria triumphat, imitationem, atque formam distinctum, ornatumque est, quod legitur Moyse Deum praecipisse, ut tabernaculum, omnemque ornatum tabernaculi & apparatus, ad exemplum formae illius efficeret, quae fuerat illi in monte demonstrata; quemadmodum, inquam, haec quae in terris est Ecclesia, coelestem illam Ecclesiam imagine, & simulacro in ceteris partibus refert, sic in hac caput aliquod, quod illius capiti respondeat, necessarium est dandum. Non enim aliter integra, neque absoluta sit similitudo. Vt uero aut corpus hoc ueluti truncum sine capite, aut illud in caelo caput duorum corporum idem, atque unum esse possit: utrumque horum non solum incongruum, abhorrensque est, sed monstri etiam simile. Nihil autem conuenit esse diuina in rebus constituendis, atque ornandis uirtute, bonitate, prouidentiaque perfectius. Nam quod idem, qui caput est Ecclesiae coelestis CHRISTUS, terrenae etiam huius coniunctum, atque haerens esse possit, unaque, & eadem opera, & triumphator simul, & miles, & in uia, & in patria esse intelligatur, ne concipi quidem cogitatione ulla potest. Sed nos sigillatim ista non excutimus, de uniuerso genere ceremoniarum huiusmodi loquimur, quae etiam si ab animo sunt remotiores, & à corpore quoque dissociatae, ut iam alienae, atque extraneae iure uocari posse uideantur, nec ullam praefereant illustrem, & perspicuam ad Deum se adiungendi, & illius numini rite delatandi necessitatem: tamen in illa semper ratione, & sententia positae fuerunt, ut per eas rudiorum hominum, & sensu magis, quam ratione se mouentium mentes in animaduersionem summi Dei, & ad studium colendae pietatis adducerentur. Ita duplex ordo rituum, ac ceremoniarum inductus est. Sunt enim quae à ueritate mentis profectae ceremoniae in corpore ipso continuo, & in his, quae iuncta sunt corpori suscipiuntur, quas nos semper pias, semper sanctas, & salutare esse dicimus. Quod genus preces, Deique inuocationes sunt, & sublationes, deiectionesque uultuum, & oculorum, & capitis, corporis, genuum flexiones, in quibus summum bonum est ueritas, summum scelus, simulatio. Sunt item e contrario, quae non magis à ueritate profisciscuntur, quam aspirant, & contendunt ipsae ad ueritatem, cuiusmodi istae iam exiliunt exteriores, quae in templis, ornatibusque templorum in uarietate ordinum, in ritu quorundam sacrorum, in cantibus, in uestibus, in festorum dierum celebrationibus sitae sunt, quarum omnis tractatio, & actio ad doctrinam, & eruditionem populi sumpta, atque instituta est. Sunt enim plerique homines profecto, atque utinam non maxima multo hominum pars, qui cum suis cogitationibus excitari, atque adduci ad Deum agnoscendum, & ad illius eximiam benignitatem erga nos intelligendam, gratiasque illi pro facultate agendas non queant, his externis rebus, atque exemplis, quae in oculos incurrunt, quae sensibus offeruntur, pulsari saepius, & admoniti, curam, & meditationem aliquam suscipiant Christiano homine dignam. Quorum in animos, intimasque mentes haec simulacra si desuper pietatis, tanquam à foribus sensuum infarcienda sunt, ut possit deinde in illis uera aliquando fides, & pietas aduersus Deum sedem sibi, & locum domicilii constituere. Haec si me quispiam, num ad salutem sint necessaria interroget, distinguam, & respondebo, aut de homine eo agi, qui suo ipse iudicio Dei uenerationi sit deditus, & hunc hominem fatebor, etiam si nunquam in celebritate uixit, etiam si nihil horum unquam fuerit conspicuus, in quantum uis deserta regione, in solo loco, amabile Deo, & gratum effici possit. Aut si de populo mentio habeatur, & de eo genere hominum, quod sane plurimum, & frequentissimum est, quod affectionibus animi magis regitur,

quàm consilijs, habetq; sibi non quomodo recte Deum colat, sed quemadmodum licenter, & suo arbitratu uiuat præcipue propositum: huic ego hominum generi, instabo & contendam nõ solum utiliã, sed necessaria etiam huiusmodi esse cerimoniarum documenta, quæ per auditum, & uisum animos spectatium commoueat, ut Dei esse uelint studioli, ac colentes, quod uel in primis forma, & simulacra diuorum ex more, aut ex ære ducta, aut in tabulis, parietibusq; depicta facere intelliguntur, in quæ impij homines eo intemperantius, furiosiusq; debacchati sunt, cum ea e templis, atq; delubris, e locis sacris, prophanisq; omnibus eijcerent, & abolerent, quo per illa acrius admonebantur, ut continentia, & innocentia, necnon omnis patientia & sobrietatis uellent esse memores. Sancte igitur & sapienter hæc omnia à communi Ecclesia indita, obseruataq; esse dico. Siquidem Christianæ proprium est pietatis nõ quenquam uelle sibi soli regnum Dei quærere, sed cupere reliquos omnes eiusdem secum boni esse participes. Hæreticosq; qui illa perturbare, & uiolare ausi sunt, non modo reprehensione, uerum etiam poena dignos iudico, qui præsertim quotidianum quoq; rei diuinæ sacrificium commutauerunt, sublati ex illo solenni ritu partibus quibuscq; alijsq; inductis, in quo mirari satis non queo, quidnam ab illis fuerit spectatum. Cerimonias despexerunt: Cur alium ipsi ritum, & modum alium cerimonijs statuere? An improbarunt, quæ à Romanis Pontificibus statuta, & à fidelij certu adscita antè fuerant: quæ illa tanta fuit audacia? quæ temeritas? Quis illis hoc dedit negocij? quis potestatem, & auctoritatem tribuit? Non ne patet, perspicuumq; est consilia eiusmodi non ab Deo, neq; ab amore Dei, sed à libidine esse, & ab arrogancia profecta? Quod si passim licitum fuerit ad suum cuique arbitrium confundere omnia, & permiscere, non ne ordine sublato, & antiquatis, ac conculcatis legibus omnibus, non in societate, & conuentu hominum, sed inter feras degere satius multo fuerit? Nam quod sacramenta Ecclesiæ unicuiq; conficere liberum esse uoluerunt, non ne sustulerunt omnes gradus? Confuderunt omnes ordines? Cur ergo non omnibus omnia conficere erit licitum? quod si fiat, ubi dispersita sunt dona spiritus sancti? Vbi erit oculus in corpore, si totum sit manus? aut ubi caput, si totu eiusdè modi corpus? Veru nos ab istorum iam abeamus reprehensione, quos nec ratio unquam ulla edocuit, nec castigatio fecit meliores, ad has de quibus sermo nobis est, cerimonias reuertamur. Quarum maxima semper fuit apud Iudæos, & instituendarum accuratio, & obseruatio institutarum. De illis loquor, quæ ad Deum agnoscendum, meliusq; colendum, tanquam ad finem referuntur, atq; ab externis sensibus in animum ingressæ, Dei in illo curas, & cogitationes aliquas excitant. Hæ enim sine dubio acceptæ, adscitæq; ab Iudæis in Ecclesiam nostram translatae sunt, eadem apud illos monstrante Deo inuentæ, atq; præceptæ, quæ si haberentur inutiles, nequaquam illæ profectio tanti auctoritate doctoris, quantus Deus est, ad constringendos hominum religionem animos cõprobata fuissent. Itaq; & in sacris literis spiritus sanctus per Dauidem quibus laudare iubet, neq; eum in ipso duntaxat, & in diuinis uirtutibus eius, rebusq; omnibus ab eodem creatis: sed & in sono tubæ laudate eum, inquit, & in psalterio, ac cithara, & in tympano ac choro, in fidibus, & tibijs, in cymbalis lætitiæ, atq; ad extremum, Omnis spiritus laudato dominum, inquit. At enim quid ita eas cõtoperere? refellit Paulus, omnibusq; modis illarum usum, obseruantiamq; insectatur, atq; redarguit? Videnda est nobis Apostoli mens, & consilium certè hominis ratione altius. Ac cum illud qui dem dici potest, quod sæpenumero & à multis est dictum, idcirco argui à Paulo cerimonias, quod homines ueritatis & Dei rite colendi penitus ignari non in spirituali illa, intestinatq; adoratione, sed in his, quæ extrà posita sunt, sacrificijs, mundicijs, purgationibus, totum illius cultum & pietatem ueram positam esse arbitrabantur: quos ille ab errore retrahere cum cuperet, contrariam ipsè uiam & rationem est ingressus, ut penitus despiceret, abijceretq; cerimonias, & religionis, ac fidei erga Deum ueritatem in una ipsa mente, ac uoluntate cõstitueret. Et re uera in quibus est hic error, ut placere, & conciliare sibi Deum his externis rebus, & ritibus arbitrentur, non est in his huiusmodi religio magistra pietatis, sed incitamentu potius criminis. Licere enim sibi isti putant impune circumuenire proximum, & spoliare hospitem, & suis prauis cupidi

cupiditatibus indulgere, qui iram Dei forte aliqua re contra se concitavit non more cordis, neque pernitentia repudiationeque peccati, sed parvulo sumptu uiciumque, aut asperione cineris confidunt se redempturos, quales e numero nostrorum nonnulli etiam sunt, qui postea quānotos omnes atque uicinos fœnore expilauerunt, remque undecumque quacumque ratione coceruarunt, si heredem demum iussit in sacellum aliquod inardescere, statasque in eo preces et sacrificia Deo constituere, purgatos se, & mundos ex hac discedere uita arbitrantur. Hac ergo quidem etiam de causa ritus legis, & ceremonias aspernabatur Paulus: sed erat ratio alia subtilior, eademque magis efficax, quā obrem hoc illi faciendum necessario esset. Etenim si illarum ludæorum ceremoniarum ex eo erant genere, quod non ab intestina mentis manaret ueritate, sed ipsam menti ueritatem potius insinuat, fuerantque illi genti præcipue ob eam rem data, atque præcepta, ut populus ille suapte natura durior, & terreno sensu præditus, fingeretur paulatim tanquam manu, atque illis figuris, significationibusque erudiretur, quod aduentante postea Dei filio, & perspicuam omnibus salutem, ac pietatem ueram erga Deum asserente, intelligeretur statim diuinum consilium, atque admitteretur. Si quidem finis legis Christus, & ritus illi, obseruantiarumque ludæorum tanquam imagines erant futuræ ueritatis, gens peruersa, & contumax illis ceremonijs imbuta, & alluefacta, ubi à simulacris transeundum ad ueritatem, & in finis ipso cōquiescendum fuit, renuit eō transducere, quō toto illo cursu suorum temporum, apparatusque ceremoniarum cōtendisse uidebatur. Igitur Paulus cupientissimus illorum salutis, & prauam ignorantiam generis sui egregerens, omni ope infringit, labefactatque ceremonias. Quippe quas intueri non adiuumento illis ad animaduertendam ueritatem, sed ad eandem ueritatē & cognoscendam, & accipiendam maximo potius impedimento esse, quando illi quidē sapiens Dei, & salutare in ipsis erudiendis consilium sua stultitia, pertinaciaque peruerteret. Hac Paulo causa, & ratio inimicitiarum aduersus legis ceremonias fuit, cū eas niteretur infringere, atque deieceret, quæ aditū Christo & fidei Christi intercludebant. Quam etiā amentiam ludæorum, & cæcitate illi cōfirmabant, qui pseudo apostoli fidem Christi prædicantes eā aiebant cum ceremonijs legis iungi oportere, quos cōtra ubique quidē acriter, sed in epistola ad Galatas præcipue inuehitur Paulus: ostendens si circūcilio, & legis opera admittantur, inanem ad salutem fore Christum. Et sane ita est, ut si uia aliqua inita sit, qua perueniatur in oppidū, & cū ad moenia, portamque accesseris, retro rursus te referas, quod in itinere faciundo, nō in eo, quod accedebas oppido finem te uis adepturū, ad quem cōtendebas, existimes, stultus nimirū sis, & aut monitione, si levis, aut conuiitio etiā, si pertinax, redarguendus: sic qui ceremonijs tanquam itineribus ad Christum ducebantur, cum iam uenissent ad ultimum, Christumque in manibus haberent, repente auersi & ad eandem se ceremonias referentes grauiter a Paulo fuerunt oburgandi, illarumque eleuandæ, & despiciendæ ceremoniarum, quæ se ludæis duces ad ueritatem professæ maiore illos in errore constituiebant. **ΗΙΣ ΤΑΥΤΟΙΣ** uere, inquam, hoc Triuiti abs te dictum est, tibi quæ ego uehementer assentior, legis ceremonias ex genere eo fuisse, quod cū teneret ad ueritatem, inuenta mox ueritate inane factū sit. Etenim illarum eiusmodi ceremoniarum nō ad Deum primo, neque potissimum, sed ad Christum cōtendebant, ut cū in illo se terminassent, cōsumptæque essent, tum ueriores deinde in eo, & sanctiores ad Deum se conuerterent. Nostræ uero ex eo sunt genere, quod nō flexu aliquo, sed curriculo recte ad Deum nos deducat, siqui hac tamen deductione indigeant, quæ certe pars multo maxima est. Quapropter de illis sic statuō, de eis loquor ceremonijs, quæ ad inueniendam tantummodo pietatem in rudes animos à cōmuni ecclesia constitutæ sunt, cuiusmodi uarietas symphoniarum est, & cantus in templis altior, & diuinitas, ornatusque sanctorum, & sacerdotum, has ob eam rem potissimum inuentas, ut quæ rationatione sua mens ad intelligendum Deum, pieque eum colendum minus adducitur, eadē hinc rebus, ac sensationibus ueluti manibus pulsata, & admonita, ad benignitatē summam Dei, suarumque ex illo animaduertendam sperandamque salutē fiat aptior: quæ certe cum edocta est, amplius harum rerū non egeret, si nō maximā semper multitudinē his rebus doceri, erudiri esset necesse: quancūque ne illud quidē nō proficere eruditus, ut quibus adinueniendis in sanctas cogitationes sublati sunt, per eadē subsidia, & ueluti firmamētā in illis cōtineantur

neantur. Quod igitur unusquisque in optima mente erga Deum uel ponendus est, uel retinendus, iure usum huiusmodi ceremoniarum & semper coluit, & nunc diligenter tuetur ecclesia. Equidem recordor haud ita multis annis cum duo doctissimi, & sapientissimi uiri Thomas Caletanus, & Egidius Viterbiensis tecum unâ in senatû, & in istum amplissimum Cardinalium ordinem cooptati essent, suamque pristinâ dignitatem, quam quemadmodum tute scis, laudibus doctrinæ, & integritatis insignè obtinebant, hoc etiam honore illustriorem fecissent, me ad eos gratulatû tunc accessisse, sermonemque inter nos protinus inductum fuisse, quid purpura ista, & amictus, & comitum stipatio ad ius, & ad causam religionis ualeret: in quo uidebam illos consensisse, hæc ipsa ornamenta status, & dignitatis, siquis illos tantum speciet, quibus commissa sunt, inania ad pietatis fructum existeret: si uero multitudinis, & eorum, qui ut in officio contineantur, superiorum indigent cura, ratio ducenda sit, ad communem religionem conseruandam uehementer esse utilia. Quam ego illorum sententiâ, & quæ præterea de communi genere ceremoniarum, ac de illis Iudaicis quoque ritibus ab illis dicta sunt, ualde tum me probare memini. Etenim cum tales ambo sint, ut etiam si ratio nem nullam sui dicti redderet, autoritate tamen quemuis commouere possent, tum his urebantur rationibus, & argumentis, quæ abs te modo Triulti expolita planè ad probandum ualida esse & firma intelligo. Illud abs te præterea subtilius cognoui dictum, quod non iudicio solum, sed stomacho etiâ quodam sancto, atque iusto adductus Paulus grauius contra legis ceremonias inuectus esset, quod illarum cultus, & obferuantias apud obliuatos Iudæorum animos intelligentiæ fidei, & communi gentium salutis non parum intelligeret obstare. ATQVI, INQVIT ILLE, si hæc uera sunt, uti certe sunt, aliquideque suscipi rectè licet, quod in seipso minus syncerum, atque uerum, cæteris tamen ad ueram, & sanctam conducat utilitatē: soluta iam altera Lanægei questio est, qua ille simulationem, & dissimulationem in uita tanquam necessariâ ad plurimas res gerendas esse admittendâ existimat, quod tamē Paulo uideatur esse contrarium. Sappere enim unumquemque tantum, quantum solum oportet, nec plus se seipere curationis, aut negotij, quàm quod probare fidei, & conscientię suæ possit, quæ quidem ipsa conscientia ex Deo etiam, non ex animi sui studio cuique sit dimetienda. Ad id ego præcipue existimo pertinere, ut non aliorum utilitatē, quæ simulatio faciat, & dissimulando a rectoribus probis, & prudētibus curanda est, sed propriam cuiusque audientiam gloriæ, & ambitionem sese ostentandi, atque ingerendi hoc Pauli præcepto putem esse repressam, quandoquidem hoc ambitiosæ cupiditatis genere nihil Christianæ humilitati, & inter fratres concordie, ac consensionis possit esse infestius. Nam quæ ad commodum, & fructum aliorum suscipitur simulatio, siue ea ad inducendum hominum mentes in studium sanctæ, & rectæ religionis, siue ad eisdem ab aliis quo crimine, & uitio deducendum suscepta sit, siue eadem ob rem illam, causamque sit matur, ut occultatis proprijs cuique, & peculiaribus peccatis, malo exemplo cæteri ad peccandum ne prouocentur, siue quoquo modo quis simulat, ut simulatione ea reliqui meliores, prudentioresque efficiantur: nihil autem ex ea simulatione ad illi ipsum qui simulat, aduentitiæ gloriæ, utilitatisque referatur, sed sit totum illud cõsiliū simulandi, aut dissimulandi ad æquum, ad bonum, ad commodum cæterorum, ad laudem, gloriamque Dei intentum, atque susceptum, nunquam ego simulationem eiusmodi, aut ab Apostolo interdictam, aut Deo, & conscientie aduersariam cõsitere, quippe quæ uideo planè non participare esse uanitatis, sed ministram potius, & comitem ueritatis. Et si enim in progrediendo ea, & in agendo contrahat forsitan aliquid extrinsecus suæ appaurationis, quo perstringat animos intuentium, eosque habere possit in potestate: tamen cum ab optimo profecta animo, ad optimū item, & cæteris salutarem cõtendat finem, quæ in extremo & primo proba est, ne in medijs quidem degenerare est existimanda. Nec uero quicquam foras egredi falsum ex animo, aut reprehendendū potest, quod suapte natura sanctū sit. Sed nihil sanctius est, nihil in omni genere Christianæ uirtutis præstabilius, quàm procuratio alienæ salutis. Ea enim charitas est, & cum Deo maxima necessitudinis, bonitatisque cognatio. Quæ ergo ad hæc aliorum curam amanter prouidende gerendam suscepta interdum simulatio est, non illa ex mercedario

dacio ducta, sed ex ueritate orta esse intelligatur. Non igitur semper malum est simulare, sed tunc simulare malum est, & peliiferum, & fugiendum, cum ipsa simulatio nequaquam alienum, sed suum commodum respicit, quod est ferre cum alterius damno, iniuriæque coniunctum. Itaq; & dominus Iesus natura hominis assumpta, diuinitatis uim nonnunquam dissimulauit: & Petrus cum se à gentium conuictu abduxit, ut ne ex Iudæa hospites in ipso quid ostenderentur: Paulus quoq; nosse cum Timotheum iussit circumcidi, ipseq; ante templi ingressionem legitimis illis purgationibus se exposauit, simulauerit omnes isti profectio, aliudq; in uultu, & opere promptum habuerunt, quàm in animo gererent, & in cōscientia: sed simularunt in alienum, non in suū commodum. Idcircoq; neq; illorum simulationi repugnauit ueritas, & consilium iuuuandi, ac confirmandi ceteros approbatio in illis conscientie est consecrata. Quod enim agere insituerant, ut ne turbarent ceteros, in eo simulare, aut dissimulare aliud quid nequaquam ab Deo alienum esse duxerunt. Quare tibi assentior Langee simulationem inter dum, & dissimulationem in uita recte suscipi posse. Illud quod differtioris operæ, & maioris laboris esset, diiudicare, utra sit Deo gratio, & ad hominis felicitatem accommodatio uitæ, pacata ne, & Deo in solitudine, ac silentio seruens: an quæ in negocijs occupata est, & districta; non huius ea de re agere statuo esse temporis. Est enim maximis causa ista implicita difficultatibus, multosq; habet ex utraque parte patronos, quorum nunc controuersias disceptare longum esset. Nam quod tu factum domini in præponendo ceteris apostolis Petro tecum facere arbitraris, alius tibi dictum domini eiusdem, & tanquam decretum facile opponeret, quo is Marthæ de Maria fore re conuicti, quod se in cura, & labore apparandi hospitij illa defessisset, tantumq; in audiendo domino esset occupata, respondit sororem eius Mariā optimam elegisse sibi partem, quæ illi nunquam adimenda esset. Sed, ut dixi, non intrao altius, neq; hunc diem Paulo destinatum in aliud genus disputationis conuertam, hocq; libetius sermonem hunc relinquam, quod spero hunc eum ipsum (sic autē loquebatur me intuens) aliquando tempus, ociumq; capturum, quo nobis separatim de ista ipsa re quid sentiat ipse, uel disputando, uel in scriptis tradat, atq; demonstret. Quamobrem nunc quidem Sadolet reuertitor ad Paulum, & quæ iam dudum exorsus es, ea nobis porro perextulit. **E G O V E R O**, inquam, ita faciam, ac lubens. Vestræ enim istis sermonibus tanquam bono cibo, ac bene cōdito recreatus, ad omnem nunc laborem exurgam paratior. Ac primum uobis illud proponam, Paulum tantq; dispensatorem bonum, & corpus totum ecclesie concors, atq; unū retinere cupientē, suppediāntem partibus singulis, quæ cuiq; congrua sunt, primo fecisse uerba de his, qui in societate fratru, & in æqualium coetu pares inter se sunt, quorū nemo quidē debet plus q̄ ab alijs cōcessum sibi sit, aut in curatione, aut in cōsilio dando uelle sibi appetere, ne aut curiosus & molestus, aut etiam sectator inanis gloriæ esse uideatur: nunc uerò etiā de ijs, qui inferiores sunt, quo pacto gerere se debeant erga maiores, & robustiores, necnon quemadmodum maiores, & potentiores ipsi imbecillioribus se dedant, idonea præcepta tradere. Nunc lege tu, quod sequitur.

Omnis anima potestatibus excellentibus subiecta esto. Non enim est potestas nisi à Deo. Quæ autem sunt potestates, à Deo ordinatæ sunt. Quare oppositis potestati, Dei ordinationi obstitit. Qui autem obstitit, sibi ipsis iudicium capiunt. Principes etenim non sunt terror bonorū operum, sed malorum. Vis non formidare potestatem? bonum fac, & habebis laudem ex illa, Dei enim minister est tibi in bonum. Si uero malum facias, formida. Non enim frustra gladium portat. Dei enim minister est uindex in iram malum agentū. Ideo necesse subijci, nō solum propter iram: sed & propter conscientiam. Propter hoc enim & uectigalia penditis. Ministri enim Dei sunt in hoc ipsum insistentes.

O M N E M à Deo ordinatam, & constitutam potestatem uita ipsa demonstrat, quæ

B b finon

si non ordinibus his, & gradibus distincta esset, ut subessent alij, alij uero praeessent, nec legi usquā, nec bono mori esset locus, omniāq; cōfusa, & perturbata fluitaret. Porro omnis ordo, & omnis bona ratio à Deo est. Sunt igitur à Deo principatus, & potestates. Atq; hic de ipsis potestatibus, non de principibus est sermo. Omnis enim sancta, & cōmoda potestas est, non omnis princeps cōmodus. Nam multi quidē ad principatū per scelus, nefasq; perueniunt, & in eo, quod male sunt adepti, flagitiosius etiā uersantur. Quid ergo? Num malo principi subiecti esse debemus? Debemus nimirū, ut feramus pariter illius insolentiam, non autem ut alacriter parere illi debeamus. Est enim princeps improbus est, tamē sancta est potestas. Ex quo quis nouos hosce haereticos non coarguendos esse intelligat, qui hoc caput Pauli cum optime nossent, cum ceteras quidem humanas potestates, tum uero illam, quae praeipue ex Deo est, pontificatus summi autoritatem infringere sunt conati? Si enim potestas omnis à Deo est, cur nō ista sit, quae ab illo nominatim Petro fuit cōmissa? Aut igitur negent Petro quicquam peculiariter à Deo fuisse commendatum, & traditum; aut si inficiari hoc non possunt, pontificatum summum fateantur potestatem esse institutam à Deo. At enim siquid Deus Petro commisit, ipsi uni commisit: successorem autē eiusmodi commissionis ad posteros nullam uoluit dimanare. Quae ergo ista est potestas, quae in uno homine, & coepta, & terminata est: aut quam huiuscemodi potestatem, hominē cognoscit uita? Saulam regem primum post iudices in Israhel creauit Deus, neq; mentionem successoris fecit, nunquid unus homo rex dūtaxat nominatus est? an regnū genti illi constitutum, & factum, in quo qui successerunt, eandem quam Saul potestatem omnes sunt adepti? Quod si quis regno male, aut potestatu usus sit, omnino Christianae fuit pietatis pati, atq; perferre, aliorumq; malitiam, ut suae uirtutis exercitatio nem accipere. Sed tamen si reclamandum fuit, & resistendum, homines erant notādi, non ipsae labefactandae, euerendaeq; potestates. Vtinam quidem omnes, qui ad hunc sacrum, sanctumq; honorem à Deo sunt sublati, nosse uellet, atq; animaduertere, quid sui muneris officijq; sit. Ipsum quidem munus, atq; officium nos institutum à Deo, & credimus, & ueneramus, quod is, qui nunc gerit optimus certe pontifex, & religione ac pietate erga Deum praeditus, difficilime, ut uidetis, potest sustinere, quando superiorum errata grauius praedictum, molem hanc male haerentis ecclesiae, quae ipsi labefactarunt, & cuius ipsi fundamenta cōuellerunt, in huius innocentissimi caput cogunt procumbere. Ita omnia ubiq; sunt cū domesticis dissensionibus pessimisq; uoluntatibus, tum bellis, atq; armis uiolata, atq; rupta; quodq; dolentius deplorandū est, tanta facta est legum, & bonorum morum uastitas, ut omne prope iam huius religionisq; in Christiana societate uestigium oppressum, aut deletum esse uideatur. **HIC LAN-
g u e y s:** Iure ista, inquit, deploras Sadolete, quae hac nostra aetate cuncta ferme in de-
terius lapsa sunt, necdum malorū finem cernimus. Regem quidē nostrum saepe audio loqui, quoties de his haereticis sermo est, nō se uidere, cui rei, aut cui hominū utilitati ista noua factio exorta sit. Nam ceteros autē, qui nouas aliquas opiniones, & sectas in ecclesia Dei intulerunt, bene moratos ipsos, atq; castos, modestiam prae se, & tempe-
rantiam ferentes, cōtulisse tamen aliquid, quod ad correctionem uitae pertineret: hos uero, qui & cōtaminatis moribus uiuerēt, & ea, quae in fide Christi, ac credulitate po-
sita sunt nefarijs, & prauis, saepeq; ante dñatis opinionibus peruerterent, nullo mo-
do esse serēdos, itaq; acriter illos edictis, armisq; insequitur, nec in tanta amplitudine
regionum, quantas ipsius imperio scitis esse subiectas, ullum patitur istorū sceleris, &
impietatis uestigium consistere. Nam quod ad ceteros ingenuos mores attinet, nullū
omnino terrarū arbitror Galliam nostrā, neq; aequitate inter suos, nec humanitate ad-
uersus hospites, neq; uero erga Deum pietate, ac religione cōcedere. **MAGNA,** in-
quam, ista est laus, cum totius gentis, tum in primis Christianissimī regis nostri Fran-
cisci, cuius ego quoq; imperio, & potestati subiectus sum. Nāq; quemadmodū ambo
nobilis, Carpentoracē urbs in Gallia prouincia, cuius quidē curam, rectionemq; ciui-
tatis, quod ad spirituales prouidentias attinet, Pont. Max. uoluit me gerere, ipsa qui-
dem pontificiae ditionis est, feliciterq; sub tutela ecclesiasticae manufactudinis acquirē-
scit: sed habet suae dioeceseos partē in Galliae regno cōstitutam, qua occasione, quoq;
iure

iure ipsi quoque regi fidelitatis sacramento sum obstrictus, gaudeoque plurimum mihi ita contigisse, ut sub duobus optimis, & sanctissimis principibus illa mihi cura, & administratio spiritualis muneris gerenda sit. Non enim ueror tantis praefidis munus, quin meum mihi certe charissimum & dilectissimum gregem ab incurfione, insidiisque luporum facile tutari possim, praesertim cum Regis iustitia, & providentia, ut te memorare audio Langee, itemque omnium communis sententia fertur, in ingenuis, & rectis moribus Gallia permaneat. Ex quo illam sapientissimi hominis uoce iure probari ab omnibus intelligo: Quales in rebus publicis principes ipsi regesque sint, tales ferè reliquos ciues esse solere. Et uere uobis ut cõfitear amicissimis mihi hominibus, tampridem est cum ego nihil appeto, cupioque ardentius, quam me ad meam conferre ecclesiam, atque in ea Deo perpetuo deferuire, ut ibidem etiam uestra illa tranquillitate mi Langee, & humanitate Galliae perfruar. Ex qua quidem regione cum te ortus, & tam insigni morum elegantia praeditum esse conspicio, facile de genere uniuerso ample, honesteque existimo. Quanquam cum alios quoque complureis illinc habeo cognitos egregios, & praestantes uiros, de quibus saepe, & libenter loqui soleo, tum uero unum habeo semper in ore, quem maxime admiro, Antonium Pratum summi senatus in Gallia principem, qui nunc Senonum archiepiscopus est. Quo homine quid quæso maius aut admirabilius dici, aut profecti potest: Ac mitto doctrinam in eo, iurisque ciuilibis scientiam, in qua etiam est maximus, summam tamen laudem aliunde sibi, atque ex eo potius peperit, quod est ingenio, quod prudentia, quod integritate excelsius, quod illius cura, & providentia optimo rege lic uolente leges, & iura in Gallia praecipue uigent, locisque fraudibus, atque iniurijs angustior est relictus. Sed ego habeo aliud in eo, quod me maiore admiratione afficiat. Homo enim prouectiore iam ætate, grauius iamdudum curis, & tantis laboribus perfunctus, quantos uidelicet afferre potest amplissimi regni, & tantarum rerum procuratio: nequaquam adhuc tamen neque labori succumbit, nec oneri. Quod incredibile uideri possit, nisi siquis ingenij eius, atque animi uim, praestantiamque cognoscat, quæ ea, quæ difficilissima sunt, redigit illi facilia. Regis quidem sapientiam summi opere laudo, qui talium uiuorum, operumque industria libenter utitur. Hoc enim mihi praecipuum semper uisum est imperij firmamentum, ut si homines adhibeantur ad gerendas, & communicandas res, qui honorem, ac fidem in uita esse primariam putent. Sed ut dicebam, ueniet profectio illa dies, & aliquando dabitur illud tempus, quo me ex his curis, negotisque euolutum pacata, & tranquilla excipiet uita, licetbitque operam omnem impendere optatissimis studiis, tumque inquirere, & uidere utra uita sit praestabilior, quæ in silentio, & quiete posita est, an quæ in turba, & negotio. Quod ego exquilitius fortasse potero discipulare, quam plerique, quod non tam doctrina quidem, quam utriusque uitæ usu fuero edoctus. Et quidem huic Pontifici optimo, ac prudentissimo libentissime inscriuo. Quid enim illo est probius: quid mansuetius: quid dignius, quod ametur ab omnibus, atque colatur? Veruntamen meum hinc discissum, & hanc relictionem rerum alienarum, ad meumque gregem accessum, & profectiõem meam a me officij ratio, & Deus, & conscientia ipsa uehementer efflagitat. T V M T R I V L T I V S. Et quid animaduertis, inquit, Paulum affirmare omnem oportere animam subiectam esse potestati bus excellentibus: Cur igitur de te mittendo, aut retinendo non Pontificis fuerit potestas: Et tamen non te dehortor, quin adiuuabo etiam, ut quod tantopere ex petis, id tibi facile factu sit, ex tuaque sententia eueniat. Spero enim si in oculum te cõtuleris, aliquid per te effectum iri, quando tantopere studiorum auisus es, quod nobis quoque amantibus tui licet regionibus, spatiisque disiunctis & iucunditati, & emulamento esse possit. Nec Pontificem ipsum arbitror in alia futurum esse uoluntate, qui ut humanissimus est, & liberalibus studiis egregie fauens, animum istum tuum boni consulat, & in optimam certe accipiet partem. Illud tibi confirmo, si te in Galliam, & ad ecclesiam tuam contuleris, futurum ut nec prouinciæ te, nec illorum hominum poeniteat: Regi quidem optimo, & praestantissimo principi tuam etiam quietem, & tranquillitatem curæ fore nõ dubito. Sed redeamus iam, unde sumus digressi. RECTE ADMONES, inquit, & cernis quidem Paulum in paucis his uerbis cum obedientiam, & studium parendi

in subiectis, tum etiam in principe modum, & rationem potestatis exprimere, ut se præsidem, & curatorem intelligat confisum esse a Deo ad salutem, pacemq; bonorum, & ad terrorem ac metum improborum. Potestas autem uaria est, & multiplex: uel enim ut parentis in filios, uel ut regis est in subiectos, quamquam ex patria quidem potestate regia illa uidetur initium, originemq; dux illi. In eo certe differtur inter se, quod pater, quæ per amorem facienda sunt, ut qui ab eo reguntur, probi, rectiq; euadant, in his acrius se, diligentiusq; exercet: Rex uero in his, quæ per potestatem, & timorem. Domini quoq; in seruos imperium certum est, atq; in discipulos magistris, qui tamen sponte illi se subiiciunt. Virorum porro in feminas naturalis quedam est potestas. Nam seniores iunioribus non imperant, sed ab illis in honore habiti, & ob ætatis reuerentiam culti ius quoddam authoritatis, & doctrinæ in illos uidentur obtinere. Has potestates legitimas, atq; sanctas, a Deoq; institutas qui peruerunt, ac laschafactant, uel detrectando aliorum imperia, maioribusq; repugnando, uel illas ipsi in se prauæ, perniciosæq; gerendo, omnes hi Dei sunt hostes, magnosq; suo cum damno, atq; adeo exitio opponunt se ordini, & instituto summi Dei. Est enim planè princeps Dei minister ad iudicandum, & uigilandum, ut ius teneatur, & omnium ordine constituta uita sit. Atq; ob eam causam & uestigal illi penditur, & tributa persoluantur, quæ principi, & regi libenter reddenda sunt. Nam quod ait nos debere principibus esse subiectos, non solum propter iram, sed etiam propter conscientiam: alterum dictum est, ut malum ex iracundia contempti regis uitemus: alterum, ut uirtutis, & boni moris simus participes, quod assequimur, si non coacti, ut nolentes, ac repugnantes, sed tanquam edocti esse in principibus publicam utilitatem constitutam, sponte illis, & libente animo subiiciemur.

Reddite igitur cunctis id, quod debetur: cui uestigal, uestigal: cui tributum, tributum: cui timorem, timorem: cui honorem, honorem. Nemini quippiam debeatis, nisi ut diligatis inter uos. Qui enim diligit alterum, legem impleuit. Etenim non adulterabis, Non occides, Non furaberis, Non pro testimonio mentieris, Non concupisces: & si quod aliud præceptum est, in hoc sermone comprehenditur, qui est, Diligas proximum tuum, sicut teipsum. Dilectio proximo malum non operatur. Complementum igitur legis est dilectio.

REDDIT EXITIT, quoniam debentur ista, non donantur, & omnia ad principes, ac potestates relata sunt, quorum ut retineatur imperium, & authoritas, uestigalia necessaria sunt, quæ sunt certa, & annua emolumenta. Recipit. Tributum uero extraordinaria coactio pecuniarum est ex aliqua noua, & aduentitia ratione indicta, cum pro portione opum, & facultatum unusquisq; contribuit. Timor autem, atque honor eidem principi debentur. Et sane expediebat nouos docere Christianos, non esse illis libertatem, quam ex CHRISTO acceperant ad contemptum principum, & legum conuertendam. Reddi igitur illis, quæ eorum sunt, iubet, nihilq; quod cuiusq; debeatur, teneri, præter unum, quod eiusmodi est, ut & reddatur semper, & debeatur, quod est, ut diligamus inter nos. Mutuæ enim beneuolentiæ est hoc proprium, ut se acuat semper, uegetetq; alternus amor, neq; illud, quod intercurrit mutuum, refrigerare unquam, aut extinguere sinat. Et certe qui hanc proximo beneuolentiā impendunt, legem totam obseruant, quatenus illa ad prohibendas iniurias, & offensas lata est. Non adulterabis enim, Non occides, Non facies furtum, Non in alterius factum mentieris, Nihil deniq; alienum, & non tuum concupisces, si proximi tuum tanquam temetipsum amabis. Itaq; summa omnium huiusmodi præceptorum proximi dilectio est, in eaq; completur imperium legis, quoniam qui propter amorem, bene ut sit alteri optat, non quemadmodum illum ladar, sed quo pascio illi sit utilis, & commodus, agat potius semper & cogitabit.

Et hoc cum sciatis temporis opportunitatem, quoniam hora nos iam è somno

somno excitari. Nunc enim propius est nostra salus, quàm quando credidimus. Nox præcessit, dies autem appropinquauit. Deponamus ergo opera tenebrarum, & induamur arma lucis: sicut in die honeste ambulemus. Non comestationibus, & ebrietatibus: non cubilibus, & petulantijs: non contentione, & obtestatione: sed induamini Dominum IESVM Christum: & carnis procuracionem ne facite in concupiscentias.

TANTO, inquit, studiosius mutua inter uos charitate ametis, quanto acceditis propius ad uitam alteram, in qua est nobis salus, & beata uita reposita. Est enim tempus nunc maxime aptum, atque opportunum, iamq; insiat hora, ut debeamus exurgere ex somno, quando fides nostra ad exitum huius mortalitatis est propior, quàm cum initio suscepta est. Etenim hoc loco somnus atq; nox uitæ adhuc remissiori, & in terrenis rebus implicitæ cõparatur, in qua somnia, & tenebræ omnia optata nostra sunt. Vt etiam si à turpibus actionibus remoti aliquam bonorum morum rationem sine CHRISTO tamen ducamus, somnia esse illa intelligamus, quemadmodum Iudas illæ legis umbræ ceremoniæq; fuerūt. Nam uera, & sola uirtus in CHRISTO, & per CHRISTVM est. Si uero omni dimissa uirtutum, & bonorum morum cura, in turpitudine, & in flagitijs uiuamus, in nocte, tenebrisq; uersamur. Nam dies, & lux in eodem tantum CHRISTO est. lubemur ergo siquid etiam nunc remaneat in nobis noctis, & somniorum, excutere id totum, atque abijcere, surg ereq; uelut oriente die, id est, appropinquante tempore uitæ beatoris, cum Deum non in ænigmate amplius, neque sub inuolucris, sed toto conspectu nostro contemplaturi mox simus. Cui luci & diei hæc comparata uita, non quidem nox est, si bonis, & sanctis operibus traducatur: sed diluculum potius, & auroræ prima illa progressio nondum afferentis, sed annunciantis, cum qua nos excitati, ac confurgentes nosmetipsos componimus, atque adornamus, ut honestiores, ac decentiores ingrediamur. Huius enim compositionis curam dies à nobis postulat, nox remittit. Atque hic uidentum est, cum Apostolus inter fidei nostræ in CHRISTVM credulitatisq; initium, & inter finem, exitumq; uitæ, nos tantquam in operibus carnis, & concupiscentiæ adhuc positos ad modestiam, & continentiam, & ad CHRISTVM ipsum reuocet, falsam esse illorum sententiam, qui existimauerunt, & siqui in eadem nunc opinione sunt, post acceptam fidem CHRISTI, & post baptismum nullum amplius peccatum, quod committatur, ueniam, aut pacem apud Deum inuenire. Ecce enim diserte hoc loco, & palam, homines cognito & adscito iam fidei mysterio in comestationibus, & in contentionibus implicitos excitat rursus Apostolus, & prouocat ad induendum CHRISTVM: quod profectò non faceret, si esset spes ueniæ & misericordiæ post criminum nouationem peccatoribus penitus interempta. Non is est CHRISTVS seruator noster, qui tam seuerè, & asperè nobiscum agat. Non talis in eo erga nos amor, tam infirma, & fragilis ad opitulandum nobis incit uoluntas. Venit ille in mundum, ut saluti omnibus esset, neque se melius effecit, ut fratrem suam erga nos ostenderet charitatem. Non facit autem quotidie, imò diebus omnibus, neq; diebus solum, sed & horis, atq; punctis, quos poenitet criminum suorum, hos de integro amplectitur, & consortes secum paterni regni nominat. Cuius tantam humanitatem, tam excellens, & singulare nostræ salutis studium iniqui sane simus, si nõ agnoscamus, si non omnis illi gratiæ, omnis beneuolentiæ, omnis officij ac studij fateamur nos debitores, nec tantum fateamur, sed quoad possumus, id quod debemus alacriter persoluamus. Non enim principi, & proximo iubemur reddere, quod debitum sit, & non reddemus Deo: Verum Nouatiani, qui huius sententiæ dicuntur fuisse authores, quicq; potissimà in Deo uirtutem benignitatis, & misericordiæ illi adimere studuerunt, poenitentiamq; superuacancam in nobis, & sine fructu ueniæ inanem constituere, pie, & sapienter ab imperatore Constantino illusi sunt, cum is iussisset illos qui talia prædicarent, scalam capere ipsos, si possent, & in cælum solos ascendere. Nos uero cū Paulo, & cum ueritate sentiamus, quo magis ad

exitum uitæ accedimus, & quo lumini melioris uitæ efficiamur propiores, hoc nobis studiosius esse, enixiusq; curandum, ut depolito nocturno habitu carnaliū morum, & studiorum, dici atq; luci compositos nos dedamus, tanquam in cōspectu hominum prodituri. Quod si per urbem interdū ambulantes uestimenta ea gerimus, quibus membra nostra ab oculis intuentium obtegantur, pudorisq; in ea re, & honestatis rationem summam habemus, illa etiā uestimenta, quæ oculis Dei nos occultent, quatenus pudendum aliquid in nobis sit, capiamus: qui quoniam intus, & in ipso corde nos cernit, nulla alia ueste obtegere, & uelare nos ualeamus, quæ arceat illius cōspectum à turpitudinibus nostris, præterquam pudore, & continentia, ipsaq; ueritate, qui est **CHRISTVS**. Hunc igitur ipsum, depositis, & reiectis illis carnis uestibus, quæ non corporis superficiem duntaxat, sed hominē totum regunt, atq; obnubūt, comestationibus uidelicet, & petulantijs, & rixis, induere penitus debemus tanquam uestimentū eiusmodi, quod nullam corporis, animæq; partem, ex parte honoris, & uenustatis esse sinat. Quo mortuo pro nobis, quoniam & nos quoq; cum illo cōmortui carni peccati esse debemus, idq; in baptismo, & fidei sacramento sumus professi, carnis curam ullam ne geramus, quatenus ad cōcupiscentiam illa propensa est: hoc est, nihil illi indulgeamus præter id, quod debetur, nec audiat illius intemperantiæq; seruiamus, sed tantum ea suppeditemus, quæ ad obeundum munus communis uitæ sunt necessaria.

Imbecillum autem fide suscipite, non in disceptationes disputationum. Hic quidem fidei uesci omnibus. Imbecillus uerò oleribus uescitur. Qui uescitur, non uescentem ne aspernetur: & qui non uescitur, uescentem ne iudicet: Deus enim eum suscepit. Tu qui es, qui iudicas alienum famulum? Proprio domino stat, uel cadit: statuetur autem, Potens enim est Deus statuere ipsum. Hic quidem iudicat diem ad diem: hic autem iudicat omnem diem. Vnusquisq; in proprio sensu sibi satisfaciāt. Considerans diem, Domino considerat: & non considerans diem, domino non considerat. Qui uescitur, domino uescitur: gratias enim agit Deo: Et qui non uescitur, domino non uescitur, & gratias agit Deo.

SCIO horum Pauli uerborum communem hanc doctorū interpretationem esse, quod cum fides **CHRISTI** iugum illud legis Mosaicæ laxasse uideretur, & onus subleuasse, quod, ut Apostolus Petrus in actis inquit, etiam antiqui patres ferre non potuerant, essentq; illæ obseruationes & differentię dierum ciborumq; sublatae, ut **CHRISTVM** iam sectantibus nihil immundū, neq; aspernabile uideretur esse eorum, quæ creasset Deus, cōtingebat, ut hæc persuasio, quæ est nil habere distincti, neq; discreti, neq; in tempore, neq; in cibo, à multis susceperetur, & re, atq; facto usurparetur: quam aliqui ē contrario tanquam ex Iudaismo, & ab illis multis obseruationibus adhuc recentes exhorrescebant, duplici quidem de causa hæsitantes. Primū quia longa illa opinione imbuti per huiusmodi abstinentias & obseruationes iustitiam, & Dei quandam amicitiam acquiri, nondum ab illa uoce legis, illiūq; imperio animum suum uacuum liberumq; habebant. Deinde quod diuturno iam usu quiddam naturæ simile contraxerant, ut à certorum esculentorum cōsuetudine, atq; eū non possent non abhorrere. Ac prior quidem ille legis timor ad imbecillitatē fidei pertinebat, hoc autem posterius quorundā ciborum fastidium ad carnis infirmitatē, quæ tamen poterat aliis quo modo excusari. Nam metus ille legis in noua **CHRISTI** uita, reprehensione uera non carebat. Fiebat autem ut in hac uoluntate, & cōsuetudinū disparitate aliquæ inter eos dissensiones existerent, cū qui esculenta omnia ad uescendū admitterent, tanquā nihil in his rebus esset, quod ad diuinæ gratiæ cōiunctionem alterutram in parte momentū aliquod asferret, neq; in obseruationibus & discrimini dierum, aut ciborum salus nostra, sed solum in uera fide erga Deum per **IESVM** Christum esset posita, illos contemnerent, qui in ea adhuc cura essent occupati, ut cibos diesq; alios susceperent, alios aspernarentur, idq; imbecillitati, & inconstantiæ illorum fidei ascriberent.

ascriberent; illi uero ē contrariō hos, qui omnia passim admittebant, nullamq; distinguendo rationem ducebant, neq; ciborum, nec temporum, intemperātes, & irreligiosos esse arbitrantur. Quæ illorum dissidia præmetuens Apollolus, ne ad dedecus illa Christianæ fidei, & ad detrimentum pacis, chaoticisq; contenderent, huic malo mederi nititur, atq; hoc ostendere nō in his distinctionibus, neq; in obseruantijs ciborum, & dierum, sed in charitate, & pace, Dei regnum consistere. Atq; ipse quidem illorum partes magis amplectitur, qui in meditationibus spiritualibus uim fidei exercentes hæc exteriora ne animaduertebant quidem, eademq; & paria omnia esse ducebāt. Hi enim cum & libiores, & fortiores erāt profecto, tum in uirtute fidei multo fundatiores. Sed tamen cōueniebat cum essent ipsi statuti, atq; potētes, ut imbecilliorum & lapsantium potius miserentur, quā per reprehensiones, & iurgia illis molesti essent; quin etiam cum uiderent eos illa in se suspicione offendē, quod communem ciborum omnium usum magis ad intemperantiā uitæ, quā ad fidei robur illi putarēt pertinere, causam illius offensionis adimerent. Igitur hos firmiores hortatur Paulus, docetq; æquius esse, ut inclinēt se, & accommodent ad alienam infirmitatem, deq; illa esculentorum libertate aliquid remittāt, quā in insiliendo in ea dent socijs causam male de se sentiendi, q; autēq; suspicandi: Quandoquidem, inquit, regnum Dei non potus est, neq; cibis, sed pax, & inter fratres charitas. Hęc est mentio Pauli ab robustis, ad imbecilles altera, Ne de his ipsi, qui omnia ut munda suscipiunt, nullumq; faciunt discrimen aut dierum, aut ciborum, tanquam de incontinentibus, & intemperatis audeant iudicare, cum & hi à Domino recepti sint, atq; in familia Dei iam numerentur: Domini porro sit de seruis suis iudicatio, non autem nostra. Quodd si & qui cunctis uescitur, uescatur Domino, agatq; illi gratias, & qui plerisq; abstinet, Domino itē abstineat: hoc est, si uterq; in honorem Domini agat, & in illius gratiam, laus demq; moueatur, non in abstinentio est, neq; in uescendo, sed in inseruiendo Deo uera religio. Hęc mens uerborum esse Pauli existimatur, & ad hunc finem tota hæc succēpta monitio, ac cohortatio, perspicue quidem ut ostendat omnia munda mundis: latentius autem, ut etiam illud inferat, legis regulas, & interdictiones de esculentis obseruationibusq; temporum nullius ad salutem momenti existere, quando salus quidem in spiritu, & fide in Deum per IESUM Christum, tantum reposita est. Sed ego in hac potius sententia sum, quod non de abstinentijs, & obseruationibus legis sit sermo, sed de his, quas sibi quisq; ob cupiditatis, & carnis motus comprimendos ad arbitrium suum statuit, atq; præscribit, cuiusmodi multa nūc sunt ab Ecclesia de ieiunijs, discriminiibusq; temporum, ac ciborum legibus latis obseruantie indicia. Vt autem sic intelligam illa, imprimis firma, & ualida ratio me mouet, quod si de differētijs esculentorum his, quæ à ueteri lege statutæ sunt, oratio haberetur, nequaquam hortaretur Paulus, ac ne permitteret quidem eos, qui in fide iam robustiores delectum eduliorum omisissent, ad eorum, qui in fide adhuc titubarent, ac Iudaicis ritibus tenerentur, superstitionem inclinare. Non enim id esset altius in fide confirmare, sibiq; eos adiungere, sed ipsos potius fidei præuicari. Quo igitur pacto intelligendum est & primum ut fidem hic pro fiducia accipiamus. Etenim huius uerbi in hac sententia uis à Paulo non raro est usurpata, neque ea tamen à communi intelligentia aliena, abhorrensq; est. Deinde ut credere, quod Græce *μεσσω*, transferamus considerare. Qui ergo sibi parum confidebant, nec facile se frenare cupiditates suas, aut carni posse resistere arbitrabantur, opem sibi, & remedium à ciborum lautiorum abstinentia quærebant: qui uero ē conerario in fide, & amore Dei erant flagrantiores, facile illo ardore animi erga Deum inflammati, cupiditatū stimulos omneis obreuebant, intentiq; & ablati rerum diuinarum curis, nec cibos, nec tempora ulla discernabant, parem in omnibus honorem, & gratiam Deo attribuentes, quod sanē erat potentioris, & uehemētoris fidei indicium. Verum accidebat, ut in diuersa consilijs, & actionibus alteri de alteris minus commode suspicarentur. Qui enim spiritu seruantes carnem non agnoscebant, infirmiores illos luctantēis aduersus carnem, & ieiunijs, atque inedijs impetum illius frangere meditantes quodammodo irridebant, & ueluti delictos, atq; enervatos habebant despiciatui, hocq; agebant non ut parum fideles, aut spirituales

rituales, sed ut parum prouidi, tanquam qui doctrinæ prudentioris indigerent. Ac illi è contrario, qui molestias carnis ne esu quidem olerum duntaxat, & pomorum poterant propulsare, primum hos mirabantur ad omnia passim manus, osq; admoventes, deinde grauius etiam aliquid de eis suspicabatur, nec fieri posse existimabant, ut cum uirtute, & continentia, & religione usus omnium ciborum, & licentia iungeretur. Ita horum uterq; ordo alteri ordini peccandi aduersus fratrem, & charitatis vinculum uiolandi præbebat occasionem, à quo nunc uitio eos Paulus, atq; errore dimouere nititur, redigereq; in unum studet omnes, & in consensu mutuo, ac fraterna societate continere. Sed quid est Langee, quod inceptas? Video enim ex gestu, atque uultu habere te aliquid, quod nostris sermonibus putes opponendum. **HABEO** enim uero, inquit ille. Et profectò quando de ieiunijs & obseruationibus inducta est mentio, aut hodierno die, magna, ac diuturna animi mei dubitatione exoluar, aut non unquam alias. Etenim quod illæ obseruantia temporum, & ciborum, quæ præscriptæ, & traditæ in lege Moysis sunt, minimum siue adeo nihil ad comparandam salutem ualeant, planè persuasus sum, idq; sancti & Paulo toties affirmanti, & si dei Christianæ credidi: sed quòd eadem mox in fide **CHRISTI**, & in nostris moribus, ac ritibus magna ex parte relatæ sunt, quam obsecro te causam, aut quam habere rectam rationem ista res potest? Neque ego nunc consilium reprehendo Ecclesiæ, quam & semper sincera mente ueneror, & omnia tam sancte ac sapienter instituisse iudico. Sed non intelligo hoc planè cuiusmodi sit, cupioq; id mihi explanari per te, & differi. Equidè hæreticos hosce, qui ita superbe, & petulanter spiritus ipsius Ecclesiæ decretis, legibusq; ruptis & cibos, & tempora ad suum arbitrium, libidinèq; reuocauere, non solum accusandos, uerum etiam detestandos, & cum horum quodam eorum contagionis à cunctis, qui in fide **CHRISTI** consistunt, resurgendos esse censeo. Verùm tamen inter nos, quod cum modestia, & pietate licitum sit, & queri de his rebus, & disputari non est incongruum. Quæro itaq; de te, cum legis ueteris decreta quatenus ad differentias ciborum, & ad dierum quorundam decretis, & discrimina pertinent, mundarumq; & inquinatarum in se rerum distinctiones, necnon purgationum, & asperisionum continent præcepta, noua **CHRISTI** fide abrogata, antiquataq; sint, nosq; ab his oneribus, & uinculis soluti Christiana libertate perfrui debeamus, cur sanctorum patrum decretis, & Romanorum pontificum institutis ad eadem penè, aut grauiora etiam perferèda rursus sumus redacti atq; adstricti? cum uiuis ueræ religionis capienda sit, in una fide erga Deum, & in spiritali nostro Dei cultu, nostræ salutis ratio posita esse intelligatur. Quid sibi ergo uoluerunt summi Pontifices, antistitesq; Romanis qui quasi hac re potissimum sui pontificatus memoriam ad sermones hominum commendare cuperent, addiderunt penè unusquisq; aliquid, de antiquioribus illis loquor, quo nostra seruitus in obseruandis eorum scitis, atque præceptis indies fieret grauior, & maioribus propè quàm apud Iudæos oneribus premeretur. Ac ut nonnulla, ex uetustis Iudæorum ritibus, & obseruationibus ciborum, atq; temporum, nec non purorum impurorumq; contrarium (nam de cerimonijs supra abunde dictum est) in medium adducam, eaq; cum nostris conferam moribus, festum illi diem obseruabant septimum redeuntem in orbem tempore suo semper, dieq; eo ab omnibus omnino gerendis, tractandis, cõmunicandisq; rebus abstinebant, ea ratione quidè, quòd Deus item illo ipso die, cum in antecedentibus sex diebus mundum, & omnes mudi partes fabricatus esset, quietem sibi primo, & ab omni opere cessationè constitulset. Nos hoc sabbatum ipsum exauthorantes, & inter profanos dies numerantes, diem solis, quem dominicum appellamus, hebdomadis primum, & initium dierum consequentium pro septimo illo in honorem adduximus, ociòq; ac celsationi totum cõsecrauimus. Eslo, sit huiusce quidè rei aliqua bona ratio, non enim minor uidetur deberi honor luci huic, qua in nouam uitam exurgente à mortuis **CHRISTO** producti sumus, quàm illi, qua à uetere uita, & occupata cessauimus. Verum illud mihi mirari sæpe in mentem uenit, quòd cum extra diem septimum, & nouarum lunarum exordia, quibus unū diem festum singulis mensibus Iudæa tribuebat, ceteri penè omnes festi solennesq; Iudæorum dies, neq; numero multi, & cuncti

& cuncti penè in unum collati mensem essent, quem illi septimum, nos septembrem appellamus. Etenim excepto Phasæ die festo, qui mense illis primo, hoc est apud nos, quoad ratio mensium congruere potest, Martio celebrabatur, & Pentecostes, quæ post Phasæ die quinquagesimo colebatur, quinq; celebritates reliquæ, neque enim plures apud Iudæos existerant, in mense Septembri erant collatæ. Nos neque mensē certum, nec moderatum dierum numerū diebus nostris festis uidemur tribuisse; sed cum multis solennes, & statos dies in honorem, & memoriā rerum earū, quas dominus noster I E S V S aut gessit pro nobis, aut perpellus est, in varia anni tempora dispersos agamus, damus quidem hunc honorem Deo & Dei filio à nobis debetum, neq; tam pura, & religiosa mente à nobis quicquā, quā hōc die colendos, & uenerandos ducimus. Addamus his & illos, quos sanctissimæ, & immaculatissimæ uirginis eius, quæ Dei filium sexuata semper corporis, & animi integritate ex suo utero hominibus effudit, honor à nobis, & tanti beneficij memoria requirit. Principibus item Apostolorum Petro, & Paulo diem suum concedamus, quo & ipsorum singularis ac diuina uirtus, & Apostolici collegij totius memoria in honore à nobis habita esse uideatur. Tantum quidem præterea festorum, ociosorumq; dierum numerum, quantus ab Ecclesia in nostros mores, & inductus est, & colitur, non ne sunt, qui arbitrentur magis ad dissolutionem animorum, & corporum, quā ad ullam egrēgiā pietatis utilitatem uim habere; quanquam sancte equidem omnia ab Ecclesia constituta, & optimo animo inducta fuisse non dubito. Veruntamen euentus rerum efficit, ut nonnulli, qui detrimentum, & iacturam ex nimio ocio sentiebant, cōsiliū autem Ecclesiæ non ita planè perspiciebant, aliū sibi ordinem ipsi, & alium modum festorum colendorum dierum citra Ecclesiæ consensum adsciscerent, suisq; huiusce cōsiliij, atq; facti approbationem non ex aliorum auctoritate, sed ex sua temeritate ipsi sibi constituerent, qui ut licenter, audacterq; secerint, sicuti quidem fecerūt, cum ad caput & ad auctoritatem Ecclesiæ deferre ista omnia multo æquius sit, & opem sibi ac consiliū ex illa petere: tamen ipso exitu rerum apparuit tantam multitudinem sacrorum, cessantiumq; dierum populo Christiano non minus ferre incōmodi, quā utilitatis. Et sanè uidentur, qui de his rebus disputant, idq; agunt modeste, & temperate, intelligendi tantum causa, non ut hæretici superbe, & insolenter, aliquas afferre rationes præferentes ius, & æquitatem. Aut enim, inquiunt, opulenti, & diuites homines sunt, & his talibus dierum feriatorum numerus augendus etiam magis, quā minuendus est, quippe qui omni tempore anni, atque in his potissimum delectis, consecratisq; diebus gratiarum Deo agendarum, & excolendi spiritus præcipue sunt debitores, idq; nullo domi detrimento tutò agere possunt. Aut ex eo sunt genere, quod manibus sibi uictum, & labore corporis quærit, quibus cum damnosa omnis cessatio, operæq; uacatio sit, conueniret certe multorum pauperum, atq; egenitum cōmodo & necessitatibus prospici. Quod si omnes, qui à diurnis operis, & opificij interdictione dierum festorum prohibentur, homines essent spirituales, mentis, & contemplationi rerum diuinarum dediti, conduceret forsitan magis, utiliusq; esset uacare, quā operari: quando maior semper utilitas minori præponenda est. Nihil autem omnium rerum est utilius, q̃ in Deo, & in Dei beneficiorum memoriā perpetuo defixum esse. Sed cum tales uulgo homines sint cœlestium rudēs rerum, terræq; addicti, & sensibus magis, q̃ ratione uiuentes, non ne patet, manifestumq; est, hanc illos cessationem, quā sacri indicunt dies, non ad meditationem rerum diuinarum, sed ad delectationem humanarum cōuertere? cum matutinis exceptis horis dies illis ferè in cantibus & lusiis, & in comellationibus, uinoq; agantur? Sed ut abeamus à festis diebus, atq; sacris, in quibus non tam onus nobis impositum, quā nimia licentia esse tradita uidetur, ad illa ueniamus, quæ uere, & proprie sunt onera, quorū longe maximum, & ut plerisque uidetur, durum, ac perdifficile ieiunium est, quod in ueteri lege uno tantum singulis annis die Iisrahelico populo indictū, qui dies festum tabernaculorum antecedit, nos in omne tempus anni ita diffudimus, & sparsumus, ut totum penè annum in seruitute uiuere, & nunquā uacuo animo esse possē uideamur. Ac Iudæi quidem præter illum diem ieiunij statum, atq; solennem, qui illis uni-

cus in toto annuo orbe ab Deo seruandus propositus est, quatuor sibi præterea ieiuniorum addiuerunt dies, quos quasi atros ipsi obseruant in luctum uidelicet, & in præscarum memoriam calamitatum institutos. Nos uero & triduanæ quater in anno ieiunia, & omnium festorum dierum pridanos dies, & quadragenarum præcipue dierum numerum coactum, & cumulatam in unum ieiunare sumus iussi: quibus quidem quadraginta diebus, quali exiguis iste dierum numerus esset, sex postea alij etiam adiecti sunt, ut dierum sex & quadraginta perpes, & continuatum ieiunium nobis existeret. Atque cum hæc, quæ ad ieiunium pertinent grauiora nobis multo, quam populo quondam Iudaico sunt imposita: tum uero Iudæis licitum est seruato ad usque solis occasum ieiunio, eos demum cibos adhibere, quos illis libererit. Nobis uero in ieiunando etiam illa lex est polita, ut ab esu omnium carnium penitus abstinemus, semelque tantum cibum sumamus, idque circiter meridiem. Qui autem fecerit secus, cum istisque legibus ieiuniorum, dicumque festorum, sextæ quoque, & septimæ in hebdomadibus diei, quarum ieiunio si minus seculo illo, strictior ieiunio, carnium tamen abstinentia, & interdictione ab Ecclesia ipsa notata est: qui inquam, omnibus his legibus ad unguem non paruerit, non poena adiecta est aliqua moderata, atque mitis, ut prouidentia pastorum nobiscum agi uideatur, aut lenitate, indulgentiaque parentum: sed perinde ac nostrarum iactura animarum apud rectores nostros parui momenti sit, capitalis peccati poena, & ademptione regni coelestis qui contrauenerit, punitur. In quo quanto lex Iudæorum fuit tolerabilior, quæ præuaricatoribus legis non animæ mortem, sed corporis præstituit? Quendam in Græcia sapientem serunt cum leges conderet ciuibus suis, etiam mediocrium, & leuium peccatorum mortem poenam constituisse. Ex quo cum quaereretur, quid ita æquaret parua errata magnis, ut omnia iuxta mortis supplicio plecenda esse censeret: dicitur respondisse, quia tenuia etiam peccata morte digna esse existimaret, maioribus delictis grauius supplicium non inueniret. Quæ dura imprimis, & aspera uisa est sententia, itaque increbruit hominū illorum prouerbio, leges illas non atrimeto, sed sanguine fuisse scriptas. Quanto nostri legum latores acerbius? qui cum id, quod per se, & suapte sponte non est improbum, ipsi uitando, ut uitaretur effecissent, eam insuper poenam non obtemperantibus addiderunt, quæ nulla esse possit durior, neque asperior: siquidem æterna morte damnari deterius multo est, quam hanc mortalem uitam amittere. Hæc, ut dico, disputant isti sæpenumero, qui hoc ab sese iugum nimium asperæ seruitutis, ut ipsi prædicant, cuperent excutere: non hi solum, qui iam excusserunt, quorum quidem scelus, & ars rogantem nulla unquam satis digna poena ulcisci posse uideatur. Non enim ratione, sed libidine, nec ut spiritum ab onere seruitutis subleuaret, sed ut cupiditatibus obsequerentur, ad id faciendum sunt adducti. Verum nos, qui Ecclesiæ decretis facile obedimus, semperque illi parendum, non semper flagitandam eorum, quæ ab ea decernuntur, rationem existimamus: possumus tamen causas harum rerum & rationes, & petere inter nos, & dare: non ut nouum ipsi consilium aliquod capiamus, sed uel ut reperta ratione hæreticis respondeamus, qui & imperantem Ecclesiam, & nos parentes ludibrio, & irrisui habere non desinunt: uel siquid fortasse ratio nobis monstrauerit esse corrigendum, ad summi Pontificis iudicium, & ad Ecclesiæ autoritatem omnia referamus. Quod item si tibi uidebitur, de hac religionum & ordinum, ut appellant, multitudine, atque turba, quæ habitu amictuque uestium uario, nouis, & inter se dissimilibus institutis in unitate fidei, & simplicitate CHRISTI locū habere non desuisse uidebatur, etiam item ab his improbis illusa, atque reiecta, faciendū erit, ut aliquid dicas, ut posthac instructiores ad respondendū contradicentibus, & magis parati esse possimus. T V M I V L I V S: Sane mihi uideris Langee, inquit, tempelluæ admodum harum mentionē rerū intulisse, cum de his modo à Paulo ipso agatur, qui præsertim uideatur in ea esse sententia, ut robustiorem fidem, & uirtutem exstimeret eos, qui nullo ciborum, neque temporū delectu habito, neque animi sui cura sub hæc res suspecta magis in ipso cogitando, & amplectendo Deo omnibus mentis sensibus semper sunt intenti, quibus quicquid ad uelendū offeratur, sine discrimine accipitur, euangeliumque in eo conseruatur præceptū, quo dominus discipulos missos ad prædicandum admonuit,

admonuit, ut comessent, quæcūq; sibi essent apposita. Et nimirum hoc magis uideretur conuenire euangelicæ, apostolicæq; doctrinæ, nulla ut omnino uaricitatis in saporibus, neq; delectus in cibis, aut discriminis in tēporibus ab hominibus deditis Deo cura duceretur, qui in cōtemplatione diuinæ rerum positī, cum cibos non ad uoluptatem, sed tantum ad necessitatem uitæ soliti sint accipere, iilla distinguēdi, & uariandi sollicitudine interpellari non debuissent, nisi horum talium summa esset paucitas: talis uero, qui uoluptati, atq; uentri plus æquo indulgeret, maxima multitudo. Quæ etiam ratione cum Romanos pontifices, tum conuentus eos fidelium, quos cōcilia uocamus, adductos fuisse puto, ut talium & ciborum, & dierum differentias, obseruationesq; instituerent. Quorum quidem consilium, ut tu rectissime ais, debemus potius nos uenerari, q̃ reprehendere. Quod si aliqua tamen harum rerū ratio reddenda est, hac lege inter nos queramus, ac discēptemus, ut quicquid nobis rectius uisum fuerit, id si forte à maiorum institutis discrepauerit, nostrum semper consilium illorū sapientia iudicemus inferius. Equidem memini cum essem apud collegas tuos Triuilei, eos ipsos, qui pauloante à fratre meo nominati sunt, Aegidiū Viterbiensem, & Thomam Caietanū homines eruditissimos, ibidemq; unā adisset Laurentius Campegius collega item uester, uir æ sapientia, & grauitate uitæ, necnon in gerendis rebus consilio, magnitudinēq; animi, quæ uos scitis, & cui in pontificio iure, ac ciuili primas prope partes nostræ ætatis homines soliti sunt cōcedere, incidisse de his rebus acrem disputationem, cū hanc Thomas sententiā defenderet, probareq; adniteretur omissionem ieiunij, quæ in cōtūeliam modo præcepti non fieret, ac capitale peccatum nemini ualere, quando solum illud crimen statuendum esset, quod aut de honore summi Dei detraheret, aut de comodo proximi: id est, quod Christianam charitatem, quæ & ad Deum, & ad proximum intenta est, uiolaret, aut frangeret, quorum neutrum cum in prætermittendo ieiunio accideret, non esse id peccatum excusabile habēdum, quod charitati ipsi nequaquā officeret. Huic opinioni Campegius adimplabatur, hoc ab legum inter præbicus defensitatum esse memorans, cum ieiunij ad eam rem indicium esset, ut per abstinentiam quorundā esculentorū fractis cupiditatibus facilius unicuiq; fieret uirtutis, continentiaq; exercitatio, siquis eam ipsam continentiam iam obtinere, cuius assequendæ causa fuissent ieiunia instituta, cupiditatesq; suas haberet in potestatem: tantopere cum ad obseruationem ieiuniorū, nec tanto cū animæ periculo adstrictum esse. Repugnabat acriter ex aduerso Aegidius, & Campegio quidē respōdebat, si ieiunij indicio, suasio tantum esset, & non præceptum legis seuerum ac dilige gens, uim habituram utiq; esse ejus rationem, quoniam quicquid alterius rei adipiscendæ gratia suadeatur, aut consulatur, si ea ipsa res alia quadam uia & ratione obtenta sit, recte id, quod suatum sit, prætermitti posse uideatur: ubi uero præceptum in imperando, & non suasio sit, sine peccato graui præteriri id nō posse. Ad Thomam uero dicebat eodem modo posse concludi de bñis hebdomadam diebus, quibus ejus carnū interdictus esset, ac de cæteris festis sollemnibusq; diebus, qui cum essent ad Dei cultū instituti, atq; dicati, dum coleretur Deus, qui quidē pura imprius mēte, & religione colitur, licitū fore sine peccato ad suum cuiq; diurnū munus, suaq; opificia redire. Ac multa tum quidē in omnem partē dicta & disputata sunt, quæ hominibus doctissimis erāt in promptu: ex quibus Thomas plura, & præclara ingenij sui, & doctrinæ monumenta iam in scriptis edidit, reliqui autē duo idē existimantur esse faciuri, in summa ab illis in eam sententiā cōueniebatur, æquum fore, ut summus Pontifex, cuius uersa esset potestas, hunc scrupulum ex animis fidelium eriperet, ieiunijq; hanc legē, & conditionem ediceret, ut qui seruassent illud, magnis à Deo indulgentiarum, quas appellant, præmijs afficerentur: qui uerò non seruassent, dum ijdem abessent à cōtempiti, & contumacia, nō propterea tamen capitalis peccati scelere intelligeretur obstricti. Distinguebatur porrò ab illis aliud ieiunium esse, aliud abstinentiam. Ac abstinentiam quidem in eo intelligi, cum statis temporibus, & diebus à quodā esculentorum genere, utpote carnis abstinere. In ieiunio autem præter abstinentiam id etiam adijungi, ut semel in die tantum cibus caperetur. Quod quidem posterius illi arbitrari rectē, & tuō posse corrigi, si summi autoritas Pontificis intercederet, ea quæ

dem ratione, quoniam & qui illam legē ieiunij retinerent, cum darent hoc legi, ut semel tantum in die uelcerentur, suæ mox dabant intemperatiæ & uoluptati, ut se effunderet, atq; immoderatus in epulando explerent: quos uero ista lex ieiunij non contineret, quominus in die plus q̃ semel comessent, eos in graue suarum animarum periculum incidere: cui detrimento præberi occasionem, & iherni quodammodo ab ipsa lege uiam, longe alienum à mansuetudine Christiana esse optimis istis uiris, & dignitate omni præstantibus uidebatur. T V M T R I V L T I V S: Mihi accidit, inquit, quia primū tempellate in hanc urbem admodum adolecens ueni, ut ad salutandum Olluerium Carapham Cardinalem Neapolitanū accederem, cuius tu Iacobe in domo & disciplina aliquot annis educatus es. Etenim eius ego uisendi & alloquendi miro desiderio tenebar, de quo tot, tantq; absens uirtutis & sapiētiae, & singularis cuiusdam integritatis testimonia cognoueram. Atq; is ut erat humanissimus, summamq; grauitatē cum illa humanitate coniunctam obtinebat, accepit me quidem iucunde, atq; amanter, cum ita diceret, neminem sibi dari potuisse, cuius libentius aspectu, q̃ meo frueretur, id adeo & mea causa, & familie nostræ nobilissimæ (sic enim loquebatur) in qua lumen adhuc relidere priscae fortitudinis affirmabat. Erat enim, ut sciunt, qui cum norunt, Iohanni Iacobo patruo meo, qui tūc præstantissimus rei militaris auctor & dux habebatur, amore, officijq; coniunctus. Sed ego summi illius uiri aspectu, & sermonibus tum perfructus, cum esset cum eo unā Nicolaus Fliscus eiusdē ordinis uir egregia doctrina, & auctoritate, quem nuper ut scitis mortuum, cū gemitu, & lachrymis prolecuti sumus omnes: senti hac de re inter eos agitari, utrum istas religionum hominum societates, quas fratrum religiones uulgo nominamus, tot iam præsertim, & tam uarias, habitu, institutis, appellationibusq; differentes, sic permitti, & tolerari expediret Christiano nomini, an eas certum ad numerū, cumq; exiguum redigi utilius esset. Et manarat forte illis diebus rumor in populo prospici huic rei à summo Pontifice, & de hac redactione in senatu actū iri. Atq; illi quidem locuti inter se dissidebant: Olluerius fortissimus semper antiquitatis defensor diceret, non fuisse bonorū pontificum eos, qui se nouis quotidie legibus obligare, ac supponere ad carnis motus magis coercendos, deumq; liberius cōtemplandum sponte sua uellent, non in illorū optima uoluntate cōfirmare, necesseq; item fuisse dari illis potestate proprios quosdā coetus, conuenticulaq; constituendi, habitulq;, & nominibus à cæteris se distinguendi, quo & ipsi inter ipsos nosse se possent, & à reliquis internoscerentur. Cōtrastabat Nicolaus, exitū rei declarare hanc uarietate religionum Christiano nomini parum cōmodam esse, q̃ & qui eos ad maximas diuitias peruenissent, his fere illi tam ad alenda corpora diuitijs, non ad misericordiam, neq; ad bonitatem uterentur, & quæ profellæ inopiam ac paupertatē religiones uictum sibi ostiatim, aut à prætereuntibus mēdicarent, genus in Christianos mores induceret minime ingenuum, neq; liberale; quippe cū quotidiana illa flagitatio & pudorē in hominibus extingueret, & auctoritati religionis detraheret, & impediret etiā studia de Deo cogitandi, atq; in eius uinis cōtēplatione acquiescendi. Quod si cōtrastis, & imminutis dissimilitudinibus una tantum monachorū, quos uocamus, religio inueneretur, qui in solitudine, & silentio, à turba, & fluctibus huius seculi semoti in inuestigando Deo præcipue insisteret, dum illi tamen id, quod minime faciunt, optimis literis, & studijs dare operam cogentur: duæ uero reliquæ darentur religiones, quibus uerfari inter homines docendo, atque hortando, annūciare poenitentiam, insinuare in populo sensum scripturarum, laborare, insinulare, seruire publicæ utilitati necesse esset, se iudicare multo cōmodius cum populo Christiano actum fore, q̃ quomodo nunc agitur in tanta tot ordinum dissimilis morum differentia, & uarietate. Duas autē illas idcirco se uelle esse religiones aiebat, quæ negotiosam, & laboriosam perferrent uitam, ut sancta & pia æmulatione inter se alterni ordines cōtenderent, uter eorū maiorum, & plurium bonorum auctor Christiano populo existeret. Hæc tum duorum amplissimorū hominū, & in ecclesia primisq; disputatio cū infucto mihi auditio tum tatum ad aures prima accidisset, aculeos quosdam mihi in animo reliquit, qui me postea crebro admonuerunt, ut de hisce rebus mihi meditandum, & aliquanto diligentius cōsiderandum putarem. Itaq; re sepius ex

pius excussa, atq; examinata possum uobis liquidò de meo sensu pronunciare: Harum tot religionum, & tam uariarum cõsiltum si ad rationē eorum relectatur, qui aut peti uerunt primi institui, aut qui indulsuerunt petentibus, & instituerūt, sanctum illud, & iustum, & imprimis graue, ac sapiens extitisse. Non enim alium ad finem tam multæ istæ fraternitates inductæ sunt, nisi ut homines illi, quos leges istæ communes, & iam usu cõtrite minus in officio continerent, ac licioribus quibusdam uinculis in pietatis studio, & cõtinentiæ tenerentur, nouatq; propterea leges sibi adscriberent, in quas uoluntaria primo inductione animi cum iurassent, earū mox seruandarum necessitate cõstringerentur. Consulebatur igitur hac ratione uel maxime hominum uirtuti, & integritati, si humana infirmitas perpetuò manere in robore animi, & cõstanter, quod susceperat, nauare potuisset. Sed cum pleriq; uideamus nostri temporis cõmutata esse, atq; in uera, equidē dicerem sententiā, si liceret, & si licebit unquā dicam, uideri mihi nostræ religioni, ac Christianæ Reip., melius consuleum fore, si triplex illa ordinum institutio induceretur, quæ nō tam quidē de numero religiosorum diminueret, q̃ uarietatem, & dissimilitudinē religionum prohiberet. Quod si explanatus, de hac re aliquid dicendū est; placeret admodum mihi, & mendicitatē tolli, quæ speculationi, & pudori, & opum affluentia, quæ integritati est aduersaria. Quid ergo est potissimum, quod ego de hac re recte statui arbitretur? Illud nimirum, si habito censu huiusmodi bonorū, & facultatum, dimidiam totius summæ partem, duabus illis sodalitatibus assignari uiderem, quas in opere, & in negotio docendi homines, ac cohortandi uerfari assidue, ac labore cõueniret: Alteram uero partem dimidiam ei religioni reseruari, quā tranquillam, & tacitā, Deorū, & sibi seorsum uitam agentem Græco uocatum monasticam appellamus. Atq; huius tamen silentis, atq; pacatæ fratrum, religiosorum hominum cõsiliis eas uellem esse leges, primum, ut literis bonis in ea, & liberalibus studiis ab omnibus opera daretur, quorum studiorū, atq; eruditionis exordia ducta à grāmatica, & deinde in rhetoricis, dialecticisq; instructa ad extremum terminarentur in philosophia, theologiaq;. Deinde ut liceret ex quolibet hominum genere parentibus liberos eò mittere in disciplinam, qui acutiore natura, & ad literas perdiscendas apti essent, indolemq; ingenij bonam præ se ferrent, qui si ab ipsis præsidibus, & collegiorū rectoribus, qui rectpi deberent idonei iudicarentur, cum alerentur sumptibus religionis cõmunitas: tum autem industria, diligenterq; instituerentur ad omnem exercitationem, & studium adipiscendæ doctrinæ, atq; uirtutis, quam diuq; manerent in conuentu illo, quod illis ad certum tempus esset licitū, quoad uis delicti in literis & moribus probè instructi essent, eodem omnes uesfitu, eodē uictu, eademq; prorsus uitæ regula uterentur: post uero tempore exacto liberum foret unicuiq; & leges sibi uitæ recte degendæ, quas uellet, & quibus uellet in locis domiciliū eligere. Etenim siquid est humani, quod præstari à nobis possit, audaciter uobis confirmo hoc huiusmodi more inductio in consuetudinem, quemadmodum ex seminario acceptas arbores, & per sua deinde spatia dispositas hortos uidemus, & uiridia ornare, atq; illustrare: sic hos ex optima disciplina educationeq; profectos, & in diuersas missos uitæ functiones, eas regiones orbis terrarū, in quibus insedissent, optimis esse moribus, & præstantibus uirtutibus illustraturos. Quod si id quocq; accederet, ut à principibus, & à maximis regibus, summisq; imprimis pontificibus prouidentia, cuius ratiq; adhiberetur, ut ex horum numero potissimum eligerentur, qui præficerentur ecclesijs, & sacerdotijs, & qui ad magnas res gerendas adhiberentur: nā ego pro certo ausim polliceri statum orbis terræ, qui nunc perturbatione legum, atq; morum, omniumq; concursu propemodum calamitatum collapsere uidetur, esseq; ruinæ, & confusioni proximus, firmitatem ac stabilitatem, decusq; & ordinem bene agendæ uitæ facile recuperaturum. Sed quoniam nos hoc tempore leges non scribimus, tantumq; innuimus, quid nostræ sententiæ, & opinionis sit, concludamus illud Langee, quod in tua oratione positum fuit extremum, hos, qui hæc religionum sectas accusant, si consilium reprehendant instituendarum, falsa illos ratione duci, atq; aberrare: Si mores, uitæq; quorundam inficiantur, iam hoc esse hominibus, non rei ipsi detrahere, in quo ego cum illis unā cõsentio, fatoreq; non pauca esse in abusionem his temporibus

inducta, atq; prolapsa, quod quidem ad religiones attinet, quæ prudentiū iudicio minime possint probari. Illud dico, neminem, qui sanus sit, æquo terre animo, ac pati inuentos esse homines perditos, qui annis permultis in religione cū fuissent, legibusq; illis, quibus uolūtate sua primo se obligauerant, diutius paruissent, repēte mox nulla idonea de causa, neq; expectata auctoritate maiors ipsi inde se proripuerint, à ueterē religionis instituto ipsi se abdicauerint. Quancūq; hæcenus fortassis fuerit illis cōcellum, sed ut appareret, quæ eos ratio, aut quæ amentia potius impulsisset, nō modo ad prophanam deintēgrō uitam, sed ad omne genus intemperantiæ fuerint relapsi; quorū alij nefarijs nuptijs se obligauerunt, alij dierum, & ciborum obseruantias sua stulerunt, mandataq; omnia ecclesiæ irrisui habuere: cuncti uerō superbas, & impias aduersus Deum, ipsaq; Dei præcepta, quæ in humilitate animi, & erga proximū charitate præcipue cōsistunt, extulerunt mentes. **HIC BGO:** Iure illis talibus irascens Tristiti, & hominū damnas temeritatem, Sed quod ad obseruantiam ieiuniorum attinet, haud ita quaquam dies multi sunt, cum me appellauit Clemens v 11. Pont. Max. quæsiuitq; ex me, quid mihi uideretur de ieiunijs; num ego ea populis recte relaxari censerem. Quærebat autem hæcenus, non ut percontaretur, licet et ne passim uesci cibus omnibus, id enim in controuersum est, nec dubium nō licere: sed an semel tantum ieiunijs uesci id necessarium esse existimarem. Cui cum dixissem ieiunium eiusmodi, quod temperatis hominibus detrimento esset, helluonibus causam grauioris intemperantiæ alferret, quodq; nō minus læderet prætermisum, quàm prodesset seruatum, cum præsertim in tam dissolutis moribus paruam ad continentium homines uim id iam haberet, recte mihi uideri, remitti posse: aperuit mihi sententiā suam, sedq; in eo uelle prospicere cōmuni **CHRISTI** gregis salutē affirmauit, Cuius ego laudatā probitatē, & clementia (est enim, ut scitis, omni prorsus humanitate, & bonitate lenissimus, eamq; populorum sibi creditorum curam gerit, quam filios: optimus pater) tamen dixi expectandum mihi uideri, quoad peteretur ista remissio, non ut ultro illa, & inopinantibus deferretur. Quo ille responsō usq; adhuc retardatus est, itaq; quod ad unicam istam in die sumptionem cibi pertinet, potestis iam intelligere sententiā meam nequaquam à Thomæ Caietani sententiā discrepare, qui etiam sui discipulationem hanc reddidit, non se arbitrari p̄sicos illos patres prætermisssione ieiuniorū uoluisse homines ad capitale crimen obligare, qui præsertim paterna quadam charitate cūctis prodesset, & consulere studuissent: sed hoc illorum ieiunandi præceptum, modo abisti contemptus, in eam potius partem accepi conuenire, ut doceantur homines, quid recti moris sit, conducaturq; ad uitæ cōtinentiam, non ut cogantur: quæ mihi imprimis bona uisa est sententiā, nisi ego hoc fortasse meæ imbecillitati tribuo, qui cū malo stomacho sim, soleo equidem interdū semel tantū cibo uti, cum id meæ ualerudinis ratio à me postulat. In ieiunijs autē ipsis, si accideret, ut appetam cibū, diuiderē libentius in duo tempora soleo, ita ut in utroq; tēpore me geram q̄ moderate; præsertim cum mihi necesse sit ob corporis periculū à leguminibus omnino, & à salsamētis, maxime quoq; ex parte oleribus, & piscibus abstinere, quod hæc esculentorum genera perniciosiora mihi sint. Ac sic quidem agendi ueniam sum, & facultatē nominatim à Pontifice adeptus. Sed quoad auctoritatē ecclesiæ, atq; Pontificis uinculū istud ieiunandi retinetur, legibus parendum censeo. De cibis autē ipsis, deq; eorū dierum peculiari abstinentia, qui bini semper in singulis hebdomadibus interpositi sunt, necnon de alijs uigiliarum, & temporū, & quadragesimæ (sic enim appellamus) diebus uix quicquā ego putem utilius, ac sanctius constitutū ab ecclesiā fuisse. Quid enim aiunt illi qui cōtrā pugnant, legem improbatam fuisse Iudeorum, quæ tanta superstitione cibos distingueret, ut alios reijceret, alios uero admitteret. Iure ego improbatā patet facta ueritate confiteor, nullaq; nobis cibos superstitione inter se differre. Itaq; omnia passim utimur. Cur ergo aliquos aliquando repudiamus? quia rationum & temporum discriminē est, non ciborum. At hoc est, quod Paulus reprehendit, Ne quis nos iudicet in cibo, aut potu, iniquiens, aut in parte diei festi, aut nouiunij, aut sabbatorū. Et rursus abijcens decreta legē, Ne tetigeris, ne gustaris, ne contrēctaris, quæ ipso pereunt abusu, inquit. Alioq; item loco sub elementis mundi in seruitutem adactos nos min

nos minime esse uult. Quæ ego omnia ita esse cõcedo, nullamq; confiteor in eis, & pñtionibus ad inquinandũ esse, & ad commaculandum inſitam uim. Sed neq; item in temporibus, quatenus ipſa per ſe tempora ſpectentur. Verũ ſi agitur in illis memoria aliqua geſtarum rerũ: ſi & pro illis, quæ nobis læta, & ſalutaria diuinitus tributa ſunt, in agendis Deo gratijs dies nonnullos ponimus, quod feſtorũ, & ſolennium dierum proprium eſt: & recordatione rerũ triſtium, quæ obuenerunt, aliquam ſpeciem præ nobis mœroris ferimus, quam maxime ciborũ quorundam indicat abſtinentia, quis hunc optimũ, & ſanctiſſimum morem in Chriſtiano populo indiẽtum, indicem gratæ aduerſus Deum uoluntatis, coarguere iure poſſit: nũ ſi it, qui redarguerit, ab omni ipſe hominis ſenſu, & humanitate remotiſſimus: Nulla unquam gens fuit, neq; tam corrupta, & proſtigata moribus, neq; natura tam immanis, ac barbara, quæ non aliquas dierum quorundam religiones haberet, quos dies partim atroſi cuſtodiret, partim celebraret lætos. Sed ſit hic humanus mos, non tamen à bona ratione abhorrens, neq; ijs non concedendus, qui ſua laboris, & quicuiſq; tempora cum honore Dei immortalis diſpertiant. Nos ut longius rem aliquanto repetamus, dicimus totam illam rationem feſtorũ, ſolenniumq; dierum ideirco inuentam fuiſſe primò, in cõſuetudinẽq; adductam, ut mortalis fragilitas, quæ continenter ferre corporis laborẽ, & contentionem animi non potẽt, ſeſos huiusmodi dies haberet, tanquam interualla, & ſpiramenta occupationum, atq; uararum: quod neceſſitati primò datum, hominum deinde ſapientum prouidentia ad honorem deorum contulit. In quo orbis terræ communis prope fuit error, ut in opinione olim deorũ homines fallerentur, quos cõmentitijs, & falſis pro ueris accipiebant. Eum porro errorem uerus Deus genti ab ſe deſectæ ludæorũ cum eripuſſet, ſeſosq; agi ab illis dies in honorẽ ſui præcepſiſſet, remiſſionem illam animorũ à terrenis curis humane infirmitati attribuit, honorem & celebritatem lætitiæ ſibi: quod in noſtros mores, ritusq; relatum, quis iure queat reprehendere, aut cõdemnare: at cur ieſunamus pridianiſ feſtorum diebus: quia decet, rectumq; eſt, quem diem tribuere debemus laudibus, & cõmemorationibus beneficijs ſummĩ Dei, quæ ab eo in nos beneficia, uel in ipſomet, uel in ſanctis eius collata ſunt, ad eam nos diẽ imprimis caſtos, ſobriosq; accedere, ut ex perfectiore & uigilantiore animo cogitemus, quantũ ipſe de nobis meritis ſit, quãdũ illi agendarum, & ſecundarum gratiarũ ſumus debitorẽs. Sexti uero quicq; & ſeptimũ in hebdomadibus dies ideirco à cibus lautioribus, eſuq; carniũ diſempti ſunt, quò ſpeciem habeant mœrentiũ, atq; lugubrium, quòd illorũ dierum altero in crucem ſublatus ſeruator noſter eſt, altero ſacuit ſepultus: quanquam & in utroq; altera præterea ſpectata ratio eſt. Quoniam enim ſextum illud diem tanquam Veneris ſacrum in ludis, & epulis, nequitijsq; omnibus gentes conſumebant, ſabbatũ autem ludæi præcipue in honorẽ, & in obſeruantia gerebant, ſapienter, & pie maiores noſtri eodẽ ipſos dies, quos illi hilares, lætosq; ducerent, nobis tanquam atroſ habendos conſtituerũt, ne quos à ritibus illis, & ſuperſtitionibus auocare cuperent, eos uiderentur, ſi eſſent in dierum cultu imitati, non tam auocare, quàm in ſuis præſtitiſ erroribus confirmare. Verum & in ſabbato eadẽ illa concurrít, quæ in diebus feſtis celebratis antecedentibus ratio. Eſt enim hic dies dici dominico pridianus, qui imprimis ſtatus apud nos, celebrẽs eſt. Quadraginta autem dierum ieſunium Dei omnipotentis honorĩ ita datum eſt, ut quaſi decumas in eo annũ temporis Deo pendere inſtituamus. Verum id potuit diebus ſex, & triginta conſcieri: quatuor porro reliqui adiecti ſunt, ad imitationem quadragenarij ieſunij, quod Dominus I E S V S Chriſtus in ſolitudine continens, & perpetuum ſeruaffe legitur: quod etiam antea in monte Syna à Moyſe tanquam ſimulacrum rerum futurarum uſurpatum eſt. Dempſtis enim dominicis diebus dies integros quadraginta in ieſunio iſto numeramus, additi trini præterea in ſingulorũ trium menſium ſpatia dies, ueluti indices quaternorũ temporum, quæ aut accedens ſol, aut recedens anno ipſo uoluendo diſtinguit, & uariat, quaſi ſas rectumq; ſit auſpicari à Dei immortalis honore, & nomine temporum cunctorũ initia, Verum ut à reddendis dierum rationibus abeamus, quæ ſunt omnes à maioribus noſtris cum inuentæ ſapienter, tum imprimis ſanctè conſtitutæ,

ſi oppo

si opponatur nobis in differentijs nos insistere ciborum, & temporum, atque eo pacto Iudaeam superstitionem & errorē negabimus planē utrumque, atque id profitebitur, habere nos, & ducere in obseruationibus nostris non dierum, neq; ciborum, sed sobrietatis nostrae, ac temperantiae, & erga summū Deum honoris rationem. Nam di scrimina illa Iudaeorū ad abstinentiam minime pertinebant: hanc dico sanctam, & spiritū ritualem. Quid enim aut solidis animantium ungulis, aut etiā multisfidis, auib; quoq; rapacibus, & piscibus squamma nō contectis, cū spiritu, cum sanctitate, cum abstinētia negocij eliquae si Iudaeis uetita sunt, ut in moribus illi erudirentur, humanā redolent philosophiam, non diuinam. Sin quoniam sunt insalubria, sicco illis fuerunt interdicia, quis est, qui nō intelligat Moysen Aegyptiorū artibus imbutum extitisse? Quid si, id quod uerius est, simulacra quaedam, illae res fuerūt, & ueluti argumenta fuerat ueritatis: inducta iam ueritate, simulacris amplius nō indigemus. Iudaei ergo in cibis, & in temporibus inhaerebāt. Nos ad Deum, & ad spiritū omnia referimus, neq; in hoc genere abstinenti, aut obseruandi aliud quid sequimur, nisi & ut nostrorū laborum interualla consecremus cōmemorationi diuinorum beneficiorum, & nos ipsi ad recolenda illa eadem Dei beneficia uigilantiores, ac paratiores per abstinentiam redamur. At enim uis (inquūt) nō debuit afferri, sed cunctos suo ipsorū arbitrio oportuit permitti, quando fides CHRISTI libertatē omnibus dat, neq; uult quenquam ueteris legis uinculo, aut cuiusmodi necessitate aliqua astrictum esse. Quibus ego respondēdo, ut se ita habeat res, quemadmodū exponunt ipsi, utrum tamen fuit aequius, & Christianae mansuetudini cōuenientius his de rebus modeste exposulare, & conquiri, causamq; ad caput, & ad principes Ecclesiae deferre, an ipsosmet per temeritatē, & arrogantiam nouum sibi capere consilium, seip; à communi more fidelium abscindere? Nam quod dicunt non se concedere, ut Ecclesiae caput Romanus pontifex sit, omnes semper concesserunt, quicunque ante in Christiano nomine fuere, exceptis paucis quibsdam, qui eo ipso nomine apud maiores nostros condemnati sunt. At illi solidi, ex cordesq; fuerunt, omnesq; errore opinionis sunt lapsi. Vos ergo soli in omnibus seculis, in omnibus hominibus, uestra praedicatione citis sapientes. Quid ergo ait Salomon? Vidistis hominem, qui sibi ipse sapiens uidetur? Ipse est de istis, quā de colonge maior. Certe hanc uobis sapientiam, quam assumitis ipsi, nemo facile concedit. Quid potius sentiant de uobis ceterae nationes, ego non dicam, uaria est enim, & multiplex uituperatio, tamen sub haereticorum nomen, atque appellationem omnia crimina subire, & succedere uideantur, uosq; penitus amittitis simi estis, si hoc non intelligitis. Sed ut ueniam ad libertatem fidei, quae à uobis proposita est, fateor CHRISTI fidem esse libertatis magistrā, nullisq; cuiusmodi legibus, nec seruitutibus eam nos astringere, quae ad corporum cultum, curam, uel pertineant: sed tamen ut Apostolus Petrus inquit, non debet illa libertas mantelum malitiae esse. Quicunque enim spiritu intentus in Deum est, huius omnia corporalia, & terrea minimi momenti sunt, neq; ille diem operosum à festo, nec escas ab escis, potiones uel discernit, quippe qui alijs curis, alijs studijs, contemplationibusq; ducatur, semperq; in sobrietate sit, & in Deo corde, cogitationeq; inhaereat. Atque illud quoq; adicio, si tales CHRISTI fideles, quales quidem esse debuerunt, extitissent, non hanc futuram fuisse necessariam legum cōdendarum sollicitudinem, & curam, per quam in officio homines, & in sobrietate continerentur, fuisset enim sibi tum unusquisq; lex, neq; in se solum, sed in ceteris quoq; exemplo, & doctrina moderandis habuisset auctoritatem. Sed si perquam sane pauci isti sunt, qui spiritum sequantur, qui CHRISTI fidem, quemadmodū quidem oportet, teneant, si maxima longe multitudo ad carnem, corpusq; delabitur, & ab his, quae fidei sunt, nō solū usu, sed etiam intelligentia est remota, quid tandem decuit fieri? Quæro enim abs te Luthere, qui primus haec leges, & obseruantias damnare ausus es: Cum peccarent homines, cū laborarentur, cum ad libidines, & ad facinora procliuēs essent, cum epulis, uino, luxuriæ se dederent, cum uerbis tantum, & uoce CHRISTVM confiterentur, cetera gentium similes existerent, quid fieri fuit necesse? Sinere eos, & suo arbitratu ferri, sua libidine permittere? qui ergo non male, & perperam leges imperatoris lae sunt, quae delin-

quæ delinquentibus poenas, & summum sæpe supplicium proponunt: quas te autore antiquari oportet, & imperatorum consilium condemnari. Alstringunt enim homines seruitute leges istæ, quos CHRISTVS liberos esse omnes uoluit. Quam igitur uitæ spem, aut quem ordinem rerum, aut publicarum, aut etiam priuatarum hominibus relinquunt? Quod si in his, quæ ad societatem pertinent ciuilem, ceterisque hominum, quas ciuitates uocamus in officijs mutuis, & in concordia continent, necessarium fuit providendum, legesque ponendæ, quæ delicta hominum poenis comprimerent, ne facinorosis, & audacibus Respub. prædæ aut ludibrio esset, fideiisque Christi in eo, quo minus ita fieret, non est spectata, neque animaduersa libertas, tibi ne minus iusta, aut minus idonea uidebatur ratio homines ad abstinentiam, & sobrietatem legibus adigendi, quo nomen omnipotentis Dei, & ratio uera fidei nostræ, quæ in spiritus libertate, non quæ in carnis licentia posita est, etiam ab iniuitis quoquo pacto conleretur? Equidem uideo monumentis esse traditum, primo illo inductu fidei nostræ, cum increbresceret quotidie CHRISTI nomen, hominesque ardore quodam amoris ad Deum se adiungerent, nullas huiusmodi leges, neque conditiones rei uel necessario seruandarum impositas hominibus fuisse, cum ipsum studium fidei, atque Dei sat ualida per se lex esset omnes à corporeis studijs ad spiritualia reuocandi. Itaque & quæ dragessimam legimus nulla indicta lege, quæ communiter teneret omnes, tantum suo cuique arbitrata, & sua sponte obseruatiæ tunc fuisse. Quæ de re in antiquis historijs est scriptum, quod in ipsis quadagesimæ ieiunij aliz apud alios obseruationes uigebant. Romani treis ante pascha hebdomadas continuato obseruabant: Illirium, & Græcia, necnon Alexandria, totaque Aegyptus hebdomadas sex, quod ieiunij tempus uocabant quadagesimam. Alij uero septem ante pascha hebdomadibus ieiunium inchoantes, primis tribus consecitis duas intermittebant: deinde in duas reliquas hebdomadas resumebant ieiunium, quos dierum numerum non tenentes, quæ dragessimam tamen id tempus appellare parum congruum etiam temporibus illis uidebatur. Ciborum quoque mos, & abstinentia non omnibus par. Nam alij omnino ab animatis abstinebant, alij ex animantibus pisces solos recipiebant, addebant alij & uolucres, tanquam æreum id genus à Moyse, non terrestre fuisse iudicatum: quidam non oleibus quidem utebantur, sed arido tantum utebantur pane. Nonnulli panem quoque ipsum reiiciebant, olera duntaxat adhibebant. Alij ad nonam usque horam ieiunantes, quocumque cibo post indifferenter resciebantur. Ita uariæ apud diuersos uigebant consuetudines. Et quoniam huius rei (est enim hoc quoque in historia scriptum) nullum uetus præceptum inueniebatur, credibile fuit Apostolos hoc uniufcuiusque arbitrio liberum reliquisse, ut timore nemo, nec necessitate, sed uoluntate, & libero corde sibi id præferberet, quod salutare, & bonum ipse iudicasset. Videmus igitur hoc uetus testam. testimonio, quod circiter Constantini tempora, aut paulo infra literis mandatum est, quoad uis fidei in cordibus hominum fortiter uersata sit, nullum tale præceptum abstinentiæ, aut ieiunandi hominibus datum, neque uim impositam legibus latis fuisse. Non enim tum erat causa præcipiendi, cum æqualiter omnes uoluntariam moderationem, abstinentiamque præstarent. Quod si præcipere tunc opus non fuit, in communi illo more, & hominum bonorum, & temporum, cedere postea necessarium fuisse, quam homines sensim illo timore Dei, & celestium rerum cura soluti indulgere flagitijs, & in omne genus intemperantiæ dedere se coeperunt. Quibus si aliqua ratione obuiam non fuisset itum, non ne ignoratio Dei, & gentilitas penè ipsa in Christianum nomen reuertisset? Sanctum igitur & salutare fuit Ecclesiæ institutum talibus immoderationem legibus, & licentiæ coercendi, quibus etiā qui nollent, ad curā aliquam tamen & ad cogitationem colendi Dei adigerentur. Quod si altior quoque horum ieiuniorum ratio reddenda est, & cum CHRISTI, fideique mysterio coniunctior, sic intelligendum est, accessum, atque aditum ad regnum Dei, & ad honorem beatæ immortalitatis in eo maxime consistere, si qui illo ingredi conantur, omne imprimis onus, & carnalem sarcinam mundanarum curarum, uoluptatumque deponant, & dimissis terræ impedimentis ad Deum se conferant expediti, atque alacres. Quod si gula, & palatum, & ciborum omnium suauiorum uoluptas corporea maxime est, nec solum ipsa per se uitæ

D d peranda

peranda, sed quæ pluribus præterea indecoris, & maculosis uoluptatibus præbeat ortum, ut plurimarum turpitudinum sit mater, tum autem eadem in amore mundi præcipue nos contineat, spiritualiumq; uirtutum & operationum sit inimica, necesse fuit nimirum ad Deum, & ad spiritum nos inuitantibus huic errori hominum, & corporæ labi, culpæq; obfistere. Itaque & CHRISTVS ipse suo primus exemplo à baptismo Ioannis, tanquam ab ipsis foribus, adituq; fidei, in cognationem Dei, & regni spem intromissus, ut cæteris iter ostenderet, quâ transituri essent, qui idè regnum appetebant, euelligio in desertum, & ad ieiunium translatus est. Et populus Hebræorum, cum Aegyptum tanquam mundum, & regnum carnis relinqueret, atq; in promissam terram, quæ figura, & simulacro cœlestem patriam referebat, iter esset facturus, antè eò quàm perueniret, atque in illis speratis, atq; exoptatis sedibus collocaretur, per annos quadraginta in deserto, & retentus, & instructus, & omnibus patientiæ operibus examinatus est. Moyses quoque neq; congregi Deo, neq; tabulis accipere diuinæ legis potuit, nisi quadraginta dierum præeunte ieiunio: quem eundem numerum dierum Helias ieiunauit, ut ad montem Dei posset se conferre. Ac deniq; si & documenta uetustatis, & scripturæ sacræ testimonia diligentius inspiciantur, facile apparebit intuentibus, atq; intelligetur hanc esse ieiunij, & abstinentiæ uim, ut ea homines maxime, & in spiritualibus uirtutibus confirmet, & ad regnum cœlestis obtinendum faciat aptos: quod etiam in illo genere malorum dæmonum difficiliore ad expellendum ostendit nobis CHRISTVS, cum illud tantum eijci posse dixit in oratione, & ieiunio. Cur autem quadragenarius ille numerus potissimum speciat sit, qui à quaternario ducitur, qui & ipse est in quaternis temporibus anni ieiunio consecratus, ut nesciam, aut ut illud dicam, quod à plerisque dicitur, hunc numerum impiis corporum esse, uel ex quaterno elementorum numero, uel quod quaternarius primus plures accipit sectiones in paria membra diuisas, quæ natura corporum propria uidetur efficuerum ut magis istud nesciam, neque enim omnia scire nobis est fas, illud quidem scio, quod uideo hunc semper fere numerum in tristitia, & moribus à scriptura adhiberi. Itaq; & in ieiunio CHRISTI, & Helias, & Moysis is numerus ponitur, & in commemoracione populi in deserto, & quadraginta, in terris, diebus post exuerctionem Christum, & totidem Ninuitis ad poenitendum præscripti dies, & XL. annis desertam fore Aegyptum Ezechiel testatus est, idemq; tot dierum somnum in dextrum latus pro tribu Iuda obdormiit, pluuiæ quoq; diluuij diebus XL. in terram se effudere, ut cum tot exemplis, & monumentis antiquarum rerum uideamus hunc præcipue numerum cōprimenda corporis, carnisq; luxuria diutino consilio imprimis consecratum quasi fuisse, iure is in ieiunium quadragesimale relatus, & summa cum ratione indicatus esse uideatur. In quo sanè pudor, & moderatio ueterum Romanorum pontificum iure laudanda est, qui non domesticū quadragesimæ ieiunium, quod ipsi obseruabant, ne nimirum sibi tribuere, & ad suam autoritatem omnia retrahere uiderentur, sed illud Aegyptiacum, & Alexandrinum Christiano populo indicere, scq; ea lege primum, tum cæteros deinde omnes uoluere esse constitutos: quæ lex uoluntarium antea morem illum ieiunandi, & abstinenti diuternam iam desidia, & ad luxuriam, intemperantiamq; collabentem necessaria quadam obseruatione uinceret. Nam quod sancti quoq; & spirituales uiri his legibus comprehensi sunt, non fuit hoc quidem consilium legis hos tales comprehendere: neq; enim hi præcepti, aut admonitionis indigebant. Sed cum lex in uniuersum posita sit, nec fieri commodè queat ista distinctio, æquius multo fuit paucos subijci legi, quàm uniuersos sine lege uiuere. Quid autem, num hi legibus tenebuntur, quibus superuacanea est præceptio legis tenebuntur enim uero. Etenim præclarum est bono exemplo continere in officio cæteros, neq; minus necessaria probis, & rectis exercitatio uirtutis, quàm lubricis, & inconstantibus uitij interdictio. Atq; ego istos rectè si noui, qui spiritum, non carnem diligenter excolunt, nequaquam uereor, quin se libenter hi sub præceptum subiectioni, & imperij legis non grauate accepturi sint. Non enim illi elatione animi, & arrogantia, sed humilitate, & sobrietate sunt sapientes. Quod si qui sunt, qui aut ualitudine infirma sint, aut à pristinis moribus ægre dimoueantur, aut etiam qui sibi indulgeri aliquantū plus

plus uelint, causasq; dicant quaslibet, non solum graues & necessarias, uerum etiam leuiore, ut itinerū, ut studiorum, ut laborum, Deniq; qui quoquo modo remitti sibi hanc necessitatem postulant, quid est ad indulgendum his, morem? gerendum Ecclesie Romanae, & hac apostolica benignitate propenlius: quae non modo hanc ueniam poscentes, nunquam nō audit, sed saepe etiā uitro nil postulantibus offert. Cuius auctoritatem infringere, & clementiam alpernari hominum est non libertatis sus, nec ueritatem fidei tutantium, sed totos se superbie, maleuolentiaeq; permittentiū. Verū de his quoniam satis dictum est, ad Apostoli uerba, si placet, redcamus. **REDEAMVS,** inquit, Langeus, quando sedato iam incipio esse animo, scrupulosq; mihi eos disputatio tua extraxit, qui me ante & crebrō, & ualde stimulant. Facie enim nunc intelligo optimo ista consilio, & à catholica Ecclesia indicta, & à populis fidelibus suscepta, obseruataq; fuisse, nempe quae uiris temperatis, & sponte sua spiritum excolentibus, ingrata esse non possunt. Intemperantes uero, & carnos ad aliquam habendam modestiam, & sobrietatis rationem compellunt, ut comprellis per abstinentiam effusis illis animorum motibus calius in hominibus mos, & probus inlinetur. Deniq; quod casus per est, homines à terrenis, & carnis uoluptatibus ad uia diuina, & spiritalia gaudia per hanc abstinendi praecepta uideo reuocari. Quamobrem illos plane non probō, qui tam proicte, & petulanter aduersus principes, auctoresq; Ecclesiae, & contra abstinentiae decreta non uerbis irruunt modō, uerum etiam factis, cum praesertim, ut dicis, nemini cupienti his se legibus exolui suam ecclesiastica mansuetudo benignitatem intercludat. Ene sane ita est, ut non sint leges consilio, & sapientia latæ, temere atque ad arbitrium cuiuslibet infringendæ, hæc ipsæ minime, quæ diuturno usu uetustatis comprobatae sunt, sed earum moderatio, si quid fortē incidat nouæ rationis, & temporum inclinatio sic postulet, ut mutandum aliquid in eis, aut corrigendum esse uideatur, ab illis ipsis petenda, qui earum condendarum habuerint potestatem. A quibus equidem id postularem, ut saluis præceptionibus cæteris, cibum tamen ieiunij semel tantum in die suscipi non foret necesse: cum, ut tute respondisti, id temperatis hominibus sit detrimento, intemperantibus uero nullam utilitatem afferat: neque enim propterea hi sunt continentiores. Quadagesimæ autem sex, & quadraginta numeroq; diebus in eandem abstinentiam consecutis ad diem sex, & quadraginta numerum excreuere, sic putarem moderanda, ut maneret quidem ieiunium uetus Romanum. illud, quod tribus hebdomadibus ante pascha religiosissime seruabatur, idq; ita præcepto, & lege sanciretur, ut graue eliceret crimen, & spiritalis multæ illud uiolentiae; reliquos autem quinque, & uiginti dies non tam metus criminis, quam meriti apud Deum spes faceret religiosos: quos ut qui possent, libentius retinerent diem illorum abstinentiam, spiritalibus donis indulgentiarum prouocari, & populis commendari putarem conuenire: hoc quidem etiam magis, quod in hac uulgo hominum insolentia, & temeritate, hisq; contumacis moribus cum contra leges & loqui, & facere iam populare esse uideatur, quæ ad continendos in uirtute, & religione homines, sanctissimo consilio reperta sunt, ea non tam nunc continere, quam ad delinquendum grauius illicitum, & causam subijcere uidentur. **DE ISTHOC** uidebitur, inquam, alio tempore, si acciderit, ut ista res ueniat in disceptationem. Nunc quidem illud consistare nobis est necesse, si uolumus esse hi, qui debemus, hoc est, si in Christiana humilitate, & modestia constituiuius utuere, leges maiorum nostrorum à nobis diligenter esse retinendas, quas praesertim optima ab illis mente, & salutaris consilio latas consisteri fuisse. Etenim post fidei, & charitatis erga Deum, proximumq; præcepta, quid magis nobis praescriptum, indictumq; est, & in Euangelij, & in Paulo, quam repressio carnis, ususq; ieiunij, & oratio ad Deum continens? Qui enim corpus suum in seruicium redigebat, ne, cum alijs prædicasset, ipse incontinentens reperiretur, non ne leges abstinentiae, ieiunijq; prædicabat? quanquam illas tunc uoluntarias, quas postea in legem scriptas, necessitatemq; relaxas, si temporum nunc ratio ex parte aliqua peruelegerit, ac diuiores, quam antea, facit uideri, non id est uitio legis, sed nostro attribucendum, qui si in ea cura intenti mansissemus, ut spiritu uiueremus, non corpore, hoc est, ut cum Deo, non cum mundo rationes nostras duceremus, ne animaduertendi quidem,

& distinguendi spatium haberemus, quo quisque ex genere cibis, aut quota diei hora fumendus esset. Sed tantum cum flagitaret corporis necessitas, ad ea, quæ prima nobis oblata essent, edenda prouocati, ut primum naturæ, & fami satisfecissemus, ad beata statim celestium rerum curas reuerteremur. Atqui hoc fortioris est, & constantioris fidei proprium, nullum facere discrimen in cæcis, & potionibus, omniaque ista paria, atque uniusmodi ducere. Quodd si cibos, qui distinguunt, ut lautioribus abstineant, ueluti infirmiores habendi sunt, quanto magis, qui eos discernunt, ut exquiritillimis utantur, hi sunt reprehendendi. Quanquam Paulo hic quiddē nō de intemperantibus & luxuriosis est oratio: sed de his, qui partim in cibis, & temporibus discrimen nullum faciebant ea fiducia, quod nihil fidei firmæ perniciosum in illis, neque aduersarium uirtuti esse arbitrabantur: partim, qui carnis motum sentientes ad ipsam retundendam, & debilitandam carnem, temporum, & ciborum obseruantias adhibebant: quos tanquam diffidentis, & imbecillos suscipi à fortioribus, & foueri, ac sustentari indicat debere. Hoc enim est, quod ait, Assumite ne fiat sectio, id est, ne dissimilitudo opinionum, ac morum dissidium aliquod gignat, ac pariat, aggregate uobis illos, & si illi se erigere, atque attollere ad parē uobiscum fiduciam non possunt, inclinamini ad illos, uosque demittite, ut coeat in unum fraterna uestra consensio. Eis uero reprehensionibus, ac disceptationibus, quæ inimicæ pacis sunt, exasperantque animos, non placeant, penitus super sedete. Non enim litigando, neque arguendo, sed pariter agendo, cumque illis uis abstinentiæ multo eos facilius in uestrum sensum, iudiciumque pertrahetis. Et qui ergo fidei posse absque periculo omnibus uesci, dissidentem is ne spernat. Et qui diffidit, ne iudicet fidentem, hoc est, illam in cibis communiter admittendis animi libertatem, ac fiduciam male ne interpretetur. Qui enim confidit, à Deo assumptus est, hoc est per, fidem, & professionem Christianā homo iam Dei factus, ad eumque aggregatus, qui uidetur in eo hæere etiam constantius, quando illius amore teclus, atque munitus, carnis lapsus, & pericula haud ita pertimescit: cuius quidem Deo iam mancipati, & traditi serui ad te neutiquam pertinet iudicatio. Siue enim steterit ille seu cadet, Dominum suum habet iudicē, cui & stat, & cadit, & à quo si ceciderit, etiam restituitur. Iudicare porro diem, ad diem, inter dies & tempora discernere est: iudicare omnem diem, est dies omnes pares, & eorum nullum eximium habere. quod respondet illi, quod sequitur, Qui non considerat diem, domino non considerat. Siue enim abstineatur, siue non, siue tempora discernantur, siue paria ducantur, dum utrumque in Dei honorem fiat, & in utroque Deo gratia habeatur, in neutro est quicquam, quod iure possit reprehendi. Nam quod interponit Paulus, Vnusquisque in his animo suo satisfaciatur, minime certe interposuisset, si de obseruantis, & ritibus Mosaicæ legis, ac non de priuatis legibus abstinentiæ, quas sibi quisque fert, fuisset dicendum. Illæ enim semper Christiano homini interdicitæ sunt, propterque earum obseruantiam grauiter à Paulo Petrus fuit increpitus. Nec uero ex eo sunt genere, quod ad comprimendam carnis petulantiam ualeat, sed quod ad superstitionem animis afferendam. Qui enim adhibet illas, ut in epistola ad Galatas est scriptum, is à CHRISTI gratia, & premio crucis deseruit, neque simul potest idem & operum, & fidei iustitiam exhibere, considerareque sibi ipsi, & in Deo spem suæ salutis ponere.

Nemo enim nostrum sibi ipsi uiuit, & nemo sibi ipsi moritur. Siue enim uiuimus, Domino uiuimus: siue morimur, Domino morimur. Siue ergo uiuimus, siue morimur, Domini sumus. Ad hoc enim Christus & mortuus est, & surrexit, ac reuixit, ut & mortuorum, & uiuentium sit Dominus. Tu uero quid iudicas fratrem tuum? Et tu quid aspernaris fratrem tuum? Omnes enim assistemus ad tribunal Christi. Scriptum est enim, Viuo ego dicit dominus: Mihi cur uabitur omne genu, & omnis lingua confitebitur Deo. Itaque unusquisque nostrum de seipso rationē dabit Deo. Ne amplius igitur inter nos iudicemus. Sed hoc iudicate potius, ne ponatis offendiculū fratri, uel scādalum.

Deterret

DETERRET semper Paulus à iudicando proximo, & ab eo iudicio, quod sit in deteriorem partem. Nam bene sentire de altero, commodèq; opinari, atque in melius interpretando accipere omnia, non solum Christianæ est charitatis, sed communis etiam humanitatis officium, cuiusmodi quidem iudicia de proximo facere recte possumus. Capere autem ea, quæ fiunt, quæq; dicuntur, in non bonam partem, & iudicium illis nostræ perversæ existimationis adiungere, animi est non alienam prauitatem coarguentis, sed suam potius indicantis. Quid ita enim si ad te nihil cuiusmodi quicquam pertineat, de alieno facto fers sententiam: in qua ferenda non dolore, & misericordia commoueris, quasi alterius damnum ægre patiare. Nam id quidem forsitan tolerabile sit, aut ascribendum etiam charitati. Sed tuam malevolentiam cura illa oblectas, perinde ac tibi accedat, quicquid bonæ de altero opinionis detrahitur. Hoc genus iudicandi de altero, maleq; sentiendi cum de principio huius epistolæ grauiter confutauit Paulus, cum nullo loco, cum incidit, omittit, quin inflectitur. Nec Paulus tamen magis, quam ipsemet CHRISTVS. Illam enim sinceritatem Christiani animi, sanctamq; simplicitatem, quæ pura semper, & integra nititur conscientia, iste curiositatis, & malevolentiae liuor tanquam fuligine quadam sic infuscat, ut non amplius queat Deus in illa, tanquam in domicilio mundo residere. Ad nostrum igitur neminem spectat iudicium tale facere de eo, qui seruus CHRISTI sit effectus. Est enim is non nostra, sed aliena possessio, habetq; à quo iudicetur, & cuius uel lucro stet, uel detrimento concidat. Quanam nequit Deus quidem ullum in se ex factura nostra detrimentum accipere, sed ad amplificationem tamen gloriæ illius pertinere, plurimos esse, qui ei cum fide, & cum honore deseruiant: quorum salus, & uita lucrum est gloriæ Dei, damnumq; e contrario eorum mors, atque interitus. Est enim propria hæc seruorum, quatenus serui sunt, conditio, ut nemo eorum sibi ipsi uiuat, aut moriatur, sed utrumque agat domino suo. Nec uero quisquam ulla pecunia emptus tam sui domini seruus fuit, quam nos sumus serui IESV Christi. Empti enim sumus precio magno, ut Apostolus inquit, & uitam, quam uisimus, totam debemus Deo. Etenim ipse Christus ob hoc ipsum & mortuus est, & surrexit, ac reuixit, quod fieret dominus mortuorum, ac uiuentium. Mortuorum porro hoc loco intelligendum est, eorum, qui in hac uita stantes, ac spirantes, Deo tamen summo nō spirabant, atq; uiuebant: quorum ipse Christus mortuorum suscitator secum unā factus est. Nam & mortuus ipse est, ut isti cum eo simul cōmorerentur: & reuixit, ut iidem isti in nouam & incorruptam uitam restituerentur. Quod uero ad iudicandū hominū consilia, atq; facta uel proba, uel secus pertinet, nemo sibi assumat hanc curam, sollicitudinemq; iudicandi. Non deerit enim iudicium, cum sistendi simus omnes in nouissimo die ante tribunal Christi, neq; fideles tantū qui fuimus, & erimus: uerū omnes prorsus. Sic enim dominus per Esaiā: *Viuo ego, inquit, quæ est iuris iurandi formula uulgata apud Hebræos, ut cum aiebant: Viuit dominus, quoniā sic fieri quod erat idem, ac si iuraret ille, & diceret, per Deum uiuentē. Ita uiuo ego est, et per semetipsum iurat Deus. Sed quid ait dominus in Esaiā: Viuo ego, quod mihi flectetur omne genu, & omnis lingua conuertetur Deo. Reddet quoq; unusquisq; tunc nostrum suorum factorum rationem: quā obrem nequaq; inter nos nunc quidē iudicemus. Illud potius agendum, & iudicandum est à quoq; nostrū, ne creet quis offendiculū fratri suo, ne uel eum in duram suspensionē inducat. Habere uidemini, in quo uos alter alterū coarguatis. Hic quidem illum, ut imbecillū, & diffidentē spernit. Ille hunc, quod nimis eum fidere, longiusq; progredi suscipiat. Amputet uestri unusquisq; anam, quā occasione alteri dat male sentiendi: Tu qui cōfidis, de ista tua fiducia aliquid remittito, non in opinione quidem, & fide, sed in opere, ne quod cunctis sic passim & libere uteris, id tam uidere facere, quia ipse firmus es, quā ut proximi tui infirmitas contemnatur. Tu autē e contrario, qui alterius fiduciā cōdemnas, plus statue in fide illius roboris, & uirtutis esse ad consistendū, quā in cibus ad labefactandū, ut & tu quoq; addiscas melius tibi in domino, & in spiritualibus operibus fidere. Sic enim agēdo, & remittēdo uterq; ordo aliqui in accommodationē alterius, stabit, & cohererebit domus Dei, ac edificatio, quæ fidelium est societas, in uno mutæ charitatis spiritu iuncta, & coagmētata. Et cū ad*

omnes quidem pertinet sic facere, tum multo magis ad robustiores; hi sunt enim qui se inclinare debent, ac summittere, ut debiles sublevent, & secum deinde attollant, quando illi sua ut attollere se non possunt.

Scio, & confusus sum in domino Iesu, quod nihil commune est per se: nisi reputanti aliquid commune esse, illi est commune. Si autem propter edulium frater tuus cōtristatur, non iam secundum charitatē ambulas. Ne esu tuo illius terimas, pro quo Christus mortuus est. Ne accusetur igitur uestrum bonum. Non enim est regnum Dei esca, & potus, sed iustitia, & pax, & gaudium in spiritu sancto. Qui enim in his servit Christo, gratus Deo est, & probatus hominibus. Proinde ea, quæ pacis sunt sectemur, & quæ sunt ædificationis mutuae. Ne propter escam dissolvas opus Dei.

HÆC est remotio scrupuli cuiusdam, & suspitionis, quam uidebatur inherere Paulus in animis eorum, quos ad summittendum se debiliorum fratrum opinioni hortabatur, cum moneret, & obsecraret, ut desisteret potius ab illo libero usu omnium ciborum, quam fratrem imbecilliorē offensum sua libertate, in culpā, & crimen male opinandi conicerent. Nam etiam illos quoque infirmiores est hortatus, ut ne facerent iudicium de alieno seruo, quandoquidem omnes serui iam Christi essent, ne uel alienū ab se, & ad Deum pertiens sibi usurparent iudicandi officium: tamen cum robustioribus hoc agit diligentius, quod eos intelligit dociles magis existere. Nam illi quidem imbecilli imprudenter habebantur, usum esculentorum, non ut erat, sed ex animi, & ingenij sui imbecillitate metientes. Vult autem hos fortiores inducere ad sese demittendum, quando hoc ipsis facilius est, quam illis infirmioribus niti ad se erigendum. Remo uet ergo à uerbis suis, & à monitionibus suspicionem, ne forte uideatur illos ab usu promiscuo ciborum detertere, eò quod aliqua genera esculentorum immunda, & sordida sint: quod erat in prima illa ecclesia paulo ante ab Iudaismo egrediente uehementer suspiciosum. Non enim se inquit ea de causa facere, nam nec se arbitrari quicquid esse inquinatum, sed ut seruetur Dei ædificatio, quæ est fratrum pax inter se, & cōcordia spiritu sancto consilata atque conspirans. Scio equidem, inquit, & fidem habeo in Christo Iesu, qui has ciborum differēcias exæquauit, quod nihil est commune ex se, id est, sua ui, sua natura commune. Est autem commune uisitato scripturæ uocabulo idem, quod immundum, quod gentes communia omnia, Iudæi sua selecta genera escarū, eduliorumque habebant, quorū obseruatio non erat cum gentibus cōmunis. Ita in Actis Petrus, demisso e celo linteo, in quo cuncta animantium genera continebantur, iussus manare uulgo, & uesci: Minime, inquit, domine. Non enim quicquid commune, aut immundum ingreditur in os meum. Cui uox est reddita: Quod Deus mundauit, tu ne commune dixeris. Nihil igitur per se commune est. Vidit enim Deus omnia, quæ fecerat, & erant ualde bona. Sed sit commune opinione sua cuique, si quis uidelicet, quod commune, & immundum esse arbitratur, eo nihilominus uescatur. Hic enim sibi cōparat inquinamentum, non ab esca quiddē, sed ab opinione sua. Facit enim id, quod minime existimat esse faciendum, estque ipsemet suæ cōscientiæ aduersarius. Ne ergo Paulus quā illos dehortatur ab illis sumendis cibis, qui debilioribus fratribus iniungunt scrupulum, facere id uideatur ipsa ciborum ratione, tanquam cōmunium, ac inquinantiū, negat se quicquam exilimare commune eorum, quæ in escam accipiuntur, nec reuera esse commune, nisi ei, qui reputet aliquid esse commune. Sed etiam omnia recte edulia sumi possunt, non est tamen cibi, & epularū causa frater in tristitiā, & suspitionē coniciendus, qui in eo, quod spernitur, doleat necesse est, in quo uero alterum intuctur, line delictu cibis omnibus uescentem, suspicatur aliquid grauius, illamque libertatē edendi non ad fidem, sed ad intemperantiam putat pertinere. Est ergo hæc illi causa sic suspicandi auferenda, alioquin non secundum charitatem ambulas. Porro hoc uult charitas, ut frater tibi tuus, quam cibus charior sit, quem si in animi hæsitationem esu tuo induscis, abstine potius ab edendo, ne uel cum perime, pro quo Christus mortuus est: hoc est, ne

est, ne illi tribuito peccandi occasionem, qui à peccatis, ut extirgetur, Christus pro eo mortuus est. Et simul hic admonet, quantum fratris causa nos uelle debeamus, cui ipse etià Christus uitæ, & sanguinis sui putauerit se debitorē. Ac bonum quidem est nullum adhibere delectum ad cibos; sed hoc bonum ex altera parte noxium esse non debet, ut oblit fratri. Plus enim mali est charitate uiolanda, quam boni in eo, si illud ei bonum discrimen fustuleris. Neque enim regnum Dei esca, aut potus est, inquit, quæ magna per se non sunt, neque habent uim in pietate, & religione admodum animaduertendam, sed regnum Dei iustitia, pax quæ est, & gaudium spirituale. Id enim est in spiritus sancto ne hoc gaudium, quod regnum Dei est, ullo pacto ad corpus, & ad carnem referatur. Nā qui in his, inquit, seruit Christo, ille & Deo acceptus est, & hominibus probatus. Quapropter cedant minora maioribus, si occasio ferat, ut simul stare non possint. Bonum est ciborum tollere differentias, nec habere animum occupatum in discernendo: bonum nimirum habemus enim potiora in quibus melius, & sanctius curam animi ponamus. Sed si frater tuus ex tua illa libertate offenditur, melius multo est prospicere, & consulere fratri ac charitatem retinere fraternam. Namque distinctio illa ciborum, atque adeo etiam ex æquatio parum admodum pertinet ad regnum Dei. Pax autem, & charitas ipsum est Dei regnum. Abstine ergo & tu, ne tua indistinctio, ciborumque cœquatio sanctum hoc charitatis uinculū interrumpat, ne pacem uiolent, ne ue illam humanitatem, quam debemus fratri, quæ quidem germana, & propria iustitiæ est, ac bonitatis summi Dei imitatio, inficiat, ac turbet: ex quo spirituale gaudium illud corruptatur, quod non ex cibo nascitur, sed ex cōcordia inter fratres, & ex charitate: quod quidē gaudiū ex spiritu sancto regnū etià Dei à Christo est appellatum, cum dixit: Regnū Dei intra uos est, in hoc gaudio, in hac bonitate, & pace, qui Christo seruiunt, illi & Deo probati sunt, & hominibus. Quapropter quæ pacis sunt, precipue sectemur, retineamusque ædificationē mutuam qua inuicem nos adiuuamus, ut alter alteri uicissim demus causam letandi de nobis, beneque suspicandi: quam ædificationem cōcordiæ, & consensionis exemplis mutuis iustitiæ, humanitatisque construatam, proprium Dei opus, minime debet quicquam escarum causa dissoluere.

Omnia quidem pura, sed malum homini est, qui per offensionem ueloscitur. Bonum est non esse carnes, neque bibere uinum, neque in quo frater tuus offenditur, aut perturbatur, aut imbecillus fit. Tu fiduciam habes per te ipsum. Habe in conspectu Dei. Beatus qui non iudicat semetipsum in eo, quod probat. Qui autem ambigit, si comedat, condemnatus est, quia non ex fide. Omne autem, quod non ex fide, peccatum est.

QUAE PER se munda sunt, inquit, qualia quidem sunt omnia facta, & creata à summo Deo, sunt immunda tamen si gignant, & excitent in fratris animo scrupulū, & offensionem. Nam quod ex se bonum alioquin est, illo modo fit malum, cum ex eo frater perturbatur. Itaque idem ipse ad Corinthios scribens, inquit, Si esca perturbat fratrem meum, non edam ullo tempore carnes, ne perturbem fratrem. Quare etià econtrario, quod per se est malum abominari, & euitare esculentorum genera quædam uel delicti propter ipsa, tanquam ea suapte natura, & insita labe immunda sint, efficitur bonum, si propter eam causam uitentur, ut inde oriatur ædificatio fratris. Ac quod de illis legis inquinamentis, quæ sunt certis generibus eduliorum attributa, nequaquam loquatur Paulus, satis ex eo perspicuum est, quod etiam uino differit bonum abstinere, à quo frater abstinet imbecillus, ratus ex eo luxurię fomentum subijci. Quare mens Pauli tota est, ut ostendat, & doceat in rebus quidem ipsis, quantum ad discrimen, aut æqualitatem ciborum attinet, bonum, malumque accidere, si aut per superstitionem discernantur, aut recta, & libera animi fiducia ex æquentur: sed hoc bonū, malum uel, quod in æquando, aut discernendo est, non tanti tamen momenti ipsum esse, ut cum maiore bono, malo uel collatum non immutet naturam suam, atque in naturam illius maioris transeat, ut superstitio discernendi, & deligendi, etiam si nō bona sit, quia & inanis, & cura inutili occupata; si tamen fratris contineat ædificationem, ueluti bona

bona adfcienda fit, cōtraq; ex æquatio bona ex sese, si lædatur ex ea, & turbetur animus fratris, pro mala habenda fit, & rei scienda. Siquidem paci, & charitati, cōmodiq; prius proximi, q̃p̃ esse, & uiuo consulere obligati sumus. Ex quo fit, ut quod non bonum ex sese est, abstinere uidelicet uiuo, atq; carnibus, efficiatur bonū, si in eo fratris saluti, & tranquillitati animi consulatur. Erit enim tu, qui tua ipsius causa non abstinens, recte confidis, & persuasus es, nihil in carnium, uinūq; usu uitij, labatq; inesse: istā tamen tui animi fiduciam tecū habe, & aduersus Deum: in actum autem eā proferre, si tuus frater offenditur, abstinē, & desine. Ac beatus quidem ille est, qui expertus in semetipso, & usu iam edoctus nullum sibi genus cibi officere, neq; ad luxuriam, neq; ad distractionem animi à summo Deo, neq; ad fratris damnum, aut offensionem, in eo quod probat, esseq; rectum existimat, sine conscientie scrupulo ullo uersatur. Qui uero conscius sibi ipse est, si esculentis quibusuis libere uescatur, aliquid sibi unum horum incommodorum euenturum esse, si comedit is nihilominus, & uescitur, incidit in crimen, atq; ea re incidit, quod non ex fide comedit, hoc est, nō ex fiducia interiore, non ex libera conscientia, quæ cum re clamat, admoneatq; periculū esse nisi abstineatur, in non abstinendo commissum iam peccatū est. Quicquid enim contra iudicium conscientie committitur, in criminis, & uitij parte id numeratur, peccatumq; iudicatur. Si ergo iudicat quis non se posse absq; proximi offensione carnibus, & uiuo uti, & tamen utitur, quod non per se malum est, illi efficitur malum, quia suæ conscientie iudicio ille condemnatur. Etenim illa intima cordis approbatio, atque consensio in omnibus spectanda est, quæ si non re clamet solum, ac dissentiat, uerum hæret modo, & titubet, quod non de illius sententia, & suasionē factum sit, uim nanciscitur criminis, ut non nequequam antiquo prouerbio usurpatum sit, non esse faciendum, quod dubites. Sancte quoq; & recte Iob, Nunquam me in uita cor meum adhuc reprehendit, inquit, tanquam omnis cognitio, animaduersioneq; peccati ab illo intestino mentis, conscientiaq; oculo sit ducenda; qui cum solus finem intueatur, quod tenditur, solus habet etiam uerū, falsiq; necnon recti, prauiq; iudicium.

Debemus autem nos fortes imbecillitates impotentium subleuare, & nō placere nobis ipsis. Quilibet enim nostrum proximo placeat in bonum ad ædificationem. Etenim Christus non sibi ipsi placuit, sed sicut scriptum est: Opprobria opprobrantium tibi inciderunt in me. Quæcūq; enim antea scripta sunt, in nostram doctrinam sunt scripta, ut per patientiam, & consolationem scripturarum spem habeamus.

HAEC EST charitas uera, atq; plena, ut summittamus nos ad utilitatem fratris, quod illum paulatim parem nobis in uirtute, & fidei firmitate faciamus. Tu potes es uiuo abstinere, habes autem fratrem, qui te uult quidem, sed nequit imitari, ideoq; in periculum uitæ se dimittit, aut stomacho languēte à pietatis reliquis operibus abducitur; declina, & subueni fratri tuo, uinoq; & tu utere, ut illum ab illa opinione dimoueas. Aut econtrario, tibi uinum non obest, obest autem fratri tuo; atq; ille putans luxuriā esse in uiuo, quod & Paulus alibi admonuit, suadens ne inebriemur uiuo, quod in eo est luxuria, ipse abstinet sibi cauens, te uero, qui nō abstinens, miratur, & tacita sua suspitione de te male iudicat: demitte te ad fratris opinionē, ut ne causam illi prae suspicandi afferas. Deniq; piorum est, & prudentū, & cum ratione bona, consilioq; charitatem sectantium, non sua tantum niti sententia, nec suo ipsorum solum iudicio uiuere, sed accommodare sese, atq; inflectere ad aliorum quoq; sententiam, & iudiciū: siquidem illa inflexio, ad bonum illorum, quorum uoluntati te dedas, & ad illos in fide & charitate, omnibusq; Christianæ uirtutis operibus construendos intēta, aptaq; est. Atq; ex hoc illi meliores, & fortiores futuri sunt, posteaq; tecū unā ad sublimiorē gradum uirtutis ascensuri, ut cum eos, quasi manu traxeris in locum stabilem, atque tutum, ipse quidem nihil de firmitate tua constantiaq; perdidideris: proximo autē tuo pacioris animi, & conscientie sedatoris fueris author. Faciendū igitur nobis semper est, ut uitæ nostræ actiones, & consilia ad utilitatem, ac salutem proximi dirigamus.

mus; nec tam studeamus nobis ipsis, quàm fratribus satisfacere. Atque ut omnia Paulus sua consilia inde maxime cōprobet, unde omnis ueritas, & sapientiæ lumen omne est exortum, Christum exemplo inducit, quē hoc modo operatum nos imitari cūcti debeamus. Ille enim cū haberet, quare sibi merito, maximeque placeret, quod Dei filius cum esset, pari cum patre gloria, potentiæque fruebatur; demisit tamen sese, & tradidit in conditionem longe inferiorem, factusque homo est, ut eos qui humanæ erant conditionis, posset ad suam gloriam, regnūque perducere; descenditque ex alto, ut nos deinde attolleret in altum. Et sanè usitatum admodum Paulo est, cū suadere aliquid, aut dissuadere uult, exemplū ducere à Christo. Ad misericordiam ubi nos hortatur, Agnosce, inquit, gratiam domini, qui diues cum esset, pauper propter nos est effectus. Et rursus, cum ad mutuam charitatem hortatur, Sicut Christus nos dilexit, ait. Tolerantiam quoque cōtumeliarum, & insectationum, cruce, & ignominia domini nostri sæpe confirmat. Hoc quidem in loco testimonium Psalmi adducit, in quo Dauid cecinit ex persona Christi, Opprobria opprobantium tibi ceciderunt in me. Quibus in uerbis duplex Christi humilitas cernitur. Et quod cum esset Deus, cui nulla ex hominibus digna potest reddi gloria, factus est is, qui probriis esset, despicationibusque subiectus, hocque hominum causa. Et quod patris quoque sui omnipotentis Dei uicem subijt, cum submisit sese ludæis: insolentia, & prauitati, quæ illi patrem Deum & in solitudine in nis sæpe mandatis obtrecentes, falsosque sibi Deos in cōtumeliam ueri Dei adfiscerentes, omnibus modis exasperare conati fuerant. Namque omnia illa gentis præposteræ conuitia, & exprobramēta, quibus aduersus Deum uili sæpe fuerant, in Christū sunt collata. Scripta porro hæc, quorum uetus, & constans tot prius seculis authoritas, in Christo Iesu postea, & in eius uita, doctrina, factisque declarata est: propter hæc causam iam diu scripta sunt, ut nos illis edocti, & cōfirmati in patientia & spe uitam nostram eraducamus. Nam idcirco prophetae prædixerunt, ut postea euentus rerum, illorum prædictiones cū probasset, nos constans, & perpetuū consilium Dei duobus præclaris testimonij cognosceremus: quos alterum futura nobis indicaret, alterū iam facta, quæ prænunciabantur, ostenderet, nosque ex utroque solatium ingens in hisce mundi agitationibus adepti, & pateremur fortiter aduersa, & speraremus felicia. Felicia uero eiusmodi, in quibus nō dolor, nō mortis timor, nō incerti casus rerum humanarum, qualia aut locum ullum haberent: sed quæ futura essent summa, & immortalia, qualia apud unum Deum in altera illa uita tantū consequi licitum est. Et sanè, ut alio loco dictum est, spes & patientia ita se inuicē fulciunt, ut altera alterā & augeat, & sustineat. Quāto enim duriora & difficiliora propter Deū patimur, hoc meliore in spe sumus: & quo speramus alacrius, hoc sumus in perferendis rebus aduersis magis fortes.

Deus autem patientiæ, & consolationis det uobis idem sapere in uobis mutuò secundum Christum Iesum, ut unanimiter in uno ore glorificetis Deum, & patrem domini nostri Iesu Christi. Ideo suscipite inuicē uos, sicut & Christus suscepit nos in gloriam Dei. Dico autem Christum Iesum ministri fuisse circumcisionis pro ueritate Dei, ad cōfirmandum promissiones patrum. Gentes autem ut pro misericordia glorificarent Deum, sicut scriptum est: Propter hoc confitebor tibi in gentibus, & nomini tuo psallam. Et rursus dicit: Lætamini gentes cum populo eius. Et rursus: Laudate dominū omnes gentes, & collaudate eū omnes populi. Et item Esaias inquit: Emit radix Iesse, & erectus ad imperandum gentibus, in eos gentes sperabunt.

SCRIPTA sunt omnia, inquit, ad doctrinam nostram, ut per patientiam, & consolationem scripturarum spem habeamus. Verum hanc patientiam, & cōsolationem plenā habere ut possimus, tribuat nobis Deus, ut simus inter nos cōcordes, eademque sentiamus: quod idem sæpe ad Corinthios scribens illos admonet: Id ipsum dicatis omnes, inquit, Et alio loco: Idem sentire, pacem habete. Quem tamen unanims cō-

E c cordia

cordiæ consensum secundum CHRISTVM Iesum esse vult. Est enim cōsensio eorūdem voluntatum etiā mundanæ inter homines amicitie præceptum primarium. Sed nos diuina querimus, & ad unum Deum omnipotentem omnia referimus. In cuius honorem, & uenerationē, & gloriam consentire proprium est celestis, perfectæq; amicitie: consentire autem per Iesum Christum in Christo Iesu, inq; ea hinc, quæ à Christo nobis præcepta est. Et est ad eum finē dictum, ut & Iudæi, & gentes in eo unā consentiant, quando inter se aliquin sint dissidentes. Nam liue legē attendas, illa uni soli Iudæorū nationi, non cæteris gentibus lata est: Iue Dei cultum, in eo gētes longe aberrauere. Quod si dicatur ad legem licitum fuisse accedere etiam gētib; profelytosq; ex eo numero fuisse, qui se ex alienis ritibus, & gentibus legi Mosaicæ seruadæ addixissent, idcirco ne id illi faciebant, ut esset populo Israëlítico illa superbia, qua in construendo templo solos se liberos, seruilia autem opera per huiusmodi profelytos fieri debere omnia cōmemorabant: Nō est idoncum profecto uinculum cōmunis cōcordiæ superbia, cui quidem superbiæ lex causam præbebat. Vera est, & sola cunctos rum exæquatio Christus Iesus, apud quē non est diues, nec pauper: dominus, uel seruus: homo, aut femina: sed omēs in honore pari, & gratia sunt locati. Fidei enim mysterium humilitas tota est: atq; ubi de humanis agitur necessitatibus, maior pro alio, quam pro seipso sollicitudo, si æternæ salutis ratio ducatur, par certe de alijs, ac de se metipso cura ac diligētia. Quo in genere dūtaxat, uitæq; instituto fides erga Deum, & charitas perfecta inest. Est enim ipsa charitas alteri uelle, ac studere illud idē, quod sibi, neq; sua quæq; causa seorsum laborare, sed curare, ut eodem æque labore fratri consulatur, quod aliter fieri, quā in Christo non potest. Qui uero inuicem se sic fouent, & amplectuntur, quicq; inter se hoc pacto diligunt, ut in Deo omnes unī, idemq; sentiant. Hi Dei ministri ueri sunt, & unanimes cuncti, unoq; ore glorificant Deū. Ab uno enim spiritu, unaq; & eadem omnes uoluntate ad prædicandam Deo gloriā gratiamq; adducuntur. Atq; ut dico, hoc in solo Christo Iesu fas est fieri. Non enim iniuria Christus ad patrem opem ab eo discipulis suis, & prædicandum deprecans. In hoc cognoscent omnes, inquit, quod tu me misisti, si fuerint unum. Ac nemo quidē potest, nisi à Deo missus, uel potius ipse Deus, hanc conspirantem in cordibus hominū mutuatam inter ipsos uoluntatem creare, in unumq; sic consistere, ut nemo alius alijs in ea omnino antecellere uelit, sed omnes studeant esse pares: uel etiā qui præstantiores uitæ, prudentiaq; sunt, inferiorem hi locum, & conditionem appetant. Nāq; in humanis societatibus, & conuenticulis, cum illud imprimis queratur, ut aut unus præcipua potētia sit, aut certe ciuitas, genusq; hominū certum cæteris gentibus, nationibusq; dominetur, in quo unus aut paucorū emineat potestas, cæteri ducantur serui, Christus unus & omnibus esse ipse par, & reliquos inter se æquales uoluit esse. In hoc ergo iugo cōiuncti in unum cū gentibus Iudæi, omīssis proprijs uitæ prioris insignibus, in cōmuncm habitum, & uoluntatis, & fidei ad Dei omnipotentis gloriam cū cæteris cōueniant, & in angulari lapide CHRISTO coagmententur. Quod hoc modo optime facturi sunt, si quemadmodū Christus summiit, inflex itq; se ad eorū gradū, & cōditionem, quos erat seruaturus, sic nos inter nos ad eorū caput deflexerimus, qui fortasse nobis fuerint infirmiores, ut cum illis primo nos cōstituamus pares, quod deinde illos nobiscū ad altiora opera uirtutis, & fidei subleuemus. In quo est animorū consensus, & cōciliatio, quā maxime Deus à nobis postulat, & quæ per Iesum Christū nobis est demonstrata, & tradita. Etenim ille, ut compleat ueritatē Dei, Iudæos ad se adducit, gentes autem in eundem cœtum uocat, ut eiusdem Dei misericordiam demonstraret. Nam cum Iudæis in Abraam fuisset promissum ex eorum semine uenturum, in quo gentes omnes benedicerentur, idcirco sub circuncisione CHRISTVS nasci uoluit, ut seruaretur ueritas factorum posteritati Abraz: à Deo promissionum. Ut uero gentes ad cognitionem ueritatis eiusdem, & ad præmium celestis regni uocarentur, non promissio amplius extitit, sed Dei misericordia. Non enim ad illas, sed de illis facta fuerat olim semini Abraz promissio: sic unanimi corde prorsus omnes Deum glorificaturi sunt. Iudæi, quod ueritatem illius in seruando, quæ promissit, Populi gentium, quod eiusdem erga se misericordiam sunt laudaturi. Atq; hæc tamen gentium

gentium uocatio non minus ipsa ferè prophetarum uaticinijs denunciata, eorumq; uocibus tanto ante prædicta, quàm expectatio Iudeorum promissionis Dei exitit. Nam & Dauid in persona **CHRISTI** Deum patrem alloquens: Constitues me in caput gentium, inquit. Et paulo infra: Propter hoc confitebor tibi in gentibus, & psallam nomini tuo. Et alibi scriptura: Letamini gentes cum populo eius. In quo cōsensio gentium cum Iudeis in laude, & lætitia unius Dei nunciata est. Itemq; Dauid: Laudate Deum omnes gentes. & ut cum Iudeis concors sit laudatio, addit: Et collaudate eī omnes populi. Rursus **Isaias**: Erit radix Iesse, & qui exurget ut imperet gentibus, in eo gētes sperabunt. quod apertissime de **CHRISTO** fuisse dictum rerum exitus comprobatur. Nec est tergiversandi, aut calumniandi cuiquam locus. Vt ergo hic concentus concordis hymni, & ab uno ore, animoq; cunctorum conspirans, cōsentiensq; procedat Dei laudatio, quoniam & huius charitatis inter nos, iucundissimæq; concordie, & omnium bonorum nostrorum unus author nobis Deus est, ad eum ipsum orandum, ac precandum Deum conuertitur Paulus.

Deus autem spei impleat uos omni lætitia, & pace in credendo, ut abundetis in spe, in potentia spiritus sancti.

DEVS spei, inquit, in quo spes nostras figimus, qui finis est noster, & extremum bonorum omnium, uel unicum ipse bonum potius, quod aspiramus atq; cōtendimus, quicq; nobis exitit author missione **CHRISTI** Iesu filij sui, ut in eo uno locaretur spes nostras, impleat uos omni lætitia, & pace. hoc est, quod dixit supra, Deus consolationis. Et uere lætitiā, pacemq; in hac uita, nisi spei huius in Deum munere habere nō possumus. Nam nec læti esse illo sancto, spiritualiq; gaudio sine spe possumus futurorum bonorum: necq; habere stabilem pacem, si non à mundi huius bonis spero nostram dimoueamus, & in cœlum totam transferamus. Quapropter ista in Deo spes omnis nobis est lætitiæ, pacisq; firmamentum. Porro autem spes absq; fide haberi nequit. Deus ergo spei impleat uos omni lætitia, & pace in credendo, ut tanto magis abundet in uobis spes, quod firmiore fide fuerit nixa. Quorum utrunq; in uobis sit à spiritu sancto. Est enim hæc quasi functio propria spiritus sancti insinuandi in nos fidem, spem, amorem. In quo quidē amore præcipue est lætitia, atq; his tribus tota Christianæ religionis instructio cōtinetur. Pater enim filij misit, ut doceremur ab eo: eumq; ipse uoce à cœlo edita, ut audiremus, hortatus est. Filius accessit ad nos, uerboq; & exemplo nos erudit. Vim autē doctrinæ, & monitionis spiritus sanctus ad cor nostrū, & ad intestinos animi sensus influendo accōmodat, idcircoq; est dictū, Qui peccauerint in spiritum sanctū: hoc est, qui eum excluderint, qui fores animi illi non patefecerint, ueniam illos nō reperiunt. Et reuera parum prodest crucis, & mortis domini nostri **IESV** Christi audisse mysterium, eiusq; fidē, & nomen professum fuisse, si intro ad animum non allabatur uis, & potentia spiritus sancti, quæ molliat corda nostra, illaq; Deo prompta, parataq; exhibeat, ut ea cum præceptis Dei fingit, iustitiæq; imitatione formari, tum diuino amore incendi facile possint.

Persuasus sum porrò, fratres mei, & ipse ego de uobis, quod & ipsi pleni estis bonitatis, referti omni cognitione, ualentes & alijs præcipere. Audacius autem scripsi uobis fratres in aliqua parte, ut cōmonefaciens uos propter gratiam datam mihi à Deo, ut sim minister **IESV** Christi erga gētes, sacrum gerens ministerium Euangelij Dei, ut sit oblatio gentium bene acceptabilis, sanctificata in spiritu sancto.

PRVDENS Paulus & humilis, cum & doctoris officium, & præceptoris curā, diligentiamq; præstitisset, partimq; docuisset fidei **CHRISTI** mysteria, nimirū ex diuinis hausta illa consilijs, partim etiam quæ ad mores pertinent, & ad communem pacem, concordiamq; sunt idonea, admonuisset, fecissetq; utrunq; ob eam rem, quod egebant illi utroq; declinans nunc offensionem, excusat audaciam suam, quali non ignorans quidem & doctos illos quoq; & probos eximie esse, sed ut impleat munus à Deo sibi commissum, idcirco pro parte sua illos commune fecisset. Porro suum esse

munus datum sibi à Deo per gratiam, non ob meritum, ut foret ipse minister IESU Christi, erga gentes, delectus qui illud Dei Euangelium, quod à CHRISTO Iesu è coelo deportatum, & hominibus communicatum fuisset, disseminaret ubiq; & spargeret, ueluti sacerdos sacram curationem gerens, & diuinam rem inter homines transiens, ut quæ ex gentibus Deo futura esset oblatio, illa eidem Deo grata, optabilitq; existeret, tanquam sanctificata, non in sanguine, neq; in asperione cineris, aut aquæ, sed in spiritu sancto, quæ quidem propria est, & peculiaris in fide CHRISTI munus datio. Atq; ut consilium Dei de se ostendat, tanquã diploma officij, & muneris sui, breuiter narrare ingreditur, quã late CHRISTI Euangelium prædicauerit.

Habeo igitur gloriationem in CHRISTO Iesu in his, quæ ad Deum pertinent. Non enim audebo loqui quicquam eorum, quæ nõ operatus sit CHRISTVS per me ad credulitatem gentium, sermone, & opere in potestate signorum, & miraculorum, in potentia spiritus Dei, ut ab Hierusalem, & circum illam regionibus, usq; ad Illyrium referferim Euangelium CHRISTI, sic contendens Euangelizare, nõ ubi nominatus erat CHRISTVS, ne in alienum fundamentum ponerem ædificium: sed quemadmodum scriptum est, Quibus non nuntiatum fuit, de eo uidebunt: & qui non audiuerunt, intelligent. Ideoq; interruptus fui sæpe, quominus uenirem ad uos. Nunc autem non amplius locum habens in regionibus his, desiderium uero habens ueniendi ad uos à multis iam annis, cum iter faciam in Hispaniam, accedam ad uos. Spero enim præteriens uidere uos, & quod prosequemini me euntem illuc, cum uobis prius aliqua ex parte fuero saturatus. Nunc autem proficiscor in Hierusalem, ministrans sanctis. Placuit enim Macedoniæ, & Achaïæ communionem quandam facere in pauperes sanctos, qui sunt in Hierusalem. Placuit ipsis: Et sanè illis debitores sunt. Etenim si spiritualibus illorum communicatæ sunt gentes, debet hæc & in carnalibus suppeditare eis. Hoc igitur ubi perfecero, & consignauero illis fructum hunc, decedam per uos in Hispaniam. Scio autem, quod ueniens ad uos, in complemento benedictionis Euangelij CHRISTI ueniam.

HÆC DE suis factis prædicatio quoniam uidetur præferre quandam gloriam, ideo Paulus quicquid gloriæ est, ad Deum totum conuertit, nihil sibi, neque uirtuti suæ, sed omnia Deo, Christoq; tribuens, à quibus ipse minister adhibitus fuerit. Gloria, inquit, mea in CHRISTO Iesu est, & de eis rebus duntaxat, quæ pertinent ad Deum. Nihil enim mecum proloquor, sed quæ per me operatus est CHRISTVS, ex quibus fides, & credulitas gentium, sermone, & opere, meo quidem ut ministrantis, sed Dei ut operantis, in potestate signorum, & miraculorum, & in uirtute spiritus sancti excitata est. Et sanè ista opera eiusmodi sunt, ut humana sibi uirtus illa non queat adsciscere. Diuina enim planè sunt, & potentiam indicant immensam, omniaq; ualentem, quæ sunt per Paulum ab Deo ad hominum salutem gentibus administrata, & tradita. Quibus ego Deo fretus, inquit, ab Hierusalem ambiens regiones usque ad Illyrium inferi passim Euangelium CHRISTI, non ibi contendens prædicare ubi iam nominatus fuisset CHRISTVS, ne super alienum ædificare fundamentum: sed apud eos populos, & nationes, de quibus scriptis Esaias: Quibus non nuntiatum fuit de ipso, hi uidebunt: & qui nõ audiuerunt intelliget. Quod ab illo propheta prædictum est futurum, quoniam inter gentes per CHRISTVM celebrandus esset Deus: ideoq; inquit Paulus, hoc Euangelizandi negotio sæpius retardatus sum, quo minus cum euperem, proficisci possem ad uos. Et respondet huius epistolæ conclusio proemij etiam sententiæ, quatenus & excusationem quandam afferit libertatis suæ in docendo, monendoq; & desiderium eos uisendi præfert: Sed nunc, inquit, cum non amplius locum habeam in his regionibus, cum quod per

per me fuit faciendum, effectum sit, iamq; hoc negotio sim uacuuus, obsequar desiderio annorum iam multorum meo, ut ueniam ad uos tum, cum iter in Hispaniam faciam. Quid est autem, Locum non habeo? Num omnes ad fidem iam conuersi in tantis terrarum spatiis, & salutaribus documentis plene erant instructi? Nequaquam omnes: sed quos per Paulum Deus uoluit conuerti, hi conuersi iam, & eruditi in fidei doctrina fuerant. Sic & Dominus Paulo Corinthi multum sibi esse in illa ciuitate populum dixit. Sed quod in Hispaniam profecturus, & quasi corollarium itineris sui diuersionem ad urbem Romam facturum eos se inuisurum pollicetur, non ne illis futurum erat hoc molestum tanquam exigui amoris id signum esset? Erat fortasse, uerum id ueretur Paulus, ne grauius accipiant, si ad eos ipse tanquam magister, & censor uideatur accedere. Huic ergo suspicioni, quæ est acrior, mediatur, quod eum tanquam hospitem per gentem in alias terras, non ut assiduam doctorem essent accepturi. Et tamen illa amoris uerba affert, se tunc ad suum iter in Hispaniam egressurum ipsis etiam prosequentibus, cum eorum usu, & familiaritate, quando omnino non poterit, in quo est significatio uehemens cum amoris sui, & desiderij, tum illorum quocq; uirtutis, atq; humanitatis, aliqua tamen ex parte fuerit ipse saturatus. Nunc autem inquit, proficiscor Hierusalem subsidium pauperibus sanctis, qui sunt illi, à Macedonibus, & Achaïs defensores: quod subsidium communionem uocat ipse, siue ut communiter munus sanctis collatum, siue ut denotetur alterna quædam permutatio inter utrosq; facta, cum isti suppeditant carnalia, & suppeditati sint spiritualibus: quod & ipse paulopost quasi interpretatur, iustum, & debitum esse demonstrans, ut sic ab istis fiat, quando ipsi adiuti in spiritualibus, uicissim debent in carnalibus suppetias sanctis ferre. Hanc communionem cum illuc tulerò, & consignauero sanctis, inquit, tum decedam per uos in Hispaniam, quod deinde & fecit, ad urbem uti accederet, neque tam accederet tamen, quam traheretur. Vincit enim in Hierusalem, & ad Cæsare, ad quem prouocauerat reiectus, Romam sub custodia perductus est, in qua per biennium ex Actis Lucæ mansit, neq; de eius post in Hispaniam profectione, sed de morte, & martyrio in eadē urbe plurimorum literis, & uetustatis memoria est traditum. Scio enim, inquit, eū accessit ad uos, quod in complemento benedictionis Euangelij CHRISTI accedam, hoc est, Si quid deerit, siquid restat faciendum, aut intelligendum amplius, noster congressus, & aliquot dierum consuetudo, ac communicatio sermonis, & consiliorum explebit id ac perficiet, uel fortasse melius, quod eos offendet ita cumulos benedictione ea, quæ per Euangelium CHRISTI hominibus allata est: quæ quidem est in fide posita, & in uirtutibus illis, quæ ueram fidem sequuntur, ut non sit operæ precium futurū ditius apud eos commorari: quæ quasi quædam sit facti sui defensio, & ratio consilij inuit, quod eos in transitu, & non data opera sit inuisurus.

Obsecro autem uos fratres per Dominum nostrum IESUM Christum, & per dilectionem spiritus, ut collaboretis mecum in deprecationibus pro me, ad Deum, quo liberet à non credentibus in Iudæa, & ut ministratio hæc mea in Hierusalem grata sit sanctis, ut in gaudio ueniam ad uos per uoluntatem Dei, & requiescam uobiscum. Deus autem pacis cum omnibus uobis. Amen.

R V R S V S eleuat seueritatem superiorum monitionum, ac præceptorum tanquam non ea scripserit indigentibus, sed ut officij sui munus impleret. Itaq; & modo excusauit audaciam, & nunc optimam suam de illis indicat opinionem, quādo eorum ad Deum orationibus se iuuari cupit. Per dilectionem autē spiritus ait, quia cum ex uultu & facie Paulum nondum nossent, spiritu eū amabant, non sensu, quasi dicat, per amorem illum quo me incognitum, & nō uisum, mentibus tamen uestris amatis. Petit autem supplicari per eos Deo, ut ipse ab infidelibus Iudæis liberetur, quorum intelligebat acerbas, & implacabiles contra caput suum atq; uitam flagrare inimicitias, cum illi odio inexpressibili Paulum insequerentur. Quos illorum impetus, & quæ acerbitates ut gentis iniquissimæ iramq; & inimicitiam nulla lege moderantis, quibus in

Paulum postea grassati, atq; incitati sunt, qui nosse uult, ex Apostolorum discat actis: non ab re quidem, neq; inani metu ab illis Paulus se liberari oprat, cunctorumq; sibi auxilio apud Deum aduocat preces, itemq; ab eodem Deo, & per se, & per alios obsecrâdo postulat, ut sedulitatē suam, & subsidii, quod ipse fert sanctis, illi, quibus id deservitur, æqui boniq; consulant, gratumq; sibi habeant Pauli ministeriū. Eo enim opere confectio lætū se reuersurū ad eos, qui sunt Romæ, pollicetur, si Deo uolente fuerit datum, ut cū illis conquireat, nō solum reficendo ex labore itineris corpore, sed multo magis mēte spiritualibus epulis, & gaudio fraternæ pacis, charitatisq; recreanda. Atq; ut mos ei est, post obsecrationes, & monita, ut Deū semper aduocet, propitiumq; precetur, illis, quos est obsecratus, Deus pacis, inquit, sit cum omnibus uobis. Amen.

Commendo autem uobis Phæben sororem nostram, quæ est ministra Ecclesiæ in Cenchreis, ut eam excipiat in Domino, sicut decet sanctos, & aditis ei in quocunq; uobis eguerit negotio: nam & ipsa affuit multis, ac mihi ipsi. Salutate Priscam, & Aquilam, cooperarios meos in CHRISTO Iesu, qui pro uita mea suummet iugulum supposuerunt, quibus non ego solus gratiam habeo, sed & omnes Ecclesiæ gentium: et quæ domi est apud illos congregatio mea. Salutate Epenetum dilectum meum, qui est primitiæ Achaïæ in CHRISTO. Salutate Mariam, quæ multum laborauit erga nos. Salutate Andronicum, & Luniam cognatos meos, & cōcaptiuos meos, qui sunt insignes in Apostolis, qui & ante me fuerunt in CHRISTO. Salutate Ampliam dilectum meum in Domino. Salutate Vrbānum cooperarium nostrum in CHRISTO, & Stachyn dilectum meum. Salutate Apellem probatū in CHRISTO. Salutate eos, qui sunt ex Aristobuli familia. Salutate Herodionem cognatum meum. Salutate eos, qui sunt ex Narcissi familia in Domino. Salutate Triphenam, & Triphosam, quæ laborant in Domino. Salutate Persiden dilectam, quæ multum laborauit in Domino. Salutate Ruffum electum in Domino, matremq; ipsius, & meam. Salutate Asyncritum, Phlegontem, Hermam, Patrobam, Mercurium, & qui cum his sunt fratres. Salutate Philologum, & Iuliam, Nereum, & sororem eius, & Olympam, & qui cum his sunt omnes sanctos. Salutate inuicem uos in osculo sancto. Salutant uos Ecclesiæ CHRISTI.

HÆC saluatio nominatim multis missa cum humanitatem ostendit Pauli, uirtutemq; illorum, quibus salus missa est: tum uero nobis lumen præfert, ut intelligamus, quo pacto CHRISTI nomen fuerat Romam allatum. Multi enim ex hoc numero Iudæi sunt, quos in illo furore persecutionis, quo Iudæi CHRISTI discipulos ex Iudæa expulerunt, nouæq; fidei surgenti, & crebrescēti illa exterminatione interitum & obliuionem posse afferri rati, illam per orbem magis terrarum disseminauerunt, feceruntq; iniquitate suæ iniuriæ clarā inter gentes, ac illustrem. Vrbis Roma ad se uenientes excepit, illorumq; uocibus erudiri cepta, paulatim nomen Domini IESU Christi didicit non aspernari. Atque hi quidem primo cum suæ gentis hominibus colloqui, quorum semper erat in urbe magna copia, quibusdam eorum persuaserunt, ut ad fidem CHRISTI se conferrent. Deinde etiam inter natiuos Italos, aliarumq; nationum homines sanctum CHRISTI Iesu nomē uulgari, & adorari est ceptum. Cumq; conuentus cunctorum gregatim fierent, eorūq; in unum Iudæi cum gentibus, Ienibus à principijs exortæ erāt discordiæ, quod Iudæi præsertim recens conuerſi, legis nomen, & auctoritatem relinquere non poterant: gentes uero cum se faciles CHRISTO, docilesq; præberent, legi obligari, & se addicere recusabant. Ita paulatim crescente dissensione, animi illorum inter se mutuò exasperabantur: nec tantum poterant

poterant habere authoritatis Priscilla, & Aquila, Andronicus, & Iunius, ceterique ex Iudæa noui hospites, & aduenæ, ut comprimere penitus, & sedare ualerent lites, contentionescq; inter fratres commotas. Proinde alium quoq; fructum illis affert ista saluatio, quod Apostoli testimonium, quod graue & sanctum apud omnes habebatur, propter sapientiam quidem etiam & celebres uirtutes Pauli, sed multo etiam magis propter cōuersionis modum commemoratum apud omnes, quo à C H R I S T O ipse fuerat uocatus atque compulsus, illi qui recte de fide sentiebāt, ceterorum opinio nibus, & mentibus commendantur, quod plus in eorum sententia ponderis, & momenti apud fratres existeret. Sunt autem omnes fere non sine aliqua insigni laude nominati. Ac Phæbe quidem fuit, quæ pertulit hanc epistolam, Priscilla autem, & Aquila etiam Lucas perhibet testimonium non solum religionis, atque uirtutis, uerum etiam cum Paulo familiaritatis, & amicitiae, qui etiam cum illis necessitudine hospitij coniunctus fuit. Nam quod se illi pro eo morti, & periculo obicerint, non est quidem nomen natum in historia scriptū, sed argumento sunt hæc Pauli uerba eos in Iudæa, cum effer uesceret Iudæorum in ecclesiam C H R I S T I crudelitas, præcipueq; Paulum illa uis furoris appeteret, hos causam fortassis Pauli, & sententiam descendentes, in discrimen capitis fuisse ipsos adductos. Magnam certe se illis gratiam debere testatur Paulus, & propter se ceteras quoq; gentium Ecclesias, quæ ueritatis à Paulo habere notionem acquiuiscent, nisi istorū duorum opera incolumis ipse illis seruatus fuisset. Andronicus autem, & Iuliam quæ afficere honore, & laude maiore possit, quam eos insignes inter Apostolos uocare: Domus porro Narcissi, illius ut opinor, qui Claudij Cæsaris libertus imprimis gratus, & potens, principio imperij Neronis Agrippinæ opera est interfecit, uel mortuo iam tunc Domino aliqua adhuc ex parte cohercebat, uel tempus, quo scripta est hæc epistola, non exiguum ante aduentum Pauli ad urbem significat. Sed nos de his, quæ incerta nobis sunt, nihil diffinimus. Illud tenemus certo, iam rum constata ex Iudæis, & gentibus Ecclesiam Romæ constituisse, quæ à fugientibus ex Iudæa discipulis C H R I S T I congregata primò esset. Illi enim narrandis rebus gestis Domini, & miris illius operibus prædicandis, quæ præsertim etiam ipsi signis, & uirtutibus comprobarent, illexerant complurium animos, ut sanctissimam illam, omniumq; saluberrimam acciperent doctrinā, quæ est Deo per C H R I S T U M Iesum in sola spe, & cupiditate celestium præmiorum, mundanis rebus contemptis, uelle & adhærere, & credere. Illa in his salutationibus subiuncta est hortatio, ut saluent inuicem se in osculo sancto, quod tanquam pignus sit reconciliatæ inter omnes gratiæ, discordiæq; pacatæ, & animarum in unum spiritum, uoluntatemq; conuenientium pius consensus. Salutem illis postremo ab Ecclesijs C H R I S T I, quas ipse constituerat, uel per eum C H R I S T U S, uerbis impartit. Atq; ut non humano more terminet epistolam, sed ad Christianum reuertatur institutum, subiungit rursus salubre præceptum, ut deuitent eorum consuetudinem, qui per præpositam, peruersamq; doctrinam lites, & seditiones inter ipsos disseminant.

Adhortor autem uos fratres animaduertere eos, qui dissidia, & offensiones præter doctrinam, quam uos didicistis faciunt, & declinate ab eis. Hi enim tales Domino I E S U Christo non seruiunt, sed suo sibi uentri, & per bonum, benedicuntq; sermonē decipiūt corda minime malorum. Nam obedientia uestra in omnes permeauit. Gaudeo igitur de eo quod in uobis est. Volo autem uos sapientes quidem esse in bonum, simplices uero in malum. Deus autem pacis conteret Satanam, sub pedibus uestris cito. Gratia Domini nostri I E S U Christi uobiscum sit.

SOLENT enim qui sunt fraudulentiores, & uasri prætexere honestos, probosq; sermones prauitatis suæ, ut cum authoritatem sibi, nomēq; comparauerint, tum demum effundant uenenum suæ impietatis, sibiq; commoda comparent, non illis consulant, quorum se profitentur doctores, ac magistros. Atq; hi hoc se facilius agere posse

posse confidunt, cum sunt, & uersantur inter simplices, hoc est inter eos, qui audiūt quidem libenter omnia, quæ ad fidem, & pietatem existimant pertinere, animū autem eorum, qui docent, & cōsiliū exitum haud ita perspicunt, sed quo ipsi animo simplici, rectoq; sunt, eodem doctores suos esse præditos arbitrantur, suntq; ad auscultandum, & ad parcendum imprimis faciles. Quales nimirum isti erant, quibus Paulus annu-
ciat obedientiæ, & humilitatis ab omnibus gentibus dari testimonium. Igitur leni eos, & sancta monitione corrigit, ut hanc quidem bonitatem cordisq; puritatem adhibeat ad ea, quæ mala sunt, quali totius generis eius, quod in fraude, & malitia, & nimio amore suimet consilii, expertes penitus, rudesq; sint: ad discernendum autē, & distinguendum, quæ sunt bona, prudentiam sibi, & calliditatem retineat, ut sciant segregare mala, & deuitare. Qui autem poterunt, dixerit aliquis, si ipsi malarum artium ignari omnino fuerint, illa in alijs uisita ad declinandum pernoscere? Quia inquam, quod bonum est, cum tenuerint, & scierint, omnem à bono, & recto declinationem facillime intelligunt malum esse, nec se ab arce boni consilij, ullius malo consilio patientur deijci. Satis est enim contrarijs in duobus illud experiri, & nosse, quod est præstantius, quandoquidem alterum, quod est inferius huius præstantioris ueluti discessus, & defectio quædā est. Itaq; & Dominus discipulos suos monuit, ut prudētes essent, sicut serpētes, simplices uero ut columbæ. Et reuera nosse malū, ut malum est, præclara est imprimis, utilisq; scientia. Fugitur enim ab omnibus omnino malum, cū cognoscitur. Boni autē ignorantia maximū est malorum omnium. Hæc enim facit, ut sæpe pro bonis mala accipiamus, uitamq; nostrā propterea acerbis, & uarijs mororibus, & curis insectam habeamus. Quod si fuerimus ad intelligenda bona expectati, & callidi, scientiā mali cognoscemus illius esse fugam, & deuitationem: Deus autē pacis, inquit, cōteret Sathānam sub pedibus uestris, ut non perturbet pacem uestram, quam & inter uos tueri, & erga Deū ipsum præcipue debetis. Pax enim erga Deum sanctitas est uitæ, per quam etiam cū hominibus dissidia, dissensionesq; excluduntur. Gratia autē Domini I E S V Christi fidei donum est, perfectiæ illius uidelicet, quæ uiuida spe, charitatēq; munica, & in hac uita solidam lætitiā præbet hominibus, & in altera æternam beatitudinem.

Salutat uos Timotheus cooperarius meus, & Lucius, & Iason, & Sosipater cognati mei. Saluto uos ego Terentius, qui scripsi hanc epistolam in Domino. Salutat uos Caius hospes meus, & Ecclesiæ totius. Salutat uos Erastus gubernator ciuitatis, & Quartus frater. Gratia domini nostri I E S V Christi sit cum omnibus uobis. Amen.

HÆ INTERPOSITÆ relatæq; salutationes simplicitatem illam cordium declarant, quæ Christianorum debet esse propria. Non enim ordinem laurum illum seruant, & elegantem, sed tanquam undis quibusdam amoris feruntur, & referuntur: idq; imprimis præferunt, quod mos amantium continet, ut ne uideantur posse à scribendo, quasi à colloquio charissimorum discedere. Atque ut omnis bonorum operum inceptio ab Deo oriatur, & item ad Dei gloriam terminetur, subiungit tanquam basim epistolæ Christiani mysterij breuem commemorationem ad summū Dei honorem, gloriamq; telatam, sic inquit;

Ei autem, qui potens est nos firmare secundum Euangelium meum, & præconium I E S V Christi per reuelationem mysterij, temporibus æternis taciti, patefacti autem nunc, & per scripturas propheticas secundum præceptum æterni Dei in obedientiam fidei in omnes gentes notificati, soli sapienti Deo per I E S V M Christum, cui gloria in secula. Amen.

HÆC alio quodam huius epistolæ loco uerba à doctoribus Græcis posita leguntur, quæ nobis uisa sunt in hoc fini scriptionis sat commode quadrare. Est autem breuis commemoratio ferè cunctorum, quæ antè dicta sunt. De hoc enim mysterio fidei potissimum est disputatum, Quod à nobis quoque strictim hic repetendum est.

Etenim

Etenim æternum Dei altissimi consilium tam inde à principio extitit, hominē impiis nobilem creationem suam uelle sibi adiungere, & participem facere liberalitatis suæ. Verum ita hoc uoluit, ut tanti honoris præmium non ignauit, delidit, uel proponeret; sed industris, & fortitudini. Itaq; solum in mundum hunc inferiorē induxit, præfecitq; rebus omnibus, & comitatu locuplete sensui honestauit, quorum dūcū, atq; subsidio appeteret, & compararet sibi ipse ea, quæ utilia, ac salutaria esse cognouisset, deuitaretq; contraria. Mentem autem in eo, & rationē natam ad dominandum, principem totius animi inseruit, quē in ipso ortus principio ignara quodāmodo sui, & uim suam non sentiens, mox processu temporis, & rerū usu condoccacta agnosceret semetipsam, illudq; primum intelligeret se id potissimum in homine existerē, quod colendum esset, & omnibus modis in honore habēdum, quod tum quidem ipsi meritō cōtingeret, si nosset ipsā præcipue, & modis omnibus ueneraretur auctorem, & principem, & conditorem sui Deum. Hac conditione, & natura primus homo factus, & in possessionem præclarissimæ uirtutis ab Deo statim inductus, cum sua culpa, & crimine haud ita multo posset, defecisset, mentiq; imperium quod in regendis sensibus habebat, conseruare propriū neglexisset, præterito imperio omnipotentis Dei, ipse quoq; est æternam in seditionem, & continens bellum cum semetipso datus, atq; repulsus, sedibusq; cōmutatis, cum e requie in labore, & paradiso incultum in terram immigrasset, curis, solitudinibus, operum labore, cupiditatibus quoq; uariis, & turbulentis, fallis ut plurimum gaudijs, ueris doloribus implicatus est, atq; ita implicatus, ut exoluere se ipse, subleuaretq; deinceps, aut erigere ad Deum, nisi illo opem sibi afferente non posset. Non desisteat quidem Deus, quāuis rebbelli hominē, & ad deteriora semper proclui atq; prono, humanitatem tamen, & misericordiā, & clementiam suam ostentare, nunc docendo illum, nunc adiuuando, nunc somnijs, uisus, oraculisq; deterrendo, multa quoq; ignoscebat, alia dissimulabat, quæ quamquam crimina essent, tamen quod à summi sceleris culpa aberant, nequaquam hominē tunc exprobrabantur. Sed cum corrupta hominis natura longius se ab Deo semper abduceret, cumq; bonitatem omnipotentis Dei, memoriamq; accepti ab eo beneficij non obliuione solum, uerum contemptu etiam, & impietate obrueret, ad obruendum ipse uicissim genus nostrum illuisione aquarum est adductus, quasi nouam de integro orationem institueret. Atq; ut exspiret, num genus humanū, quod ille beneficiō ad colendum imprimis creatorem suum non potuisset, compressum poena, atq; supplicio ad meliorem aliquando mentem se conuerteret, cui etiam consilio, & rationi summi Dei cum improbitas hominū aduersaretur, omnesq; ferē cōmuni quasi constituto, atq; pacto ad ementitos, & falsos pro spei quilibet suæ errore colendos Deos se conserrent, nō amplius ratus hominē temeritati suæ permitti penitus oportere, aliquot sibi ipse elegit ex illa prisca, & celebrata antiquitate uiros, quos maiore quodam conatu, & clarioribus suæ beneuolentiæ signis in sui nominis honore, & cultu retineret, quod potissimum Dei occulto, inferutabiliq; iudicio parenti fidei nostræ Abrahæ cōtingit, ex quo gens deinde nata, profectaq; est, quæ lege per Moysen à Deo lata, à nationibus reliquis hac una re distincta est, quod sola persistit, atq; mansit in ueneratione, & cultu unius Dei, anceps illa quidem sæpe etiam, & lubrica, sed tamen quæ diuinis fulta subsidij hoc in orbe terrarum exemplum inter mori non fineret, unum esse solum in coelo, & in terra hominibus colendum, & adorandum Deū. Huic porrō genti ita electæ à Deo, atq; adiectæ eiusmodi erat tradita lex, quæ eos quidem in terra spes suas, & suorum optata bonos collocare nō prohiberet, sed illos ea ipsā bona expetere, & poscere, à summo tamen Deo, atq; illi accepta referre cōsuēderet, ut si ex una parte natio illa mundana esset, ex altera tamen parte existeret cœlestis. Non enim ab uno extremorum ad contrarium extremum alterum illico transitus est, sed oportet per interiecta, & media ad finē optimum peruenire. Hac igitur lege diuturnis manēte temporibus, cum illius quoq; sensim diminui uis, & oblolescere authoritas coepisset, aut siqui constanter eam retinuissent, omnia illi iam nō ad ueritatem, neq; ad intestinam animi uirtutem, sed ad superstitionis cultum magis conuerterent, essentq; peccata & facinora inter homines hoc grauiora, quod obicibus maioribus uictis, atq; prostratis,

eis, & tanquā repagulis continentiae refractis, uniuersa improbitas cateruatim se effu-
 derat; tum uero statuit Deus bonitatis semper suae, & misericordiae incommensurabili
 & ultimo suo beneficio cunctum hominum genus sibi obligare, & adiungere, missioq;
 filio suo in carne, naturaq; hominis nō solum ueniam nobis ab se atq; pacem, sed pa-
 trum etiam nomen, illamq; charitatem, quae in patris affectu erga filios est innata ob-
 tulit, & pollicitus est, si nos uicissim infidos illos & turbidos mundi amores deponen-
 tes in ipsum Deum amorem omnem nostrum, omne animi studium contulissimus,
 neq; in his, quae mundi sunt, sed in ijs, quae ab ipso maiora nobis multo ac praestantiora
 proponuntur, figere spes nostras, & cupiditate illorū flagrare instituissemus. Hic mihi
 nemo obijciat, quid ita per hōce gradus Deus tam consiliorū suorum, quam tempo-
 rum, ac non de principio statim hac opitulandi ratione usus sit, ut benignitate magis,
 quam poena nos uinceret. Nescit enim qui talia opponit, profectō cogitare, quae sint
 curricula, & processus diuinae prouidentiae, quae in seipsa stabilitas, unaq; semper, habet
 in creatis rebus interualla, neq; se aliter ostenderet, si nō distincta foret spatij, & ope-
 ribus. Quid enim dixerim ego fructibus terrae habendis, cur annum tempus datum
 est, ac nō protinus fata continuo demessa sunt? Quod si his ad pubem, frugemq; per-
 ducēdis ortus, & auctio, & maturitas est attributa, alioquin si progressus isti nō sunt,
 & ueluti gradus, neq; tempora distinguuntur, conuerti sit necessariū, omniscq;
 & motus rerum, & uarietas, & differētia fuerit sublata: si inquam, omnibus in rebus,
 quae sub motu naturae sunt, quaedam primum ingressiones, deinde morae, mox repre-
 hensiones instituti conatus, & aduersus impediētia luctationes, cursus deinde libe-
 rior, appropinquationesq; ad potiundum finem suum existunt, quae omnes interuallis
 quibuscumq;, & uelut passibus paulatim productae, curriculum tandē omne emētun-
 tur, cuius stultitiae est quærere, & sciscitari hoc in ipso Deo, cuius cōsilia aeternis pon-
 derata rationibus ad opportunitates temporū dimensa, effectibus dispersita, uno ta-
 men, atq; eodē fini ad salutem hominū gradatim ab eo de prompta, & patefacta sunt?
 Voluit igitur Deus in extremo tempore, aeterno suo ex consilio nouū, & inexpectatū
 beneficium hominibus asserre, ut unigenitum filium suum pro nobis uitae mortae-
 si, & uitam illam cōsequentibus æternis, necnon ludibrijs, ignominijs, morti, cruci-
 q; addiceret, ad eum finem, ut nos praclaro illo, admirabiliq; exemplo e mundi periculis
 euelleret, sibiq; cōiungeret. Et quoniam durius esse hoc uidebatur, tam multarū rerū
 succundissimarū, quae et terra nobis blandiuntur, tāta uarietate diuelli, in **CHRISTO**
 suscitatione ascensuq; in caelum ostenderet, quanto maiora contemptoribus terrae no-
 rum bonorū, & in caelo mentes suas collocantibus, ac diuiniore apud Deum premia
 essent proposita. Ut enim heri, & nudius tertius disputauiamus, in **CHRISTO** ipse
 oratio est, & sermo Dei patris habitus ad homines, per quem ueram doctrinam nacti
 sumus ad ipsius salutis, & immortalitatis, si Deo ipsi credere, & fidem illi habere
 summi, & aeterni boni nostri in animū induxerimus: quod quoniam sine **CHRISTO**
 facere non possumus, ipse enim Dei ueritas est, & Dei cōsiliū; & in ipso generis hu-
 mani cum Deo reconciliatio, cuius unus ipse potuit esse author: in ipso mors carnis
 nostrae peccati, & propterea uera totius hominis uita, quod ipsius morte & sanguine
 salui facti sumus, idemq; ipse uita nostra, atq; iter, quo ad Deum perueniamus, totum
 in **CHRISTO** situm est salutis hominū mysterium. De quo quādo satis hoc bīduo
 dictum est, illa q; a nobis, quae inspirante Deo prolata de eo exposita q; sunt, omnia lu-
 lius frater habere se dixit in cōmentario relata, petetis ab eo, cū uobis liberit: quod
 quidem ad haec pertinet Pauli uerba, patere uobis iam arbitror hoc mysteriū aeterno
 ex tempore absconditū omnibus, & occultum fuisse: neq; hominibus solū, uerum etiā
 angelis, non quā in parte eius aliquam aliqui aliquando prospexerint, tum angelū, tum
 etiam homines, sed quod totum planē nunquam cuiquā est patefactum. Vidit Hiero-
 nymus uim nouae legis, quae in cordibus hominū uocem suam, non autem in litera am-
 plius expressura esset: Vidit Esaias ducē melioris seculi deformatum, & contemptū,
 suo more, & luctu laticiam ceteris, gaudiumq; afferentem: Vidit multi propheta-
 rarū, & patriarcharū de **CHRISTO** multa, neq; enim omnia hic referri est necesse:
 sed ut plures complura uiderint, illud tamen foedus inenarrabileq; coniugium diui-

nitatis

nitatis cum humanitate nemo satis uidere, aut percipere potuit unquam. Qui uero præpotenti Deo propiores semper sunt, alsidueq; allant in eius conspectu angeli, possitantes, & celestes mentes reliquæ facile quidem illi nocebant collegam prope iussu, & socium eiusdem naturæ hominem in errore idco lapsu, auersumq; plane ab Deo, quod nimis magnam rationem terrenorum bonorum duceret, huicq; malo, quod lex non fecerat, datum sibi remedium à Deo præuidebant; tantam illam tamen humanitatem, tam inauditam, inusitatamq; elementiam, tam incredibilem Dei erga homines amorem ne potuerunt quidem suspicari, ut filium is mitteret ueluti legatum suæ uoluntatis. Primum hoc quanti? Deinde ut ad mortem, & ad ignominiam mitteret, hoc uero est, quod cum attendere, & considerare incipimus, si nolumus plane ferre, in lacrymas, & gemitus erumpamus oportet, tantum ne amor est, tantum ne de nobis studium, tantam cupiditatem, & curam salutis incolumitatisq; nostræ suscepit Deus, nos ut iudicari dignos, quorum gratia æqualem sibi filium, non minorem solum angelis, sed ne potentibus quidē & claris inter homines uiris parum efficeret: cum & antea sæpe patriarchis, & prophetis, ipsoq; ad nos angelos uel ministerio docendos, & adiuuandos uisus esset. Verum hoc, quod postea faciū, ipsa celestis exercitus multitudo donato in paupere tugurio **CHRISTO** admirata uoce sua imprimis, cantuq; celestibus, pastores mox cognouerunt, nos mortales reliqui maximo nostro cum bono, incomparabili erga nos omnipotentis Dei beneficio senlimus, ante aliquot secula prophetarum uaticinijs, & prædictionibus significatum, annuntiatu, promulgatum; non tamen quantum nec cuiusmodi futurū esset, potuit plane intelligi, quo quidem diuino suo munere, & filij sui exemplo nos instituit Deus, ut illi, quoad homini fas est, fieri uelimus similes, unamq; in hac Dei imitatione, & similitudine, quæ ex fide iustifica- tio sæpe dicta Paulo est, uirtutis ueræ, & constantis rationem cōstituiamus. Nam cetera quidem, quæ ex mundanis honoribus, atq; laudibus, uel ex ipsa etiam traduntur philosophia uirtutum curricula, atq; inuitamenta, neq; soliditatem habent stabilem, neq; ad immortalitatis præmium nos deducunt. Hæc similitudo Dei ex imitatione **IESU** Christi una sola est, crepido stabilitatis nostræ, eadem inuicta seculis, immota cupiditatibus, quæ cum ueluti procellæ quædam & tempestates uitam nostram assidue quatiant, hæc fide **CHRISTI** sola frangi, & propullari queunt. Firmati enim à Deo per fidem à iustitiam, in eaq; statuti, cum **CHRISTUM** habeamus uerbū patris, uitam nobis per aspera, & ardua aperientem, principemq; ipsum subeuntem, atq; excipientem durissimos mundi casus, quo illi leuiiores deinde, & tolerabiliiores in nos incidant, præcuntem quoq; nobis in cœlium, & suo illuc ascensu eodem nos uocantē, nos spe illorum celestium bonorū incitati, neq; abducimur postea mundi blanditijs, nec asperitatibus deterremur, quin certi, atq; constantes etiam si offendimus interdū in uia, & labimur, mente tamen, atq; animo in Deo lixeramus. Hæc itaq; firmitas nobis ab Deo ex Euangelio Pauli est, quod est totum præconiu **IESU** Christi, in quo mysterium nostræ salutis nunc demum reuelatū est, quod ex æternis seculis delituit, obsecrumq; permansit, tamen si Deus per prophetas suos aliquas eius partes in omnes mundi oras uoluit promulgari, idcirco, p̄ effectū, ut late diffusum Iudeorū nomen, & in omnibus ferē prouincijs, ac ciuitatibus disseminata illa natio legis suæ uim, & nationē hominib; proponeret, quo **IESU** Christi futuri seruatoris testimoniū prædicato ubiq; inter homines, & publicato, cum ipse postea **CHRISTVS** aduentasset, facilius à gentibus, planiusq; agnosceretur, fidesq; eius, tanq; unici filij Dei acciperetur. Huic igitur sic nos firmanti, & curanti, & tantopere nos amanti soli sapienti Deo honor à nobis, & gloria per **IESUM** Christum dominū nostrum in seculorū sempiternas ætates. Amen. **HIC TRIVLTIVS**: Iure sanē, inquit, atq; addeceat ita fieri. Solus enim & sapiens, & laudabilis est Deus, qui si etiā non alio nobis indicio suam beneuolentiam ostendisset, q̄ quod mūdo inferiori nos præfecit, cæterorumq; animantium cunctorū cōstituit dominos; esset tamen eius liberalitas & sapientia cum amore nobis, & cum ueneratione omni recolenda. Cum uero humanis beneficijs, nō contentus, diuini etiam hereditatis præmium nobis proposuerit, atq; id nos facilius, ut adipisci possimus post multa, uariāq; suæ prouidentia, doctrināq; indicia, filiū suum uni-

cum postremo legauit ad terras, moritq; cum pro nobis, & in crucem tolli permiserit, quod nos cum eo unā in terrenis nostris affectibus mūdo crucifixi, nihil nisi coelestia, & alta cogitauerimus, qd possumus quēso amoris, & gratiē Deo, quod tanto illius, & tam singulari beneficio respōdeat, à nostra parte exhibere: Equidem angor animo non hæc ubiq; gentiū cognita, & diuulgata esse, quæ disputata heri à te, & nudius tertius, nos hodie tantum quasi delibando tractauimus, & ea tamen breui ipsa cōmemoratio perspicuam ostendunt sui luminis ueritatem, Quid enim potest esse illustrius q̃ esse unicum hunc æternæ, & ueræ assequendæ beatitudinis modum, si ab Deo primum egressi, ad Deum item nos recipiamus, quod nostræ perpetuæ salutis mysteriū totum abstrusum olim gentibus, iudeis dimidia ex parte datum, nos integrū, & plenū in omnem partem accepimus. Dux porro, & monstrator huius mysterij solus CHRISTVS. Neq; hoc tantū, sed & ipse mysterium, sic enim te exponente cognouit, id quod magis, magisq; deinceps animo uoluitans intelligo esse uerissimū, CHRISTVM ipsum doctrinam, & uerbum existerē patris nos mouentis, & condocēfacientis, si cōlestium bonorū compotes esse uelimus, orationem suam nobis perdiscēdam, hoc est, CHRISTVM induendū, & præ nobis ferendū esse, hoc est, iterū ut inter pretemur, mundanis amoribus deserendis, & cōlestibus capessendis solam Dei gratiam, & cum eo cognationē nobis appetendam. Cuius rei documētum nobis est ipse CHRISTVS, missus ob hoc ipsum ē coelo, & quatenus homo ad hanc ipsam rem creatus totus, atq; factus, nomen ut nobis filiorū Dei, & paternam secū celi hæreditatem tanq; charissimis fratribus cōmunicaret. Hoc igitur ut dico, tam p̃spiciat sapientia, & ueritatis lumen, quod ueluti fulgur ē medijs olim regionibus terræ in omnes circūcirca rerum fines emicuit, uocēq; ea insōnuit, ut nō illa ab homine prolata uox, sed ē coelo edita plane intelligeretur; quo quidem tempore cunctæ propemodū gentes & nationes quantumuis terræ & barbaræ ad Deū seclē facili, & ad CHRISTVM contulerunt: hoc, inquam, lumen nunc relanguisse usq; adeo, ut nō iam firmo, & recto intuentibus oculo, sed quali hallucinātibz apparere uideatur. De his loquor, qui illud quoquo modo tamen accipiunt, & se id præferre suis actionibus p̃sentunt: à multa maxima uero parte aut ignorari idem illud, aut etiam contemnī, quis p̃ hominis sensu præditus grauisime potest nō dolere? Cernimus Christianum nomen cō deducum esse, primū ut qui illud tenent, & norunt, uerbo quidem usurpent, re autem, atq; factis omnia alia potius consecrentur, q̃ quæ sunt huic professioni, & nomini consensanea. Nolim equidē integris, probisq; hominibus, quicūq; illi sunt, & ubicūq; terrarum cōstituti, ullam meis uerbis labem, maculamq; asserre. Non enim hos reprehēdere, aut uiolare intendo; sed de cōmuni hominū, qui se ostendunt, & offerūt more, & de uisitato genere uiuendū loquor, quod in eo positū nunc est, ut uideamus omnes ferē querere, quæ sua sunt, ut Apostolus ait, nō quæ IESV Christi. Atq; utinam tamen quæ sua essent, quærent, neq; in alienis uano labore uersarētur, dum solitudines suas ad eas res conferunt, quarū propria, & certa nunq; est possessio. Etenim quid magis propriū, magisq; copulatum, atq; hærens, q̃ sibi unusquisq;? Et tamen qui hoc cogitet, & sapiat, suamq; imprimis integritatē, & suimet curet incolumitatē quotus ille reperitur? Imminemus foras pene omnes, & nostrimet obliui ad illa externa propendimus, quæ sonitu, & rumoribus complent aures nostras, falsosq; splēdore oculos perstringunt, quibus dum potiamur, & compotes eorum sumus, exinanimus nosmet ipsos ueritate propriorum bonorū, iustitiæq; & fidei, & ipsius sæpenumero Dei, qui solus salus nostra est, cum possessione fallacium bonorum facimus commutationem. Nam quod uita plena est simulationis, insidiarū, mendaciū, quod adulamus, quod uultus fingimus, quod assentamur præsentibus, absentes lacramus, quod dū ad optata nostra perueniamus, non acquiritis, non concordia, non publici commodi, non pietatis, aut charitatis, aut religionis ducimus rationem, quis nō intelligat causas omnium malorum, quæ Christianam iam diu depopulata Remp. sunt, hodieq; maxime & uasstant, & depopulantur, in hoc errore hominū, & communis uitæ confusione consistere: Eo enim adducti his moribus sumus, ut nō amplius uideamur, neq; nostro cōsilio salui fieri posse, neq; Dei ope, atq; auxilio, propterea quod alterū inuicis cæcati cupidita

cupiditatibus nō uidemus, altero sumus indigni. Itaq; præter bella, & seditiones intestinas, quibus longo iam tempore laborat Christiana Reip. accessit paucis his annis grauis ista hæresis, quæ & concordiam publicam, & religionis auctoritatem aliquot in locis uehementer cōminuit, metuq; legum sublato, suapte sponte homines ad carnis licentiam, & ad cupiditatum studia profectos, non solum exoluit timore, frenosq; conscientie, sed animauit etiam ultro, atq; ad explēdos improbos animorum affectus hortata est. Nam quid de nostro, & fidei nostræ ac religionis perpetuo hoste principe Turcarum dicam; cuius admirabiles & inauditi fortunæ cursus non ne indicant manifestō alienatum à nobis Dei animum, & abhorrentem ab utilitatibus nostris illius uolūtatem esse: ut quoniā nos, quod debemus, id minime agimus, hostis noster quicquid ipse agit, facile sibi id factu, & quasi paratum inueniat. Atq; ut appareat magis, quæ sit in hac re uolūtas, & quod iudiciū summi Dei, potest ne esse ceteris quicq; quā si uelimus nos, hoc est, si principes nostri in unum consentiant, facile illum res pressum ab his, in quæ imminet, quæ nobis ex amplo, & uetere Christiani nominis imperio pauca iam reliqua sunt facta: neq; hoc solū, uerum etiam ex illis, quæ iam diu occupat, quæ ex damnis nostris possidet, non maximo negotio eum ex pulsum iri? Nihil est profectō, quod patere possit magis. Quid igitur est causæ, quod non prouidetur, quod non occurratur, quod impendens cunctis exitum nō attenditur? Cæci, cæci, inquam, sumus, neq; conspicimus, quid timere oporteat, quid cauere & cēsum sit, desertiq; à Deo, & derelicti, nec cōsiliū capiendi, nec bonæ rationis ineundæ ullā habemus facultatem. Atq; ille quidē aucto suo in immensum, amplificatoq; imperio, quod ex ruinis totum nostris coagmetauit, atq; extruxit, nō contentus Syriā, Aegyptiōq; quā paucis his annis, armis est adeptus, cum Aliam cunctam nobis antea abstulisset, Græciam occupauisset, Illyriū esset uniuersam depopulatus, *munitissima* recens nūc quoq; Pannoniæ oppida expugnauit, imminetq; regno illi, quod si ceperit, ac possederit, quantū quo minus accipiat, nihil à nobis remediū paratū esse uideo, non posthac mari discretū quoquo modo hostem, sed in faucibus Italiæ habiturū sumus. Recitantur quoties in senatu literæ, etenim illie legatione, ut scitis, profusum Pontifici fungitur uir nobilissimus Siculorum, idemq; line omni controuersia prudētissimus Antonius Pulleo Burgius, tuus Sadolecte uetus amicus, atq; hospes, de quo tibi maxime debet esse notum, tua enim istæ est curatio, tuū munus de his, quæ ad regnum illud, & legationem pertinent, Pontificem quotidie cōsulendi, literisq; accipiendis, & mittendis rerum, ac temporum cōsilia cōmunicandi. Sed ut dicere insinueram, leguntur in senatu crebrō literæ summum illarum nationū periculum significantes, nec tamē spem ullam ostendentes salutis: nili forte tale quid eueniat, quo hostis ab instituto, & uoluntate huiusmodi deducatur: ita illi uolenti in manibus uictorū esse legati nostri renūntiant. Quā in re maxime notare, & animaduertere soleo Clementis septimi Pontificis maximi pietatē, bonitatemq; qui cum & tanto pondere auri, quantum ab ipso effici potuit, regno illi subuenerit, & labore, cura, uigilijsq; nihil prætermittat, quin omnia tentet, atq; experietur, si quid bonæ salutis collabentibus illis rebus queat afferre: tum autē uultu, aspectuq; denunciat dolore animi se cōtabescere, neq; ullam diurnæ, aut nocturnæ partem capere quietis: dignus profectō, cuius & assiduas preces ex alto Deus, & quotidiana monita, atq; cōsilia Christiani in terris principes exaudiant. Sed uidetis, quæ impedimenta sunt, flagramus in Italia bello acerbō, ac diuturno, duobus potentissimis regibus inter se decertantibus, qui totū robur Christiani nominis secū deferunt: quorū non meum quidem est diiudicare cōtroversias, illud meū, ut de FRANCISCO Rege Christianissimo id dicam, quod aut meus in illū amor, aut meum perpetuū, & constans de ipsius uirtute, & magnitudine animi iudiciū me cogit dicere. Sic enim mihi persuasum habeo, si illi aliquando contingerit liberū esse ab his socialibus bellis, quæ dum res repetit suas, necessariō suscipere coactus est, hanc eum provinciam, expeditionemq; liberandæ ab hostibus Christianæ Reipublicæ, & suscepturū maximo animo, & nauaturū fortiter esse, quod ut sperem adducor, non solum ex eis, quas conspicio in eo esse, uirtutibus, quod honoris, quod laudis, quod eius gloriæ præcipue cupidus est, quæ sit ad Deum ipsum, & ad Reipus-


blicæ commodum conuerſa, ſed eò etiam magis, quòd ipſe in ſermonibus, quotidianaſq; colloquijs ſingularè quoddam ſemper eius rei ſtudium, & inſignem cupiditatē præſeferet. Etenim eo eſt animo præditus, ut ſe à nemine ſuorum proauorum, atq; maiorum, qui plurcs multa, & magna pro Chriſtiana Republica egerunt, in hac præclara laude paſſurus ſit ſuperari: utinam modo acerbæ illæ diſcordiæ, exitialesq; contentiones, quæ tanto publico officiunt bono, Dei primum opẽ, ac beneficio, tum deinde Clementis pontificis noſtri conſilio, qui nihil aliud dies, noctesq; cogitat, ad tolerabilem aliquam conditionem finiatur, paciſq; & compoſitione quandoq; terminetur. In qua quidem cura, & labore pacificandi uideo te Sadolete, cum in intimis rerum deliberationibus Pontifici aſſidue adſis, laborare præcipue, & præter cæteros ſollicitum eſſe. **SVM ENIM VERO**, inquam, nec mihi quicquam eſt optatius, quàm intueri aliquando quieſcentem Italiam, & iſta ipſa arma, quæ tam facile uiſbrantur inter nos, pro propugnatione fidelis **CHRISTI** aduerſus impios hoſtes cõuerſa aſpicere. Habeo autem mecum eiſdem muneris, animiq; collegam, hunc, qui ætate quidam adhuc pene adoleſcens, ingenio, uirtute, eloquentia, cum ſummis uiris eſt comparandus, Benedic̃um Accoltum Archiepiſcopum Rauennæ. Sed quàm facile ſit in medijs ipſis ardoribus inimicitiarum animis contentione, itaq; exaſperatè ſanum, & ſalubre ualere poſſe cõſilium, exiſtimare ipſi per uoſmetipſos poteſtis. Pontifex quidem optimo animo, & incredibili urget ſtudio, ut molliantur corda, paciſq; aliqua cogitatio ſuſcipiatur. Sed nihil adhuc profechum eſt, Deo, ut ego ſuſpicor, noſtris rationibus ſuorum perſugia auxiliorum obſtruẽtes: qui quoniam unde ipſe abeſt, nihil ibi omnino recti, nec cõmodi capi poteſt conſilij, à nobis Triulti orandus, atq; obſecrandus eſt, ut populos aliquando ſuos benigniore oculo aſpicere dignetur. **FACIUN DVX** id quidem eſt, inquit, & fuit his aliquot annis etiam factum, cum Leone decimæ pontificis maximo quinquennales illæ induciæ in omni Chriſtiano nomine indiactæ fuerunt, quo quidem tempore conſilare inter homines uſu rerum edoctos, & ſapientes intelligebam uno illo in conſilio, & in illa una ſaltem ad tempus ſuſcepta Chriſtianiorem principum concordia, ſalutem Chriſtianæ Reipublicæ conſiſtere. Sed ut reuertar ad Deum, cum eſſemus tunc in ſenatu, literaſq; omnium pene principum habueremus ſignificantes animi mororem, quem ex felicitate, & uictoria hoſtis noſtri Turcæ eorum quiſq; cepiſſet (etenim tempore illo Turcarum rex Syriam, atq; Aegyptum armis occuparat, uidebaturq; nouis imperijs auctus, & maiore multo quam prius, ac propè duplicata cumulatꝝ potentia ad inferendum nobis detrimenta, atq; clades futurus parator) recorder initum fuiſſe nobis repente id cõſilium, ut in quinquenniũ fedus, & amicitiam Chriſtianis principibus indiceremus, decerneremusq; omnipotenti Deo aliquot dierum ad omnia templa, & puluinaſque ſupplicationes, ut quando nos noſtris operibus nil mereremur, ſua iſis miſericordia, & bonitate opem ferret Chriſtianæ Reipublicæ, eoſq; qui ipſius ſanctum nomen colerent tamen, atq; adorarent, à poteſtate, & libidine crudeliſſimorum hoſtium redderet ſaluos, quas tum ſupplicationes omnibus in locis, à cunctis qui Chriſtianam Rempublicam ſaluam cuſperent, cum coniugibus, & liberis iuſſimus celebrari. Dixit ſententiam in ſenatu hoſi omni grauitate, ſapientia, autoritateq; ampliffimus Antonius à Monte, qui iam diu in principibus eſt noſtri ordinis, cui ad unum omnes fuimus aſſenſi, nec potuit meo quidem iudicio ſapientius tum agi, quàm actum fuit. Et ſanè in tantis mororif, & triſtitia tenebris, quantæ animos cunctorum tunc occupauerant, lux quadam ſpei bonæ, ſalutisq; communis ceperat apparere, niſi illud lumen optimi conſilij familiaris iſta noſtrarum caligo cupiditatum cito extinxiſſet. **AST EGO**, inquit, Iulius cum in Gallia tunc eſſem, fui enim illis in locis, ut meminiffe poteſtis, biennij, cum Bernardus Diuiſius Bibienna ſummi ingenij, & magni conſilij uir, ex uelſtro Triulti ordine cardinalis legatus ibidem ſummi pontificis exiſſet, egoq; omnibus illis in rebus, & conſilijs ſemper intereſſem, dicam quod uidi egomet, aſſuſq; præſens, cum fieret, neque hunc clariffimum, & præſtantiſſimum regem ſuæ uirtutis, & gloriæ teſtimonio fraudabo, qui cum hac ipſa de re, induciſq; edictis, cauſaq; quam obrem edictæ illæ fuiſſent, literas, & nuncios ab urbe accepiſſet, itemq; de eadem re à nobis


à nobis fuisset edoctus, uehementer cōmotus animo, & Christianæ detrimētum reli-
gionis grauius ferens, quam amplificata hostium potentia proximā esse periculo in-
telligebat, non cōtinuo respondit, diemq; sibi potius sumplit ad deliberandum, quæ
cum uenisset dies, effectq; frequens coactum nobilissimorū procerum, & grauissimorū
hominum, ornatissimorumq; conciliū, pro suggestu instituit respondere; credo;
ut quod erat Deo, & fidei CHRISTI oblaturus, id in cōuentu illustriū, grauiorūq;
uiorum & testatū magis, & maiore firmitate ratum esset. Atq; ibi cōmemoratis ma-
ximis beneficijs, quæ sibi tam in se ipso, quam in maioribus suis diuinitus collata fuis-
sent, suaq; expolita cupiditate referendæ, quoad liceret, Deo gratias, obtulit ad extre-
mum, pollicitusq; est, si Christiani ceteri principes inducijs assensu essent, causamq;
Dei priuatis dissensionibus præuertendam esse constituisent, sese cum quadraginta
millibus peditum, duobus millibus cataphractorum equitum ad bellum, atq; in expe-
ditionem aduersus Turcas iturum, neq; antè finem facturum, quā profligato bello,
atq; confecto, aut uitam suā quam deuouerit Deo, aut ueteres prouincias, quas Chri-
stianæ fidei primum Reipublicæ impij hostes crispauissent, eidem Deo restituisset. Quo
ego spectaculo nullum unquā me arbitror maius uisurū, neq; magnificētius. Etenim
cum uirtus regis, atq; animus, illaq; mentis magnitudo, qua insigni præditus est, totā
se in illo factio tunc ostendit, ac patefecit: tum uero nos in eam spem, atq; opinionem
omnes discessimus, ut non amplius de metu, aut periculo, sed de uictorijs, ac trium-
phis cogitari à nobis putaremus oportere: quæ tamen spes, ut dixi, celeriter nobis è
manibus elapsa est, quorū culpa non dico, est enim uobis positū ante oculos. Illud me
reor, grauiq; ex eo dolore animi afficior, qd iam ad omniū nostrum perniciem, & certe
ad perspicuā infamiam nominis Christiani pertinet, quod ex his nostris importunis
simis dissensionibus principem Turcarum Imperium orbis terre affectum, & uagan-
tē, quā uelit impune, omniaq; corripiendi intelligere uideo facultatē sibi esse cōcessam.

TVM LANGEVS: Quæ tu luli de rege nostro palam ab eo facta, atq; dicta uis-
disse te ais, ego qui illius consilijs intimus sum, totamq; eius uitam speculor, quippe
qui in cubiculo semper illi sum pxi-mus, facile asseuerare tibi possum eo animo fuisse
dicta, ut non consilium repentino captum, sed perpetuæ in eo uoluntatis testis oratio
illa extiterit. Atq; utinā uidere intēius possētis domesticas illius actiones, & priuata
studia, amaretis profectō humanitatē, liberalitatem, bonitatem, quæ et si extrā quoq;
& in publicum proferuntur, domi tamen, atq; intus expressiora sunt. Nam quod ad
hanc in fidei hostes expeditionē pertinet, noui ego illius motus animi, & conatus, nil
nisi de laude, & de gloria cogitantes, scioq; quanta is rerum magnarum flagret cupi-
ditate gerendarū, utq; totus ad Deum, & ad studiū tutandæ religionis sit conuersus.
Quod quidem in hac nouarum hæresum, atq; opinionum labe à suis populis propul-
sanda facillē potestis animaduertere. Itaq; sperare iure debemus, si hac illius firmata, &
stabilis uoluntate occasione ipsi Deus, & ab his ciuilibus penē, ut ita dicam, quæ inter
Christianos agitantur, dissidijs pacē, ociumq; præbuerit, futurum cum Christiani no-
minis in ueterem potentiam, amplitudinemq; uindicandi, & auctorem, & principem.

V TINA M, inquam, Langee hoc ita fiat, sicq; iubeat ille, qui omnium potens est
Deus, quæ rogamus supplices, ut in cōstituenda quando illi cunq; fuerit uisum salute
nominis nostri, quod certe externis, intestinisq; hostibus, sed multo etiam magis uita
hominum corrupta, & cōtaminatis moribus grauius laborat, hanc uelit propriā esse
gloriā FRANCISCI Regis nostri Christianissimī, ut ipse electus præcipue à Deo
ad hoc præclarū munus uirtute, & uictoria, & felicitate Christianam Rempub. stabili-
tate, cuius deinde gloria beneficij in uniuersa posteritate perpetua, illustrisq; sit. Cui
à nobis Deo soli potēti, & sapienti, & optima semper uolenti iterum ac sapius, atq;
adeo semper honor sit, & gloria in sempiterna secula. Amen. HIC idem omnes cum
precati essent, Deumq; supplices cum pietate adorauissent, tamq; in Vaticanum nos
ad suas quenq; de Republica curas dici tempus reuocaret, soluto coetu discessimus.







1-5-3

